

4. 5. 330

THE UNIVERSITY OF CHICAGO



THE UNIVERSITY OF CHICAGO
LIBRARY
1000 S. MICHIGAN AVE.
CHICAGO, ILL. 60607
TEL: 773-936-3000
FAX: 773-936-3000



. IX 54

A



31

CLERICUS ROMANUS

CONTRA NIMIUM RIGOREM MUNITUS
DUPLICI LIBRO

QUORUM UNO
VETERIS ECCLESIE SEVERITATEM,
ALTERO
PRÆSENTIS ECCLESIE BENIGNITATEM
*A Rigidiorum quorundam Scriptorum
Calumniis vindicat*

P. BALDASSAR FRANCOLINUS
SOCIETATIS JESU THEOLOGUS.



ROMÆ, MDCCV. Typis Cajetani Zenobii SS. D. N
CLEMENTIS XI. Typographi, & Scalptoris,
ante Seminarium Romanum.

SUPERIORUM FACULTATE.

4.5.330



DIVO PETRO
APOSTOLORUM
PRINCIPI.



UDACIAE meę veniam,
ut spero , dabis Apo-
STOLORUM PRINCEPS sanctissime , quòd
ad te accedere non reformidem , quòd
Pedes exosculer Tuos , quòd has meas
§ 2 Dispu-

Disputationes dedicem Tibi . Ut enim
accedam Benignitas tua facit : ut Pe-
des exosculer Tuos , meus in te amor
facit ; ut has Disputationes dedicem
Tibi , plura faciunt . Et primò Religio ;
siquidem jam dudum me totum Tibi
mancipavi . Secundò necessitas Patroci-
nii Tui . Tertiò Argumentum ipsum .
Defendunt illæ Veterem Ecclesiam &
ab ea crudelitatem arcent . Defendunt
Ecclesiam præsentem , & ab ea laxita-
tem propulsant . Ecclesiam tuam de-
fendunt . Te superstitem in utraque de-
fendunt , aut potius defendere gestiunt .
Sed quem defendere gestiunt , non de-
fendent , nisi defendantur . Insurgent in
illas hostes multi : accusabunt audaciæ ,
temeritatis , laxitatis . Incassum tamen ,
si telis opponas Clipeum Patrocinii Tui .
Id efficere , penè dixerim , debes , ut
Te , Tuæque defendas , & honorem Di-
vinum . An non Divini honoris defensio
sit defensio Sacramenti , defensio Pœ-
nitent-

nitentiæ , à qua rigor absterret , ut forte
 absterritus ipse fuisses, nisi tecum quam-
 vis inconstanti , & perjuro benignè ,
 & misericorditer egisset Magister Tuus
 Divinus ? Ex ejus benignitate factum
 fuit , ut Gallicinio excitareris , ut resi-
 pisceres , ut fleres , ut redires , ut reci-
 pereris , ut veniâ donareris , ut disceres
 cum aliis esse benignus . Fuiſti jam , se-
 pties , & septuagies septies ignoscens ,
 primus omnium in Concilio pro beni-
 gnitate pugnans , & onere Mosaicæ Le-
 gis Gentiles Neophitos liberans . Sis
 etiam modò de Cœlo , favens agen-
 ti causam Pœnitentium , & vindicans
 à calumniis vindicem sanctæ benigni-
 tatis .

MICHAEL- ANGELUS TAMBURINUS

Vicarius Generalis Societatis JESU .

CUM Librum , cui titulus : *Clericus Romanus contra nimium Rigorem munitus* ,
Authore P. Balthassare Francolino Societatis
nostræ Sacerdote conscriptum , aliquot ejus-
dem Societatis Theologi recognoverint , &
in lucem edi posse probaverint , facultatem
facimus, ut typis mandetur, si iis, ad quos per-
tinet ita videbitur, cujus rei gratiâ has literas
manu nostrâ subscriptas, & Sigillo nostro
munitas dedimus.

Romæ 11. Decembris 1704.

Michael- Angelus Tamburinus .

Im-

14

Imprimatur,
Si videbitur Reverendis. P. Mag. Sac.
Pal. Apost.

*Dominicus de Zaulis Episcopus
Verulanus Vicesgerens.*

CUM ex Commissione Reverendissimi Patris Sacri Apostolici Palatii Magistri, Paulini Bernardinii Ordinis Prædicatorum, mihi remissa fuerit revisio libri, cui Titulus est. *Clericus Romanus contra nimium Rigorem munitus*, Auctore P. Baldaßare Francolino Societatis Jesu Theologo, Ipsum legi, & accurate perlegi, doctrinam, eruditionem, perspicacitatem, cum Veritate conjunctam Auctoris admirans, omnibus Ecclesiasticis, proinde, & Confessariis præcipuè, perutilem fore duxi, & publicæ luci, ad Moralis Theologiæ Professorum, profectum, communeque commodum, dandum censeo.

Datum ex Conventu SS. XII. Apostolorum Romæ, die 8. Decembris 1074.

*Frater Ludovicus Ceva, Sac. Theol. Mag. Ord. Min.
Con. & Sac. Cong. super Indicem, Consultor.*

JUssu Reverendiss. P. Sac. Pal. Apost. Mag.
legi librum cui titulus est . *Clericus Ro-*
manus contra nimium Rigorem munitus , Au-
ctore P. Baldaßare Francolino Societatis Jesu
Theologo . Nihil in eo deprehendi fidei mo-
rumque disciplinæ repugnans , quin potius
adèd operosè , ac doctè compositum , ad eva-
dendam utriusque partis nimiam laxitatem
& extremum rigorem , ut Christianæ Ec-
clesiæ studiosis plurimum conferre valeat .
Quamobrem ad ampliorem eorum eruditio-
nem & fructum ut ad lucem prodire possit ,
eidem subscribo .

Frater Hyacinthus Fonseca Sac. Theol. Mag.
& ex Provincialis Ord. Præd.

Imprimatur .

Fr. Paulinus Bernardinus Ord. Præd.
Sac. Apost. Pal. Mag.

AD

AD LECTOREM.



Revertas quaeso animum , Lector humanissime , iis de quibus praeponderari debes omnino , antequam librum hunc meum evolvere incipias .

Et 1. velim ut animum afferas nulli Parti addictum , nec benignitatis studiosum , nec rigoris amantem . Velim te benignum in me , ut ingenium , stilum , aliaque huiusmodi excuses , quae fortè meliora desideres , at nihil benignum in ea , quae leges , sed etiam nihil malignum ; nec excusare , nec accusare paratum : nec te Actorem volo , nec Advocatum , Judicem volo .

2. Judicem te volo , sed nec statim , ut aliquid legeris , nec postquam multa legeris , sed cum omnia legeris , Et quae legeris expendaris , habitâ ratione temporum , Et locorum diversorum . Id nisi feceris , contraria Et secum pugnantia me scribere dices . Opus autem erit lectione

con-

continua, aut non nimis disiuncta. Nam qui unam hodie disputationem, alteram post mensem legit, quamvis omnes libri partes legat, totum librum non legit. Nec velim percurrendo legas. Totum te ista postulant, non oculos tantum. Sed quid, si totum librum sic legere nequeas? Nihil, rogo, legas; aut non legas, ut iudices; imo nec ut loquaris de libro quidquam. Hoc sane difficile, fac ergo illud quod est facillimum, nihil legas.

3. Si verò librum perlegere totum vacat, ut id facilius præstes, quamvis quid intendam, libri titulus, primæ paginæ inscriptus, doceat, docebo tamen explicatius, quidque me ad scribendum impulerit, dicam. Cæpere jam ab aliquot annis in Belgio quamplurimi, non pauci in Galliis, aliqui in Italia, ut à quibusdam suis doctrinis speculativis, quas exagitari videbant, omnem erroris suspicionem propularent, rigorem quendam in doctrinis moralibus profiteri, Recentiores, quibus exagita-

gita-

gitabantur, in invidiam vocare omnes, omnes præter suos, appellare palpones, laxones, Patrum desertores, & rursus Sacramentum Pœnitentiæ rigidius quàm par est administrare, quodque pejus est, ita administrandum docere, unde ingentes turbæ excitatæ, inducti plurimi Confessarii, ut ab hoc tam necessario, tamque utili sacramento administrando subducerent se se, ne se in laqueos induerent, & plurimi Pœniteentes ab hoc sacramento tam rigidè, nempe post plures scrutationes, probationes, dilationes administrato, ita absterriti, aut revocati, ut in aliquibus Parochiis per aliquot annos aliqui hoc sacramentum, Parocho ipso approbante, nunquam susceperint, ut Episcopus qui Romæ nunc primaria dignitate, & morum gravitate, prudentiâque eminent, diacesim hoc morbo laborantem lustrare, & curare olim iussus, testatur. Id me movit, non quidem ut tanto malo mederer (quis enim ego sum, qui id mihi promittam?) Sed ut scriberem

ali-

aliquid, quo morborum hujusmodi curan-
dorum peritiores juvari possint, ut Apothe-
carii, & Pharmacopola juvantur ab insi-
mis quibusque Ruricolis, qui simplices
herbas postea seligendas asportant.

4. Quia verò hujus rigoris Magi-
stri putant, & firmissimè putant, exem-
plum sequi se veteris Ecclesiæ, quam in
doctrina morali, & præsertim in hujus
sacramenti administratione rigidissimam
fuisse dicunt, & longe aliam à præsentì
Ecclesia quam vocant nimis benignam, id
à me curandum maxime statui, ut hujus
erroris fundamentum subruerem, ostende-
remque, nec veterem Ecclesiam fuisse adeo
rigidam, ut ipsi putant, nec præsentem
Ecclesiam esse adeo benignam, ut emendari
debeat. Illud primum ostendet primus li-
der duodecim disputationibus, quibus duo-
decim antiquæ Severitatis (ut putant)
articulos, rejicit, ut veras in veterem Ec-
clesiam Calumnias. Hoc alterum alter li-
ber demonstrare conabitur duodecim aliis
dispu-

disputationibus, quibus totidem calumnias contra præsentis Ecclesiæ benignitatem excogitatas dissipare contendet. Ille autem finis est, ne rigidus sis, nec laxus, sed discretus. Discretum ergo Doctorem induo cum Rigido Doctore disputantem, ut utriusque indolem & sensus perspicias melius, & jucundius. Id enim dicendi genus gratius esse solet Lectori, cui non videtur doceri ipse, sed alius quispiam ad colloquendum vocatus, & rursus stilum Dialogus admittit liberiores, & aliquo sale respersum, ut à Lectoribus tædium arceat. Hinc habes, cur aliquando Doctorem rigidum vellicem: non illum incessere, aut ledere volo, sed excitare te forte ad dormiscentem.

5. *Nec putes me illis omnibus insum, quorum opiniones rejicio. Æstimo eos, amoque, ut debeo, præsertim Morinum, hominem non eruditum tantum, non cupidum novandi, non contemptorem Recentiorum, non ita rigidum, ut sit etiam*

Rigo-

*Rigorista, sed acris ingenii virum, æquioris
judicii, indolis moderata, eo solo no-
mine à me sepe impugnatum, quod anti-
quum Ecclesiæ rigorem majorem vero fa-
cit, quo Rigoristis, quamvis nolens, pluri-
mum favit, eisque aut errandi, aut perse-
verandi in suis erroribus ansam præbuit.
Merbesium quoque, & Jueninum sua
laude dignos judico; ac propterea calori
disputationis tribuatur, si quid excidit,
quod minus reverenter dictum videatur.
Bona eos mente scripsisse non ambigo. Sed
id satis non est, ut quæ scribuntur utilia
sint. Patrum quoque, & Conciliorum do-
ctrinam se profiteri dicunt, eorumque sen-
tentias proferunt. Sed hæc vetus etiam
eorum qui Patres, & Concilia deseruere,
cantilena est. Quos litera occidit (occidit
autem multos) hoc prætextu occidit. Pe-
riente, dum suos textus, ut sonant pluris ha-
buere, quam præsentis Ecclesiæ, & Pon-
tificum interpretationem, suæque anti-
quitatis amore capti nihil de Recentiorum
iudi-*

judicio, ut paulo ante dicebam, clamoribus, censura laborandum putarunt.

6. Hinc habes, cur me aliquando, inter legendum, excusare debeas. Ut enim tam periculosa multorum persuasioni irem obviam, declinandum mihi fuit in alteram partem, & pro Ecclesia præfenti, pro Doctores recentibus, aut minus antiquis, sed ingenti sanaque doctrina præditis (ut multi sunt,) acriter pugnandum fuit. Quæ enim aliâ ratione possem nimii Rigoris fundamentum convellere? Ne igitur mihi succenseas antiquitatem non ita liberaliter laudanti, ut ceteroqui vellem & nostram ætatem non quidem in pluribus, & præcipuis, sed tamen in aliquibus præferenti. Nihil detractum volo de ea, quam vetus Ecclesia possidet, sanctitatis, & subrigidæ disciplinæ famæ, nec ita demens sum, ut minuere velim Patrum auctoritatem. Antiquam Ecclesiam laudo, sed non eam quam rigidi Censores fingunt, crudelem & implacabilem in hu-
miles,

miles, in dolentes, pœnitentesque, sed eam
quæ verè extitit, severam citra vim, citra
sanguinem . Et rursum ita eam laudabi-
lem censeo , ut laudabilem etiam præsen-
tem Ecclesiam putem , imo credam , cum
hæc diversa , aut distincta ab ea non sit ,
sed temporum diversorum ; senior , non
autem deterior . Patrum similiter scripta
plurimi facio , sed non textus Patrum aut
mutilos , aut immutatos , aut ambiguos .
Uno verbo discedo ab Hæreticis , & No-
vatoribus . Hi damnare solent Ecclesiam
cum qua vivunt , à qua damnari possunt ,
provocare solent ad Ecclesiam antiquam ,
ad non loquentem , à qua nihil timent .
Ego verò ab Ecclesia veteri non recedo
quidem, sed præsentem me subjicio , qua ju-
dicari possum, & corrigi, quin ideo me, &
quæ scribo, ejus judicio submitto, ut cor-
rigar, si delinquo. Nec castigatus resistam,
sed illico quæ male scripserim ; emendabo.
Hoc ego animo scripsi , simili , aut etiam
meliori tu lege , & in æternum vale .

CLE.

CLERICO ROMANO.



Udd Tibi, præ cæteris universæ Ecclesiæ Clericis, has meas Disputationes legendas præbeam, non miraberis, si bene nosti Ecclesiam, cujus te servitio dedicasti, nec ignoras

harum mearum Disputationum argumentum.

Nimium hæ rigorem in administrando præsertim Sacramento Pœnitentiæ quotidie magis invalescentem insectantur, & sanctam benignitatem ab antiquissima priorum seculorum Ecclesia non rejectam, imo investam, pluribus ab hinc seculis ab omnibus Orbis Terrarum Ecclesiis adamatam propugnant. Debent igitur legi, & perlegi à Te, qui ei servis Ecclesiæ, quam nunquam Rigorismus afflavit, quæ alios eo correptos ad mitiora consilia revocavit, quæ tandem benignitatem in Populos sibi subjectos, & præsertim in Pœnitentes exhibuit semper maximam ita, ut

§ §

Romæ

(II)

Romæ sacræ decus fuerit *Parcere subje-
ctis* , ut Romæ profanæ munus fuit *De-
bellare superbos* . His tribus prærogativis
commendatam semper Romanam Ecclesiam
fuisse , Tibi breviter ostendo, ut Ecclesiæ tuæ
decora tuearis , ut hos meos libellos adames ,
quos soli oderint hostes Ecclesiæ Tux .

Alias quidem Ecclesias, nec paucas, alia-
rumque Ecclesiarum Doctores, Episcoposque
nimius quandoque rigor decepit. Rigor Mon-
tani Tertullianum corripuit , virum antea
custodem Ecclesiasticæ disciplinæ , & vindi-
cem Religionis ; quin & Ecclesias multas , ut
refert S. Hieronymus ad Ctesiphontem scri-
bens , & ex eo Card. Baron. ad ann. 173. n. 3.
Episcopos non paucos circa eadem tempora
non quidem rigor Montani multiplicando-
rum præceptorum cupidus , sed alter equè
damnabilis invasit , quo suadente venia Pec-
catoribus utcunque pœnitentibus negari ce-
pit, præsertim in Aphrica, primò quidem non
omnibus , sed solis lapsis in quæstione fidei ,
aut mœchis, inde omnibus, quos maturè non
pœniteret suarum culparum , tandem omni-
bus absolutè . Primos Rigoristas in Lapsos
redarguit Cyprianus epist. 54. ad Cornelium
Pon-

(III)

Pontificem *ut importunos, vel etiam inhumanos censors*. Aliorum, qui *in totum Pœnitentiæ locum contra adulteria clauferunt* meminit idem Cyprianus epist. 52. ad Antonianum, uti etiam aliorum inter quos fuit ipse, quibus visa fuit pœnitentia fera pœnitentia nulla. Postremos nempe Novatianos ex Rigoristis Schismaticos, inde Hæreticos, aut prius Hæreticos inde Rigoristas (utrumque enim contingit) Parres omnes, synodique perplures damnarunt.

Ut Africam Ecclesiam ita Græcam nimius quorundam rigor non semel perturbavit. Primi fuere Pharisei quidam Antiocheni ad fidem conversi, sed Legis Mosaicæ, & paternarum traditionum vindices importuni, quorum ea perpetuò in auribus Gentilium Neophytorum vox resonabat, *nisi circumcidamini, secundum morem Moysi, non poteritis salvari*. Ejusdem farinae doctores perturbare Galatas, quorum meminit Paulus ad hos scribens cap. 1. *Nisi sunt aliqui qui vos conturbant, & volunt convertere Evangelium Christi ex levi jugo in onus prægrave, nec humanis viribus attemperatum*. His Ecclesiarum perturbatoribus exturbatis, & circumci-

§ § 2 sione

(IV)

sione penitus abrogata, cepit aliquibus rigidè, & subtiliter religiosis displicere Baptismus ab Hæreticis collatus, vel non placere penitus, ejusque valor in dubium revocari. Hæc enim semper fuit Rigoristarum indoles, anxia, addubitans, inquieta. Quot autem Episcopos, quot egregios Doctores, quot Synodos totas hæc dubitatio quæ religiosissima videbatur, cum de valore & fructu sacramenti maximè necessarii ageretur, aut à recta Fide, aut à Romani Pontificis obedientia, aut saltem à vinculo pacis abstraxerit, refert idem Baron. ad ann. 255. His quoque aut abscissis, aut ad concordiam revocatis, Eustathius quidam Rigoristarum facilè princeps utpote qui consilia omnia Evangelica verterat in leges severissimas & gravia præcepta, Paphlagoniam aliasque Asiaticas regiones in magnum amittendæ Fidei periculum adduxit, effecissetque quod intendebat, nisi Gangrensis Concilii Patres impiis ejus conatibus obstitissent. Aliquorum interea Episcoporum operà eo usque pervenit in aliquibus Orientis Ecclesiis, & præsertim Constantinopoli rigor Pœnitentiæ, ut sedandis populis nimio rigore irritatis, Pœnitentiales omnes canones, aut ple-

(V)

plerosque abrogare successores Episcopi, præeunte Nestario, coacti fuerint, ut satis innuunt Socrates lib. 5. cap. 19. & Sozomenus lib. 7. cap. 16.

Ab Aphrica, & Græcia in Gallias, & finitimas regiones rigor iste nimius transmeavit : Inde (ut ex infra disputandis constabit) fuit aliquibus etiam morientibus negata venia delictorum, aliis negata Communio, aliis nimis dilata, innumeri pœnitentiis prægravati, demum facta adeo exosa pœnitentia, ut per vim fuerint aliquandiù Fideles ad eam compellendi (ut ex libris Capitul. plurium Imperatorum constat) ac tandem fuerint, oblata relaxatione severissimæ pœnitentiæ, ab desperatione, in quam plerique prolapsi erant, ad spem salutis erigendi.

Soli Romanæ Ecclesiæ nunquam spiritus rigoris imposuit. Non semel is ejus finibus admovit copias suas, nempe dolos, quos solet adhibere virtus palliata, hypocrisis studiosa, sed fuit semper rejectus eo Stephani Pontificis responso, *Nihil innovetur*, quod traditum est servetur, eo Innocentii I. epist. 2. cap. 2. *Non est neganda pœnitentia postulanti*, eo Leonis epist. 89. *In dispensandis Dei donis non debemus esse difficiles :*

§ § 2

Quin

(VI)

Quin ipsa cæteras Ecclesias , labe nimii rigoris infectas , purgavit . Tertullianum , excommunicatione perculit Zephyrinus Papa , ejusque in eo Rigorem proscripsit . Novatianismum Cornelius , Inde Innocentius epist. 2. cap. 2. Gallicanum Rigorismum Celestinus ad Exuperium scribens , Forojuliensem , & postea Samniticum , Campanum , & Picenum , & iterum Gallicanum confixit Leo , ad harum Ecclesiarum Episcopos scribens , omnes demum Ecclesias ab hac peste cavere monuerunt B. Pius V. aliique inde Pontifices & novissimè Alexander VIII. dum Bajanæ , Ianserianæ , aliasque ab his impuris fontibus propositiones collectas damnarunt .

Et quidem adeo Rigoristis insensam se præbuit Ecclesia Romana , ut aliqua , quamvis non essent mala , rejecerit aliquando , eo solo nomine , quod ab hoc hominum genere proponerentur . Hæc fuit (inquit Card. Baron. ad ann. 173. num. 3. & ex Baronio Spondanus) causa rejiciendi ea nova jejunia , quæ ad optimos fines proponebat Montanus , ad auertendas videlicet imminentes clades , & tentationes , itemque ad exercendam sobrietatis , & absti-

(VII)

abſtinentię diſciplinam , ne ſcilicet *ſpiritum
Montani comprobaffe diceretur* .

Verũ non fuit ſolũ huiusmodi im-
moderati rigoris inimica Eccleſia Romana ,
ſed amantiſſima benignitatis , & quidem ab
ortu ſuo . Benigniſſimus ejus fundator Petrus ,
primò ex indole ſua nihil anxia , nihil trepida ,
nihil moroſa , & ad commiſerationem facta .
Secundò ex ſuæ infirmitatis experimento .
Tertiò ex benigniſſimi ſui Inſtitutoris exem-
plis . Quartò ex præcepto quo Chriſtus ipſum
obſtrinxerat , exhibendi ſe ſeptuagies ſepties
Peccatoribus indulgentem . Hanc ille beni-
gnitatem velut optimi ſui Parentis , & Præ-
ceptoris hereditatem tranſmiſit in ſucceſſores
ſuos : hinc benigni omnes uſque adeo , ut
quamvis non fuerint , viſi fuerint eſſe juſtò
benigniores . Zephirinum Pontificem nimix
benignitatis in mœchos , & reliquos delin-
quentes inſimulavit Tertullianus factus ex
Eccleſiæ Doctore Procli Rigoriſtæ diſcipulus .
Cornelius quem Cypr. defendit ad Antonia-
num ſcribens , nimis benignus viſus eſt ali-
quot Aphricanis Epiſcopis , quòd Trophi-
mum Epiſcopum deſertæ Fidei cum ſuo po-
pulo reum , inde cum eodem ſuo populo præ-

(VIII)

nitentem absolvit statim, & in gratiam recepit, Liberius Pontifex simili ex causa nimis benignus visus est Lucifero Episcopo Calaritano, ut aliqui referunt apud Card. Baron. ad ann. 362. Nimis similiter benignitatis suspicionem incurrit apud Felicem Episcopum Siculum Gregorius Magnus, ut ex ejus ad eum epistola constat. Reliquis demum Romanis Pontificibus eandem nimis benignitatis notam inusserunt multarum Catholici Orbis regionum Episcopi per plures, quod Pœnitentes nimium severe habitos ab Episcopis suis, & ad Romanam sedem recurrentes amanter exciperent, & aut totam, aut partem saltem impositæ pœnitentiæ misericorditer exonerarent, ut constât ex tot Pontificum ad prædictos Episcopos literis, & plurium Synodorum non usquequaque justis querimoniis. Majorem eidem Pontificum Romanorum benignitati invidiam conflare conati sunt recentiores decimi sexti seculi Novatores (atque utinam id ipsum non faciant modo rigidi Censores non pauci) quod ex Ecclesiæ thesauro misericorditer Divinæ justitiæ pendent, quod Pœnitentes in pœnæ sibi debitæ remissionem persolvere debuissent. Hinc illæ in Pontificiam

(IX)

ciam aut potestatem , aut prodigalitatē , ut ipsi dicebant, sacrilegæ investivæ. Sed hos aut rigidos fratres , aut rebelles filios , aut invidos hostes audiere nunquam , rejecere semper , & filere jusserunt Romani Pontifices, non ignorantes ejus se locum in Terris tenere , cujus benignitas semper Phariseos offendit , quique hac lege Romanam Ecclesiam fundare Petrum voluit, ut ipse, ejusque successores amarent oves suas , easque iterum atque iterum amarent , perditas quærerent , nec redeuntibus imponerent onus pregrave præceptorum , aut pœnitentiarum , sed ipsas imponerent humeris suis , & per quandam benignitatis amabilem violentiam ad caulas reportarent .

Habeant igitur reliquæ Orbis terrarum Ecclesiæ laudem suam, decora sua. Benignitas fuit semper, eritque Ecclesiæ Romanæ præconium , non ea quidem quæ semper fuit inutilis , aut etiam perniciosa , quæ videlicet Hæreticis, aut simulatoribus , aut contumacibus impenditur, sed quæ Fidelibus, quæ subjectis, quæ Pœnitentibus exhibetur, dicam brevius, quam Fundator tuus exhibuit. Benignissimus quidem Petrus fuit , sed non cum Anania,

(X)

nia, & Saphira hypocritis, & deceptoribus, non cum Simone impostore, sed cum Neophiris, cum Fidelibus, cum Pœnitentibus. Duos illos conjuges hypocritas paucis verbis tanquam telo non errante transfodit, Impostorem verò volantem de Cœlo detraxit, ejusque crura confregit. At Neophytos Hebræos quamvis judaizantes toleravit, Neophytos Gentiles onere antiquæ legis absolvit, Antiochenos Fideles magno numero præceptorum onerari noluit, nulli Pœnitentium veniam denegavit.

Hæc eadem fuit successorum Petri benignitas, idem tigor, Rigor in Hæreticos, hos enim indulgentia audaciores facit, Rigor in Impostores hypocritas, ne diutius imponant, ac decipiant, Rigor in Rigoristas, ne legem Evangelicam vertant in tyrannidem animorum; Benignitas verò in eos, quos recens ad Fidem mater Ecclesia parturiit, quibus lac præberi voluere, nempe facilem disciplinam, Benignitas in Populos subiectos, quos novis semper nec penitus necessariis urgeri præceptis noluere, Benignitas demum in Pœnitentes, quorum, ut paulò ante dicebam, fuit semper Ecclesia Romana perfugium.

Hanc

(XI)

Hanc Benignitatem tuere qui Clerici Romani nomen habes, & cupis implere. Cave à Rigorismo, Cave à Rigoristis, qui de regione longinqua veniunt ad Te in vestibus ovium, in fronte modesta, in oculis submissis, in vultu demisso, in gestu composito, in toga decenti, in sermone suavi. Cave etiam ab iis qui non veniunt, sed mittunt ad te Commentarios suos, Summas suas, Instructiones suas, Rigorismum suum. Pudeat Clericum Romanum Romanam Sapientiam dedoceri, edoceri peregrinam, Tuam amittere, admittere suspectam, imo rejectam, ~~ex Romano Clerico evadere Clericum Transmontanum.~~

At (inquier) quis iste Rigorismus est? Qui Rigoristæ sunt? Qui eorum libri, ut cavere possim?

Respondebo. Habent Jansenistæ Theologiam suam speculativam, & practicam, seu moralem. Speculativa Jansenismus est, Practica, seu moralis Rigorismus est. Hujus tria principia sunt, Patres jactare plurimum, Pontifices æstimare parvi, recentiores Theologos nihili. Patribus, ut ab ipsis exponuntur, deferre obsequium verum, Pontificibus simulatum, reliquis Doctoribus neutrum. A Divo Augu-

(XII)

Augustino vero aut putato recedere nunquam, nec S.Doctorem ex Conciliis interpretari, sed ex eo Concilia: Pontificibus ex Cathedra docentibus accedere aliquando, & id profiteri, si videlicet non adversentur; ab Scholasticis vero præsertim duplicis postremi seculi in controversiis morum, vel in re, vel in modo loquendi recedere semper, vel ne legere quidem illos, & multò minus in suis scriptis, vel libris honorificè allegare.

Hujus spiritus indoles tetrica est, suspiciosa, artificiosa, ambitiosa, immisericors, tyrannica, uno verbo Pharisaica. Habes ex his unde eos dignoscas, si nosti vitia Pharisaicorum. Quatuor illa potissimum erant, facies simulata, cor durum, animus malignus, vota ambitiosa. Sanctitatem præferebant, zelum legis, amorem disciplinæ, sed tota erat in cute sanctitas, in corde verò durities, quare nihil alienis laboribus, angustis, periculis tangebantur, nihil ad humanæ infirmitatis commiserationem movebantur, hinc illa multiplicandi præcepta facilitas, illa severissima legis in aliquibus cæremoniis, aut minoris momenti præceptis interpretatio, illa rigidissima in exigendis legibus

(XIII)

libus tributis, vel oneribus cura, quibus sic arctam faciebant viam Cæli, ut clauderent penitus. Hanc eorum hypocrisis ambitiosam, & inclementissimi cordis duritiem sapissime in eis redarguit Christus Dominus, sed præsertim Matth. cap. 23. *Dicunt, & non faciunt. Alligant enim onera gravia, & importabilia, & imponunt in humeros hominum, digito autem suo nolunt ea movere, omnia verò opera sua faciunt, ut videantur ab hominibus. Dilatant enim phylacteria sua, & magnificant fimbrias. Amant autem primos recubitus in cænis, & primas cathedras in synagogis; & salutationes in foro, & vocari ab hominibus Rabbi, . . . Væ autem vobis Scribæ, & Pharisei hypocritæ, quia clauditis Regnum Cælorum ante homines; vos enim non intratis, nec introeuntes finitis intrare. Par erat inclementiæ cordis malignitas animi, ex qua semper inquirebant in Discipulorum Christi, inque ipsius Christi Domini facta, dicta, & cogitationes ipsas, captiosè interrogabant, pejora semper suspicabantur, omnesque nocendi artes prætextu tamen pietatis, & amoris tuendæ legalis disciplinæ excogitabant.*

Quos igitur deprehenderis in facie san-
ctos

(XIV)

Etos modestos , compositos , Ecclesiasticè in toto habitu comptos , sed habentes semper quid interrogent , quid inquirant , quid dubitent , quid obiiciant , quid non probent , quid refecent , quid restringant , quid addant , quid emendent , semper mussantes , semper desentes nostram ætatem , nostros mores , nostram doctrinam , habentes nunquam quod excusent , quod indulgeant , quod laudent , nisi aut sua sint , aut suorum , quos evehere curant , ut evehantur ipsi , & dominemur in Cleris , aut proteganrur , habe illos , ut nostrorum temporum Phariseos , & veri nominis Rigoristas .

Eorum verò libros faciliè dignosces ex Authoris regione , Academia , familia , libri prima facie , modo probandi assertiones suas , allegationibus &c. Nosti regiones occulto morbo laborantes , Academias , Familias , Collegia . Hæc suspicionem faciant . Ea verò celebris in fronte libri promissio tradendi doctrinam sacrae Scripturae Conciliorum , & Patrum , suspicionem augeant ; non enim , ut olim , promissio nunc est in recentibus his compendiariis dogmaticis , moralibus ac textualibus Theologiis , sed est protestatio quædam ,

(XV)

dam , qua Author significat , se scholasticam
viam in probando , confirmandoque assertio-
nes suas non insistere ; non speculari , non
riri , sed textus congerere veterum Do-
ctorum , recentiorum nunquam , seque so-
lum proinde velle esse veterum Scriptorum
& Canonum interpretem : sibi credendum ,
non Cajetano , non Adriano , non Soto , non
Suario , non Vasquio , qui pleni sunt texti-
bus scripturarum , Conciliorum , & Patrum
sed eos conferunt ad invicem , & ex recepta
Ecclesiæ doctrina , ac Pontificiis definitioni-
bus exponunt . Si tandem advertas aut eos
nihil meminisse Decretorum Pontificum in
materia , in qua essent afferenda , aut eorum
solum meminisse , quæ fuisse putant minus
benigna , vel sibi haudquaquam adversa , &
asserre in calce sui operis eorum decreta , non
autem B. Pii V. & Successorum Constitutio-
nes contra Bajanas multas propositiones , nec
Alexandri VIII. contra similes assertiones de-
cretum , ut facit auctor recentissimæ Theo-
logiæ , quam paucos ante dies legebam , suspi-
care vehementer , ne Auctor ex illis sit , quos
describebam antea , manifestos Recentiorum ,
occultos Pontificum contemptores , & solius
Augu-

(XVI)

Augustini, ut ab ipsis exponitur, nempe sui solius iudicii adoratores, quique nisi timerent sibi, candidè dicerent Tibi, *Ubi inueneris Doctrinam in Augustino clarè fundatam, illam absolutè potes tenere, & docere, non respiciendo ad ullam Pontificis Bullam*. Hos proinde libros abjice, aut si Theologicis institutionibus ex principiis D. Thomæ aut D. Bonaventuræ vel Scoti, es bene & altum instructus, lege, ut refellas, & abjicias.

At qua ratione refellam? (inquis). Nunc intelliges, inutilem Tibi nunc futurum laborem meum, quem his meis Disputationibus concinnandis impendi. Rejiciunt illæ rigidiorum hujusmodi librorum doctrinam, & rationem facilem præbent, qua eam ipse rejicias, subruendo videlicet quadruplex ejus fundamentum, falsa videlicet quatuor præjudicia, seu persuasiones, quibus prædicti Doctores decipiuntur ipsi, & alios decipiunt. Putant enim veterem Ecclesiam fuisse severissimam in Pœnitentes & canones, ut id probent, afferunt, qui sunt totidem in eam calumniæ. En prima eorum persuasio. Putant præsentem Ecclesiam esse nimis benignam in Pœnitentes, idque aliquibus assertionibus exponunt, que

(XVII)

quæ sunt totidem in eam calumniæ . En altera æque falsa eorum persuasio , ex qua utrâque oriuntur illa rigidiorum Doctorum præconia , illæ querimonix , illæ severissimæ leges ; preconia quibus antiquam Ecclesiam celebrant , querimonix quibus præsentis Ecclesiæ benignitatem deslent , leges quibus arctari Pœnitentes cupiunt . Putant ab antiquis Doctoribus totam doctrinam moralem tradi distinctè , plenè , ac disertè . En tertia eorum persuasio . A recentioribus verò Scriptoribus passim confundi , laxari , corrumpi . En quarta demum persuasio . Ab utraque autem oritur ille solius antiquæ Patrum doctrinæ amor , & celebratio , recentiorum verò Doctorum despicientia , & vituperatio , hinc amor rigoris , cui illos suffragari putant , hinc odium benignitatis , cui Recentiores favere videntur .

Harum quatuor persuasionum falsitatem , hi duo libri , quos tibi præbeo , demonstrant , aut saltem demonstrare conantur , ut ex Indice Calumniarum , seu Disputationum , quibus confictas in utramque Ecclesiam calumnias detegunt , ac refellunt , facile colliges . Librum accipe . Indicem quem statim

§ § §

tim

(XVIII)

tim subtexo , perlege , & incipies , ut spero
mihi gratias habere , quod faciam , ne Te de-
cipiant rigidi Doctores , nec desinas
esse qui semper esse debes ,
Clericus Romanus .



IN.

I N D E X

PRIMÆ PARTIS TOTIUS OPERIS,
SEU PRIMI LIBRI,

Quo veteris Ecclesiæ Severitas à Crudelitate
per duodecim Calumnias ei attributâ
per totidem Disputationes
vindicitur.

Calumnia I.

*Clericis, præsertim majoribus in quædam
scelera prolapsis vetus Ecclesia veniam
negavit.* Disputatio I.

Calumnia II.

*Quibusdam criminibus, nempe apostasia,
homicidio, & adulterio nunquam
fuit per aliquot sæcula data venia.*
Disp. II.

Calumnia III.

*Iis qui studiosè distulerant ad extremum
vitæ pœnitentiam, ab Ecclesia veteri*
§§§ 2 nega-

negata penitus venia fuit. Disp.III.

Calumnia IV.

*Reis ad mortem damnatis olim Ecclesia
veniam negavit, aut negari permisit.
Disp.IV.*

Calumnia V.

*Iis qui post solemnem Pœnitentiam re-
lapsi essent, Ecclesia vetus veniam, &
absolutionem etiam in morte negavit.
Disp.V.*

Calumnia VI.

*Pœnitentibus injungebat olim Ecclesia
publicam occultorum quoque crimi-
num Confessionem. Disp.VI.*

Calumnia VII.

*Publica pro delictis etiam occultis pœni-
tentia subeunda fuit ex veteris Eccle-
siae disciplina. Disp.VII.*

Calumnia VIII.

*Pro quibuslibet peccatis lethalibus publi-
cam*

cam pœnitentiam imposuit vetus Ecclesia . Disp.VIII.

Calumnia IX.

Per viginti , & ampliùs annos variis , magnisque corporis , animique laboribus suos Pœnitentes exercere , ac probare consuevit vetus Ecclesia . Disp.IX.

Calumnia X.

Per vim fuere Fideles veteris Ecclesiæ ad publicam , & sevèrissimam pœnitentiam compulsi . Disp.X.

Calumnia XI.

Pœnitentes solùm post impletam pœnitentiam absolvere consuevit vetus Ecclesia . Disp.IX.

Calumnia XII.

*Confessariis fuit olim permissum, aut
etiam injunctum, ut pœnitentium pec-
cata, ad eos in officio continendos, re-
velarent . Disp. XII.*



IN-

I N D E X

SECUNDÆ PARTIS,

SEU SECUNDI LIBRI

Quo præsentis Ecclesiæ benignitas à laxitate
per duodecim Calumnias ei attributâ
per totidem Disputationes
vindicaretur .

Calumnia I.

*Ecclesia præsens in ministrando Sacra-
mento Pœnitentiæ, & vindicandis Fi-
delium culpis à veteri Ecclesia penitus
recessit . Disp. I.*

Calumnia II.

*Refrigescens Fidelium Charitas præsentis
Ecclesiæ Benignitatem invexit. Disp. II.*

Calumnia III.

*Confessarii , Theologique , quorum causa
rigidioris Pœnitentiæ disciplina desit
in Ecclesia , fuere Religiosi præsertim*
§ § § 4 men.

*mendicantes qui ex Instituto suo non
sunt audiendis Secularium Confessio-
nibus satis idonei . Disp.III.*

Calumnia IV.

*His ultimis tēporibus benignius fuit quàm
seculo decimo tertio, quo Benigna hæc
Praxis invaluit, Sacramentum Pœni-
tentia administratum . Disp.IV.*

Calumnia V.

*Recentiores Theologi Scholastici, Mo-
ralesque, dum inutilibus quæstionibus
tempus terunt, Et ex genio, ingenio-
que suo magis, quam ex doctrina Pa-
trum, respondent, scribuntque, ma-
gnum Theologiæ morali, ac foro Pœ-
nitentia damnum inferunt, aut faciliè
inferent . Disp.V.*

Calumnia VI.

*Præsens Benignitas in administrando
hoc Sacramento non est consentanea*
Scri-

*Scripturis , & ejusdem Sacramenti
Institutioni . Disp. VI.*

Calumnia VII.

*Prædicta Benignitas Patrum regulis, &
sententiis adversatur . Disp. VII.*

Calumnia VIII.

*Rejēta à Sanctis Viris , & præsertim à
D. Carolo præsens Benignitas fuit .
Disp. VIII.*

Calumnia IX.

*Etiam nunc eadem Benignitas à melioris
notæ Theologis , ac Sacerdotibus , ac
proinde à meliori Ecclesiæ parte repro-
batur . Disp. IX.*

Calumnia X.

*Prædicta Benignitas non est satis tuta
adeoque Sacramento injuriosa . Disp.
X.*

Ca.

Calumnia XI.

Eadem pernicioſa Fidelibus eſt. Diſp.
XI.

Calumnia XII.

*Temperanda ſaltem eſt aliquo majori Ri-
gore præſens Eccleſiæ benignitas.* Diſp.
XII.

Ad hæc fere capita rediguntur omnia,
quæ ad ſtatuendum Rigoriſmum ſuum dicere
ſolent rigidi aliquot noſtrorum temporum,
Scriptores. Quia verò iis, quæ circa veteris
Eccleſiæ diſciplinam in adminiſtrando Sacra-
mento Pœnitentiæ dicentur, intelligen-
dis, neceſſarium eſt non ignorare
qui veteris Pœnitentiæ aded ce-
lebratæ ritus fuerint, eos
hic breviter re-
cenſere con-
ſitui.





VETERIS
POENITENTIÆ
DESCRIPTIO.



A fuit veteris Ecclesiæ praxis, ut culpæ minores secretâ expiarentur pœnitentia, majores verò, & publicæ publicâ. Hæc autem duplex erat. Alia publica non solemnis, quæ tota, aut publica accusatione delicti, aut publica aliqua humiliatione sine solemnibus quibusdam multisque cæremoniis, & sine Pœnitentis diuturna probatione agebatur. Altera solemnis, quæ in quatuor gradus, seu stationes erat distributa, nempe Fletus, Auditionis, Substrationis, & Consistentiæ; quamvis non rarò, ex Pontificum

cum indulgentia, aliqua ex ipsis omitteretur, aut valdè contraheretur. In has Stationes pœnitentiam solemnem dividit in sua Epistola Canonica Gregorius Thaumaturgus, Basilius in sua ad Amphilochem, Gregorius Nyssenus in sua ad Letojum, Felix Papa epist. 7. Quin & Concilium Nicænum Can. 11. aliaque multa Concilia Provincialia.

Igitur cum quis enormi aliquo delicto, ingenti scandalo fuerat, aut perturbationi, monebatur, ne ad Ecclesiam accederet, accedens, & non parens, expellebatur. Ejectus ab Ecclesia reus, si eum facti pœnitebat, & reconciliari cupiebat, cum Fideles ad Templum primarium conveniebant, ipse consistebat in vestibulo, vel in porticu, vel (si peccatum gravissimum erat, ac turpissimum) sub dio; ibique sacco indutus, facie squalida, cinere coopertus admitti ad pœnitentiam postulabat, seque ad pedes Fidelium, introeuntium prosternens, ut pro se apud Episcopum deprecatores essent, rogabat. Admissus ad pœnitentiam, jussusque illic per aliquot menses, aut annos, in fletu, sacco, & cinere permanere, intra Ecclesiam, ea lege admittebatur, ut in postrema ejus
parte

parte confisteret cum Catechumenis audientibus, qui nempe ad Ecclesiam veniebant, ut fidei doctrinam audirent. Inde hæc secunda statio dicta *Auditionis*. His Catechumenis immixtus Pœnitens, aut vicinus, iterum ad veram Fidem, & mores Christiano homine dignos erudiebatur. Ab hac secunda Statione Auditionis, si veri signa doloris præbebat, post aliquot aut annos, aut menses, aut dies pro mensura delicti, & contritionis, vocabatur ad tertiam *Prostrationis* paulò superiorem, ad eam videlicet Templi partem, quam Catechumeni competentes occupabant, ii nempe, qui jam instructi in Fide, credentesque Baptismum petebant. Ut autem ii Catechumeni prostrati ad pedes Episcopi initiabantur, curabanturque variis ceremoniis, ut habetur ex Concilio primo Constantinopolitano Can.7., & ex Augustino, qui de Symbolo ad Catechumenos eas ceremonias describit, dicens: *Omnia Sacramenta, quæ acta sunt, & aguntur in vobis per ministerium Servorum Dei, exorcismis, orationibus, canticis spiritualibus, insufflationibus, cilitio, inclinatione cervicum, humilitate pedum, hæc omnia, ut dixi, esæ sunt, quæ vos refi-*

refciunt in utero, ut renatos ex Baptismo bilares
vos Mater Ecclesia exhibeat Christo, ita in hac
Statione iterum initiabantur Pœnitentes pre-
cibus, impositione manuum, benedictioni-
bus, aliisque hujusmodi ritibus animæ repur-
gandæ accommodatis. Utque utrique Cate-
chumeni, Audientes, & Competentes, ex-
pleta lectione scripturarum ejiciebantur ab
Ecclesia, nec adesse Eucharisticis precibus, &
Sacrificio mittebantur, ita utrique Pœni-
tentes, tam Audientes, quam Substrati ex-
pellebantur. Ab hac tertia Statione post lon-
gum, vel breve tempus, pro merito Pœniten-
tis, venia dabatur transeundi ad quartam Sta-
tionem *Consistentiæ*, in qua Pœnitens non
longè ab Altaris cancellis, cum Fidelibus
etiam tempore Sacrificii consistebat, licet
offerre nondum posset, nec de Altaris Sa-
cramento participare. Expleto tandem in
hac Statione totius Pœnitentiæ curriculo per
multas cæremonias in Ritualibus eorum
temporum libris latè descriptas ad perfectio-
nis gratiam (ut loquebantur) perveniebat,
idest ad plenam reconciliationem, Sacræque
Eucharistiæ Communionem, qua refectus,
reliquis Fidelibus, per omnia jungebatur,
cum

cum onere tamen abstinendi aut in perpetuum , aut quandiu Episcopo visum fuisset , à militia , à nuptiis , à thoro , à publico magistratu , aliisque hujusmodi , quibus Religiosi viri degentes in Monasteriis abstinent . Et quidem hunc Ordinem Pœnitentium similem fuisse Ordini Religio-
 forum , unius cum altero
 comparatione alibi .
 ostendi .







VETERIS ECCLESIAE
SEVERITAS,
A CALUMNIIS VINDICATA.
CALUMNIA PRIMA.

*Clericis, praesertim majoribus, in quodam
scelera prolapsis vetus Ecclesia
veniam negavit.*

DISPUTATIO I.

Doct. Rig.



Anc nego esse Calum-
niam, constat enim,
Ecclesiam veterem,
non permisisse Cleri-
cis, ut Pœnitentiam
obirent, nec ut eis manus imponerentur,
qua cæremonia tunc temporis Pœnitens ab-
A sol-

2 CALUMNIA I.

solvebatur : Afferam indubitatas quatuor Pontificum sententias, nempe Siricii, Joannis II., Sancti Leonis I., & Zacchariæ. Incipiam à Leone, cujus illustrior fama Sanctitatis, & doctrinæ. Is Epist. 2. novæ edit. ad Rusticum Narbonensem Episcopum, *Alienum est (inquit) à consuetudine Ecclesiastica, ut qui in Presbyterali honore, aut in Diaconii gradu fuerint consecrati, pro crimine aliquo suo, per manus impositionem, remedium accipiant pœnitendi, quod sine dubio ex Apostolica traditione descendit, secundum quod scriptum est, Sacerdos si peccaverit, quis orabit pro illo? Undè hujusmodi lapsis ad promerendam misericordiam Dei privata est expectanda secessio, ubi illis satisfactio, si fuerit condigna, sit etiam fructuosa. Fructuosa quidem apud Deum, non autem apud Ecclesiam. Ecclesiasticæ enim absolutionis, quæ illis tandem daretur, nihil hinc neminit Leo, ut aliàs debuisset.*

- 2 Nec facit, quod de Sacerdotibus tantum, Diaconisque videatur loqui Leo. Horum quippè meminit, utpotè quos potiori jure vetus disciplina castigat. Hinc antè Leonem, omnes Clericos eâ censurâ com-
pre-

DISPUTATIO I. 3

prehendi debere, monuit Siricius Papa ep. i. *Illud quoque nos par fuit providere, ut sicut pœnitentiam agere cuiquam non conceditur Clericorum, ita & post pœnitudinem, & reconciliationem, nulli unquam Laico liceat honorem Clericatus adipisci. Quia quamvis sint omnium peccatorum contagione mundati, nulla gerendorum Sacramentorum instrumenta suscipere debent, qui dudum fuerint vasa vitiorum.* Joannes autem II., in Epist. ad Cæsarium Arelatensem Episcopum, mandat, ut Regiensis Episcopus, nomine *Contumeliosus*, ob sua crimina deponatur, totâque reliquâ vitâ Monasterio inclusus, veniam à Deo exposcat, quia videlicet ab Ecclesia eam sperare non poterat. Demùm Zacharias in Responsis ad Pipinum, reconciliari Presbyteros *per manus impositionem* vetat; ergo omnem eis spem obtinendæ reconciliationis abscindit. Frustra igitur Clericis in graviores culpas prolapsi spem obtinendæ absolutionis facis.

Doct. Discr. Hanc illis spem ego non facio, sed facit Christus, nec adimit Ecclesia. Igitur severissimam hanc pœnam indictam, Clericis nunquam fuisse fatentur omnes qui

Canones non sciunt solum memoriter, sed intelligunt, eosque non ex indole sua, sed ex Doctorum sensu, & ex ipsa ratione interpretantur. Suevit quidem Ecclesia in delictis maioribus eos deponere, nempe de gradu deiicere, sed interim ad Laicalem saltem communionem eos admisit, ut innumeri Canones ostendunt. Admissi verò ad Communionem sine dubio absolvebantur. Dum ergo eis Siricius, Leo, alique Pontifices Synodique, Pœnitentiam interdiciunt, de publica, solennique, loquuntur, nempe de ea, quam Laici facere jubebantur, *humillimamque* vocat Augustinus Ep. 54. quamque ex Tertulliano lib. de pœnit. cap. 9. multi averfabantur, *quod inlotos, quod sordulentos, quod extrâ latitiam oportet deversari in asperitate sacci, & horrore cineris, & oris de jejuniis, vanitate*. Si quidem non satis decere putavit Ecclesia, vetus, ut qui sacris Altaribus ministrare, auro gemmisque ornati consueverant, aspicerentur à populo præ foribus Ecclesiæ ad terram dejecti, suisque lacrymis in sacco, & cinere sordidati; quique, ut innuit Leo, pro Pœnitentibus Laicis orare consueverant, Pœnitentes ipsi Laicorum preces exposce-

DISPUTATIO I. 3

poscerent. Voluit eos agere pœnitentiam, sed decoram, nec ità se demittere, ut prosti- fuerent dignitatem. Eos propterea consue- vit, si gravissimè deliquissent, in Monaste- rium, aut similem alium locum detrudere, multoque jejunio, aliisque hujusmodi re- mediis purgatos per secretam manuum im- positionem absolvere, ut innuit Leo cita- tus, & constat ex Concilii Agathensis Can. 50. *Si Episcopus, Presbyter, aut Diaconus capitale crimen commiserit, aut Chartam falsaverit, aut Testimonium falsum dixerit, ab officii honore depositus in Monasterium retruda- tur, & ibi quandiu vixerit, laicam tantum- modo communionem accipiat.* Quod ipsum, ferè ad verbum statuit Concilium Epaunen- se Can. 22. S. Augustinus lib. 1. de Baptism. contra Donatistas, monet, non consuevisse, Ecclesiam Ordinatis ad Ecclesiam rideantibus, manus imponere inter Laicos, innuens impo- sitas quidem eis manus fuisse, sed procul à Laicis, & in loco secreto. Similiter Isido- rus lib. 2. de Ecclesiasticis Officiis cap. 6. agens de Clericorum, Laicorumque diver- sa Pœnitentia. *A Sacerdotibus, & Levitis* (inquit) *Deo tantum teste fit Pœnitentia, à cæ-*

6 CALUMNIA I.

teris vero adstante coram Deo solemniter Sacerdote.

Ex his satis constat, non omnem fuisse veniam Clericis delinquentibus ab Ecclesia veteri denegatam, sed eam solam, qua ritu solemniter post exactam publicè per suos gradus Pœnitentiam, concedebatur. Quin hanc ipsam fuisse non semel indultam post publicam Pœnitentiam, pluribus exemplis ostendit Morinus de pœnit. lib. 4. cap. 14.

D.R. Sed quæ Monachos, Monachosq; censura punivit, si forte è suo proposito resisterent? His certè videtur aliquando spes veniæ penitus adempta.

- 4 *D.D.* Resp. Monachos olim, cum videlicet, nec Ecclesiasticis essent Ordinibus initiati, nec simul in Monasteriis sub Rectore suo viverent, aut non eo vinculo, quo postmodum fuere constricti, si forte essent in graviora prolapsi, ad publicam omnium Laicis Pœnitentiam peragendam fuisse damnatos. Sic enim Leo ep. 92. ad Rusticum Narbonensem cap. 12. *Propositum Monachi proprio arbitrio, aut voluntate susceptum deseriri non potest absque peccato &c.* Undè qui relicta singularitatis professione ad militiam, vel ad

DISPUTATIO I. 7

ad nuptias devolutus est, publicæ Pœnitentiæ satisfactione purgandus est. Gelasius quoque I. epist. 9. sive prima decretali cap. 22. loquens de Virginibus post professionem nubentibus, jubet eas à Sacra Communione *excludi, & nisi per publicam, probatamque Pœnitentiam, omnino non recipi*. Pœnitentiæ non solum publicæ, sed solemnissimæ, quæ gradibus, sed stationibus quibusdam constabat, Monachos quosdam, iterum ab Hæreticis baptizatos, addicit Felix III. Epistola 3. *Si eos, inquit, ex corde pœniteat, tribus annis inter Audientes sint; septem autem annis subjaceant inter Pœnitentes manibus Sacerdotum, duobus autem annis oblationes modis omnibus non sinantur offerre, sed tantummodo Secularibus in oratione socientur*. Cum verò Monachi suo sub Abbate vivere cœperunt, ei penitus subiecti, ab eodem fuere, si fortè deliquissent, secreti Carceris pœna castigati, ut ex Conciliis infra citandis palàm fiet. Carcer autem erat aliquando intrà Monasterium, ut constat ex Concilio Tarraconensi cap. 1. sic decernente. *Si Religiosus, vel Monachus sit in Cella Monasterii reclusus, Pœnitentiæ lumentis incumbat, ubi*

8 CALUMNIA I.

singulari afflictione panis, & aquæ victum ab Abbatis ordinatione percipiat. Aliquando vero erat extrâ Monasterium, quamvis brevi intervallo dissitus. Ad hunc amandat Siricius Papa Monachos Monachasque post professionem Matrimonio copulatos, in hunc modum contra eos pronuncians. Has ergo impudicas, detestabilesque personas à Monasteriorum Catu, Ecclesiarumque Conventibus eliminandas esse mandamus, quatenus retrusa in suis ergastulis, tantum facinus continua lamentatione deflentes, purificatorio possint pœnitudinis igne decoquere; ut eis vel ad mortem saltem, solius misericordiæ intuitu, per Communionis gratiam, possit indulgentia subvenire.

- 5 Ex his carceribus unus, isque celeberrimus erat ille quem Climacus describit. Erat enim à Monasterio aliquanto dissitus, apprimè horridus, & puniendis Monachis è sua professione excidentibus destinatus. Sic enim habet in sua Scala Paradisi gradu quarto. *Locus erat ab ipso Monasterio undumtaxat lapide, seu millitare sejunctus, carcer dictus, illatibilis prorsus, & omnibus corporis gaudiis destitutus. Nullus ibi unquam cult-*

DISPUTATIO I. 9

culinae fumus cernebatur, non vinum, non oleum in cibum adhibebatur, non aliud quidquam è foco præter panem, & minuta oluscula in mensam inferebatur. In hoc eos qui post Religiosam professionem in peccatum prolapsi erant, ita Abbas concludebat, ut pedem efferre nunquam possent. Nec plures simul iungebat, sed singulos seorsim, aut, ut plurimum binos. His præerat vir quidam eximius, cui Isaacus nomen, qui ab sibi commissis precum assiduarum pensum exigebat, & propè nunquam à votis cessare permittebat. Et gradu 5. de eodem Carcere sic; Qualis autem erat illius loci aspectus? tota domus obscura, & tenebricosa, tota plens, & sætens, tota sordida, & squallida: Carcer enim & damnatorum ergastulum non immeritò appellata est.

D. R. Damnatorum profectò carcer. 6
ille erat, ut benè Climacus à te citatus eum, appellat; Qui enim ad hunc carcerem, damnabantur, absolvebantur nunquam. Certè Climacus, qui non solum locum, quem per integrum mensem, quo ibi constitit, suis oculis perlustravit, sed omnia Pœnitentium ibi detentorum exercitia, corporis incredibiles afflictationes, ipsaque eorum

10 CALUMNIA I.

rum suspiria , clamores , & ejulatus singillatim describit , ne verbum quidem habet , unde veniam tandem , & absolutionem eis concessam fuisse conjectare possimus . Imò semper abnegatam eis fuisse , satis innuit , dum usque ad mortem eos ibi fuisse detentos , memorat . Non igitur absolvebantur in vita , sic enim de carcere fuissent antea , educti , cum absolutis eo tempore pœna omnis remitteretur . Nec absolvebantur in morte , quam Climacus describens , nunquam meminit Sacramentorum , quibus reficerentur , additque eos , cum morerentur , solitos fuisse jactari ingenti timore salutis suæ , quam non adeò incertam habuissent , si post horribilem illam suorum corporum , carnificinam , veniam tandem à Sacerdote obtinuissent .

- 7 D. D. Resp. primò , carcerem descriptum à Climaco , non esse ipsam Ecclesiam , quamvis ergo ea fuisset in eo servata praxis , ut Monachis propter gravissima scelera ibi detentis , nec in morte daretur venia , non inde sequeretur , hanc fuisse illis temporibus Ecclesiæ praxim . Et quidem non omnia , quæ ejus loci Præses agebat , probari fortasse po-

DISPUTATIO I. II

poterunt, ut, quod exposcentibus prædictis Pœnitentibus ex odio sui, & humilitate, ut cùm morerentur, sua cadavera insepulta proiicerentur feris devoranda, fecerit id aliquando idem loci Præfectus, etiam cum iis, qui sanctissimè mortui fuerant, ut eorum humilitati obsecundaret. Sic enim, habet eodem gradu 5. *Quando quis ex illis se in valetudinario depositum videbat, Præsidentem illum eximium per iurjurandum rogabat, nè se communi hominum sepultura dignaretur, sed more pecudum, vel in flumen abiiceret, vel feris in agro devorandum exponeret. Quod horum Antistes prudentiæ lumine precibus illorum obsecutus, sæpè numero fecit, iussitque omni exequiarum, & precum funebrium honore privatos foras proiici. Quod quidem non videtur satis rationi consentaneum fuisse.*

Respondeo secundò, improbable 8
prorsus esse, quod prædictis Pœnitentibus fuerit semper venia denegata, cùm inter ipsos aliqui essent, qui non àdmodum gravitèr peccarant, aut spontè in eum se locum, sanctæ illius asperitatis amore, coniecerant, quod utrumque idem Climacus testatur. Sic enim habet gradu 4. *Unus aliquis è fra-*

è fratribus olim à Præsìde ejectus erat à Cænobio, quod alterum apud ipsam, ut nugacem, & loquacem criminatus esset. Expulsus autem in vestibulo portæ totos septem dies substitit, assidue aditum rursus ad Cænobium, & delicti veniam precatus, quod ubi amans salutis animarum Præsides cognovit, simulque intellexit, illum per sex dies illos nihil omnino gustasse, curavit illi significari, si omnino ad contubernium fratrum admitti vellet, ad Pœnitentium Classē transfret: quam conditionem cum is, quem facti ex animo pœnitebat, obviis manibus amplexus esset, jussit eum Abbas ad locum preparatum deduci, ubi morabantur ij, qui peccata sua plangebant, quod & factum est. Gradu autem quinto refert, quendam Monachum, vitæ cæteroqui sanctissimæ, sed spiritus nimis ardentis, & fortè de se præsumentis, à dæmone tandem in quadam lucta prostratum surrexisse statim, & Abbati lapsum suum spontè prodidisse; cumque Abbas ordinariam, nec valdè gravem pœnitentiam ei vellet imponere, rogasse enixè, ut se prædicti carceris Pœnitentibus aggregaret, aggregatumque, post octo dies, doloris vi, quem de suis culpis conceperat, ac divini amo-

DISPUTATIO II. 13

amoris estu feliciter obliſſe. Quis, rogo, credat, huiusmodi Pœnitentes fuiſſe toto viræ ſuæ tempore inque ipſa morte, abſolutionis dono fraudatos? Adde quod, ut omnes eruditi norunt, iis, quibus in veteri Eccleſiâ venia penitens negata fuit (quod fortasſe aliqui Epifcopi rigidiores fecerunt) Pœnitentiam quoque negari conſuevit, nempe facultatem aggregandi ſe reliquis Pœnitentibus. Ut enim inter Cathecumenos non admittebantur, niſi qui eſſent aliquando baptizandi, ita nec Pœnitentibus aggregabantur, niſi qui tandem eſſent reconciliandi. Ergo cum prædictis Moaachis, qui deliquerant, non permetteretur ſolum, ſed imponeretur ea illius Carceris graviffima pœnitentia, iidem tandem à loci Præſide, vel à Monafterii Abbate reconciliabantur, niſi fortasſe antequam eò aſportarentur, abſolvebantur, quod etiam probabile eſt. Hinc idem Climacus, loquens de prædicto Monacho, qui poſt octiduum Pœnitentiæ, ex magna contritione deceſſit, refert cuidam Sancto Viro revelatum cœlitus fuiſſe, Deum pœniti peccata remiſiſſe, cum jaceret ſui Abbatis pedibus provolutus, quod non le-

ve

14 CALUMNIA I.

ve argumentum est, ab eodem Abbate prius absolutū eum fuisse, quā ad pœnitentialem illum Carcerem asportaretur, eundemque morem cum reliquis, qui eò mittebantur, fuisse custoditum. Nec facit, quod tanto cum timore damnationis æternæ morentur. Cum enim incerti simus, an veniam quam præbet Sacerdos, ratam habeat Deus, eos in nobis obices prospiciens, quos nec Sacerdos, nec ipsi prospicimus, sollicitos semper, & pavidos habere nos debet tantæ rei incertitudo, tantumque discrimen, habetque, cum nostrorum criminum gravitatem seriò, ac diù expendimus, ut prædicti Pœnitentes expendebant, quorum ante oculos commissi Sacrilegii, violatæque Professionis facies fœdissima semper obversabatur. Quare quamvis tam longam, & gravem de se pœnam sumpserint, arbitrabantur tamen, se veniā Divinā prorsus indignos, soloque dignos supplicio sempiterno.

CA-



CALUMNIA SECUNDA.

Quibusdam criminibus, nempe apostasia, homicidio, & adulterio, nunquam fuit per aliquot sæcula data venia.

DISPUTATIO II.

Doct. Discr.



Nonnulli Scriptores, inter quos Jacobus Sirmondus in hist. Pœnitentiæ publicæ cap. 1. &

Bonus Merbesius in summa Christiana dissert. 4. de Pœn. quæst. 4. aliique tam severas fuisse primis duobus Ecclesiæ sæculis Pœnitentiæ publicæ leges tradiderunt, ut tribus criminibus, Idololatriæ videlicet, seu apostasiæ, mæ.

16 CALUMNIA II.

machia, & homicidio, nulla prorsus venia daretur.

D. R. Ità profectò factam fuit.

D. D. Ità profectò factum non fuit. Sed ne teramus inutili verborum concertatione tempus, proponam ego argumenta, quæ suadent sententiam meam, auditurus postea ex te, quæ tuam, ut videris credere, persuadent. Igitur nulli unquam flagitio negatam ab Ecclesia penitus veniam, constantissimè assero cum Morino lib. 9. de Pœnit. cap. 20. Cabassutio ad Cānones Concil. Eliberini, aliisque. *Ab Ecclesia*, inquam. Quidquid in contrarium faciendum senserit aliqua particularis Ecclesia, & fecerit, contra reliquarum Ecclesiarum, & præsertim Romanæ consuetudinem.

- 2 Ad id autem asserendum movet Auctoritas Apostolorum, Pontificum, Conciliorum, omniumque Doctorum. Communis enim persuasio est, excommunicationem esse omnium pœnarum, quas Ecclesia unquam infligit, aut etiam infligere potest maximam. Non esset autem maxima, si Ecclesia abscidisset unquam in perpetuum, aut posset sic abscindere, quod non facit per excom.

DISPUTATIO II. 17

communicationem , utpotè pœnam medicinalem , quæ resipiscenti remittitur .

Puniunt quidem Apostolorum Canones , desertores fidei excommunicatione , & si Clerici sint , depositione , nunquam verò tam ferali perpetuæ abscissionis supplicio . Quin Canon. 51. jubentur Episcopi, Presbyterique Pœnitentes recipere , & quidem omnes , nullus enim excipitur ; Et qui eos abjiciunt , de suo gradu dejiciuntur . In iis autem Constitutionibus , quas Clemens collegit , nihil frequentius iidem Apostoli Sacerdotibus inculcant , quam ut peccatores (nullo eorum unquam excepto) amanter excipiant , errantesque oves ad Christi caulas deducant , & cap. 18. lib. 2. *recepti mandant , quos Deus recipit* . Est autem fide certum , à Deo nulli ritè dolenti veniam negari .

D. R. Quinimò hoc incertissimum est , 3
aut etiam oppositum certum est ex Christo Domino , ex D. Paulo , & ex Joanne . Christus enim Matth. 12. & Marci 3. docet blasphemiam , scèl peccatum in Spiritum Sanctum , nec remittendum in hoc sæculo , neque in futuro . Paulus autem ad Hebr. 6. ; sic habet : *Impossibile est eos , qui semel sunt*

B

illu.

18 CALUMNIA II.

illuminati, gustaverunt etiam donum cæleste, & prolapsi sunt, iterum renovari ad pœnitentiam. Joannes tandem epist. 1. cap. 5. Est peccatum (inquit) ad mortem: non pro illo dico, ut oret quis. Est igitur aliquod peccatum irremissibile in hac providentia, pro cuius proindè remissione non est orandum; ergo tuum argumentum petitum ex eo, quod Deus remittit omnia peccata, nullum est. Et si reliqua sunt hujusmodi, non est, cur ea afferas.

- 4 *D. D. Resp. hujusmodi objectionibus meum argumentum roborari, non enervari. Est enim veritas Catholica, omne peccatum, quod unquam ab homine fiet, posse per pœnitentiam remitti. Colligitur autem manifestè ex Scriptura invitante omnes peccatores in universum ad pœnitentiam. Undè in Cap. firmitèr de summa Trinit. universalirèr docemur, quod si post susceptionem Baptismi, quisquam prolapsus fuerit in peccatum, per veram potest semper pœnitentiam reparari, quod idem supponitur in Trident. sess. 6. cap. 14. & can. 29. & 30. Videri potest, Bellarm. lib. 2. de gr. & lib. arb. cap. 5. & lib. 2. de pœnit. cap. 15. Suar. de pœnit. disp. 8. sect.*

DISPUTATIO II. 19

sect. 1. De Lugo de pœnitent. disput. 8. sect. 1. alique, qui allatos text. optimè explicant, & manibus omnium teruntur, adeoque videri ab omnibus possunt.

Redeo igitur ad argumentum, unde 5
me divertisti, petatum ex auctoritate Apostolorum, qui quod verbis docuerunt, factis confirmarunt, nam Paulus 2. ad Corinth. incæstuosum hominem, utique mecho deteriore, post non longam pro conditione, criminis, ac eorum temporum, Pœnitentiam, absolvi præcepit. Joannes autem Evangelista, ut refert Clemens Alexandrinus aqud Euseb. cap. 17. lib. 1. Hist. Eccl. juvenem quendam à se ante aliquot annos salutari lavacro tinctum, sed postea factum latronum, grassatorumque caput, & principem, ipse quamvis senex, quæsit in sylvis, inventumque ad Christum per blandissima ea verba revocavit, *Ne formides fili, adhuc tibi salutis spes reliqua est*, modo facti pœniteat.

Per eadem incessisse vestigia Patres, qui 6
Apostolis successere, testatur Concilium Nicænum, dum Can. 12. mandat observari regulam antiquæ legis, ut videlicet, *si fortè quis*

B 2

rece-

20 CALUMNIA II.

recedat à corpore , necessario vitæ suæ viatico non defraudetur . Vult ergo , omnes , in morte saltem , absolvi , idque à temporibus Apostolorum factum fuisse satis innuit , quam enim aliam Nicæni Patres vocare potuerunt regulam antiquam , quàm regulam Apostolorum ? Non igitur cum ullo genere Pœnitentium sese unquam vetus Ecclesia exhibuit implacabilem . Volentibus autem quibusdam aliam post Nicænum Concilium praxim statuere obstitit primò Julius I. qui ut habetur 12. cap. 26. quæst. 6. sic statuit . Si Presbyter morientibus pœnitentiam abnegarit , reus erit animarum . Obstitit secundo Cœlestinus I. , qui ep. 2. cap. 2. Episcopos quosdam nimis rigidos sic redarguit . Agnovimus pœnitentiam morientibus denegari . Horremus tantæ impietatis hominem reperiri . Quid hoc , rogo , aliud est , quam morienti mortem addere , ejusque animam sua crudelitate , ne absolvi possit , occidere . Cum Deus ad subveniendum sit paratissimus &c. Cum autem crudelem , & impiam unquam fuisse veterem Ecclesiam asserere nefas sit , illud proculdubio asserendum est nulli unquam , vel maximo crimini , veniam ab ea fuisse penitus denegatam . Quod à
Tri-

DISPUTATIO II. 21

Tridentinis Patribus disertissimè confirmatur . Capite enim 7. sess. 14. agentes de casuum reservatione sic habent . *Veruntamen p̄e admodum, ne hac ipsa occasione aliquis pereat, in eadem Ecclesia Dei custoditum SEMPER fuit, ut nulla sit reservatio in articulo mortis, atque adeo omnes Sacerdotes, quoslibet Pœnitentes à quibusvis peccatis, & censuris absolvere possint* . Si custoditum id semper fuit in Ecclesia Dei, jam falsum est, tribus prioribus sæculis, Ecclesiam Apostatis, Homicidis, & Adulteris veniam abnegasse .

D. R. Ego quidem etiam hac in re, quæ 7
ad historiam pertinet, plurimi facio auctoritatem Concilii : at ei videtur adversari Tertullianus qui libro de Pudicitia cap. 5. Zephyrinum Papam redarguit, quòd, cum homicidas nunquam absolveret, mæchos tamen reconciliaret ; ergo tempore Tertulliani in Ecclesia Aphricana neutri absolvebantur, in Romana solus adulter, non autem homicida, & multò minus apostata : quam praxim, aut aliam ea rigidiorẽ Hispanis Patribus sequenti sæculo, nempe tertio, placuisse Eleberitani Canones demonstrant .

B 3

D. D.

22 CALUMNIA II.

8 D. D. Resp. Tertullianum falsa circa Romanæ Ecclesiæ praxim opinione deceptum fuisse, ut fusè probat Morinus lib. 9. cap. 20. Ea verò fortassè fuit erroris occasio, quod Ecclesia Romana severiùs ageret cum Homicidis, quam cum Adulteris, hosque longè citiùs absolveret, quam illos, quos proindè putavit, venià nullà, quia valdè ferà, donatos. Quod autem attinet ad Aphricanam Ecclesiam, fateor, ab ea per aliquot sæcula, nec Apostatas, nec Adulteros, nec Homicidas fuisse reconciliatos, ut refert Cyprianus in epist. 52. ad Antonianum. *Et quidem (inquit) apud Antecessores nostros quidam de Episcopis isthic in Provincia nostra dandam pacem Machis, non putaverunt, & in totum Pœnitentiæ locum, contrà adulteria clauservunt.* Sed hæc universæ Ecclesiæ praxis non fuit, aut Romanæ, sed Aphricanorum quorundam Præsulum, qui non semel nimio rigore peccarunt, uti etiam fortassè Eliberini Patres, de quibus ità Baronius scribit ad an. 57. *Austeriori quodam spiritu iidem, qui in eandem Synodum convenere, Patres Sanctissimi propemodum visi sunt Novatianorum limites attigisse.* Eandem ipsis notam inu-
rit,

DISPUTATIO II. 23

rit , aut notæ suspicionem eruditissimus Dionysius Petavius in suis ad Epiphanium, notis : quamvis utrique postea eos excusare conati sint , ille quidem ad an. 305. hic verò in suis ad Syuesium notis (quod etiam facit Cabassutius in notitia Conciliorum ad Concil. Illiberit.n.6.) putantes in hujus Concilii Canonibus privatione communicationis in fine vitæ interdici solam Eucharistiam, non verò absolutionem peccatorum, quibus libenter assentior . Cum verò nihil supersit aliud , quod contrà nos afferatur, certum, firmumque sit , decipi eos , & Calumniari , qui asserunt , à veteri Ecclesia tribus illis criminibus initio recensitis fuisse veniam in perpetuum negatam .





CALUMNIA TERTIA.

*Iis qui studiosè distulerant ad extremum
vitæ pœnitentiam, negata penitus
absolutio fuit.*

DISPUTATIO III.

I *Doct. Discr.*



Orinus de Admini-
strat. Sacram. Pœ-
nit. lib. 10. cap. 1.
Gaspar Ivenin. in
Comment. Histo-
rico, & Dogmat. de Sacram. Edmundus
Martene de antiquis Ecclesiæ Ritibus cap. 6.
art. 2. aliique docent, tribus circiter priori-
bus sæculis negatam ab Ecclesia fuisse abso-
lutionem in morte iis omnibus, qui post pes-
simam vitam, ad mortem usque pœnitere
distulerant. *Tanta fuit* (inquit in loco citato
Mori-

DISPUTATIO III. 25

Morinus) eo tempore clementissimorum Patrum
severitas, melius dixisset clementissimorum Pa-
trum inclementia. Id autem tam certum esse
autumant, ut nequeat ullo modo negari.
Sua igitur proferant argumenta, ut, si ine-
luſtabilia ſint, manus demus. Quid rogo
habetis tam forte tam validum?

Doſt. Rig. Habemus multa. Habe- 2
mus primò clariffimum Cypriani ſuffragium
ſcribentis nomine aliorum quoque Episco-
porum ad Antonianum. Idcirco frater carif-
ſime, *Pœnitentiam non agentes, nec dolorem*
delictorum ſuorum toto corde, & manifeſta la-
mentationis ſuæ profeſſione teſtantes, prohiben-
dos omnino, cenſuimus à ſpe communicationis,
& pacis, ſi in infirmitate, atque in periculo cæ-
perint deprecari, quia rogare illos non delicti pœ-
nitentia, ſed mortis urgentis admonitio compel-
lit, nec dignus eſt in morte recipere ſolatium,
qui ſe non cogitavit eſſe moriturum. Quid cla-
riùs dici poterat.

D. D. Eſto ità ſenſerint aliquot Præ- 3
ſules Aphricani, non indè ſequitur, hunc
fuiſſe Eccleſiæ ſenſum.

D. R. Hunc fuiſſe demonſtrat is ulti-
mus Canon Arelatenſis primi Concilii. De
his,

26 CALUMNIA III.

his, qui apostatant, & nunquam se, ad Ecclesiam repræsentant, nec quidem pœnitentiam agere petunt, & postea infirmitate correpti petunt Communionem, placuit eis non dandam Communionem, nisi revaluerint, & egerint fructus dignos Pœnitentiæ. Hic autem negari cum communionem etiam absolutionem, constat ex usu illorum temporum. cum autem in hanc Synodum ex tota ferè occidentali Ecclesia, convenerint Patres, nempe ex universa Gallia, Italia, Hispania, Africæ, ipsaque Anglia, & Sicilia, ut ostendit Baron. ad ann. 314., cumque ei præfuerint Sylvestri Papæ legati, ad quem etiam missos fuisset hujus Concilii Canones, idem testatur, sequitur manifestè, hunc fuisse universæ, ipsiusque Romanæ Ecclesiæ sensum.

4 *D. D. Manifestam hanc consecutionem nego, primò quia certum non est, consuevisse veterem Ecclesiam non absolvere, quos communionem privabat, quin oppositum fuisse ab ea factitatum, pluribus suo loco probabo. Nec solus hanc sententiam tueor, sed alii apud Cabassutium, qui agens de hac ipsa pœna sublata etiam in morte, coram unionis tam frequentè ab Eliberinis*
Pa-

DISPUTATIO III. 27

bus inflicta, sic habet in Concil. Illiber. n. 7. *Il-
la Communionis in ipso exitu vitæ statuta priva-
tio nullatenus reconciliationis, seu absolutionis,
sed Eucharistiæ Sacramentum adimere censen-
da est.* Rationes autem quibus hanc suam
interpretationem firmat, omnes, quotquot
affert, probant, hunc etiam Arelatensis Con-
cilii Canonem de sola Eucharistiæ privatio-
ne, non autem de privatione veniæ esse in-
telligendum, ut eum legenti, expendentique
ea, quæ mox dicentur, patebit. Secun-
dò refert quidem Baronius, missos ad Sylve-
strum Pontificem hujus Concilii Canones,
ab eo autem confirmatos fuisse non refert;
nec si referret labantem animum confirma-
ret, cum in Epistola scripta ab eadem Syno-
do ad Sylvestrum, pro confirmatione Cano-
num, qui in eadem recitantur, præcitatus
Canon non reperiatur, sed alter oppositus,
in quo sine ulla exceptione absolvi jubentur
ij, qui sunt in mortis periculo constituti,
nempè is. *De his, qui in infirmitate sunt con-
stituti, & recedere volunt, placuit eis manus
imponi.* Idem autem erat ut alibi dicam.
Pœnitenti manus imponere, ac eum ab-
solvere: communio autem iisdem non
con-

28 CALUMNIA III.

conceditur, quia eorum aliqui lapsi erant in culpas, quæ (ut eorum temporum, aut aliquarum Ecclesiarum disciplina ferebat) perpetua Communionis privatione plectebantur, quod confirmatur, quod dicebam, videlicet non semper negatam fuisse veniam iis, quibus fuit negata communio. Demum idem Baron. ad ann. cit. num. 52. vehementer suspicatur prædictum Concilium Arelatense fuisse a Donatistis depravatum. Igitur nihil certi ex eo depromi potest.

- 5 *D. R.* Ut ut in aliquibus hujus Concilii authoritas summa non sit, nemo tamen fraudem in prædicti Canonis additione, vel depravatione contigisse suspicatus unquam fuit, nec suspicari permittit Innocentius Papa I., qui in ea Epist. quam ad Exuperium Tolosanum Episcopum scribit, jubet quidem, omnes quamvis serò, & solum in morte pœnitentes absolvi; monet tamen alium fuisse veteris Ecclesiæ morem, nempe negandi hujusmodi Pœnitentibus etiam in morte reconciliationem, & communionem, & solum concedendi ipsis pœnitentiam, nempe jus, ut si convalescerent, possent agere in Ecclesia cum reliquis Pœnitentibus publicam pœni-

DISPUTATIO III. 29

pœnitentiam, eâque peractâ tandem reconciliari. Hoc autem jus tradebat hujusmodi ægris Sacerdos adscribendo eos in numerum Pœnitentium, superponendo ipsis in lecto decumbentibus cilicium, easque interea super ipsos preces recitando, quæ die cinerum super Pœnitentes recitari consueverant, non autem eos absolvendo. Prædicti Pontificis verba sunt hæc. *Et hoc quesitum est, quid de his observare oporteat, qui post Baptismum omni tempore incontinentiæ, & voluptatibus dediti in extremo fine vitæ suæ pœnitentiam simul, & reconciliationem communionis exposcunt. De his observatio prior durior, posterior, interveniente misericordia, inclinatio est. Nam consuetudo prior tenuit, ut concederetur eis pœnitentia, sed communio negaretur. Nam cum illis temporibus crebræ persecutiones essent, de communionis concessæ facilitas homines, de reconciliatione securos non revocaret à lapsu, negata meritò communio est, concessa pœnitentia, ne totum penitens negaretur, & durio remissionem fecit tempore ratio. Sed postquam Dominus noster pacem Ecclesiis suis reddidit, jam depulso terrore communionem dari abeuntibus placuit, & propter Domini misericordiam, qua-*
si Via-

30 CALUMNIA III.

si Viaticum profecturis, ne Novatiani Hæretici negantis veniam asperitatem, & duritiam subsequi videamur. Tribuatur ergo cum Pœnitentia extrema communio, ut homines ejusmodi, vel in supremis suis, permittente Salvatore nostro, à perpetuo exitio vindicentur. Refert igitur Innocentius, hunc fuisse morem priorum temporum negandi prædictis, etiam in morte, veniam, & communionem, quem morem ipse tollit præcipiens, ut omnes reconcilientur, ex ratione ibi allata.

- 6 *D. D. Resp. ex citato textu, corruere Canonem Arelatensis Concilii, nec probari ab Adversario, quod intenditur. Refert Innocentius, solum tempore persecutionum consuevisse Ecclesiam negare nimis serò pœnitentibus communionem, & reconciliationem, ergò non fuit ea negata à Concilio Arelatensi, vel si negata fuit, non fuit ille Canon approbatus, aut usu receptus, quandoquidem illud Concilium celebratum fuit post pacem Ecclesiæ redditam à Constantino, qui eidem Concilio interfuit, nempe anno 314.*

- 7 *Non probatur autem eo textu, quod inten-*

DISPUTATIO III. 31

intenditur ab Adversario, imò reprobatur, nam asserit Innocentius fuisse olim negatam quidem communionem serò pœnitentibus, concessam verò pœnitentiam, quò nomine deberi intelligi veniam, & absolutionem, probo sic contrà Morinum. 1. Quia licèt sani, qui petebant pœnitentiam, non peterent illicò reconciliari (quod ipsum usquequaque verum non est,) sed adscribi numero Pœnitentium, & sibi imponi satisfactionem exhibendam, ut postea reconciliarentur; infirmi tamen, & mox morituri dum petebant pœnitentiam, petebant reconciliari statim, cum scirent instare mortem. Dum ergo dicitur illis concessa pœnitentia, significatur, concessam eis fuisse absolutionem, & veniam. 2. Julius I. ut refertur 12. causa. 26. q. 6. dicit, *quod Presbyter morientibus pœnitentiam abnegans reus erit animarum*, hoc autem falsum esset, nisi cum pœnitentia data fuisset absolutio. 3. Cœlestinus in eà Epistola, quam cap. superiori laudavimus, dum ait *Agnovimus pœnitentiam morientibus denegari*, nomine pœnitentiæ significavit absolutionem, non enim Episcopi illi negabant eam cœremoniam adscribendi morientes inter

32 CALUMNIA III.

ter Pœnitentes , sed absolutionem negabant , quam Pontifex dari mandavit . Ergo dum Innocentius asserit concessam fuisse Pœnitentiam , absolutionem fuisse concessam affirmat.

4. In libris Ritualibus veteris Ecclesiæ , in quibus habemus descriptam cœremoniam dandi pœnitentiam Infirmis , datur eisdem per eandem cœremoniam absolutio , ut videre est in iis , quos idem Morinus concessit in calce sui operis de Pœnit. , & cap. 11. lib. 8. num.6. ubi assert hæc verba libri pœnitentialis Ecberti Cantuariensis Archiepiscopi, quem librum idem vocat ibi antiquissimum . *Omni tempore quando ad agrotum veneris data pœnitentia statim reconcilia eum , ita dicendo , Majestatem tuam Domine suppliciter deprecamur &c. Misereatur tui &c.* Ergo hoc erat dare Pœnitentiam Infirmo , nempè ipsum absolvere per dictam cœremoniam , qua cilicium ipsi decumbenti superponebatur , imponebantur ei manus , recitabantur preces absolutoriæ &c. Scio hos libros esse posteriores primis Ecclesiæ sæculis , monet tamen Morinus ipse lib. 4. cap. 18. n. 1. in eis contineri veteris Ecclesiæ mores , & ritus . Et sanè quidnam faciebat Sacerdos pœnitentiam concedens

DISPUTATIO III. 33

cedens Infirmus, si eum non absolvebat?

D. R. Recitabat eas preces super infirmum, eaque præstabat, quæ fieri solebant, cum in die Cinerum Pœnitentes ad pœnitentiam publicam admittebantur, ut dictum est. 8

D. D. Non recuso interpretationem, 9 sed infero, ergo Infirmus absolvebatur, cum (ut Calumnia 11. probabo) aut prædictæ cæremonix continerent veram absolutionem, aut Ecclesia vetus nunquam absolverit; cum enim absolvit, nihil amplius præstitit, quod absolutioni conducere, quam cum per prædictas cæremonias pœnitentiam dare consuevit.

D. R. His Innocentii verba repugnant, 10 ait enim, duriores fuisse priores, & antiquam observationem solam pœnitentiam prædictis Infirmis concedendi; quod falsum esset, si ipsis post pessimam vitam, & solo mortis terrore pœnitere coactis venia concessa foret. Rursus iisdem ipse pœnitentiam, & communionem concedit; ne Novatianos veniam negantes imitari videretur. Ergo nisi concessisset communionem, & morem antiquum observari jussisset, visus fuisset negare

34 CALUMNIA III.

gare veniam , ut Novatiani faciebant , ergo is erat mos antiquus , nempè veniam , & absolutionem negandi . Et confirmatur , nam controversia inter Catholicos , & Novatianos erat de negatione veniæ , seù absolutionis , non de negatione communionis , ergò mos antiquus si videbatur Novatianismus (quamvis non esset) negabat veniam , & absolutionem prædictis Infirmis ex solo mortis metu pœnitentibus , non verò solam communionem . Deinde vocat eam communionem , *reconciliationem* , ergò Veteres privantes cōmunione prædictos infirmos , reconciliatione eos , & absolutione privabant . Et confirmatur iterum . Nam prior illa durior observatio negandi his Pœnitentibus communionem fuit inducta , ne Fideles de obtinenda postea reconciliatione securi faciliùs laberentur , & Christum in tormentis abnegarent , ergò privati Communionem non reconciliabantur , alioquin ille mos à lapsu , & Apostasia eos non revocasset . Tandem permittit ipse communionem , ut homines *in supremis suis à perpetuo exitio vindicentur* ergò qui ea communionem privabantur faciliè perpetuum exitium incurrebant , ergò non absolvebantur , si enim fuissent absoluti ,
tam

DISPUTATIO III. 35

tam securi salutis fuissent, quam postea futuri erant concessa ipsis communione.

D. D. Valida argumenta sunt hæc, 11 aut esse videntur, sed longè validiora sunt illa, quæ suadent à vetusta Ecclesia nunquam fuisse prædictis infirmis negatam veniam, adeoque Innocentii verba esse aliter interpretanda.

D. R. Et quæ nam sunt isthæc tam fortia, tam incluctabilia argumenta, ut prædictis Innocentii verbis aliisque Patrum testimoniis validiora sint?

D. D. Afferam, & modò sis æquus 12 Judex, non repugnabis. Et primò omnium Theologorum totiusque Ecclesiæ sensus is est, & certa persuasio, non posse licitè Sacerdotem à moribundo verè pœnitente, quamvis scelestissimo, rogatum negare ei absolutionem, & si negaret, haberetur ab omnibus tanquam inhumanus, ergò non potuit Ecclesia, ut id fieret, suo decreto sancire.

Secundò, hæc etiam est omnium 13 Theologorum, totiusque Ecclesiæ doctrina, nempe obligari omnes Fideles, saltem in articulo mortis, sumere Sacramentum pœ-

36 CALUMNIA III.

nitentiæ, adeoque ipsum petere: hoc autem esset falsum; nemo enim tenetur ponere, medium inutile, imò illicitum, adeoque petere à Sacerdote, quod is non est concessurus, nec potest licitè concedere; Sacerdos autem veteris Ecclesiæ, si (ut fertur) prædictos nimis serò pœnitentes absolvere prohibebatur, eos non poterat licitè, imò nec validè absolvere, ergò nec ipsi absolutionem petere tenebantur.

- 41 Tertiò; Ex mente ipsius Cypriani, non licebat absolutionem denegare morientibus, quamvis scelestissimi fuissent, si non studiosè distulerant pœnitentiam; sic enim habet in Ep. 54. ad Cornelium Pontificem, loquens de prædictis, qui in mortis periculo veniam petebant. *Nec enim fas erat, aut permittebat paterna pietas, & Divina Clementia Ecclesiam pulsantibus claudi, & dolentibus, & deprecantibus spei salutaris subsidium denegari, ut de sæculo decedentes sine communionem, aut pace Domini dimitterentur. Et paulò post: Quod si de Collegis aliquis extiterit, qui urgente certamine pacem fratribus, & sororibus non putet dandam, reddet ille rationem in die Judicii Domino, vel importuna cen-*

DISPUTATIO III. 37

cenſura, vel inhumanae duritiei ſuae. Igitur ex Cypriano eſt importunus, & inhumanus cenſor, peccatque contra paternam pietatem, qui infirmo, quamvis antea fuerit ſceleſtiſſimus, veniam negat, ſi non diſtulit in mortem poenitere, ergo huiusmodi etiam eſt, nempè inhumanus, & impius, ſi veniam neget infirmo, qui diſtulit poenitere. Scio, hunc magis deliquiſſe per eam ſtudioſam dilationem, ſed etiam qui à Fide deſciivit, qui Deo maledixit, qui malo Dæmoni Sacrificium per plures annos obtulit, certè magis peccavit, quam is, qui illicitis voluptatibus detentus ad mortem diſtulit poenitentiam. Atqui qui primo non differenti Poenitentiam veniam negat, eſt, ut dicit Cyprianus inhumanitèr durus, & impius, ergo erit huiusmodi, qui veniam alteri, ob eam poenitentiae dilationem non impertitur.

D. R. Eſt lata diſparitas, nam poeni-15 tens tam ſerò, & ſolùm ex metu mortis, præſumitur non verè dolere, ut idem Cyprianus in Ep. ad Antonianum aſſerit, *quia rogare illos non delicti poenitentia, ſed mortis argentiſ admonitio compellit*, ſecus autem qui ante mortem veniam petit. Prætereà Cy-

38 CALUMNIA III.

prianus in hac Epist. 54. ad Cornelium loquitur de Fidelibus, qui sæviente Decii persecutione erant à Satellitibus iterum capiendi, & torquendi, ut ergò alacriores ad novam pugnam proflirent post primam, in qua victi fuerant, erant de primo lapsu absolvendi, quæ ratio tam serò pœnitentibus succurrendum esse non probat.

16. *D. D.* Respondeo primam rationem afferri non posse, si enim qui solum in morte absolvi petunt, non verè dolent de peccatis; jam non debuit Ecclesia post prima illa tria sæcula præcipere ut absolverentur; hoc autem fuisse præceptum, & quidem Sanctissimè, concedunt omnes; ergò si ex ea de falsi doloris persuasionem in eum rigorem perductus fuit Cyprianus, falsa ipse persuasionem deceptus est. Altera autem ratio retorquetur in Cyprianum. Ut lapsi in prima pugna Fideles alacriores novum bellum cum Decii satellitibus inirent, absolvi debuere; ergò ut lapsi antea per totam vitam male traductam, non laberentur iterum in morte, nempe in ea terribili pugna, quam Infernus Draco habens iram magnam eo tempore instaurat, debuervnt absolvi; ergò si lapsis, de quibus loqui-

DISPUTATIO III. 39

loquitur Cyprianus, est venia danda, eamque abnegans est inhumanus, venia quoque serò Pœnitentibus ægris danda fuit, eamque dare renuens debuit inhumanus haberi. Id si quis neget, auctoritate Cœlestini affirmare cogetur, cujus Pontificis decretum in superiori disputatione ex parte allegatum, hîc totum afferre necesse est, & hoc erit quartum argumentum.

Is igitur Pontifex cum rescisset in Gallia 17 huiusmodi ægris, qui tandiù pœnitere distulerant (de his enim eum loqui fatetur Martene, quem initio citavimus) veniam in morte negari, sic Ep. 2. cap. 2. ad Episcopos Gallicanos scribit. *Agnovimus, pœnitentiam morientibus denegari, nec eorum desideriis annui, qui obitus sui tempore hoc animæ suæ cupiunt remedio subveniri. Horremus fateor, tantæ impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, & periclitantem sub onere peccatorum hominem, pondere, quo se expediri desiderat, liberare. Quid hoc, rogo, aliud est, quàm morienti mortem addere, ejusque animam sua crudelitate, ne absolvi possit, occidere? Cum Deus ad subveniendum sit paratissimus,*

40 CALUMNIA III.

simus, & invitans ad pœnitentiam sic promittat peccatori, inquiens. Quacumque die conversus fuerit, peccata ejus non imputabuntur ei, & iterum, nolo mortem peccatoris, sed tantum convertatur, & vivat. Salutem ergo homini adimit quisquis mortis tempore pœnitentiam denegaverit, & desperat de Clemenii Dei, qui eum ad subveniendum morienti sufficere, vel in momento posse, non credit. Perdidisset latro in Cruce præmium ad Christi dexteram pendens, si illum unius horæ pœnitentia non juvisset. Vera ergo ad Deum conversio in ultimis positorum, mente potiùs est æstimanda, quam tempore, Propheta hoc taliter asserente. Cum conversus ingemueris, tunc salvus eris. Cum ergo Dominus sit cordis inspector, quovis tempore non est deneganda pœnitentia postulanti &c. Igitur ex Cælestino, committit horribilem impietatem, & crudelitatem, ipsasque animas perimit, qui ægros prædictos tam serò pœnitentes non absolvit. Atqui Ecclesia nunquam potuit præcipere aut probare morem horribiliter impium, & crudelem, quo animæ mors æterna inferatur: ergo Ecclesia nunquam probavit, aut probare potuit, nè dum præcipere, ut venia sic diffe-

DISPUTATIO III. 41

differentibus pœnitentiam negaretur.

D. R. Cœlestinus non redarguit factum sed causam facti, nempe errorem prædictorum Episcoporum, qui putabant, a Deo non remitti prædictum peccatum nimis dilationis, desperabantque de Divina Clementia, & propterea veniam negabant, ut patet ex citatis verbis, hinc totus est in probando, Deum remittere quodvis peccatum, & quovis tempore.

D. D. Imò factum redarguitur à Pontifice, nam solum factum ipsi relatum fuerat. Sic enim redarguere cœpit. *Agnovimus Pœnitentiam morientibus denegari, nec eorum desideriiis annui, qui obitus sui tempore hoc animæ suæ cupiunt remedio subveniri.* Ecce tota eorum quærela, qui prædictos Episcopos accusarant, in qua nihil de prædicto eorum errore in fide, & spe Divinæ clementiæ, & rursus dum addit id esse ægrotum animas perimere per horribilem crudelitatem, utique factum damnat, præcisè ex damno illato ipsis animabus, & non ex eorum Sacerdotum errore. Quamvis, quia hoc faciebant, aut fieri permittebant illi Episcopi ex aliquo errore, putantes non qui-

42 CALUMNIA III.

quidem Deum non posse condonare omne peccatum, aut non condonare de facto, cum pœnitens se disponit (is enim fuisset error intolerabilis, qui cadere non potuit in ejusmodi Episcopos) sed non esse sufficientem eam brevem dispositionem, & dolorem, quem prædicti ægri post vitam tam malè traductam, & ex metu mortis concipiebant, idè Pontifex, ut radicitus nimium illum rigorem evellat, ostendit Deum esse promptissimum ad ignoscendum, & satis esse ad hanc veniam obtinendam, brevissimam pœnitentiam, etiam in morte conceptam.

- 20 Et confirmatur alio decreto, nempe Sancti Leonis Primi, qui epist. 89. ad Theodorum Forojuliensem Episcopum, agens de his ipsis, qui differunt ad ultimum vitæ terminum pœnitentiam, sic habet. *His autem qui in tempore necessitatis, & in periculi urgentis instantia præsidium Pœnitentiæ, & mox reconciliationis implorant, nec satisfactio interdicens est, nec reconciliatio deneganda, quia misericordiæ Dei, nec mensuras possumus ponere, nec tempora definire, apud quem nullas patitur veniæ moras conversio, dicente Spiritu Dei per Prophetam. Cum conversus inge-*
muc-

DISPUTATIO III. 43

*mueris , tunc saluus eris . Et alibi : Dic tu iniquitates tuas , ut justificeris . Et iterum . Quia apud Dominum misericordia , & copiosa apud Deum redemptio . In dispensandis itaque Dei donis , non debemus esse difficiles , nec accusantium se lacrymas , gemitusque negligere , cum ipsam pœnitentiam ex Dei credamus inspiratione conceptam , dicente Apostolo , ne fortè det illis Deus pœnitentiam , ut resipiscant à Diaboli laqueis , à quo capti tenentur ad ipsius voluntatem . In hoc Leonis responso notanda præsertim sunt aliqua , & primò ea verba , quia misericordiæ Dei , nec mensuras possumus ponere , nec tempora definire , quibus ostenditur , quod qui veniam negat his serò pœnitentibus , ponit eos terminos misericordiæ Dei , quos ipse Deus non posuit , quod sine temeritate fieri non potest ; quare meritò asserit , non posse Ecclesiam hoc facere . Ergo Ecclesia nunquam id fecit , alioquin erasset faciendo quod facere non poterat . Secundò , notanda sunt illa *in dispensandis Dei donis non debemus esse difficiles* . Ergo non debuit unquam negari absolutio moribundo , utcumque dolosè distulerit pœnitere . Quæ enim major difficultas in dispensandis Sacramentis esse*

44 CALUMNIA III.

esse potest eà , qua quis recusat eum absolvere , qui in ipso vitæ exitu , atque imminentis jam judicii limine suppliciter , & cum lacrymis reconciliationem exposcit , ex qua pendet æterna salus , ætetnumque supplicium ?

21 *D. R.* Debuit in tempore pænitere , (responderent Cyprianus , alique Patres Ecclesiæ vetustæ , qui seras hujusmodi lacrymas neglexere) sibi imputet Ecclesiæ difficultatem , & rigorem .

D. D. Sed cur tam seras lacrymas non despicit Leo , monetque non esse despiciendas ? *Non debemus* , inquit , *accusantium se lacrymas , gemitusque negligere* . Audiamus optimam rationem . Quia *credere debemus , pænitentiam esse ex Dei inspiratione conceptam* . Credant rigidi Doctores horum pænitentiam esse ex metu mortis , nempè , ut ipsi dicunt , ex amore proprio profectam , ego credam cum Leone , horum , aliorumque pænitentiam esse ex Dei inspiratione conceptam , & quoniam ita est credendum , semper asseram , ita veterem Ecclesiam , quæ errare non potuit , credidisse , nec unquàm serò pænitentibus veniam abnegasse . Quod autem dicebatur ; *Debuit in tempore pænitere , nec tandiù dif-*

DISPUTATIO III. 45

differre, non satis benè dictum est. Jam enim nunquam absolvi pœnitens deberet, debuit enim non peccare, & rursus nec is, qui suâ culpâ in gurgitem prolapsus est, & postea pœnitens facti cum lacrymis auxiliares manus exposcit, exaudiendus erit, quamvis extrahi facillimè possit; debuit enim se non præcipitare. Num culpa non careat tanta inclementia, & culpa carebit omni, eritque veteris Ecclesiæ præconium, quod Pœnitentes in culpam lapsos, jamque æterno exitio absorbendos, quamvis facillimè in tuto collocari possent, otiosa spectarit? An verò major corporum cura habenda est, quam animarum?

Sed redeundum est ad Leonem, siqui-22 dem post allegata verba hortatur Fideles ne differant converti de die in diem, illiusque temporis angustias eligant, quo vix inveniat spatium, vel confessio Pœnitentis, vel reconciliatio Sacerdotis. Statim verò subdit. Verum ut dixi, etiam talium necessitati ita auxiliandum est, ut nec actio illis Pœnitentiæ, nec communio- nis gratia denegetur, si ea, etiam amisso vocis officio, per indicium integri sensus quærere comprobentur. Quod si aliqua ægritudine ita fuerint

46 CALUMNIA III.

rint aggravati , ut quod paulò antè poscebant , sub præsentia Sacerdotis significare non valeant , testimonia eis fidelium circumstantium prodesse debebunt , ut simul , & pœnitentiæ , & reconciliationis beneficium consequantur . Quis credat veterem Ecclesiam his ægris , veniam vocibus , & multo gemitu exposcentibus denegasse , quibus nec gementibus , nec loquentibus , sed solum indicantibus votum suum , veniam plenamque communionis reconciliationem concedi vult Leo antiquorum Canonum retinentissimus , undè hîc statim jubet servari paternos Canones , in reconciliandis iis , qui fidem deferendo peccarant .

- 23 Hæc sanè sufficiant . Recolenda tamen sunt , ut veritas illustretur magis , ea duo , quæ Capite præcedenti attulimus , nempè Canon duodecimus Nicænus , quo Patres , non solum volunt , neminem in morte communione privari , sed prætereà mandatum hoc vocant regulam antiquam . Ergo falsum est , serò Pœnitentibus fuisse antè Nicænum Concilium veniam in morte negatam . Alterum est , quod asserit Tridentinum , nempè semper custoditum in Ecclesia fuisse , ut quilibet in morte à quibusvis censuris , & peccatis ,

DISPUTATIO III. 47

catis, posset absolvi; ergo falsum est, aliquando ex ipsius Ecclesiæ Canone fuisse aliquibus in morte, eo quod serò eos pœniteret, veniam denegatam.

D. R. Manus darem, sed adhuc negotium 24
faceffunt ea Innocentii verba non impro-
bantis, imò approbantis rigorem anti-
quum, quem ibi supponit, Ecclesiæ praxim
fuisse, negandi, non solum communionem,
sed veniam iis, quos nimis serò suorum sce-
lerum pœniteret, ut prædicta ejus verba si-
gnificare quatuor argumentis validissimè
ostensum est ex Morino. Certè Innocentius
nec errare potuit in eo, quod refert de ea ve-
teri praxi, utpotè illis temporibus vicinus,
nec in eo quod docet, approbando ipsam:
vel si potuit errare Innocentius, errare po-
tuit Cœlestinus, Leo, & si qui sunt alii Pon-
tifices, qui prædictum vcteris Ecclesiæ rigo-
rem reprobare videntur.

D. D. Respondeo, verba Innocentii posse 25
sine ulla vi ità exponi, ut non significant,
consuevisse veterem Ecclesiam negare om-
nem veniam serò Pœnitentibus, adeoque
ex illis non constare, ab eo approbatum
fuisse hujusmodi rigorem, quamvis dicat
eis

48 CALUMNIA III.

eis meritò negatam fuisse communionem. At è contrà verba Cœlestini, & Leonis, ità clarè reprobant prædictum rigorem, ut de mente ipsorum dubitari non possit. Igitur iis omninò adhærendum est.

D. R. Hoc ipsum negatur, Innocentii verba non esse clarissima expendentibus, ut nos fecimus, totum Sancti Pontificis textum. Ex eo enim clarissimè habetur, veterem Ecclesiam, non solam communionem, sed veniam quoque prædictis ægris negasse.

- 26 *D. D.* Id etiam concedam, nego tamen omnem veniam negasse. Hoc ille textus non exprimit, cumque duplicis interprætationis sit capax, jam ità explicandus est, ut Cœlestino, Leoni, communi Theologorum, & Ecclesiæ sensui non adversetur. Duo igitur supponenda. Primum est, duplicem ab Ecclesia veteri concedi solitam peccatorum absolutionem, unam purè Sacramentalem per eos ritus, & preces, quas peragebat Sacerdos, cum aliquem in Pœnitentium numerum referebat, ut ostendere conabor, cum contrà undecimam Calumniam disputabo. Per hanc absolutionem reconciliabatur quidem Pœnitens cum Deo, sed non cum Ecclesia,

DISPUTATIO III. 49

sia, cui per publicam pœnitentiam satisfaciendum prius erat, nec cum Altari, quare jus minimè dabat ad communionem. Altera venia, seu absolutio, quæ impletâ solùm pœnitentiâ dabatur, erat utriusque fori interni, externique: per eam quippè Pœnitens reconciliabatur iterùm cum Deo, & postea cum Ecclesia, cui satisfactum erat & cum Altari, ad quod accedere poterat ut offerret, & ut cum aliis Fidelibus de Sanctissimâ Eucharistiâ communicaret.

Supponendum secundò est, consuevisse 27 Patres duo Fidelibus inculcare perpetuò, nempe vim pœnitentiæ, idest externarum corporis afflictationum, ad obtinendam à Deo remissionem plenam peccatorum, culpæ videlicet, & pœnæ. Et rursus virtutem maximam Eucharistiæ ad destruenda peccata. Nam Ignatius epist. 14. ad Ephes. vocat hoc Sacramentum *vitam in Deo concilians, medicamentum purgans vitia, & omnia pellens mala*. Cyprian. serm. de Cœna Domini, dicit, *eo extingui peccatum*, & obtineri veniam, Ambros. lib. de Benedict. Patriarc. cap. 9. *Panis hic remissio peccatorum est*, quod ipsum docet serm. 17. in Psalm. 118. & lib. 2. de

D

Pœnit.

50 CALUMNIA III.

Pēnit. cap. 3. Chrysoft. hom. 83. in Matth. de eo loquens, *remissionem* (inquit) *peccatorum facit* . Similia habet Aug. cap. *cum omne crimen* de consecr. dist. 2. & Cyrill. lib. 4. in Jo: cap. 14. utiturque exemplo Christi, qui tactu suo mortuos vivificabat .

28 His positis, cū post primam absolutio-
nem adhuc Pēnitentes, tanquam rei habe-
rentur ab Ecclesiā, cum qua nondum erant
reconciliati, nec liberi adhuc essent à reatu
pēnæ, utpotè non perfuncti pēnitentiā, pri-
varenturque Eucharistiæ Sacramento, quo
remitti peccata audiebant, illud fiebat, ut
primā veniā donati, vix absolutos se crede-
rent, aut non satis tutos, donec donarentur
etiam secundā, quam proptereā qui negabat
præsertim moribundo, Novatianismum quen-
dam præferebat, ut ait Innocentius, & alicui
periculo exponebat ægrotum, privans ipsum
eā ulteriori reconciliatione, & communio-
ne, eā ferè ratione, qua si nolim moribundo
ministrare Sacramentum pēnitentiæ, alicui
illum periculo expono, quamvis noverim,
cum antea contritionis formulam etiam ex
animo recitasse .

Video, tibi hæc non satis arridere, nec
vi-

DISPUTATIO III. 51

videri tibi satis luminis inde affulgere ad Innocentii textum declarandum, sed illud tecum perpende, argumenta, quibus probavimus, non fuisse serò pœnitentes ab Ecclesia unquam rejectos, petita ab universo Theologorum, imò Ecclesiæ consensu, ex evidenti ratione, ex clarissimo Cœlestini, & Leonis responso, ex Canone Nicæno, & præsertim doctrinâ Tridentini esse ineluctabilia; adeoque aut asserendum, Innocentium in referendâ, aut approbandâ eâ veteri consuetudine errasse, quod asseri non debet, aut ejus verba hac, vel simili ratione, qua ipsum explicuimus, esse interpretanda.





CALUMNIA IV.

*Reis ad mortem damnatis olim Ecclesia
veniam negavit, aut negari
permisit.*

DISPUTATIO IV.

Doct. Disc.



Orinus cap. 1. lib. 10.
probare contendens,
ab Ecclesia veteri ne-
gatam fuisse veniam
iis, qui pœnitentiam

ad extremum vitæ terminum differebant, ut
hanc praxim reddat minus mirabilem, &
minus odiosam, alteram crudeliorem propo-
nit. Exposita igitur hac sua sententia, sub-
dit. *Ne verò hanc tantillam severitatem ex-
horrescas, id observatum est in Gallia ad an-
num 1396. in criminum reos morti condemna-
tos. Sacramentum pœnitentiæ illis denegabatur,
& in hunc usque diem, Sacramentum Eucha-
ristiæ*

DISPUTATIO IV. 53

vistiæ illis denegatur. Quibus verbis videtur asserere, hanc etiam fuisse praxim Ecclesiæ, quamvis postea ab eâdem fuerit reprobata, ut aliæ multæ. Si enim hæc Ecclesiæ praxis nunquam fuit, sed aliquorum Principum excessus, jam per hanc non excusatur prior illa, quam excusare contendit. Igitur id etiam erit inter reliquas calumnias recensendum, & cum reliquis rejiciendum.

Doct. Rig. Fateberis tamen id fuisse sæpissimè factitatum, nec ab Ecclesia per aliquot sæcula fuisse vetitum; sed potius permissum; & quidem factum persæpè id esse produnt historiæ. Referam ordinæ temporum aliquot exempla. Sub finem sæculi sexti Daco quidam, teste Gregorio Turonensi lib. 5. hist. cap. 26. cum vinctus teneretur à Chilperico, & cerneret se non posse mortem evadere, à Presbytero (Rege nesciente) pœnitentiam petiit. Cur Rege nesciente? nisi quia Rex, ut mos ferebat, minimè concessisset. Sæculo octavo Corbinianus Frisigenis Episcopus cum Adalberti cujusdam suspendio plectendi vitam à Judice obtinere non potuisset, curavit clanculum excipere ejus confessionem, ut scribit Aribo in ejus vita cap. 2. Cur autem

54 CALUMNIA IV.

clanculum ? nisi quia permissus alioqui non fuisset ? Sæculo nono Patres Concilii Vormatiensis fuerunt à quibusdam interrogati , an hujusmodi homines essent in morte Sacramentis muniendi , & post mortem oblationibus , & Missis juvandi , quod innuit , consuevisse tunc neutrum fieri . Circa idem tempus Dido Laudunensis Episcopus , reo extremo supplicio plectendo , pœnitentiam per confessionem petenti negavit , ut habet Flodoardus lib.4. hist. Rhemen. cap.6. Sæculo undecimo , Henricus Roberti Normannorum Ducis frater Conano cuidam , qui Rotomagum Guillelmo Rufo prodere tentaverat , ad mortem damnato , & pro amore Dei , confessionem sibi permitti exposcenti denegavit , ut scribit Ordericus Vitalis lib. 8. ad an. 1090. Sæculo duodecimo Sancta Hildegundis assumptâ veste virili , & eminenti nomine Joseph , pro latrone comprehensa , cum videret se jam fore damnandam , Sacerdotem rogavit , ut se confitentem audiret , & Sacramentum Eucharistiæ ministraret , quod ægrè obtinuit , haud dubium , quia concedi non soleret . Sæculo decimotertio , nempe anno 1261. Bonifacius Cantuariensis Archiepiscopus in constitu-

DISPUTATIO IV. 55

stitutionibus provincialibus editis in Concilio Lambetenſi, ejuſdem conſuetudinis tunc in eo Regno communis, meminit, uti etiam Concilium Londinenſe, paulò poſt celebratum, nempe anno 1268. Sæculo decimoquarto perſeverabat ea in Gallia, & vix eſt initio Sæculi decimiſexti, penitus ſublata.

Fuiſſe autem ab Eccleſia hunc uſum ap-
 3
 probatum, aut ſaltem permiſſum in juſtam delictorum vindictam, & ad cæteros à majoribus maleficiis abſterrendos, probatur 1. ex tam frequentibus exemplis, tamque diuturnâ hujus praxis perſeverantiâ. Eccleſiâ enim repugnante, factum id tandiù non fuiſſet. Probatur 2. ex eo quod non auſus fuiſſet hunc morem approbare Robertus Pullus S. R. E. Cardinalis, ut fecit ſcribens in lib.6. ſentent. cap. 55. *Quod ſi (inquit) eum, qui in confeſſione eſt reus, reum quoque Divina pandant judicia (judicia enim Dei abyſſus multa) non videtur ad Sacerdotem pertinere ad huiusmodi accedere debere. Ex quo enim Dei judicio convictus, aut ipſo in maleficio deprehenſus Judici mundano traditur, Judicem pro Sacerdote habet, quoniam ipſi occulta ſclerum pandere oportet, à quo pro ipſis pœnam recipiet. Nam ſi tales viſitet Sacer-*

56 CALUMNIA IV.

*dos pravorum flagitia roborantur spe confessionis,
& Eucharistia, ita Pullus,*

- 4 *D. D.* Nec probatum id unquam ab Ecclesia fuit, nec permissum, ita ut non reclamaret, ut servato eodem sæculorum ordine demonstrabo. Prætereo Nicænæ Synodi, Cælestini Primi, & Leonis Primi Decreta superius allata de quibuslibet in morte absolvendis, uti etiam Canonem 13. Concilii Andegavenfis, ut *Pœnitentiæ locus omnibus pateat, qui conversi errorem suum voluerint confiteri, quod ipsum statuit Concilium Epaunense, cujus est is Canon. 36. nè ullus sine remedio, aut spe veniæ ab Ecclesia repellatur, eaque sola afferam, quæ rem ipsam, de qua agimus, speciatim tangunt.*

- 5 Et primò Concilium Vormatiense agens de iis, qui suspenduntur in patibulis c.80. sic ratiocinatur. *Si omnibus de peccatis suis, puram Confessionem agentibus, & dignè Pœnitentibus communicatio in fine, secundum Canonicum jussu danda est, cur non etiam iis, qui pro suis peccatis pœnam extremam persolvunt? Scriptum est enim non vindicat Deus bis in idipsum: nam Dominus ait, in quocumque die conversus fuerit peccator, peccata ejus non reputabuntur ei &c.* Indè idem

Con-

DISPUTATIO IV. 57

Concilium subdit eadem ipsissima verba Cælestini Primi in responsione ad calumniam præcedentem à nobis allegata , quod sanè ostendit eo Cælestini decreto præcipi , ut omnes omnino, qui in morte veniam petunt, quocumque tandem mortis genere decedant, & cujuscumque sint culpæ rei , absolvantur; atque hanc solam semper fuisse ab Ecclesia probatam praxim , nec aliam permissam. Concilio Vormatiensi concinit Triburiense cap.31. quod est *de furibus, & latronibus*. Idem enim statuit , sumque statutum prædicto canone Nicæno , decretisque Innocentii , & Cælestini , à nobis allegatis , aliisque hujusmodi juribus confirmat ; ostenditque iterum, hanc semper fuisse Ecclesiæ persuasionem, per ea decreta, omnes omnino, qui in morte veniam , & Communionem petunt , comprehendendi : Verba hujus Synodi sunt hæc : *Si fur vel latro vulneratus elabatur , & expectatione mortis desperatus putatur , atque reconciliari se Mysteriis Sacrosanctis habitu corporis, & voluntate piæ mentis deprecatur, Deoque , & Sacerdoti, comite vitâ, emendationem morum, & actuum confitetur , Communionis gratiam non negamus tribuendam . In Nicæno namque Concilio , statutum*

58 CALUMNIA IV.

tutum legimus, si quis egreditur de corpore, ultimo, & necessario Viatico, minimè privetur. Item de ultima pœnitentia in Ep. Innoc. Papæ cap. 21. Tribuitur ergò cum pœnitentia estrema communio, ut homines hujusmodi, vel in supremis suis, permittente Salvatore Nostro, à perpetuo liberentur exitio. Item de eodem Carthaginensi 7. & Cælestini 15. ubi ait. Quid rogo, aliud est ultimam Pœnitentiam negare periclitanti, quam mortem addere morienti?

Factum Didonis Laudunensis Episcopi damnavit Fulco Remensis Archiepiscopus; apud Flodoardum à te cit. Tam barbaram consuetudinē improbarunt in Anglia utrumque illud Concilium Lambetense, & Londinense superius laudatum, quin etiam Reges ipsi Aluredus, & Eduardus, editis in gratiam damnatorum confiteri volentium Sanctissimis Legibus, quas confirmavit Canutus Rex, additis pœnis in Judices, qui eas violarent. In Gallia verò Clemens Papa Quintus in Concilio Viennensi, constitutionem edidit ad hujusmodi abusum damnabilem abolendum, quæ habetur in lib. 5. Clementinarum tit. 9. cap. 1. eamque ut major indè timor existeret in transgressores, edicto suo observari omnino man-

DISPUTATIO IV. 59

mandavit Carolus Sextus. Tandem Beatus Pius V. non absolutionem tantum, sed etiam Eucharistiam ultimum supplicium subituris præberi iussit, ut habetur in ejus vita lib. 2. cap. 3. & constat ex hac ejus ad suum Nuntium epistolâ.

Venerabili Fratri Joanni Baptista Archiepiscopo Rossanensi, Nostro, & Sedis Apostolicæ in Hispaniarum Regnis apud Regem Catholicum Nuntio.

PIUS PAPA V.



Venerabilis frater, Salutem, & Apostolicam benedictionem. Relatum est Nobis, non permitti in istis Hispaniæ partibus, ut à Judicibus temporalibus propter delictorum gravitatem capitis damnati, post confessionem Sacerdoti factam, Sacrum Eucharistiæ Sacramentum accipiant. Id Nos eis minime denegandum esse censemus; cum Christianæ charitati magis conveniat, eos ad resi-

60 CALUMNIA IV.

resistendum tali tempore fortius diabolicis
 tentationibus Sacra Communione muniri;
 ut, perituro corpore, saluti animæ, quantum
 fieri potest, subveniat. Itaque hunc abu-
 sum, qui Sacris etiam Canonibus repugnat,
 tolli cupientes, Fraternitatem tuam de hac
 re cum charissimo in Christo filio nostro Rege
 Catholico agere volumus, eique significare,
 placere Nobis, ut supplicium ultimum subi-
 turis, pridie quam illo afficiantur, post con-
 fessionem Sacerdoti factam, Dominici corpo-
 ris viaticum concedatur; quod per totam
 Hispaniam, & alias Provincias, & loca ditio-
 nis Suæ, hortaberis eum, ut, sicuti ejus
 pietate dignum est, posthac jubeat
 observari. Datum Romæ apud
 Sanctum Petrum sub Annu-
 lo Piscatoris, die XXV.
 Januarii MDLXVIII.
 Pontificatus No-
 stri Anno
 Tertio.



CALUMNIA QUINTA.

Is qui post solemnem Pœnitentiam relaberetur, Ecclesia vetus veniam, & absolutionem etiam in morte negavit.

DISPUTATIO V.

Doct. Disc.



Inc etiam veterem Ecclesiam laudant aliqui.

Doct. Rig. Et jure laudant.

D. D. O laudem crudelem, veramque calumniam.

D. R. Num calumniatores fuere Patres, qui hanc fuisse veteris Ecclesiæ consuetudinem communi consensu affirmant?

D. D.

62 CALUMNIA V.

D. D. Nego, id à Patribus affirmari.

D. R. Negas?

D. D. Iterum.

D. R. Quid, si afferam clarissimos eorum textus?

D. D. Textus afferes, eosque clarissimos, sed aliud affirmantes.

D. R. Quid, rogo, aliud, quam, quod intendo, affirmat Ambrosius, dum lib. 2. de Pœnit. cap. 10. ait. *Sicut unum Baptisma, ita una Pœnitentia.* Quid Augustinus, dum ep. 54. ad Macedonium ita scribit. *Post actam Pœnitentiam non conceditur in Ecclesia locus humilissimæ Pœnitentiæ.* Quid Siricius, dum ep. 1. sic pronunciat. *Qui actâ Pœnitentiâ tamquam canes & sues ad vomitus pristinos, & volutabra redeunt, suffragium non habent pœnitendi.* Quid clarius dici poterat? *Post actam Pœnitentiam non conceditur iterum Pœnitere.* *Qui semel egrê pœnitentiam, si relabantur, non habent amplius suffragium pœnitendi.* Igitur non absolvebantur amplius. Nunquam enim Ecclesia vetus, nisi post actam pœnitentiam, absolvit.

D. D. Igitur omnibus, qui essent relapsi, absolutio negabatur?

D. R.

DISPUTATIO V. 63

D.R. Non quidem omnibus, sed ijs, qui essent relapsi post solemnem pœnitentiam. Hos non audiebat amplius vetus Ecclesia, ut humanâ fide, & Mysterijs Divinis prorsus indignos.

D.D. Non igitur Ecclesia vetus omnibus Recidivis absolutionem negare consuevit, sed aliquibus solùm, nempe relapsis in gravissima crimina, quibus expiandis agebatur ea publica & solemnis Pœnitentia. Quid ergo vos, ô rigidi Doctores, ut Confessariis minùs eruditis imponatis, obtruditis perpetuò morem antiquum negandi veniam relapsis, perinde cum relapsis omnibus egerit Ecclesia tam severè, & non cum paucissimis? Quod ipsum nego. Nego fuisse ab Ecclesia reiectos hos ipsos, qui post actam semel pro gravissimis culpis solemnem pœnitentiam in easdem fuerant relapsi.

D.R. Tam citò mente excidit, quod modo ex Ambrosio, Augustino, & Siricio recitabam?

D.D. Mente non excidit, quod antea quàm recitares, non ignorabam. Ad solemnem Pœnitentiam, quæ habebatur veluti Baptisma, nolebant Patres, admitti eos, qui iterum

64 CALUMNIA V.

rùm ea gravissima peccaverant, pro quibus publicè defleverant. Id concedo, ergo nolabant eis veniam & absolutionem tribui. Hanc consequentiam nego. Eadem etiam modo apud sacræ Fidei Quæsitores disciplina viget, ut relapsis denunciatis, & convictis publica pœnitentia & absolutio denegetur, hinc brachio seculari traduntur, Sacramentum tamen Pœnitentiæ, & venia eis secreta conceditur. Non igitur ex eo quod relapsis ea solemnis pœnitentiæ professio, & publica reconciliatio olim negaretur, colligere licet, omnem prorsus veniam eis fuisse denegatam.

4 *D. R.* At id docent eruditi omnes, Dionysius Petavius in notis ad Epiphanium, hæresi 59. Albaspinæus Episcopus Aurelianensis observationum lib. 1. observat. 6. Morinus de Pœnit. lib. 5. cap. 28. Edmundus Martene de antiquis Ecclesiæ ritibus cap. 6. art. 2. num. 5. aliique.

D. D. Ego verò concedi non posse, ostendam, salvâ auctoritate Conciliorum, & Pontificum.

D. R. An prædicti Scriptores ignorarunt Canones Conciliorum Pontificumque?

D. D. Id ego non assero, quamvis non pau-

DISPUTATIO V. 65

paucos agnosco , qui callent optimè quid Concilium Gangrense , quid Ancyranum , quid Laodicense statuat, ignorant autem Canones Tridentinos .

D. R. An habes aliquid in Tridentino circa presentem quæstionem ?

D. D. Illud habeo , quo præcedentes 5 calumnias difieci , quodque huic etiam dissipandæ aptissimum est, & quoniam te oblitum video, iterum Concilij verba recito. *In Ecclesia Dei* (inquiunt Patres sess. 14. cap. 7.) *custoditum semper fuit, ut nulla sit reservatio in articulo mortis, atque adeo omnes Sacerdotes, quoslibet pœnitentes à quibusvis peccatis , & censuris absolvere possent .* Si semper quilibet Sacerdos potuit quemlibet morti proximum absolvere , jam falsum est quod dicis cum tuis omnibus eruditis, eam regulam quatuor primis seculis fuisse custoditam, ut Relapsis post pœnitentiam , nec in morte venia daretur ? Quid inquis hominum eruditissime ? Eruditus non sum , non verti susdeque veterum bibliothecas, non legi corrosa tineis manuscripta , quæ vos legitis homines eruditi, ut veteres Cronologos, & magni nominis Historicos emendetis, ut historicodogmaticas Theologias plenas

E Pa-

66 CALUMNIA V.

Patribus, sed contrarias Patribus, antiquitatem sonantes, & novitatem spectantes cudaditis. Quæ vos legisse gloriâmini, iterum dico, non legi; legerunt tamen quæcumque vos legistis, Patres Concilii Tridentini, de quo Cardinalis Pallavicinus suæ historiæ lib. 12. cap. 12. hec habet. *Sibi quisque meritò persuadere potest, quidquid eximii de hoc argumento* (nempe pœnitentia, de qua ibi agebatur) *apud controversiarum de Religione scriptores extat, id omne ab egregiis illis viris, in conuentibus, quos habebant ante sessiones, fuisse productum.* Legerunt ergo etiam ipsi quæ habet Tertullianus, quæ Cyprianus, quæ Ambrosius, Augustinus, & Siricius, quæ reliqui omnes Patres, quæ vetusta Concilia, quæ libri Rituales, Sacramentarii, seu pœnitentiales Gregorii, Bedæ, Theodori, Ecberti, aliorumque, & tamen pronunciant eum morem fuisse semper custoditum, ut omnes, omnes, omnes pœnitentes à quibuslibet peccatis, à quibuslibet, idest quamvis gravissimis, quamvis iterum post peractam pœnitentiam, post absolutionem millies obtentam, patratos possent absolvi, ergo nunquam fuit ullo canone cautum ut qui fidem publicâ publico relapsu
vio-

DISPUTATIO V. 67

violaverat, nunquam absolveretur. Igitur poterant absolvi.

D. R. Poterant absolvi, sed non fuerunt absoluti. 6

D. D. Falsum est igitur quod antea dicebas, Patres noluisse eos absolvi. Nam si volebant Episcopi, jam non poterant à quolibet absolvi, ut potuisse, Tridentinum disertè pronunciat. Rursus si consueverat omnibus negari, ut omnibus negatur, iterum baptizari, unde illud, *Sicut unum Baptisma, ita una Pœnitentia*, jam consuetudo in legem abierat, non ergo cuique licebat illam infringere. Verum id obtinuisse quod negabas, non satis est, volo integram victoriam, volo te non victum tantum sed profligatum. Dico igitur, non solum poterant absolvi, sed fuerunt absoluti saltem in Ecclesiis bene administratis.

D. R. Id certe probabis nunquam, cum sint nimis multa contra te testimonia, & prorsus invicta ea quæ ex ipsis conficiuntur, argumenta.

D. D. Non probabo? Probavi. Recole 7
quæ contra præcedentes calumnias congeffi,
argumenta quæ protuli, Canonem Apostolorum, & Niceni Concilii, Pontificum demum,

68 CALUMNIA V.

nempe Julii , Cælestini , & Leonis responsa , nec dubitabis asserere , jam fuisse probatum , quod modo pronuncias , nunquam fore probandum. Quod si eorum oblitus es , in memoriam breviter revocabo. Apostoli Canone 51. jubent omnes recipi , qui resipiscunt . Igitur si relapsi resipiscant , rejici non possunt , & si rejiciantur , Apostolico præcepto non paretur . Atqui dicendum non est Ecclesiam bene gubernatam præceptis Apostolicis repugnasse , non igitur rejecit , ergo veniam non negavit : id enim est ibi Pœnitentes rejicere , ut eosdem recipere , absolvere est ,

D. R. Interpretationem non probo .

D. D. Sed ea est Nicenorum Patrum , qui prædicto Apostolorum mandato , quod *regulam antiquam* vocant , inhærentes , statuunt Can. 11. *ut si forte quis recedat à corpore necessario vitæ suæ viatico non defraudetur .*

D. R. Nimirum , si quis non relapsus recedat à corpore , viatico Sacramento muniat .

8 *D. D.* Sed hoc est cavillari , non interpretari : est jura pervertere , non explicare , cum jura clament omnia , *non esse distinguendum ubi lex non distinguit , beneficium Principis amplian.*

DISPUTATIO V. 69

ampliandum, & sola odia restringenda. Sed vos tristissima capita, hostesque generis humani odia dilatatis, & beneficia ipsa Divina restringitis, & nescio quo jure tamquam Domini, & non Economi, Sacramenta pro libito denegatis. Non sic effecerunt Patres Triburienses, qui cap. 31. quod est, *De furibus & latronibus* amplè intelligendum prædictum Nicenum Canonem judicarunt, uti etiam ea Julii primi 12. causa 26. quæst. 6. & Celestini epist. 2. cap. 2. responsa, quibus impii & crudeles appellantur, qui pœnitentiam morientibus, quamvis ante mortem scelestissimè vixerint, audent denegare.

D. R. Pœnitentiam dixit uterque Pontifex eis esse concedendam, non autem *veniam*. Inter pœnitentes videlicet eos adnumerari jura volebant, qui hoc in morte solatium peterent, non autem absolvi.

D. D. Fuerit ergo crudelis, & impius qui ceremoniam illam adscribendi Pœnitentibus ægrum jam moriturum detrectabat, nec fuerit impius & crudelis, qui veniam ipsam necessariam plerisque ad æternam salutem præbere renuebat? Fuerit impius qui actionem vix Sacramentalem facere, ægro conso-

70 CALUMNIA V.

lando abnuebat, pius autem fuerit, qui eidem salvando Sacramentum ministrare recusabat? Quis hæc sine indignatione audiat?

D. R. Cave ne indigneris: alioquin Doctoris benigni nomen amittes.

D. D. Tunc potius nomen implebo. Vera enim benignitas est vobiscum non esse benignum, & peremptores animarum, ut vos Julius, & Cælestinus appellat, acriter insectari.

- 9 *D. R.* Interemptores igitur animarum dicendi erunt Eliberini Patres, quos tamen Sanctissimos Baronius appellat an. 57. eorum quippe Canones hi sunt. *Si post pœnitentiam fuerint mechati* (Sacerdotes) *placuit ulterius eis non esse dandam communionem, ne luisse de dominica communionem videantur* cap. 3. *Si quis forte fidelis post lapsum mechicæ post tempora constituta æta pœnitentia denuo fuerit fornicatus, placuit eum nec in fine habere communionem.* Cap. 7.

D. D. Vis me in necessitatem conjicere damnandi eos Patres ut aliqui magni nominis Scriptores fecerunt. Ego verò non faciam, & communionem ab eis negatam fuisse concedam, non verò secretam veniam & absolutionem;

DISPUTATIO V. 71

nem; hanc verò fuisse quandoque impertitam etiam iis, quibus interdicebatur communio, in undecima disputatione demonstrabo. Interpretationem non admittis? Velis nolis admittes: Attende. Dixisti paulo ante compul-
sus auctoritate Tridentini, potuisse quidem in mortis articulo absolvi à quovis Sacerdote relapsos Pœnitentes, sed non fuisse absolutos: ergo Canone Eliberino non prohibentur absolvi, jam enim ab Diœcesis Eliberinæ Sacerdotibus non potuissent absolvi, ergo ne tibi contradicas, probare cogeris interpretationem meam. Quid in hac argumentatione negas? Quid accusas? Effer. non habes quid respondeas? Da manus.

D. R. Fateor, non habeo quid respondeam. Sed habeo quod opponam: nec ipse respondere poteris, ut alii nequiere.

D. D. Experire.

D. R. Ex tua ipsa doctrina argumentum peto. Concedis, hujusmodi Pœnitentibus, qui post solemnem pœnitentiam relapsi erant, non consuevisse Ecclesiam iterum concedere solemnem pœnitentiam, & publicam reconciliationem, sed solum secretam veniam. Infero: ergo melior erat conditio relabentium,

E 4

quam

quam primò labentium ; labentibus enim reditus ad Ecclesiam nisi post actam publicam , & severissimam plurium annorum pœnitentiam non patebat , secus verò relabentibus, si ad communionem pacemque reverti, privatæ pœnitentiæ beneficio potuissent. Atqui nemo tam vecors erit , qui humaniùs cum illis actum putet , qui in eadem sæpius incurris- sent, & quidem horrenda flagitia , quam cum iis , qui semel ea commisissent ; ergo dicen- dum omnino est, nec privatam veniam fuisse relapsis tributam. Sic arguit Petavius in loco superiùs citato , Petavius, inquam , quantus homo !

D. D. Petavium plurimi facio , non item hoc ejus argumentum , quamvis invi- ctum à te , & commilitonibus tuis habeatur. Prima ejus solutio est , (ut vocant) instantia manifesta petita ex manifesto usu , qui etiam nunc viget in Tribunali sacræ Inquisitionis , de quo supra egimus , reconciliandi videlicet lapsos, non vero relapsos denunciatos, & con- victos , quibus tamen non interdicitur con- fessio sacramentalis , & venia secreta . Si verò dicis, relapsos graviùs puniri in eo Tribunali, dum traduntur brachio seculari , à quo seve-
rissi-

DISPUTATIO V. 73

rissimo supplicio afficiuntur, id ipsum dicam
 ego factum tunc fuisse cum relapsis gravius
 punitis alia ratione nobis ignota, vel etiam
 hac eadem, quod lapsi per publicam pœniten-
 tiam declinabant forum civile, relapsi verò
 hoc privilegio minime fruebantur. Est etiam
 altera instantia petita ex ipsa antiquitate. Vos
 enim ipsi conceditis, post quatuor prima secu-
 la fuisse relapsis veniam impertitam: & con-
 stat ex Decreto Siricii Papæ, qui Ecclesiam,
 vergente in finem quarto seculo, gubernavit.
 Is enim Himerio Tarraconensi, qui hanc
 ipsam ei quæstionem proposuerat, qua videli-
 cet ratione agendum esset cum relapsis, sic
 respondet. *De his vero non incongruè dilectio* 11
tua Apostolicam Sedem credidit consulendam,
qui acta pœnitentiæ tamquam Canes, & sues ad
vomitum pristinos, & ad volutabra redeuntes, &
militiæ cingulum; & ludicras voluptates, & no-
va conjugia, & inhibitos appetivere concubitus,
quorum professam incontinentiam generati post
absolutionem filii prodiderunt. De quibus quia
suffragium non habent Pœnitendi, id duximus
decernendum, ut sola intra Ecclesiam Fidelibus
oratione jungantur, Sacra mysteriorum celebri-
tati, quamvis non mereantur, intersint, à Domi-
nica

74 CALUMNIA V.

nica autem mensæ convivio segregentur, ut hac saltem districtione correpti, & ipsi in se sua errata castigent, & aliis exemplum tribuant, quatenus ab obscænis cupiditatibus retrahantur. Quibus tamen, quoniam carnali fragilitate ceciderunt, viatici munere cum ad Dominum ceperint proficisci per communionis gratiam volumus subveniri. Quam formam etiam circa mulieres, quæ se post pœnitentiam talibus pollutionibus devinxerunt, servandam esse censemus. Quod sane decretum male interpretatur Morinus eo cap. 29. lib. 5. num. 6. putans Siricium non loqui de relapsis in eadem vel similia peccata, propter quæ pœnitentiam egerant, sed de iis, qui solum violaverant pœnitentiæ leges, nempe Ecclesiasticas constitutiones, quibus Pœnitentes prohibebantur militiam profiteri, matrimonia contrahere &c. Illa enim verba, qui tamquam Canes ac sues ad vomitus pristinos, & ad volutabra redeunt, sonant satis clarè relapsum ad antiqua crimina, quæ pœnitendo defleverant, ut Juenim homo cæteroqui Morino non infensus monet de Sacram. differ. 6. quæst. 9. cap. 1. art. 2. §. 2. eaque alia verba, quatenus ab obscænis cupiditatibus retrahantur, ostendunt, agi de iis qui voluptatibus per se illi-

DISPUTATIO V. 75

illicitis vacabant. Præterquam quod tam se-
vera pœna, qualis est ea privatio communio-
nis usque ad mortem nunquam irrogata fuit
ab Eccleba violantibus precise ejus præce-
ptum, quod presertim non esset præcipuum,
sed esset quædam aliorum appendix, in quo
facile dispensaretur, ut erat illud, quo matri-
monium, & ejus usus, Pœnitentibus interdi-
cebatur. Agit ergo Siricius de verè relapsis
in easdem gravissimas culpas, eosque à solem-
ni pœnitentia rejectos absolvi præcipit. Cum
autem imprudens aut injustum hoc Siricii
decretum fuisse, dicendum non sit, id omnino
asserendum est, aut non fuisse mitius actum
cum Relapsis, quaravis tandem absoluti fue-
rint, aut citra omnem imprudentiam, & in-
justitiam potuisse eos mitiori pœna puniri,
quam semel lapsi punirentur. Quid mihi sic
instanti reponis? Expecto, quid moraris? Vi-
brasti telum: excussi, retorsi simile in vibran-
tem, jam non urgeor, urgeris ipse: tibi igitur,
non mihi respondendum priùs est. Expedire
te nescis? Expediam te, unâque cum argu-
mentum solvam: & primò respondeo non se-
qui ex nostra sententia, eâque praxi Siricii
quod mitius actum fuerit cum relapsis, quàm
cum

76 CALUMNIA V.

cum semel lapsis, quamvis enim illi ab onere
solemnis pœnitentiæ essent immunes, adhuc
prægravi pœnitentiâ premebantur, quod fa-
cile intelligent ji qui bene norunt veteris Ec-
12 clesiæ disciplinam. Illud igitur sciendum est
primò, publicam illam, & solemnem pœni-
tentiam quam perpetuò in vestri rigoris pa-
trocinium resonatis, minus severam & aspe-
ram fuisse, quam creditis, quod in nona dis-
putatione demonstrabo. Sciendum est 2. ea
in Pœnites bonæ & commoda ex publica
& solemni pœnitentia redundasse, ut eâ care-
re, maximi supplicii loco haberetur ab iis,
quos verè suorum scelerum, in quæ relapsi
fuerant, pœnitebat, quod infra ostendam.
Sciendum est 3. maximam solemnis pœni-
tentia partem etiam Relapsis impositam fuis-
se, quod statim probo. Igitur præcipua, &
maxima pars solemnis aut publicæ eorum
temporum pœnitentiæ non sita erat in veste
pulla, aut cineracea, aliisque hujus generis,
quæ post aliquod tempus facile ab Episcopis
condonabantur, sed in ea Pœnitentis à reli-
quis Fidelibus segregatione, itaut eodem in
loco cum ipsis in templo consistere non pos-
sent, non offerre munus ad altare, offerenti-
bus

DISPUTATIO V. 77

bus omnibus, & vix unquam Eucharistiæ Sacramento refoveri. Hæc potissimum Pœnitentis animum feriebant. Id ut constet monere debeo fuisse eo tempore solemnem Pœnitentiam pœnam voluntariam, non coactam. Quamvis enim qui magis deliquerant, eam subire per Canones juberentur, non tamen vñ adigebantur, ut postea, nempe seculo octavo, in aliquibus regionibus fieri cæptum est. Solemnem igitur pœnitentiam ii soli subibant, qui non exiguo sensu pietatis, acrique dolore tangebantur. Iis autem, utpote suæ salutis studiosis erat intolerandum supplicium manere sic segregatos, non sua ad Altare cum reliquis, ut ea ætate mos erat, dona deferre, videre omnibus Sanctissimum Christi Corpus deferri, ejusque sanguinẽ propinari, & interim manere jejunos, siccosque per publicam sententiam prohibitos communibus Ecclesiæ, ipsiusque Dei beneficiis frui, & rursus digito notari tamqua nominis Christiani propudium. Verum hac etiam pœna Pœnitentes absolvebantur post aliquod tempus, & quidem eo maturiùs, quo citiùs absolvi verè percuperent, quo majora videlicet pœnitentiæ, & emendationis signa præberent.

78 CALUMNIA V.

berent. Id enim à Patribus, & Synodis perpetuò monebantur Episcopi, ut multum desentes, & verè emendatos benigne haberent, nec tam serò in antiquam dignitatem restituerent. Relapsi è contra, quamvis Sanctissimè viverent, totosque deserent dies, & annos, nunquam ante mortem ex Decreto Siricii, vel solum ad tempus ex aliquorum Pontificum benignitate, ad mysteria Divina admittebantur. Quantum verò supplicium hoc erat, quàm eo tempore acerbum, quo tam frequens erat Eucharisticæ cõunionis usus, tam ardens ejus desiderium, eaque fidelium persuasio, ut in tertia disputatione num. 28. monui, non obtineri certiore illam, nisi ab Altaris Sacramento, suorum criminum remissionem?

- 13 Addo aliquid mirabilius, hoc ipso severissimè puniebantur relapsi, quod ipsis non permetteretur profiteri solemnem Pœnitentiam, ut severissimè plectitur qui à baptismo, quem petit, tamquam indignus rejicitur, vel ab ordine Religioso, qui cæteroqui maximæ pœnitentiæ locus est, expellitur, utque ex Augustino is qui corrigentem non audit, acerbissima pœna afficitur, dum ejicitur, ac desc-

DISPUTATIO V. 79

deseritur. *Illud enim quod ait, si nec Ecclesiam audierit, sit tibi tamquam Ethnicus, & Publicanus, gravius est, quam si gladio feriretur, si flammis absumeretur, si feris subrigeretur, nam ibi quoque subjunxit. Amen dico vobis, quæ ligaveritis super terram erunt ligata & in Cælis, ut intelligeretur, quanto gravius sit punitus, qui velut relictus est impunitus. Id autem pænæ genus erat acerbissimum eorum temporum Fidelibus, qui à Patribus perpetuò docebantur, publicam solemnemque pœnitentiam esse velut alterum Baptisma, vel quoddam martyrium, ut eam vocat Chrysostomus in psal. 50. ac proinde eà perfunctum ad eum restitui ferè candorem, ac pulchritudinem quam confert expiantis aquæ lavacrum, nec solum detergi maculas omnes ex peccatis actualibus relictas sed fere condonari pœnas quaslibet ex quavis eulpa solvendas. Qui egerit veraciter pœnitentiam (monebat Augustinus homil. 41. ex 50.) & solutus fuerit à ligamento quo erat obstrictus, & à Christi corpore separatus, & bene post pœnitentiam vixerit, sicut ante pœnitentiam vivere debuit, post reconciliationem, quandocunque defunctus fuerit, ad Deum vadit, ad requiem vadit, exolutus videlicet*
non

80 CALUMNIA V.

non solum culpa , sed pœnà . Et Cyprianus lib. de lapsis . *Qui sic Deo satisfecerit , qui pœnitentia facti sui , qui pudore delicti , plus , & virtutis , & fidei de ipso lapsus sui dolore conceperit , exauditus , & adiutus à Domino , quam contristaverat nuper , letam faciet Ecclesiam , nec jam solam Dei veniam merebitur , sed coronam , tamquam de martyrio lacrymarum .*

- 14 Hinc , ut constat ex Scriptoribus illorum temporum , & colligitur ex innumeris decretis Conciliorum , solemnis pœnitentia summis precibus petebatur , & ut ipsius Morini (lib. 5. cap. 31.) verbis utar , *beneficium magnum illis seculis reputabatur , Pœnitentiæ , juxta Ecclesiastica præcepta , agenda jure potiri ; multique tamquam indigni rejiciebantur , ut alibi satis ostendimus . Hanc autem maxime probrosam repulsam tolerare per totam vitam cogebantur Relapsi , ac mori absoluti quidem à vinculis culpæ , sacroque viatico resecti , non tamen hoc secundo lavacro expiati , & pœnis omnibus exoluti .*

Et quidem hanc habitam verè fuisse loco severissimæ pœnæ alia veteris Ecclesiæ praxis confirmat . Fuit autem ea de qua egimus calumnia 1. nempe negandi solemnem
Pœni-

DISPUTATIO V. 81

Pœnitentiam Sacris Ecclesiæ Ministris, in quædam graviora prolapsis, quod quidem factum fuit, non quòd mitiùs cum Clericis ageretur, quàm cum Laicis: constat enim severiùs illos punitos fuisse, hinc Novatianus quidam Episcopus apud Socratem lib. 7. cap. 25. sic alloquitur Atticum Episcopum Constantinopolitanum. *Præter peccatum Idololatriæ sunt alia multa peccata ad mortem, uti ex sacris literis perspicuum est, ob quæ vos solum Clericos, nos Laicos etiam communione excludimus, potestate soli Deo, illis ignoscendi relicta.* Cum ego soleret Clericus severiùs puniri quàm laicus, & Clerico negaretur publica pœnitentia, non Laico, nec illi infligeretur alia pœna, quæ solemnisi pœnitentiæ acerbiteret, æquaret; dicendum est, magnam pœnitentię partem sitam in eo fuisse, quod solemnisi Pœnitentiæ professio negaretur.

D. R. Est alia ratio de Clericis, alia de 15 Relapsis. Illis negabatur solemnisi Pœnitentia (ut ipse in prima disputatione monuisti) in gratiam Ordinis Clericalis, & ad scandalum avertendum, quod populo fuisset spectaculum illud Clerici, quem sine labe suspicionem esse deceret, pro gravissimis criminibus

82 CALUMNIA V.

bus veniam in sordibus & cilicio flagitantis . Quamvis autem inde fieret , ut Clerici peccantis pœna minor esset , quàm laici , minus malum id esse putavit Ecclesia , quàm illud . Falsum est igitur Clerico negatam fuisse in Pœnam profireri solemnem Pœnitentiam .

D. D. Nego consequentiam . Utrumque verum est , nempe Clerico in pœnam , ut probavi , & simul ad impediendum scandalum , ut dicis , fuisse negatam solemnem Pœnitentiam . Si tamen primum illud obstinatè negas , non resistam ; novam enim mihi rationem , qua solvam propositum argumentum , ostendis . Dicis , mitiùs actum esse cum Clericis , quàm cum laicis eadem peccantibus , quamvis idem delictum , ex. gr. homicidium commissum a Clerico longe , gravius sit , & majori pœna dignum , quàm à laico patratum ; id autem factum sapienter fuisse ad impediendum scandalum ; ergo ex eadem , aliisque hujusmodi rationibus sapienter potuit Ecclesia mitiùs agere cum Relapsis , quam cum lapsis . Ingenti enim scandalum fuisset unverso populo spectare iterum inter pœnitentes hominem tot cœremoniis , tot precibus cum Deo & Ecclesia reconciliatum ,
audire

DISPUTATIO V. 83

audire ejus relapsus, & nova crimina, cum deflere vetera debuisset. Jam cepissent Fideles contemptui habere pœnitentiam, quam proinde peragere neglexissent. Non id assero divinando, didici ex Suario qui disp. 18. sect. 1. num. 13. sic habet. *Pœnitentia sollemnis semel tantùm concedebatur, vel ad majorem terrorem, ne contemneretur, vel forte nè aliis esset scandalo, si sæpius talem pœnitentiam aliquis ageret.* Id autem Suarius didicit ex Augustino, qui Epist. 54. ad Macedonium scribens, *Cautè, inquit, salubriterque provisum est, ut locus illius humillimæ pœnitentiæ semel in Ecclesia concedatur, ne medecina vilis minùs utilis esset egrotis, quæ tantò magis salubris est, quantò minùs contemptibilis fuerit.* Sapienter igitur Ecclesia vetus publicam, & solemnem Pœnitentiam Relapsis negavit, iisdemque postea secretam absolutionem indulgit, ut sapienter hanc ipsis Clericis impertivit, quibus similiter solemnem pœnitentiam interdixit: utrumque ex ratione non absimili, illud ne Ordo Pœnitentium vilesceret, hoc ne vilesceret Ordo Clericorum, utrumque ad Populi offensionem, & scandalum avertendum; quamvis per utramque hanc legem minori pœna

84 CALUMNIA V.

plecterentur qui majora crimina perpetrarent. Habes tuum illud invictum argumentum duplici responsione victum, & profligatum. Prima est (ut quæ dicta sunt, redigam, in summam) non sequi ex nostra sententia, quod mitius actum fuerit cum Relapsis, quam cum iis, qui primum lapsi essent, quod illis loco maximæ pœnitentiæ esset, non posse solemniter pœnitere, nec posse cum non Pœnitentibus Altaris epulo recreari. Secunda est, ut ut ex nostra sententia sequatur, quod mitius sit actum cum Relapsis quam cum iis, qui semel delequissent, nego id malum non fuisse alio majori bono sapientissimè compensatum, ut contigit in pœna Clerici criminosi. Facti optimam rationem attuli ex Augustino, cui, ut arbitror, non repugnabis.

- 17 *D. R.* Imò, ne repugnem Augustino tibi assentiri non possum. Et quidem ex illa ipsa Sancti Doctores epistola ad Macedonium probatur validissimè, Relapsos nunquam fuisse ab Ecclesia absolutos; conquestus enim erat per epistolam Macedonius Africæ præses, de Episcopis, quod intercederent pro reis perinde ac ista intercessione ostenderent,
se

DISPUTATIO V. 85

se non satis odisse eorum peccata, quorum
 pœnam deprecabantur, cum è contra sic Deus
 odio habeat peccata, eaque prohibeat (dice-
 bat ille) *ut ne pœnitendi quidem copia post pri-
 mam pœnitentiam tribuatur*. Quod exemplum
 profectò non adduxisset Macedonius, si Ec-
 clesia soleret secretam saltem absolutionem,
 hujusmodi Relapsis impertiri; & rursus res-
 pondisset Augustinus, eum falli in ea
 Ecclesiastici rigoris opinione, cum potius
 mos contrarius absolvendi saltem secretò Pœ-
 nitentes relapsos obtineret, quod ipse non
 fecit, sed confugit ad misericordiam Dei, qui
 relabentibus non statim irascitur, sed eis quo-
 que subministrat vitæ munera, ut ante; sic
 enim respondit. *In tantum autem baminum
 aliquando iniquitas progreditur, ut etiam post
 actam pœnitentiam, post Altaris reconciliatio-
 nem, vel similia, vel graviora committant. Et
 tamen Deus facit etiam super tales oriri solem
 suum, nec minus tribuit, quàm antea tribuebat
 largissima munera vitæ, ac salutis*. Ecce nihil
 meminit veniæ, ut ita dicam, extrapœni-
 tentialis, ipsis ab Ecclesia tandem concessæ.
 Prosequitur postea idem S. Doctor: *Et quam-
 vis in Ecclesia locus humillimæ pœnitentiæ non*

86 CALUMNIA V.

concedatur, Deus tamen super eos suæ patientiæ non obliviscitur. Ecce iterum, non dixit, Ecclesia tamen etiam hos saltem in morte absolvit, sed, Deus tamen super eos suæ patientiæ non obliviscitur, pergit. Ex quorum (relapsorum) numero si quis nobis dicat, Aut date mihi eundem pœnitendi locum, aut desperatum me permittite, ut faciam quidquid libuerit &c. Aut si me ab hac nequitia revocatis, dicite, ntrum mihi aliquid profit ad vitam futuram, si in ista vita illecebrofissimæ vitæ blandimenta contempsero, si libidinum incitamenta frenavero. Quis nostrum ita desipit, ut huic homini dicat; nihil tibi ista proderunt? Vult autem prodesse non quidem ad veniam qualemcumque à Sacerdotibus obtinendam, de qua ne verbum quidem habet, ut habere debuisset, si Sacerdotes eam impertire consuevissent, sed ad obtinendam veniam à Deo, qui misericors est etiam erga Relapsos sine detrimento suæ sanctitatis, & bonitatis, quare subdit: Quis tamen audeat dicere Deo, quare huic homini, qui post primam pœnitentiam rursus se laqueis iniquitatis obstringit, adhuc iterum parcis? Ergo tempore Augustini nullo modo absolvebantur Relapsi, saltem in Ecclesia Africana, quem
morem

DISPUTATIO V. 87

morem fuisse etiam in Ecclesia Mediolanensi, & multò ante in Ecclesia Orientali, colligitur fatis clarè, illud ex S. Ambrosio, hoc ex Origene; ille enim loco superiùs cit. *Sicut unum Baptisma, ita una pœnitentia; quæ tamen publicè agitur. Nam quotidiani nos debet pœnitere peccati, sed hæc delictorum leviorum, illa graviorum.* Hic autem homil. 15. in cap. 25. Levit. *In gravioribus criminibus semel tantùm pœnitentiæ conceditur locus: Ista vero communia, quæ frequenter incurrimus, semper pœnitentiam recipiunt, & sine intermissione redimuntur.* Igìtur sola communia, & minùs gravia expiabantur secreta pœnitentià, enormia verò per solam publicam, idque semel. Quod confirmant Patres Concilii Toletani 3. Can. 11. qui sic habet. *Quoniam comperimus per quasdam His-* 18 *spaniarum Ecclesias non secundum Canones, sed fœdissimè pro suis peccatis homines agere pœnitentiam, ut quoties peccare libuerit, toties à Presbiteris se reconciliari expostulent, ideo pro coercenda tam execrabili præsumptione id à Sancto Concilio jubetur, ut secundum formam Canonum antiquorum detur pœnitentia, hoc est, ut priùs eum, quem sui pœnitet facti, à Communione suspensum faciat inter reliquos Pœnitentes ad*

88 CALUMNIA V.

manus impositionem crebrò recurrere. Expleto autem satisfactionis tempore, sicut Sacerdotalis contemplatio probaverit, eum communioni restituat. Hi verò qui ad propria vitia (audi attente) bi verò qui ad propria vitia vel intra pœnitentiæ tempus, vel post reconciliationem labuntur, secundum priorum Canonum severitatem damnantur, id est non amplius absolvantur. Hæc igitur fuit ex Patribus Toletanis veteris Ecclesiæ praxis, is Canon antiquus. Demum illa eadem interrogatio Episcopi Himerii ad Siricium scribentis, ostendit tunc consuevisse, non absolvi ullo modo relapsum post solemnem pœnitentiã, nam si consuevisset absolvi per pœnitentiã secretam, non consulisset ea super re Pontificem, vel Pontifex consultus respondisset, faciendum quod hætenus fecerat Ecclesia, rejiciens quidem eos à publica pœnitentiã, sed in morte veniam indulgens; quo vel simili modo non respondit, sed ita, ut manifestè appareat, eum novum jus condere, quod non dum innotuerat Episcopis Africanis, inter quos erat Augustinus, qui proinde prædicto modo Macedonio respondit. Hoc argumentum est ita validum ut validius afferri vix queat in controversia moris antiqui.

D. D.

DISPUTATIO V. 89

D. D. Melius dixisses, esse ita validum, 19
ut præcedens fuit invictum . Dico igitur
quod aliàs monui, isthæc molestiam facere
ignoranti mores, & sensus veteris Ecclesiæ,
apud quam fuit duplex genus absolutionis,
non solum ut modò, una à censuris, altera à
culpīs, sed à culpīs utraque, saltem plerum-
que, una tamen secreta, quæ statim tribueba-
tur post confessionem, ut suo loco probabo,
& per eam reconciliabatur Pœnitens cum
Deo, altera verò publica, quæ præbebatur
post absolutam pœnitentiam, per quam etiam
cum Ecclesia reconciliabatur Reus, & sumen-
di Sacramentum Altaris facultatem obtine-
bat . Prima absolutio satis erat iis, quorum
peccata nec publica fuerant, nec enormia :
hæc enim qui commiserant, alteram quoque
veniam quærere, & expectare jubebantur .
Cum Sacerdos primo modo absolvebat, dice-
batur absolvere Deus, quatenus absolvebat
precise, ut Christi minister, & Vicarius in
Sacramento, ut ipse idem antequam absolve-
ret, disertè significabat, Cùm autem secundo
modo absolvebat, dicebatur absolvere etiam
Ecclesia, quatenus Episcopus absolvens non
solum absolvebat ut Christi minister, & vica-
rius

rius in Sacramento, sed etiam ut superior Ecclesiasticus, & nomine Ecclesiæ, quæ sic absolvens, sibi à Pœnitente satisfactum fuisse pronuntiabat, unde verbis, quibus primam veniam dabat, alias cæremonias, & actiones adjungebat, quibus alteram quoque veniam ab se tribui, significabat.

- 20 His præmissis, quæ ex dicendis suo loco, & præsertim disputatione XI. clariora fient, nego S. Augustinum non meminisse veniæ, & absolutionis, quæ Relapsis tandem daretur. Non meminit quidem secundæ absolutionis Ecclesiasticæ, quæ certè non dabatur unquam Relapsis utpote qui ad solemnem Pœnitentiam non admittebantur, at meminit primæ, nempe absolutionis veluti Divinæ, quæ tandem etiam his dabatur à Deo per ministrum suum, unde illud, *quis tamen audeat dicere Deo: Quare huic homini, qui post primam pœnitentiam rursus se laqueis iniquitatis obstringit, adhuc iterum parcis?* Quod confirmo ex contextu, & ex aliis S. Doctores textibus; ex contextu quidem, nempe ex illis verbis, *Et quamvis in Ecclesia locus humillimæ pœnitentiæ non concedatur* Relapsis, quibus satis innuit, concessum quidem in Ecclesia fuisse etiam
 ipsis

DISPUTATIO V. 91

ipsis locum aliquem Pœnitentiæ, quem videlicet Siricius in suo Decreto ipsis attribuit, sed non eum locum, quem occupabant agentes solemnem, & humillimam pœnitentiam in eas quatuor stationes distributam, postquam tandem Ecclesiastica etiam absolutione donabantur. Rursus idem S. Doct̃or affirmat ideo Ecclesiam non consuevisse concedere, secundam Pœnitentiam, ne contemptui haberetur, & vilesceret: ergo eam solam externam pœnitentiæ actionem negavit, quæ ab iisdem iterata viluisset, non autem veniam. Non semel autem monet eadem Epistolâ, Deum veniam præbere etiam relapsis. Cur ergo eam negatam ab Ecclesia dicemus?

D. R. Ad absterrendos Pœnitentes à relapsu.

D. D. Sed magis absterruisset Deus, si 21
se quoque eis non parcere significasset, quod tamen adeo non fecit, ut omnibus, & lapsis, & relapsis, modo stare in posterum constituent, veniam promiserit, quod hîc inculcat Augustinus, & pluries alibi, eos redarguens qui dicebant, eâ veniam concedendi facilitate foveri peccata. Rursus quæro abs te, an ad absterrendos homines ab homicidio, & adulterio,

92 CALUMNIA V.

rio, & à periculo damnationis possit Ecclesia hanc legem ferre, ne homicidæ, adulterique, quique pœnitentiam ad mortem differunt, absolvantur unquam. Responde. Affirmas? ergo contradicis Julio, & Cælestino Pontificibus hanc legem vocantibus impietatem, & crudelitatem. Non potest igitur. Ergo non potuit ad absterrendos homines à relapsu eam legem condere, ne unquam absolverentur. Demum ex aliis locis S. Doct̃oris id ipsum clarissimè confirmo. Non semel S. Doct̃or volens explicare illud Math. 12. *Qui autem dixerit contra Spiritum Sanctum, non remittetur ei neque in hoc seculo, neque in futuro*, & quærens, an sit aliquod peccatum, quod in Ecclesia non remittatur, nullum esse dicit, cumque aliqua peccata enumerer, quæ videri possent non remitti, aut quæ ab aliquibus dicebantur non remitti, nunquam sibi objicit hunc Ecclesiæ morem non remittendi peccata relapsorum post Pœnitentiam, quod maxime obijciendum, aut excipiendum fuisset, si vere Ecclesia ea non remittere consuevisset. Quod idem advertere licet in aliis locis innumeris, in quibus aut Ecclesiæ benignitatem defendit ab aliquibus accusatam, aut hortatur ad pœniten-

DISPUTATIO V. 93

nitentiam , monens nullum esse peccatum quod non remittatur , nullo aut excepto genere delicti , aut genere vel conditione delinquentis . Lege serm. 11. de verbis Domini . Serm. 181. de temp. in psal. 101. super ea verba. *Quoniam Cinerem tamquam panem manducavi , & potum meum cum fletu miscebam .* Tract. de utilit. pœnit. versus finem & lib. de pœnit. medic.

D. R. Non est, cur defatiger. Quis ne- 22
scit à Deo remitti quodvis peccatum , & quemcumque relapsum? Hoc docet S. Doctor, non autem remitti ab Ecclesia .

D. D. Sic Augustinum interpretatur , qui Augustinum non legit. Is enim dum agit de Pœnitentia , agit de Sacramento confessionis, aut ipsum supponit, & rursus dum docet à Deo remitti quævis peccata , subintelligit per Ecclesiæ ministros : Non enim putavit eam veram esse Pœnitentiam , quæ non ducit ad confessionem . Id ostendo . Serm. 181. de temp. latè hortatur ad pœnitentiam , confessionis non meminit, sed verbis quæ subsequuntur , ostendit , eam se subintellexisse ; monet enim perire fructum pœnitentiæ , si quis post confessionem in eadem crimina relaba-

94 CALUMNIA V.

labatur. *Vides (inquit) quanta sit virtus Pœnitentiae? Vides quantum meriti conversio reparavit. Corruptitur autem pœnitentia si eisdem quis, pro quibus Confitetur, rursus involvatur malis. Audis Confessionem, de qua in Superioribus non videbatur agere. In lib. de pœnitentię medicina ostendit modum, quo quis veram concipere pœnitentiam debet. Ascendat itaque homo adversus se tribunal mentis suę... Constituat se ante faciem suam... atque ita constituto in corde iudicio, adsit accusatrix cogitatio testis conscientia, carnifex timor, inde quidam sanguis animi confitentis per lacrymas profluat, postremo ab ipsa mente talis sententia proferatur, ut se indignum homo iudicet participatione Corporis, & Sanguinis Domini.... Et cum ipse protulerit severissimę medicinę, sed tamen medicinę sententiam, veniat ad Antistetes (vides uti non separetur ab Augustini pœnitentia confessio) veniat ad Antistites, per quos in Ecclesia Claves ministrantur, & tamquam bonus incipiens jam esse filius, maternorum membrorum ordine custodito, à Præpositis Sacramentorum accipiat satisfactionis suę modum... ut si peccatum ejus non solum in gravi ejus malo, sed etiam in scandalo est aliorum, atque hoc expedire*
uti-

DISPUTATIO V. 95

utilitati Ecclesiæ videatur Antistiti, in notitia multorum, vel etiam totius plebis agere pœnitentiam non recuset, non resistat &c. Habes hic confessionem secretam factam Præposito Sacramentorum, seu Presbitero Pœnitentiario, pœnitentiam semipublicam expressam per ea verba *in notitia multorum &c.* & publicam seu solemnem expressam per ea verba, *vel etiam totius plebis &c.* non adnexas necessariò confessioni secretæ, sed si *Antistiti videatur convenire*. Cumque Augustinus in vero pœnitente hunc recursum ad Ecclesiam, seu Antistitem Sacramentorum requirat, jam id aut in re aut in voto subintelligendum semper est, quoties Augustinus agit de pœnitentia, & de remissione peccatorum à Deo concessa Lapsis, Relapsisque. Dum ergo Augustinus Macedonio rescribit, Deum etiam relapsis post pœnitentiam ignoscere, debet subintelligi relapsis confitentibus, aut confiteri volentibus, ut absolvantur, ergo etiam hos Ecclesia vetus absolvit.

Alterum profero locum notatu dignissimum. Hæc autem congero non solum ut solvam argumentum tuum, sed etiam ut ostendam Novatoribus, Patres non tam rarò, ut ipsi

96 CALUMNIA V.

ipsi autumant, agere de Confessione, sed quoties agunt de Pœnitentia, quamvis id non exprimant plerumque. In lib. de Pœnit. medicina versus finem erigit Augustinus peccatorem in spem Divinæ misericordiæ. *Noli desperare, clama etiam de profundo ad Dominum. De profundis clamavi ad te Domine . . . De tali profundo Ninivite clamaverunt, & hanc propitiationem invenerunt . . . Intuere David Regem . . . Non frustra tamen de tam immani, & abrupto profundo sceleris pœnitens clamavit ad Dominum, dicens: Auerte faciem tuam à peccatis meis . . . Quid autem obtulit Domino unde illum propitiaret sibi? . . . Sacrificium Deo Spiritus contribulatus, cor contritum, & humiliatum Deus non spernit. Non solum ergo devote obtulit, sed etiam ista dicendo quid offerri oportebat ostendit &c. Nulla hic mentio veniæ petendæ ab Ecclesia, vel à Sacerdotibus, nulla mentio Sacramentorum, sed solius contritionis, & Ninivitarum, & Davidis, nempe hominum qui à solo Deo veniam reportarunt, quos imitandos dicit; non videtur ergo requirere confessionem, & tamen eam ut usurpandam à Pœnitente supponit. Cum enim pœnitens, quem alloquitur, videretur objicere,*

DISPUTATIO V. 97

re, incertum esse, quod Deus veniam tribuat, Respondet, incertum quoque esse quod Imperator ignoscat, & tamen recuperandæ ejus gratiæ conatus omnis impenditur. Subdit postea. *Et tamen certiores sunt claves Ecclesiæ.* Ad has ergo supponit esse recurrendum, nempe ad Confessionem, & per hanc Deum veniam tribuere. En verba S. Doctōris. *Sed fac incertum esse, utrum ignoscat Deus. Quid perdit cum supplicat Deo, qui salutem perdere non dubitavit, cum offenderet Deum? Quis enim certus est, quod etiam Imperator ignoscat? & tamen pecunia funditur, maria transmeantur, procellarum incerta subeuntur, & pene ut mors vitetur, mors ipsa suscipitur: Supplicatur deinde per homines homini, sine dubitatione fiunt ista, cum sit dubium quo fine proveniant, & tamen certiores sunt claves Ecclesiæ (audin?) & tamen certiores sunt claves Ecclesiæ, quam corda regia: quibus clavibus quodcumque in terra solvitur, etiam in Cælo solutum esse promittitur. Et multo est honestior humilitas, qua se quisque humiliat Ecclesiæ Dei, & labor minor imponitur, & nullo temporalis mortis periculo mors æterna vitatur. Ita Augustinus. Hanc humilitatem, qua se pœnitens humiliat Ecclesiæ Dei, seu Præposi-*

98 CALUMNIA V.

to Sacramentorum, spectabat S. Doctor, dum dicebat, debere peccatorem offerre Deo cum Dauide cor humiliatum, & tamen, id non exprimebat. Licet & ergo dñi Macedonio rescribens dicit etiam Relapsis à Deo ignosci, non exprimat id fieri à Deo per Sacerdotem, cui se Relapsus humiliet, id tamen intelligi vult, cum presertim alibi disertissimè doceat, & fusè ostendat debere etiam iis qui Relapsi sunt remitti à Sacerdotibus peccata, atque hanc esse Ecclesiæ consuetudinem.

D. R. Equis est iste locus?

24 *D. D.* Est satis celebris in lib. de vera & falsa pœnit. cap. 4.

D. R. Nempe ejus libri, quem esse Augustini negant Trithemius, Lovanienses, Bellarminus & alii.

D. D. Nempe ejus libri, quem esse Augustini affirmant viri alii eruditissimi, Bunderius, Navarrus, ac nouissimè Tullensis Episcopus in libro de laudibus S. Andreæ Apostoli, in quorum sententiam videtur inclinare Philippus Labbeus de *Scriptoribus Ecclesiasticis*. Certè locus, quem afferre parabam, redolet doctrinam Augustini, quod ut persuasum habeas, scire debes, non semel
S.Do-

DISPUTATIO V. 99

S. Doctorem inuehi in eos, quos Paganos vocat, aut Hæreticos, quibus non probabatur Christiana benignitas, nulli vel maximo delicto veniam denegans. Vide cujus indolis aut fidei sint Rigoristæ, aut saltem cujus fuerint tempore Divi Augustini. Aut Pagani erant, nempe Philosophi de virtutibus subtiliter, sed non fideliter disputantes, vel Hæretici. Afferam textus. In psal. 101. super illud: *totà die exprobrabant mihi inimici mei*, sic habet. *Hodieque Paganorum opprobrium quale in nos est? Quid putatis, fratres, quid eos putatis dicere nobis. Vos corrumpitis disciplinam, moresque generis humani pervertitis. Quid inveberis? Dic quamobrem? Quid fecimus? Dando, inquit, hominibus pœnitentiæ locum promittendo impunitatem omnium delictorum. Ideo homines mala faciunt, securi, quod eis, cum conversi fuerint, omnia dimittuntur... O qui irsultas... discute conscientiam tuam, ascende tribunal mentis tuæ, noli tibi parcere, si sola fuit peccandi licentia, & nulla peccatorum est indulgentia, ubi eris? Quò ibis? Sed tamen, inquit, augent homines peccata spe veniæ, imo augerent peccata desperatione veniæ. Nonne attendis quam licentiosa crudelitate vivant gladiatores? Unde hoc, nisi*

100 CALUMNIA V.

jam tamquam ad ferrum, & victimam destinati explere volunt libidinem, antequam fundant Sanguinem? Nonne hoc & tu tibi diceres? Jam peccator sum, jam iniquus, jam damnandus, nulla spes veniæ est... Cur non impleam quantum possum quæcumque desidero, si post hæc non restant nisi tormenta? Similia prorsus habet to.9. in tract. de utilit. pœnitentiæ cap. 3. Solent Christianis Pagani insultare de Pœnitentiâ, quæ instituta est in Ecclesiâ: Et contra nonnullas hæreses tenuit Ecclesia Catholica istam veritatem de pœnitentiâ agendâ. Fuerunt enim qui dicerent quibusdam peccatis non esse dandam Pœnitentiam, & exclusi sunt de Ecclesia, & hæretici facti sunt (is est finis Rigoristarum). In quibuscumque peccatis non perdit viscera pia mater Ecclesia: Ergo solent inde etiam Pagani, quasi insultare nobis, nescientes quid loquantur... Vos, inquiunt, facitis, ut peccent homines, cum illis promittitis veniam si egerint pœnitentiam. Dissolutio est ista, non admonitio. In hanc sententiam exaggerant verba, quantâ quisque potest linguâ vel sonanti, vel titubanti... Tamen quomodo vincantur breviter accipiat charitas vestra, quia Domini misericordia totum optimè constituit in Ecclesiâ suâ. Dicunt nos dare peccatis licentiam,
quia

DISPUTATIO V. 101

quia portum pœnitentiæ pollicemur . Si clauderetur aditus pœnitentiæ , nonne ille peccator tanto magis adderet peccata peccatis , quanto magis sibi desperaret ignosci ? Diceret enim sibi : Ecce peccavi , ecce scelus admisi , jam mihi veniæ nullus est locus , pœnitentia infructuosa est , damnatus sum . Quare jam non vivo , ut volo ? . . . Ergo si tuleris portum pœnitentiæ , desperatione augebuntur peccata ? Hactenus August. Nunc vide , quàm bene concinat his duobus textibus textus ille , quem tu negas esse Augustini . Sunt qui reclamant non esse baptizatis remissionem peccatorum per pœnitentiam , dicentes &c. Adhuc instant perfidi , qui sapiunt plusquàm oporteat , non sobrii , sed excedentes mensuram . Dicunt enim , ut si semel peccantibus , post Baptisma valeat Pœnitentia , non tamen sæpe peccantibus proderit iterata , alioquin remissio ad peccatum esset incitatio . Dicunt enim quis non semper peccaret , si redire semper posset ? Dicunt enim Dominum incitatore[m] mali , si semper Pœnitentibus subveniret : & etiam ei placere peccata , quibus semper præsto est gratia . Errant autem , imò constat ei peccata multum displicere , qui semper præsto est ea destruere . . . Sumunt occasionem hypocritæ isti ex factis Domini . Quem

enim cæcum bis illuminavit , quem leprosum bis mundavit, quem mortuum bis suscitavit ?
In nullà personà iteravit factum, docens, ut ajunt,
non semper à Domino fieri remedium Ideo
non scribitur aliquis nisi semel sanatus, ut timeat
quisque jungi peccato . Videmus adhuc quotidie
in Ecclesia sæpe febricitantes , sæpe languidos,
sæpe passionibus captos, sæpe liberari; ut appareat
toties opus miserantis quoties confessio fit Pœni-
tentis . Medicum se vocat, & non sanis, sed male
habentibus opportunum . Sed qualis hic Medi-
cus , qui malum iteratum nesciret curare ? &c,
 Hæc S. Doctor, quibus, manifestè docet, sana-
 tos in Ecclesia fuisse etiam relapsos , sanatos,
 inquam , non per humillimam , & solemnem
 pœnitentiam , sed per pœnitentiam cordis ,
 confessionem oris , & veniam eis à Sacerdote
 impertitam . Verùm si hunc haud esse Augu-
 stini tractatum evincere velis , evince , satis
 enim Augustini mentem ex allatis superiùs
 certis ejus sententiis elicui . Solum hîc addo
 ex eodem Bellarmino de Pœnit. lib. 3. cap. 9.
 negari non posse, quin hic de vera & falsa pœ-
 nitentia tractatus sit alicujus antiqui, probati-
 que Scriptoris , quem tanti fecit antiquitas,
 ut inde Gratianus, & Petrus Lombardus, ho-
 mines

DISPUTATIO V. 103

mines in Patrum antiquorum scriptis adeo versati multa testimonia, ille in decretum, hic in libros sententiarum retulerit. Non abs re igitur textū illum produxi ad probandum, consuevisse veterem Ecclesiam veniam relapsis præbere, eosque qui secus sentirent, quamvis se fidei custodes, ac disciplinæ vindices crederent, habitos fuisse tamquam fidei hostes ac disciplinæ everfores,

D. R. In horum numerum, ut puto, 25 non referes Origenem & Ambrosium, quorum tamen sententiæ, quas paulo ante produxi, relapsis non favent.

D. D. Nec favent, nec adversantur. Nam solū docent. Pœnitentiam publicam pro gravioribus culpis semel tantū fieri, leviorum autem pœnitentiam debere esse perpetuam, nomine autem levioris culpæ sæpè intelligunt Patres culpam seu venialem, seu minùs gravem, alterutram autem quotidie incurrunt homines, & ideo perpetuam debere esse pœnitentiam, docent Patres. Quid inde colligis quod ad rem præsentem faciat? Non erat igitur cur ea duo loca afferres, quæ afferri solent ab hæreticis ad impugnandam auricularem confessionem perinde

ac si Veteres egerint de gravioribus pœnitentiam publicam , de reliquis solam pœnitentiam cordis : sed rigidiorum Doctorum mos est aut ab hæreticis arma sumere , aut ea hæreticis subministrare, vel ut eruditi videantur, veteres Canones , qui ad rem , de qua agitur, non faciunt , recitare , qualis est ille Canon Concilii Toletani tertii, quo solùm renovantur Canones antiqui, quibus ostendimus deo sola fuisse statuta, unum , ne relapsis post pœnitentiam publicam , iterum publica pœnitentia , & multò minùs quoties libuerit (ut aliqui Pœnitentiarii Toletani faciebant) concederetur ; alterum, ut sic relapsi damnentur, non quidem perpetuà privatione absolutio- nis, ut perperam interpretaris, cum hanc privationem impiam & crudelem Pontifices appellent, sed pœnà à Siricio statutà. Nec dissenties, si Concilii Toletani tertii tempus & Patres non ignoras. Sed forte utrumque excidit, experimentum capiam . Quo tempore celebratum fuit hoc Concilium ? à quibus Patribus ?

D. R. A Patribus Toletanis .

D. D. Erudita responsio ! putabam esse celebratum à Patribus Ephesinis , hoc peto ,
qui

DISPUTATIO V. 105

qui fuerint hi Patres Toletani, qui nempe Toletum ad hoc celebrandum Concilium convenere, & rursus quo tempore convenerint?

D. R. Quid interrogas, cum ipse scias, & pene rumparis cupiditate docendi? Doceas, per me licet, nolo tibi hanc laudem præripere.

D. D. Quam brevius fuisset dicere, 26 ignoro. Celebratum fuit hoc Concilium duobus seculis post Siricium, nempe post illum Pontificem qui relapsos absolvi jusserat & rursus celebratum fuit ab Episcopis totius Hispaniæ, inter quos fuit Stephanus Episcopus Ecclesiæ Tarraconensis: hujus autem Ecclesiæ Episcopo eam Epistolam scripserat Siricius. Igitur ex tempore, ex loco, & ex Patribus fit palam non ignotum ei Concilio fuisse decretum à Siricio missum Episcopo Tarraconensi de relapsis saltem in morte absolvendis, dum ergo statuunt eo Canone 11. ut circa Relapsos serventur Canones antiqui, jam volunt servari Canonem Siricii, cui parere tenebantur, eumque jure vocant Canonem antiquum, utpote non primò conditum à Siricio, sed renovatum.

Qua-

106 CALUMNIA V.

27 Quare falsum est quod ultimo loco ob-
 ciebas, nempe à Siricio conditum fuisse jus
 novum, unde inferebas ante Siricium dene-
 gatam veniam fuisse Relapsis. Falsum, in-
 quam, id est, cum id ipsum Nicæna Synodus
 & Julius I. sanxissent. Nec sanè ea novitas
 juris ex verbis Pontificis colligitur, ex reli-
 quis autè ejus Epistolis colligitur oppositum,
 nempe ipsum abhorruisse quã maximè à novis
 Legibus condendis, quibus presertim abro-
 garentur antiquæ. Initium enim Epistolæ
 tertix ejusdem Pontificis ad universos Or-
 thodoxos id est. *Cogitantibus nobis metum Di-
 vini judicii Fratres charissimi ... quid in quere-
 lam veniat tacere non licuit ... Et cui omnium
 Ecclesiarum cura est, si dissimulem, audiam di-
 cente Domino: Rejicitis mandatum Dei, ut tra-
 ditiones vestras statuatis. Quid enim aliud est
 rejicere mandatum Dei quam privato judicio &
 humano consilio novis rebus constituendis liberius
 delectari. Perlatum itaque est ad conscientiam
 Apostolicæ Sedis contra Ecclesiasticum Canonem
 præsumi, & quæ ita sunt à Majoribus ordinata,
 ut ne vel levi susurro debeant violari, proprias
 quosdam observationes novas inducere, & præ-
 termisso fundamento supra arenam velle construe-
 re,*

DISPUTATIO V. 107

re, dicente Domino, non transibis terminos quos constituerunt Patres tui. Quod & S. Apostolus . . . monet . . . State, inquit, 2. Thess. 2. & tenete traditiones vestras, quas didicistis, sive per verbum, sive per Epistolam. Hinc in sequenti Epistolà ad Africæ Episcopos, litteras tales dare placuit, non quæ nova præcepta aliqua imperent, sed quibus ea, quæ per ignaviam, desidiamque aliquorum neglecta sunt, observare cupiamus, quæ tamen Apostolicè, & Patrum constitutione sunt constituta. Scriptum est. State & tenete traditiones vestras sive per verbum, sive per Epistolam. Quære si potes alium Pontificem novitati Decretorum magis infensum. Non igitur Siricii Decretum illud de venià, & communionem Relapsis saltem in morte concedendâ novum jus fuit, sed veteris, & quidem Apostolici, quod fortè in Himerii Ecclesia non servabatur, confirmatio fuit, quo confirmatur mea sententia, nempe nunquam in Ecclesia Romana, reliquis que Ecclesiis bene administratis fuisse iis, qui post solemnem Pœnitentiam relapsi essent, omnem prorsus veniam denegatam. Ex his intellige quam malam causam propugnes. Quidquid enim ad impugnandum me, protulisti, meam in te dexteram

teram armavit, novumque mihi adjumentum prebuit ad victoriam. Accipe igitur amicum sanumque consilium, tuum depone rigorem, quo Pœnitentes absterres, *horridus in jaculis, & pelle libyſtidis urſæ*, noſtramque indue benignitatem.

D. R. Laxitatem videlicet, qua Pœnitentes allicitis, & occiditis, ſolvitis, & ligatis, ut ſemper relabantur, & vobiſcum ad Inferos prolabantur.

28 *D. D.* Relapſos ſemper abſolvimus? En aliam graviffimam Calumniam. Tuam fidem obteſtor. Audiſti ne unquam id à me vel ſolo nutu in hac concertatione ſignificatum? Repugnavi quidem tibi aliſque rigidis Doctoribus afferentibus ab Eccleſia veteri nunquam fuiſſe abſolutos eos, qui poſt pœnitentiam iterum pœnitenda commiſiſſent, ut vos eo clypeo ſpoliarem, quo defenditis rigorem veſtrum, dum nimis facilè, nimisque frequenter id genus hominum abſolvere recuſatis; non inde tamen docui debere eos ſemper abſolvi.

D. R. Quid ipſe doceas ignoro, ſcio hanc eſſe benigniſſimæ veſtræ Theologiæ doctrinam.

D. D.

DISPUTATIO V. 109

D. D. Dic ergo à quo nostrorum Theologorum id audieris, in quo eorum libro, aut scripto legeris, ostende.

D. R. Satis communis fama proloquitur.

D. D. Nempe vester in nos amor comminiscitur. Gratulamur nobis sortem Sanctissimi Præfulis Joannis Chrysostomi, Audi historiam antiquam, sed quæ nostro ævo perbellè congruit. In laudem Divinæ misericordiæ effusissimæ in omne genus hominum Pœnitentium, per sepe dicebat, & scribebat Chrysostomus, ut perditos homines facilè desperantes ad spem veniæ, & pœnitentiam perduceret. *Talis mihi crede* (ità scripsit ad Theodorum lapsum ep. 5.) *talis est erga homines pietas Dei, nunquam spernit pœnitentiam, si ei sincerè & simpliciter offeratur. Etiam si ad summum quis perveniat malorum, & indè tamen velit reverti ad virtutis viam, suscipit libenter & amplectitur. Quodque est majoris humanitatis, & clementiæ argumentum, licèt quis non potuerit explere omnem satisfaciendi ordinem, breve tamen, & exiguo tempore actam non aversatur, aut negligit, sed & hanc magnà mercede compensat. Non enim temporis quantitate, sed*
ani-

110 CALUMNIA V.

*animi dispositione pœnitentia judicatur . Nini-
vitæ enim multis diebus non indiguerunt , ut il-
lud peccatum deleteretur . Tempus exiguum po-
tuit universam eorum delere iniquitatem , & la-
tro baud longo tempore ingressum Paradisi impe-
travit &c. Similia habet in Homiliâ de S. Phi-
logonio , & in homiliis supra ep. ad Hebr. ad
ea verba c. 16. Voluntariè peccantibus nobis post
acceptam notitiam veritatis jam non relinquitur
pro peccatis hostia . Cum ergo hæc à S. Anti-
stite perpetuò inculcari scirent , audirentque
ejus inimici , & humanissimè ab eo excipi vi-
derent id genus hominum perditorum , quod
animo suspicati fuere , tamquam certum evul-
garunt , à Chrysostomo nefarios quosque , &
pluries in eadem crimina relapsos semper ab-
solvi . Is enim fuit sextus articulus ejus ac-
cusationis , ut refert Baron. ad an. 403. Nem-
pe quod aditum aperiret peccantibus dicens . Si
iterum pecces , iterum pœnitentiam facito , &
quoties peccaveris accede ad me , & ego te cura-
bo . Calumniam persimilem , & ex eadem
causa fabricastis contra nos rigidi quotquot
estis Institutores , nec fortè dissimiles iis , qui
Chrysostomum insectabantur . Cum enim
Divinam Clementiam à nobis efferrî audia-
tis ,*

DISPUTATIO V. III

tis, invitari perbenignè quoslibet ad pœnitentiam, excipi, curarique, illosque redargui, qui eis confitentibus veniam facilè pernegant, aut differunt, jam creditis tamquam certum & indubitatum à nobis absolvi quoslibet, permitti quælibet, & porcis proiici Margaritas. Hinc Epistolæ plenæ calumniis missæque per provinciam ad amicos innominatos, hinc satyræ crudelibus jocis refertæ, & per primarias utriusque orbis Accademias disseminatæ; hinc illæ per totam hanc Urbem stillantes felle quærimoniæ, *decipi genus humanum, pœnitentes ligari, non absolvi; non expiari Sacramentis, sed sacrilegiis impiari*. Fallimini censores loquacissimi, quodque pejus est, fallitis alios, qui (ut sunt homines plerique) quod audiunt male fieri ab aliis, statim credunt, & laxitatem magistrorum carpunt, quamvis quærant ipsi laxissimos, de quorum numero, crede mihi, non sumus. Misericordiam sacrificio præoptamus, excipimus omnes, audimus omnes, sed omnes non absolvimus, idque solum inter nos & vos discrimen est, quod nos, Pœnitentes ex pravis habitibus, & longâ consuetudine ad vitia inclinatos, aut elapsos, si veri dent signa

gna doloris & propositi, absolvimus plerisque, sed antea bene monitos, & contrà insultus Demonum armatos, vos autem reiicitis plerisque, aut etiam omnes, & post menses, aut annos, redire jubetis.

D. R. Omnes reiici nego.

- 30 *D. D.* Quid ipse facias ignoro, nec experiri volo. Quid vestri Instructores faciendum doceant scio, sciuntque omnes qui eorum scripta typis edita legunt. Differri omnino & semper debere prædictis penitentibus absolutionem, vel apertè docent, vel docere se, satis significant Gummarus Huighenius Apol. pag. 68. & in sua Meth. pag. 71. Neesen pag. 388. Avermans in suo Tyroc. par. 1. num. 178. Gabrielis in sua Moral. pag. 129. Et quidem ex præcitatis scriptoribus primus sic istum suum rigorem adamat, ut velit absolutionem differri debere etiam sponso, qui ipso mane nuptiis destinato, abusum se diù suâ sponsâ confitetur, quamvis se intimè dolere affirmet, quamvis in id criminis relabi amplius nec velit nec possit, jam matrimonio reddente licitum quod antea ei erat illicitum, quamvis demum dilatâ absolutione, differendæ sint etiam nuptiæ, cum admiratione

DISPUTATIO V. 113

tione omnium pejora suspicantium . *Non est quod bereas* (sic ille Parochum ad hanc absolutionis dilationem obfirmat) *quidquid obloquiorum , quidquid turbarum , quidquid incomodi consequatur .* Quàm autem longa sit vestra isthæc absolutionis dilatio coniici potest ex fine , differtis enim , ut interea Penitens pravos habitus deponat , & bonos induat , *Idcirco* (inquit cit. Huighenius in Apol. pag. 68.) *adhibenda est dilatio , ut pœnitens eà durante , mediis à confessorio , tamquam medico spirituali præscriptis utatur , ut vitia contrariis virtutum actibus intereà expellat , ut pravis suis inclinationibus medeatur , cum autem id opus sit ad minus plurium mensium , jam plures menses manebit ex vestra institutione inabsolutus quicumque pravam peccandi consuetudinem contraxit .*

Ut autem aperto vestrorum librorum 31 testimonio probavi , à vobis absolutionem , eamque satis diù prædictis omnibus Penitentibus differri , ita nostrorum Scriptorum calculo probabo à nobis haudquaquam omnes absolvi . *Interdum* (inquit Layman lib. 5. tract. 6. cap. 4. num. 10.) *vehemens est suspicio , & iusta præsumptio propositum simulatum ,*

H

aut

114 CALUMNIA V.

aut non sufficiens esse: Si videlicet pœnitens post duas aut tres confessiones eandem peccati speciem, eodem vel majore numero afferat, & nullus emendationis conatus antecessisse videatur. Hoc casu differenda erit absolutio, nominato aliquo temporis spatio, intra quod pœnitens conatum adhibeat ad criminis emendationem. Idem docent Lessius verbo Confessarius casu 7. Trullench tom. 1. lib. 2. cap. 1. dub. 20. n. 10. Azor. part. 1. l. 11. c. 3. q. 4., & cum reliquis omnibus Tamburinus, qui cap. 3. l. 3. meth. Confess. hæc habet. Differtur aliquando absolutio propter occasiones proximas non amotas; nonnunquam propter frequentem relapsum; tertio propter aliquod Pœnitentis emolumentum.

D. R. Interdum, aliquando, nonnunquam; Quam proximè ista accedunt ad illud nunquam quod dicebam.

D. D. Jam video hoc vobis displicere, quod nos non ita sæpe, nec ita diù veniam etiam relapsis differamus. Id igitur modò ex ipsa institutione Sacramenti, & regulis Patrum discutiendum erit, utrum vos semper, aut fere semper veniam differendo, nos rarò eam differendo, erremus. Ut autem clarè, ac distinctè rem totam velut à suis principiis

DISPUTATIO V. 115

piis evolvam, teque ipsum ad meam sententiam, veluti certam ac tutissimam suaviter traham.

Præmoneo primò, credi omnino debere, ³² hoc Sacramentum non esse sic institutum à Christo Domino, ut difficillimè administretur. Primò quia est Sacramentum lapsis post Baptismum, adeoque fere omnibus adultis necessarium ad salutem: media autem necessaria non debent esse parata difficillima, & ideo Baptismus, quì est Sacramentum omnibus necessarium ad salutem, facilè administratur. Secundò, quia Ecclesia Sanctique omnes hortantur ad frequentem ejus usum, ergo supponunt esse sic institutum, ut non administretur difficillimè; Sic enim frequenter suscipi non posset. Admittis hoc?

D. R. Admitto.

D. D. Bene est. Præmoneo 2. rejicien- ³³ dam omnino esse eam administrandæ pœnitentiæ praxim, ex qua sequeretur, quod hoc Sacramentum evaderet maximè onerosum ejus ministris, vel susceptoribus, & magis quam ferat ipsa necessitas Sacramenti, licet hujusmodi praxis removeret non paucos à peccato; quia videlicet removeret etiam à Sa-

116 CALUMNIA V.

cramento , & hæc est ratio , propterquam S. Leo epist. 78. sustulit eum ab usum , qui in aliquibus provinciis inoleverat , exigendi à Pœnitentibus , ut permitterent sua peccata publice recitari ! *Removeatur*, inquit, *tam improbabilis consuetudo*, *ne multi à pœnitentiæ remediis arceantur*, *dum aut erubescunt*, *aut metuunt inimicis sua facta referare*. Admittis hoc ?

D. R. Admitto .

- 34 *D. D.* Bene est . Præmoneo 3. Ad hoc Sacramentum requiri præcise ex parte Pœnitentis actum doloris , propositi , & Confessionis . Actum inquam , non habitum seu longam perseverantiam in his actibus : nam Trident. sessione 14. solos actus requirit , & hæc est totius Ecclesiæ doctrina . Igitur non requiritur quod Pœnitens per aliquot hebdomadas vel menses , antequam absolvatur , persistet in tali dolore & proposito lugens peccata sua . Si id faciet , optimè faciet , non tamen damnandus erit si non faciat . Admittis hoc ?

D. R. Admitto .

- 35 *D. D.* Gratulor tibi docilitatem tuam . Præmoneo 4. Satis esse quod Confessarius volens

DISPUTATIO V. 117

volens absolvere habeat iudicium prudens de dispositione Penitentis, nempe de prædictis actibus doloris & propositi. *Præusquam Minister absolvat* (inquit Suar. tom. 4. in 3. par. disp. 32. sect. 2. *neceſſe eſt, ut prudenter, & probabiliter iudicet, Pœnitentem eſſe diſpoſitum.* Neceſſe eſt, & ſufficit, agit enim de neceſſario ſufficienti.

D. R. Suarium non agnoſcimus, nec alios ſimiliſmodi ſcholæſticos Theologos de moribus ſubtiliter ex ingenio ſuo, non autem ex Majorum auctoritate diſputantes.

D. D. Suarium non agnoſcitis, alioſque huiusmodi Scholæſticos Theologos? Et ideo tam ſæpe à recto rationis, & veritatis tramite aberratis. Si ſcires quantum tibi hominem nominavi (ſcires autem ſi legiſſes) puderet te inſcitæ tuæ, & rigidiorum Doctorem Libellos, Epistoſas, ac Tractatus, quos noctu dieque verſas, abjiceres. Sed illud intolerabilius, quod omnes Theologos deſpicitis.

D. R. Noviores videlicet.

36

D. D. Ergo antiquos non deſpicitis? At ea Suarii doctrina antiquorum eſt, quos ſequens Catechiſmus Romanus ſic habet parte 2. num. 51. *Quod ſi auditâ confeſſione judi-*

H 3

cave-

caverit Confessarius, neque in enumerandis peccatis diligentiam, nec in detestandis dolorem Pœnitenti defuisse, absolvi poterit: si judicaverit, inquit, non autem si judicaverit indubitanter, & post experimentum aliquot hebdomadarum, vel mensium. Sed clarius D. Carolus. Recusabis ne tantum Pastorem sequi?

D. R. Absit.

- 37 D. D. Is in Instructione Pastoralis sic pœnitentarios suos Sacerdotes monet. *Si probabiliter sibi Confessarius persuadeat posse se fidem primæ, vel secundæ à Pœnitente sibi promissioni factæ dare, quod scilicet occasionem auferet, poterit eum promissionis intuitu absolvere.* Audisti? *Si probabiliter sibi Confessarius persuadeat.* Quæris rationem? Ea est institutio Christi Domini, quæ colligitur ex prædicto communi sensu Theologorum, & quia si requireretur judicium plusquam probabile, esset nimis difficilis, & subjecta innumeris angustiis, & scrupulis administratio, & susceptio hujus Sacramenti, qualem non debere esse concessisti.

- 38 Præmoneo 5. quod fusiùs probabo disp. 10. par. 2. Confessarium sufficienter habere tale judicium probabile, dum pœnitens aut exercitè

DISPUTATIO V. 119

citè ipso modo confitendi, aut signatè dicit se habere talem dolorem, & propositum, nisi sit præsumptio contra ipsum. Hinc Doctores (inter quos S.Th. in 4. dist. 17. quæst. 3. quæstiunc. 5. ad 2.) docent, in Foro conscientiae credendum reo pro se, & contra se. Scio aliquos vestrum respondere, hoc dictum sic esse exponendum, ut reo credatur pro se dum dicit se hæc, & non alia peccata commisisse, non autem dum dicit se esse rite dispositum, quia in hoc facile potest decipi. Sed hæc responsio est omnino vana: primò, quia in re tanti momenti debuissent Doctores hoc modo limitare suam propositionem, quæ alioquin daret ansam errori: ut si quis diceret: *Audita in Confessione possunt revelari*, subintelligendo *cum licentiâ Pœnitentis*; Doctores autem hoc modo nec signatè, nec exercitè eam limitant. Secundo. Sicuti potest quis decipi in iudicando de suâ dispositione, ita potest decipi in iudicando de contractibus, de obligatione restituendi, de Simonia, aliisque innumeris, imo multò magis circa hæc, quàm circa illud, cum facillimè quilibet intelligat, an verè detestetur peccata commissa, & velit ea non amplius committere, ergo si, quia potest deci-

pi circa hoc, non est ei credendum, dum dicit, se esse dispositum, à fortiori non esset ei credendum, dum dicit, se non comisisse alia peccata, adeoque se non comisisse c. g. peccatum Simonix, peccatum injustitiæ circa contractus, aliaque hujusmodi, quæ omnia includuntur in ea propositione *non habeo alia peccata*. Tertio. Vera ratio, propter quam in foro conscientix creditur reo etiam pro se, non sic in foro judiciali est ea, quod illud est forum voluntarium, non hoc. Supponitur autem, quod qui sponte sistit se Judici, ut ab eo absolvatur, nolit illum decipere, & quod diligenter se inspexerit, ne se decipiat. Hæc autem ratio tam probat esse credendum reo pro se, dum dicit, se non habere alia peccata, ac dum dicit, se esse vere dispositum.

Igitur ea propositio D. Thomæ debet intelligi ut sonat, utque eam intellexerunt, & docuerunt post D. Th. ejus discipuli Turrecremata cap. *quem pœnitet de pœnit. dist. 1. num. 18.* Fumus in Armilla verbo *Absolutio* num. 30. Tabiena ibidem quæst. 24. num. 45. & reliqui, quos sequitur Filiuccius, Suarez, Dicastillus, Henriquez, aliique, inter quos Suarez tom. 4. in 3. par. disp. 32. sect. 2. *Confessor,*

DISPUTATIO V. 121

fessor, inquit, quando non habet sufficientia signa doloris, potest, & debet interrogare Pœnitentem, an ex animo detestetur peccatum, cui affirmanti credere tenetur; & hoc idem dicendum est de proposito in futurum, quando ex confessione non oritur specialis obligatio restituendi, vel relinquendi aliquam occasionem proximam. Et in hoc ipso casu si pœnitens dicat, se habere propositum satisfaciendi obligationi suæ, e. g. restituendi, potest subinde ei credere. Dicastillus similiter disp. 10. de pœnit. dub. 29: num. 571. Pœnitenti, inquit, affirmanti se habere retractionem & propositum non peccandi, credendum est. Admittis hoc?

D. R. Admitto, si ut affirmas, hæc est Doctoris Angelici, & communis aliorum doctrina.

D. D. Pergo igitur reliqua præmonere. 39. Dixi paulo ante, esse credendum Pœnitenti, nisi sit præsumptio in contrarium, quæ ejus attestationem elidat; Nunc præmoneo 6. non debere præsumi, quod pœnitens affirmans, se esse dispositum dicat falsum, ex eo præcisè, quod est relapsus; est enim indubitatum, non impediri à relapsu verum dolorem, & propositum, imò eo magis confundimur, & magis

gis movemur ad detestandam propriam infirmitatem, & inconstantiam.

Verum quidem est, quod, si qui est relapsus non adhibuit post ultimam confessionem ullum conatum ne relaberetur, non est judicandus habuisse in ea ultima confessione, & consequenter nec habere nunc verum dolorem, & propositum, nam, ut inquit Card. de Lugo de pœnit. disp. 14. num. 160. *Qui effcaciter proponit, & seriò rem aliquam, quam aliundè moraliter implere potest, non ita facillè obliviscitur statim sui propositi, sed saltem per aliquod tempus perseverat, & difficiliùs vel rariùs cadit.* Is tamen potest nunc dare specialia signa doloris, itaut mereatur ei credi saltem semel aut bis post relapsum, ut colligitur ex præcitata Instructione D. Caroli. Si verò qui est relapsus saltem seriò conatus est non relabi, jam ostendit se habuisse verum dolorem & propositum, cujus effectus fuit ille conatus. Quare cessat jam præsumptio contra ipsum, debetque ei credi.

D. R. Videntur certa.

- 40 *D. D.* Præmoneo 7. Non est necesse, quod Confessarius sibi persuadeat, penitentem non esse relapsurum, ut communiter

tra-

DISPUTATIO V. 123

tradunt Doctores; tum quia nulla ratio id suadet, tum quia vix potest unquam id sibi prudenter persuadere Confessarius, imò nunquam, cum penitens habet sola peccata venialia negligentiae, iracundiae, & similia.

Præmoneo 8. Dilationem absolutionis ⁴¹ nec esse medium certò faciens abstinere à peccato, nec esse medium ad id necessarium. Primum patet, nam multi, quamvis ipsis differatur absolutio, adhuc relabuntur in peccatum. Alterum similiter patet, quia sunt alia multa media, quæ conferunt ad emendationem, inter quæ est ipsa absolutio, & Sacramentum, quod conferens gratiam, & auxilia multa actualia jam penitenti auget vires, quibus se contineat à relapsu. Igitur utrumque est medium conferens ad emendationem, & dilatio absolutionis, & absolutio. Dilatio absolutionis, quatenus facit, ut Penitens magis apprehendat gravitatem suarum, culparum, & concipiat majorem dolorem, firmitus propositum; absolutio verò quatenus confert gratiam, & jus ad prædicta auxilia, quibus armatur contra relapsu. Neutrum est remedium se solo trahens emendationem: neutrum est remedium hic & nunc necessarium

rium ad emendationem, utrumque potest conferre ad emendationem, cum hoc discrimine, quod absolutio impertita dispositis semper confert ad emendationem, quia semper dat gratiam, & prædicta auxilia, & conservat penitentem bene affectum erga Sacramenta, nec affert illi ullum damnum, è contra absolutio negata vel dilata, licèt aliquibus sit efficacius remedium, quàm concessa, multis tamen est ingenti damno, nempe iis, qui fortè habent solam attritionem, quamvis contentur elicerè contritionem; jam enim nullum opus eorum, quæ faciunt eo tempore intermedio donec absolvantur, est satisfactorium, & meritorium de condigno, & ipsi manent in perpetuo periculo eternæ damnationis, cum possint toto eo tempore improvisam, & repentinam mortem incurrere. Quàm grave malum hoc est? Nec illud minus, quod plerique sic rejecti, vel dimissi amorem Sacramentorum, suæque salutis veluti desperantes
 42 amittunt. *Experientia docet* (inquit Leander à Murcia in disquis. lib. 2. disp. 1. resolut. 14: num. 3. pag. 158.) *quod differre absolutionem non est remedium, sed potius medium, quo in desperationem ruant, vel quo odiosa reddatur eis*
 con-

DISPUTATIO V. 125

confessio . Hanc experientiam , quam ego habeo , multi graves viri , qui confessionibus audiendis frequenter vacant , similiter habuisse retulerunt . Bene ait , sic experiri eos , qui confessionibus audiendis , frequenter vacant , nam qui iis audiendis non vacant , nec experiuntur , nec misferentur , nec satis callent quæ sint animarum morbis curandis aptiora remedia , ut qui Medicinæ longum studiosus corpora curavit nunquam , hic satis scire nunquam potest , quæ sit optima curandi ratio , nec satis percipiet unquam , nullum esse depellendis morbis aptius remedium , Medici amore , & patientiâ . Est igitur certum , hoc remedium differendi absolutionem , vel eo utaris ut Judex ad cognoscendam dispositionem Pœnitentis , ne temere sententiam feras , vel eo utaris ut Medicus ad ejus emendationem , quem scis esse dispositum , esse remedium plerisque inutile , aut etiam noxium ; omnibus periculosum , ergo cum iis , qui prudenter judicantur dispositi , vix unquam erit adhibendum , ut emendantur , nempe tunc solum cum libenter acceptatur , ac tanta prævidetur utilitas , ut prævaleat omnibus damnis , & periculis , quæ secum affert , quem casum esse rarissimum , exper-

126 CALUMNIA V.

peritissimorum, doctorumque Medicorum testimonio, & ratione ipsa, satis ostendi. Admittis hoc?

D. R. Admitto. Nec ego unquam Auctor sim, ut hoc modo curentur ordinariè ii, qui dispositi sunt, & possunt absolvi. Sed indispositi, qua alià ratione curentur?

43 *D. D.* Dicam. Igitur præmoneo 9. Qui sponte accedunt ad Confessionem, & eo fine ut vere reconcilientur cum Deo, si non appareant satis dispositi, possunt facile ab ipso Confessario statim disponi. Hoc probatur manifestà experientià, & ratione hoc modo. Est certum quod longè faciliùs hi concipiunt efficacem dolorem, & propositum, quam qui audiunt Concionatorem, cum hi plerumque non accedant ad concionem, ut reconcilientur cum Deo, & absolvantur à suis peccatis, sed aut ex curiositate, aut ut piè se occupent, atqui experimur etiam, hos facile concuti, & concipere efficacem dolorem, & propositum, cum Concionator aptè proponit, quæ ad poenitentiam excitant, ergo à fortiori faciliè concutientur illi, & concipient efficacem dolorem & propositum, si eadem ipsis proponantur à Confessario. Nec facit quod confessarius nequeat,

DISPUTATIO V. 127

queat longam concionem habere: nam prædicta, quæ excitant ad pœnitentiam, petita vel ex Divinâ bonitate, quæ tandiū toleravit eum, quem potuisset in infernum detrudere, vel ex incertitudine mortis, ac Divinâ justitiâ gehennam præparante obstinatis peccatoribus, magis subinde commovent animum paucis, sed multum significantibus verbis peramanter proposita, quam longâ concione descripta.

D. R. Commovent quidem, sed motu 44 brevissimo, ut experimur in his ipsis, quos in exemplum attulisti, feruidæ concionis Auditoribus, qui lacrimantur quidem facili, iique facilius qui gravioribus peccatis onerati, majorem habent lugendi causam, sed absolutâ concione arescunt lacrimæ, concepta abeunt vota, & veteres redeunt amores.

D. D. Id in universum dici nequit, cum non pauci constanter emendentur, vel non tam sæpe relabantur, donec tandem ne labuntur quidem unquam. Adde quod alia est ratio confitentium, alia audientium Concionem, tum quia confessione, nempe actu perhumili, maximeque arduo facilee xoratur Deus, moveturque ad confirmandum in recto proposito

128 CALUMNIA V.

to Pœnitentem , tum quia post confessionem sequitur Absolutio, & Sacramentum , cujus virtute magis roboratur Pœnitens , non autem sequitur post concionem. Licet ergo Auditorum lacrimæ faciliè arescant, non ita faciliè arescunt lacrimæ Pœnitentium. Sed arescant, non perseveret dolor , & propositum ; Quid inde ? An Christus Dominus voluit esse partem Sacramenti eum solum dolorem , & propositum, quod perseveret, an precisè dolorem & propositum ? Primum dici nequit, ut ostendi paulo ante , & patet ex innumeris exemplis etiam Scripturæ , quibus constat Deum ignoscere , & in gratiam restituere etiam eos, quos prævidet inconstantes fore. Si ergo Deus propositum perseverans optavit quidè , ei-que soli gloriam, & vitam eternam concedit, gratiam verò , etiam non perseveranti concedit , cur nos soli perseveranti per hebdomadam, vel mensem , & longo fletu exposcenti veniam concedemus ? Si Deus hanc legem condidit ut cuicumque verè dolenti , & confitenti venia detur , quo jure nos Divina munera corrumpimus , & hanc contrariam legem statuimus , ne cuicumque verè dolenti venia detur , sed solùm dolenti per aliquot hebdo-

DISPUTATIO V. 129

hebdomadas, vel menses, suumque dolorem, & propositum piis operibus confirmanti? Igitur is verus dolor, & propositum, quod Pœnitens excitatus brevibus, sed penetrantibus verbis Confessarii, quâ monentis, quâ increpantis, quâ ipsam absolutionis dilationem minantis, concipere se ostendit, satis est ad Sacramentum, adeoque is pœnitens est jam habendus tamquam dispositus. Admittis hoc? -

D. R. Admitto quidem, si ostendit verum dolorem. 45

D. D. Nempe, si se commotum ostendit, nec frigide dicit, se velle novam vitam instituere. Hæc enim signa sunt, ex quibus prudenter judicatur quis vere dolere, & proponere, & dari solent ab iis quos Confessarius fortiter, & suaviter increpat. Igitur is, qui antea habebatur ut indispositus, vel propter vitam nihil emendatam post ultimam confessionem, vel ex alio capite, jam monitus, & increpitus à Confessario, ac se dolere significans, est habendus pro disposito, ergo est statim absolvendus, regulariter loquendo, ut ajunt. Id negare non potes; nam paulò ante concessisti, dilationem absolutionis esse remedium

130 CALUMNIA V.

dium adeo anceps, & periculofum, ut perrarò fit adhibendum .

- 46 Præmoneo 10. Confessarium, cum deprehendit Pœnitentem indispositum ex. gr. accessisse imparatum, & animo indiscusso, vel perseverantem in occasione proximà, vel nihil emendatum, nihilque conatum, ut se corrigeret, debere plerumque, saltem ex charitate ipsum disponere, cum id ex dictis possit facilè fieri, & ex alià parte dilatio absolutio- nis sit plerumque adeo Pœniti t i d a m n o s a . Certè optimè faciet ipsum disponens, & absolvens, nam disponendo facit absque dubio actum charitatis, absolvendo autem sic dispositum, & volentē statim absolvi, facit plerumque actum justitiæ. Id absque dubio admittes.

D. R. Et quomodo non admittam, quod ex antecedentibus apertè colligitur ?

- 47 *D. D.* Præmoneo tandem, frequentius quidem in administratione hujus Sacramenti ex nimia benignitate, quàm ex nimio rigore peccari, majus tamen esse peccatum nimium rigorem, quam nimiam benignitatem . Frequentius quidem peccatur nimia benignitate, quia longè plures sunt ii Confessarii, qui oscitanter audiunt Confessiones, qui videlicet

nec

DISPUTATIO V. 131

nec satis explorant statum Pœnitentis interrogando, nec satis ipsum emendare curant, aut disponere monendo, increpandoque, quàm sint ii Confessarii, qui nimis interrogant, aut nimis increpant, aut nimis severè judicant de statu, & obligatione Pœnitentis. Is tamen rigoris excessus est malum longè majus, quia exasperat Pœnitentem, & ex disposito subinde facit indispositum. Rursus removet Pœnitentem à Sacramentis, facit eum aversum ab Ecclesiæ ministris, & ab ipsa Christianà Religione, & in desperationem facilè inducit: quare Joannes Damascenus apud Petrum Blesensem de pœnit. & satisfact. quin omnes Patres satis communiter monent, *tutius esse rationem reddere de misericordià, quàm de severitate justitiæ*. Id absque dubio concedes? Jam verò ventum est ad id, quò te ducere destinaveram. Ex iis enim, quæ hætenus præmonui, eruitur manifestè, non proficisci ex virtute, quod Pœnitentibus Relapsis, & sponte ad confessionem accedentibus, (de his enim loquor,) differatur absolutio, nam ii plerumque saltem conati sunt non relabi, sunt igitur censendi plerumque bene dispositi: ergo cum dilatio absolutionis sit ex dictis remedium ple-

rumque adeo anceps , imò adeò damnosum, jam charitas, & justitia postulat plerumque, ut statim absolvantur , si presertim nolint expectare . Si verò sint indispositi , cum ex dictis facile disponi possint, jam charitas aut obligat, aut suadet, ut disponantur. Si ergo non disponantur, & rejiciantur , jam rejiciuntur aut ex defectu charitatis necessariæ , aut ex defectu ferventioris charitatis , si verò plerumque absolvantur statim , id fit juxta regulas justitiæ, aut charitatis : ergo prædicta praxis differendi plerumque absolutionem relapsis non oritur ex virtute, sed aut ex injustitiâ, aut ex charitatis debitæ defectu, aut ex charitate remissâ, & è contra praxis contraria est conformis regulis justitiæ, aut charitatis . Ergo ex iis, quæ hætenus, & per gradus concessisti , concedere debes vestri rigoris praxim laudabilem non esse , esse autem laudabilem praxim nostræ benignitatis .

48 *D. R.* Id quidem ego concedere volebam , sed paulatim præjactis propositionibus effecisti, ut negare non possim . Assentior igitur, dummodo , quod ultimo loco monuisti, de iis Relapsis sermo sit , qui sponte ad Confessionem accedunt .

D. D.

DISPUTATIO V. 133

D. D. De his-me locutum, iterum assero, nam alia est ratio eorum, qui accedere compelluntur, ut sunt qui confitentur solum in Paschate, quique in Collegiis, & Scholis ad confessionem iis solis diebus accedunt, quibus accedere ex lege tenentur. Cum iis enim (dicam ingenuè quod sentio, non enim cuiquam adulari volo, & quamvis Doctor benignus sim, cum tamen tempus, & ratio postulat, obrigesco) cum iis, inquam, severiùs agendum est. Persæpe enim nec dispositi accedunt, nec possunt facilè disponi. Primum contingit, quia non solent accedere eo animo, ut cum Deo reconcilientur, utque aliã postea vivendi rationem instituant, ut accedunt ii, de quibus antea agebamns. Alterum verò quia adhortationibus, & increpationibus, quibus occalluere, non admodùm commoventur. Utramque hanc regulam benignam cum sponte confitentibus, rigidiusculam cum aliis confiteri compulsis proponit Layman lib. 5. tract. 6. cap. 4. num. 10. & 11. probantque reliqui nostræ scholæ Doctores.

D. R. Probo etiam ego sic temperatam, & sequar. Nec semper veniam Relapsis dabo, nec semper negabo.

134 CALUMNIA V.

D. D. Id satis non est, nec id faciendum paulò ante ex meis propositionibus colligebas.

D. R. Quid ergo faciam?

D. D. Accipe. Quicumque ad te venerint Pœnitentes, aut venià dignos credas, aut facias, aut facere contendas. Breviùs.

Rejicias nunquam. Audi semper. Solve frequenter.



CA-



CALUMNIA SESTA.

Pœnitentibus injungebat olim Ecclesia publicam occultorum quoque criminum confessionem .

DISPUTATIO VI.

Doct. Discr.



ertum est, publicam etiam occultorum criminum cōfessionem posse laudabiliter fieri, eamque fecisse non paucos *in vindictam suorum scelerum, & sui humiliationem*; ut loquitur Tridentinum sess. 14. cap. 5. Inter hos celeberrimus fuit, eritque in perpetuum Potamius Episcopus Bracarensis, qui, ut refert Card. Baron. ad ann. 656. in Concilio Tolet. 10. ne-

136 CALUMNIA VI.

mine accusante, seipsum prodidit, & cum lacrymis confessus est occultum, quod commiserat, carnis peccatum, & sponte Episcopatu se abdicans pœnam subjicit, quam Canones ejus culpæ reis imponebant.

- 2 Quod in controversiam vocatur, illud est, an vetus Ecclesia imposuerit unquam Pœnitentibus onus publicè confitendi sua occulta delicta. Nec desunt qui hanc etiam calumniam contra veteris Ecclesiæ disciplinam struant.

Doct. Rig. Nimirum calumnia vocatur, quod fuit ingens veteris Ecclesiæ præconium. Quid enim magis pietatem antiquorum Fidelium commendat, quàm, quòd non dubitaverint in suorum criminum detestationem, gravissimam pœnam subire, eaque coram universo populo confiteri, quæ nos unius Sacerdotis auribus insusurrare formidamus?

D. D. Laudabile procul dubio id fuerit: non verò quòd Ecclesia ad id faciendum obligaverit. Id ego factum fuisse, nego.

- 3 *D. R.* Nempe, quod homines eruditissimi affirmant, Ruardus Tappetus art. 5. ubi de facto Nectarii, Lindanus Panopliæ lib. 4. cap. 69. Alanus Copus Dialogo 2. cap. 27. Pamela
melius

DISPUTATIO VI. 137

melius in adnotationibus ad tract. S. Cypri. de Lapsis, & initio adnotat. ad lib. Tertulliani de Pœnit. aliique, quodque manifestè colligitur ex Patribus antiquioribus (nam sublatum post quintum aut sextum seculum hunc morem fatemur) ubique testantibus laudabilem istam consuetudinem, quæ tunc vigeat publice confitendi graviora peccata, quamvis clanculum commissa. Consuetudo autem faciendi rem adeo difficilem, ut est prædicta confessio, sine præcepto induci, aut conservari minimè potuisset.

D. D. Sed istam communem consuetudinem in veterum Scriptorum monumentis non reperio. Reperio quidem à pluribus id factum; sed plurimum factum non est omnium consuetudo; alioquin, quia reperimus, multos obtulisse se Tyrannis, alios multos sua omnia bona in eleemosynas erogasse, alios in sylvis vitam asperrimam traduxisse, id ex generali consuetudine, aut ex lege, & præcepto factum, dicemus.

D. R. In Socratis historiâ utrumque 4
habes & factum, & consuetudinem. Refert enim lib. 5. cap. 19. (ut bene nosti) Matronam quandam à Presbytero Pœnitentiario, apud
quem

138 CALUMNIA VI.

quem totius vitæ peccata confessa fuerat, compulsam fuisse eadem publicè confiteri, eamque sic parvisse, ut occultum etiam Diaconi cum ipsâ patratum sacrilegium prodiderit, unde Diaconus in pœnam à suo loco dejectus fuit, & Populus in sacros Ecclesiæ Ministros ita commotus, ut ei placando, Nectarius Episcopus Presbyterum Pœnitentiarum amoverit, ejusque munus penitus abrogaverit. Addit autem Sozomenus, idem factum narrans lib.7. cap.16. exemplum Nectarii reliquos ferè omnes Episcopos sequutos esse. Id certè satis quod dicebam ostendit; non enim mulier nobilis, honestæque famæ, eam confessionem facere jussa esset, nec ipsa fecisset, nisi fieri consuevisset, fuissetque omnino necessaria ad obtinendam veniam peccatorum. Id etiam colligo ex eo, quod Socrates decretum Nectarii improbens asserit, nempe id malum ex eo manasse, quòd postea non potuerint ampliùs redargui prava aliorum opera, nec malorum hominum commercium vitari, utpote qui, sublatâ eâ occultorum criminum confessione, non amplius dignoscebantur, ergo Pœnitentes sua etiam occulta crimina prodere cogebantur. Quis autem neget,

DISPUTATIO VI. 139

get, hanc fuisse communem totius Ecclesiæ consuetudinem, cum non solum Constantinopoli, ubi factum mulieris contigit, sed in reliquis omnibus Orientis Ecclesiis viguerit, quarum Episcopi, factum Nestarii imitati dicuntur, cumque non ignoremus, easdem in utraque Ecclesiâ Orientali, & Occidentali solemnis Pœnitentiæ leges fuisse?

Sed, ut ut in aliquibus discreparint, in hoc certè nullum discrimen fuit, ut ex Patribus Latinis colligitur. Et primò Tertull. de Pœnit. cap. 10. & 11. invehitur in eos, qui Pœnitentiam omittebant, ex pudore confitendi peccata sua, qui pudor, inquit, esset veniâ dignus, si confessio esset facienda coram inimicis *insultaturis, in resiloquio, ubi de alterius ruinâ alter attollitur, ubi prostrato superascenditur*, non sic autem, cum facienda sit *inter fratres, atque conservos, ubi communis spes, metus, gaudium, dolor, passio*. Igitur jubebantur Fideles publicè confiteri etiam ea, quæ pudori erant, nempe occulta, pudor enim est in confessione occultorum, nō autem eorum, quæ publica sunt. Quodd autem juberentur, & non solo consilio impellerentur, patet, quia non redarguerentur, qui talem confessionem omit.

140 CALUMNIA VI.

omittunt : non enim redarguitur , quod malum non est , mala autem non est omissio rei non præceptæ .

- 6 Eundem pudorem retrahentem à publicâ confessione reprehendit S.Pacianus in parenesi , & S.Ambros. lib. 2. de Pœnit. cap. 10. & in psal. 37. Igitur is mos cogendi Pœnitentes ad publicam atrocium criminum , quamvis occultorum confessionem non fuit solius Ecclesiæ Orientalis , sed etiam Occidentalis , diuque perseveravit in aliquibus Provinciis , nam etiam tempore S.Leonis Papæ perseverabat in Campaniâ , Samnio , & Pice-no , ut patet ex ejus epistolâ 78. ad harum Provinciarum Episcopos scriptâ : non enim est probabile , tunc omnes illos Episcopos convenisse in eâ lege statuendâ . Crediderim potius , constantiores eos fuisse in eâ retinendâ , seu potius rigidiores in eâ ampliandâ , cogendo videlicet Pœnitentes ad publicanda omnia sua occulta delicta , adeoque etiam ea , in quæ leges animadvertebant pœnâ capitis , quod solum sustulit Leo , ut Morinus lib. 2. cap. 10 : bene colligit ex ultimis his hujus Leonini decreti verbis . *Removeatur tam improbabilis consuetudo , ne multi à pœnitentiæ remedio ar-*
cean-

DISPUTATIO VI. 141

ceantur, dum aut erubescunt, aut metuunt inimicis sua facta referare, quibus possunt legum constitutione percelli.

Demum negari non potest, potuisse, 7
hanc legem condi ab Ecclesiâ ad absterrendos
Fideles ab atrocibus delictis quamvis occultis, ut ad removendos Fideles à patrandis publicè, & cum scandalo eisdem delictis, potuit eos ad eorum publicam confessionem obligare. Probabile autem est, conditam de facto fuisse hanc legem eo tempore, quo aliæ multæ hujusmodi leges, & fortè etiam severiores, statutæ fuere, ad Pœnitentium verum propositum, & constantiam explorandam, exercendamque. Certè publica pro occultis criminibus Pœnitentia parum, aut nihil differt à publicâ occultorū criminum cōfessione; sed illa fuit in Universâ Ecclesiâ lege sancita, ergo, cū aliunde tot indiciiis, argumentisque id colligatur, dicendum est, hoc etiam fuisse ab Ecclesiâ veteri lege sancitum, aut ab eâdem fuisse saltem permissum, ut Confessarii possent ad hujusmodi confessionem Pœnitentes cogere, quam permissionem clarè innuit S. Ba- 8
filius in Ep. ad Amphilochium eo can. 34.
Adulterio pollutas mulieres, & confitentes ob pietatem,

142 CALUMNIA VI.

tatem, vel quomodocumque conviētas, publicare quidem Patres nostri prohibuerunt; ne conviētis, mortis causam præbeamus. Igitur ex Basilio, vetitum à Majoribus fuit Confessario publicare adulteria occulta mulierum, nempe imponere mulieribus adulteris, ut publicè confiterentur sua adulteria, ne à maritis occiderentur, ergo non erat prohibitum Confessariis præcipere Pœnitentibus confessionem publicam reliquorum delictorum, ex quorum manifestatione non sequeretur illud malum, sed erat eis permissum, ut hanc confessionem præciperent: nam exceptio (ut dici solet) firmat regulam in contrarium.

D. D. Eloquenter quidem, & appositè ad decipiendum: sic enim pervertis quæ collegisti ex Veterum monumentis, ut videaris velle imponere, & fucum facere, ut eodem ordine, quo ea attulisti, ostendam.

- 9 Incipiam igitur ab eâ tam in felici, & celebri Matronæ Constantinopolitanæ Confessione. Id factum narraturus Sozomenus cap. 16. lib. 7. dicit, Præsbyterum Pœnitentiarium, qui confessiones exciperet, ab Episcopis fuisse constitutum in suis Ecclesiis, electumque ad id munus virum *integritate vitæ maximè*

DISPUTATIO VI. 143

*maximè spectabilem , & secretorum tenacem ; quia nimis odiosum visum fuit , quòd Pœniten-
tes , sua delicta , tanquam in theatro , audiente
Ecclesie multitudine pronunciarent . Ergo non
obligarunt ad id Pœnitentes. Quomodo enim
obligarunt ad id , quod cognoverunt esse
odiosum , & nimis grave ?*

D. R. Non obligarunt quidem ad om-
nia, sed ad aliqua magis atrocia , iudicio Pres-
byteri Pœnitentiarii , cui debebant omnia
prius manifestari .

D. D. Id asseri nullo modo potest; nam ¹⁰
si odiola visa fuit publica confessio; absque du-
bio visa fuit maximè odiosa confessio delicto-
rum atrocium occultorum : & rursus , si Sa-
cerdos in Pœnitentiarium eligebatur, qui esset
secreti tenax , ne proderet occulta , à fortiori
requirebatur , ne proderet occulta quæ essent
atrocia : ergo si confessionem publicam non
præceperunt, utpote odiosam , certè non præ-
ceperunt confessionem publicam atrocium
delictorum, quæ est maximè odiosa ; nec per-
miserunt Presbytero Pœnitentiarario , ut eam
injungeret . Et verè non injungebatur ut
idem Socrates significat, dum refert, eam mu-
lierem prodidisse peccatum commissum cum
Dia-

144 CALUMNIA VI.

Diacono, quia *longius confitendo progressa est*, quia videlicet confessa est plura, quàm deberat, quàmque ei fuerat præceptum, aut permissum.

D. R. At cur adeo progressa est, si iussa non fuit?

11 *D. D.* Facti fæminei rationem petis? rem difficilem postulasti. Quis enim, nisi divinando, dicere possit, quid fæminas moveat ad hoc, aut illud ægendum? fortè illam movit imprudens quidam feruor: fortè etiam exemplum aliorum: non enim negamus, aliquos id fecisse, ut à Potamio factum fuisse narravimus; sed communem sic faciendi consuetudinem seu legem negamus. Quia verò ille ipse usus aliquorum, sponte publicandi occulta sua delicta, juxta consilium Presbyteri Pœnitentiarii, erat periculosus; & quia idem Pœnitentiarius in eâ Pœnitentium directione facilè errabat, eis permittens publicare quæ publicanda non essent; ideo Nectarius illum usum sustulit, & cum eo munus ipsum Presbyteri Pœnitentiarii, totamque illam fortasse solemnis Pœnitentiæ ceremoniam; quibus sublatis non id mali contigit, quod ipse dicebas, malè explicans ea ultima verba So-

cra-

DISPUTATIO VI. 145

cratis , sed illud aliud , quod Pœnitentes non sunt amplius publicè in Templo redarguti , ut in Ecclesiâ Constantinopolitanâ fieri solebat .

At cur solemnem Pœnitentiam facere ¹² tam multos pudebat (ut dicunt Tertulianus, Pacianus , & Ambrosius) si non jubebantur Pœnitentes confiteri sua occulta delicta ? Miror , hæc objici , cùm talia essent in solemnî Pœnitentiâ quæ pudorem facerent præsertim hominibus Criminosis , quos subinde bene agere , præsertim publicè , pudet. Igitur multi aut etiam omnes , rubore suffundebantur , dum coram omnibus , incompti , cinere conspersi , & humili sacco induti apparebant , dum se pedibus cujuscunque , ut pro se orarent , adolvebant : dum in Templi angulo consistere per menses aut annos jubebantur , dum ad initium Sacrificii toto Templo cum Catechumenis expellebantur , dum tandem sua delicta quamvis publica confitebantur , eaque confessione publicabant illa magis , suasque ignominias refricabant . Hæc satis à publicâ Pœnitentiâ retrahebant homines , ut sunt plerique , parum amantes salutis suæ , qui proinde à Sanctis illis Patribus justissimè reprehenduntur .

K

Sum

146 CALUMNIA VI.

13 Sum autem maximè admiratus , potuisse te , asserre in confirmationem sententiæ tuæ Epistolam S. Leonis ad illarum trium Provinciarum Episcopos scriptam, cum ea sit validissimum telum , quod vibrari solet contra sententiam tuam , ut mox constabit, cum Epistolam recitabo . Ex iis etiam, quæ dicam, palam fiet , nec potuisse Ecclesiam ad id onus publicæ confessionis cogere Pœnitentem , quamvis potuerint ab eâdem severissimæ aliæ leges sanciri . Per has enim, ut alibi probabitur, punire consuevit Ecclesia graviora, eaque publica delicta, nempe aliunde cognita quàm per Pœnitentium confessionem , non igitur earum severitate removebantur Fideles à confessione , ut absque dubio evenisset, si occulta sua scelera Confitentibus onus illud recitandi ea publicè subeundum fuisset ; ejus enim timore , confessio secreta , unde publica sequeretur , fuisset omissa .

14 Demum non obstat Canon Basilii , tum quia Canones illi ad Amphilochem missi , pertinent potius ad externam Ecclesiæ disciplinam , tum quia , quamvis dicantur pertinere ad regimen interni fori , Canon à te allatus nihil adversatur sententiæ meæ . Prohibebantur

DISPUTATIO VI. 147

bantur siquidem Confessarii, ex veteri Patrum sententiâ, ut ibi dicitur, publicare mulierum occultas impudicitias, non quia cætera publicare possent, sed ut ab hac publicatione maximè caverent. Sic prohibemur tam sæpe in Scripturis aliquid injustum agere contra Viduas, & Pupillos; non quia injustè agere cum aliis liceat, sed ut maximè caveamus ab eâ injustitiâ, quæ committitur contra Viduas, & Pupillos, utpote quæ gravior est, & deterior. Hæc est prima ejus legis ratio. Ex eâ enim publicatione multò majora mala oriebantur, quàm ex publicatione aliorum; quare, non abs re, eâ præsertim, & speciali lege vetatur. Altera ratio ea est, quòd quamvis prudentes 15 Confessarii non solerent ad publicam occultorum confessionem, aut ad publicam propter ea pœnitentiam cogere Pœnitentes, non rarò tamen eam suadebant, ad majorem delicti expiationem: aliquando etiam (id onus non detrectantibus Pœnitentibus) præcipiebant saltem publicam pœnitentiam; hoc ipsum autem, cum prædictis fœminis facere, vetitum fuit, ne Confessarius suo vel consilio, vel præcepto, quamvis sponte acceptato, eas in vitæ discrimen impelleret.

148 CALUMNIA VI.

Verùm , ut invalida prorsus sunt argumenta , quibus tuam sententiam probare conatus es ; ita validissima sunt ea , quæ afferam , ut suadeam sententiam meam , videlicet , nunquam universam , aut Romanam Ecclesiam id jugum publicè confitendi occulta delicta imposuisse Fidelibus , aut approbasse , quòd imponeretur .

- 16 Et primò id probo ex institutione hujus Sacramenti. Sic enim Christus Dominus illud instituit , ut noluerit ea onera imponi Pœnitentibus , quæ non essent ejus administrationi necessaria , & essent nimis gravia , quæ proinde faciliè Pœnitentes removissent ab ejus etiam necessariâ receptione . Et hæc est ratio , cur non possit Ecclesia obligare Fideles volentes confiteri & percipere Sacramentum , ut permittant Confessario revelare cui voluerit peccata sua : Onus autem publicè confitendi occulta peccata est absque dubio onus gravissimum , adeoque plerosque removens à perceptione hujus Sacramenti . Ergo Ecclesia Universalis aut Romana , quæ errare nequit , id nunquam fecit , nec ut fieret , approbavit .

- 17 Secundò id probo , & simul confirmo allatum argumentum , eo decreto Sancti Leonis pri-

DISPUTATIO VI. 149

primi, cujus antea meministi: hujus autem decreti, quæ fuerit occasio, exponendum, prius est. In Campania, Samnio, & Piceno quidam Confessarii rigidiore, & (ut sibi videbantur, & suis Episcopis) zelo Religionis, aut disciplinæ flagrantes id onus imponebant Pœnitentibus, ut sua omnia peccata descripta in libello deferrent Confessario, eaque publicè recitari permetterent, sic enim fore putabant, ut Fideles ad amorem pœnitentiæ horum exemplo accenderentur, & ut ipsi Pœnitentes, reliquique omnes, ne tantum onus subire cogerentur, à peccando magis abstinerent. Sed aliter visum Sancto Leoni, qui vero ardebat amore disciplinæ, nempe eo, qui est secundum scientiam, & cupit exonerare, non onera imponere, Sacramenta reddere facilia, non odiosa, spem salutis facere, non augere desperationem. Igitur in hunc modum earum provinciarum Episcopis scripsit. *Illam etiam contra Apostolicam regulam præsumptionem, quam nuper agnovimus à quibusdam illicitâ usurpatione committi, modis omnibus constituo submoveri (de Pœnitentiâ videlicet, quæ ita à Fidelibus postulatur) ne de singulorum peccatorum genere, libellis scripta professio publicè recitetur,*

150 CALUMNIA VI.

tetur, cum reatus conscientiarum sufficiat solis Sacerdotibus indicari confessione secretâ. Quamvis enim plenitudo fidei videatur esse laudabilis, quæ propter Dei timorem, abud homines erubescere non veretur; tamen quia non omnium sunt peccata, ut ea, quæ pœnitentiam poscunt, non timeant publicare, removeatur tam improbabilis consuetudo, ne multi à pœnitentiæ remediis arceantur, dum aut erubescunt, aut metuunt inimicis sua facta referare, quibus possunt legum constitutione percelli: sufficit enim illa confessio, quæ primùm Deo offertur, tunc etiam Sacerdoti; qui pro delictis Pœnitentium precator accedit: tunc enim demum plures ad pœnitentiam poterunt provocari, si Populi auribus non publicetur conscientia confitentis.

- 19 Multa sunt in hoc decreto quæ faciunt ad rem præsentem! Et primò dicit à se nuper cognitam eam præsumptionem, quamvis illæ Provinciæ parum à Româ distarent, erat igitur mos de novo inductus, non autem à Majoribus acceptus, ut ipse dicebas. Secundò dicit, quosdam, nempe paucos, non autem omnes earum Regionum Episcopos, ut pariter ipse dicebas, ausos fuisse novum illud onus imponere Pœnitentibus. Tertiò hanc novam
admi-

DISPUTATIO VI. 151

administrandæ Pœnitentiæ praxim contrariam regulæ Apostolicæ appellat, nempe contrariam regulis Fidei, & institutioni Sacramenti, nobis ab Apostolis traditæ; id enim ibi sonat *Regula Apostolica*. Igitur hæc praxis obligandi Fideles ad publicam occultorum criminum manifestationem, est illicita, ergo nunquam fuit ab Universâ Ecclesiâ aut ab Ecclesiâ Romanâ usurpata, aut approbata. Quartò damnat absolutè eam praxim imponendæ pœnitentiæ, & confessionis publicæ occultorum delictorum, non autem damnat solum usum exigendi manifestationem earum culparum, quæ legibus humanis plectebantur, ut male arbitratur Morinus lib. 2. cap. 10. Quamvis enim Leo dicat, ex hoc etiam capite debere rejici eam novam consuetudinem, eo quòd multi committunt peccata, propter quæ *possunt legum constitutione percelli*, quæque proinde publicari nolunt, tamen absolutè docet, esse contra Apostolicam regulam, exigere culparum manifestationem publicam, & *sufficere confessionem secretam*, nempe confessionem factam soli Sacerdoti, quod esset falsum, si posset exigi publica aliqua confessio scelerum occultorum.

K 4

Adde

152 CALUMNIA VI.

Adde quòd in illis ultimis verbis dum *aut erubescunt, aut metuunt* &c. distinguit duo hominum genera, nempe eorum, qui *erubescunt* confiteri, & eorum, qui *metuunt* confiteri, propter pœnas legibus humanis statutas, & ex utroque capite docet, rejici debere eam consuetudinem, quæ multos aut *erubescientes*, aut *metuentes* arceret à Sacramento. Quibus ostendit, quod dicebam, nempe ita instituisse Christum Dominum hoc Sacramentum, ut noluerit ipsum reddi sic odiosum & ita onerosum, ut Fideles ab eo arceantur, ut certè obligatione publicæ confessionis ab eo Fideles arcerentur. Demum notandum est, quàm significanter improbet eam novam consuetudinem obligandi Fideles ad eam confessionem; eam enim vocat *contrariam regulæ Apostolicæ, præsumptionem, illicitam usurpationem, modis omnibus submovendam, tam improbabilem consuetudinem*. Quis autem credat, id unquam factum ab Ecclesiâ veteri fuisse, quod à Sancto Leone Veteris Ecclesiæ Doctore, adeo vituperatur?

- 20 Tertio Concilium Tridentinum sess. 24. cap. 5. docet quod *non satis consultè humanâ aliquâ lege præciperetur, ut delicta præsertim secre-*

DISPUTATIO VI. 153

secreta , publicâ essent confessione aperienda .
Atqui Ecclesia nunquam fecit , quòd incon-
sultè , & imprudenter fit , ergo eam legem
nunquam fecit .

Quartò tandem id probo ex eo , quòd 21
communis Theologorum opinio ea est , non
posse Ecclesiam hanc legem condere , nec posse
id præcipi à Confessario . Ex multis Doctori-
bus id asserentibus satis sit audire Suarium , qui
tom. 4. in 3. par. disp. 21. de Pœnit. sect. 2.
num. 6. sic habet. *Ex quo infero primò , non posse*
confessionem publicam per humanam legem ge-
neratim præcipi Et ratio est primò , quia res
est difficillima , & alioquin non necessaria , nec
per se valde utilis : Lex autem humana non po-
test res adeo difficiles postulare , nisi fortè ex com-
muni aliquâ , & urgenti necessitate &c. Infero
secundò , non posse Confessorem cogere Pœniten-
tem ad manifestanda illi peccata alio modo magis
publico , quàm per auricularem confessionem
probatur à fortiori ex dictis , quia præceptum
Confessoris humanum est : item quia Confessor
tenetur ex jure Divino ad sigillum confessionis ;
illud autem apertè esset contra sigillum , sicut
etiam contra illud ageret Confessor , si Pœniten-
tem cogeret , ut ei daret facultatem revelandi con-
fessio-

154 CALUMNIA VI.

fessionem, Atqui Ecclesia nunquam fecit, aut probavit fieri ab aliis, quod non potest licite fieri, ergo nec ipsa, sua lege imposuit unquam id onus, nec unquam probavit, ipsum imponi à Confessariis.

D. R. Valida profecto videntur hæc argumenta: necesse tamen est, fallaciam aliquam subesse. Si enim quid probant, non solum evincunt, non consuevisse unquam Ecclesiam præcipere publicam occultorum scelerum confessionem, sed neque publicam consuevisse unquam imponere pro delictis latentibus pœnitentiam, quâ videretur occultum revelari peccatum. Id autem est evidenter falsum, cum innumeris veterum Testimoniis probetur, injunctam promiscuè fuisse pro majoribus delictis, vel nota, essent, vel ignota & occulta, publicam pœnitentiam, vel inde sequeretur, revelari crimen occultum, vel non sequeretur. Hujus enim damni nullam rationem habuit Antiquitas.

D. D. Et hæc est altera calumnia, qua Veteris Ecclesiæ disciplinam infamatis. Sit igitur.



CALUMNIA VII.

Publica pro delictis etiam occultis Pœnitentia subeunda fuit ex veteris Ecclesiæ disciplina.

DISPUTATIO VII.

Doct. Discr.



Iraris, id etiam a nobis inter calumnias recenseri?

Doct. Rig.

Miror certè, haberi loco calumniæ ve-

ritatem adeo exploratam, ut nullus unquam ausus fuerit eam vocare in controversiam. Licèt enim aliquot hujusmodi antiquitatum Scriptores publicam occultorum scelerum confessionem à veteri Ecclesiâ præceptam fuisse, non auli fuerint asserere, saltem clare

rè

156 CALUMNIA VII.

rè, & rotundè, hinc tibi aliter sentienti non admodum repugnavi; omnes tamen clarissimè, ac disertissimè asserunt, tanquam certum, & indubitatum, ab eâ impositam fuisse publicam occultorum criminum Pœnitentiam. Loquor autem de Ecclesiâ priorum sex, aut septem seculorum. Præter illos, quos initio præteritæ concertationis produxi, scilicet Tapperum, Lindanum, aliosque non ita recentes, adeo certum id esse putat Gabriel Albaspinaeus, Aurelian. Episc. in fine Observationis 5. lib. 2. ut oppositum putet omnino improbabile. *Nec probare quis posset* (inquit) *propter unius fornicationis crimen, sive publicum, sive privatum, aliam fuisse, quàm publicam indictam pœnitentiam.* Fusè idem probat Gaspar Ivenin in Comment. histor. dogmat. de Sacram. tom. 2. dissert. 6. quæst. 6. cap. 7. art. 1. Fusissimè autem Morinus de Pœnit. lib. 5. cap. 8. usque ad cap. 15.

- 2 Sed horum auctoritas fortassè non satis te movet: illi certè permovere te debent, quos tanquam prima Cœli Ecclesiastici luminaria veneraris, nempe Petavius, Card. Bellarminus, Suarius, idem prorsus, quod Auctores antea laudati asserentes. Primus enim,
nem-

DISPUTATIO VII. 157

nempe Petavius in Animadversionibus ad S. Epiphanium ad heresim 59. pag. 248. sic habet. *Quod autem arcanis sceleribus publica inflicta Pœnitentia sit, fidem faciunt antiquissimi Canones.* Card. autem Bellarminus lib. 3. de Pœnit. cap. 14. disputans de facto Nectarii negat quidem iussos fuisse Pœnitentes publicam facere confessionem, publicam autem, pœnitentiam, & privatam eis promiscuè impositam pro culpis secretò expositis affirmat per hæc verba. *Consueverunt quidem aliqui juxta consilium Sacerdotis, cui peccata omnia confessi fuerant, aliqua graviora, & publica publicè confiteri, tamen ad id non tenebantur, sed satis erat peccata omnia privatim confiteri, & pœnitentiam privatam, vel publicam juxta Sacerdotis imperium agere.* Suarius demum, tom. 4. in 3. part. disp. 49. sect. 2. num. 4. loquens de pœnitentiis canonicis sic docet. *Eę pœnitentię non solùm imponebantur pro delictis publicis, & scandalosis, pro quibus imponi solent exteriores, & publicę pœnæ, sed etiam pro occultis criminibus: imò non solùm pro externis, sed etiam pro merè internis, quę solā cogitatione, & affectione committuntur, quę omnia constant ex antiquis Canonibus, quę leguntur*
apud

158 CALUMNIA VII.

apud Burchardum lib. 19. sui decreti, & apud Basilium, Gregorium Nyssenum, & alios, qui hos Canones pœnitentiales collegerunt. Tantum ne scelus admittes, ut Suarium deferas?

- 3 *D. D.* Suarium certè cum reliquis defererem, si certa ratio id facere suaderet; non enim nos, ut vos facere consuevistis, ita sequimur Doctorem aliquem, ut ipsum Conciliis, aut Pontificiis definitionibus præferamus. Hic autem, Doctores quos attulisti, deferere non est opus; sic enim temperabo sententiam meam, ut vera ipsa sit, nec falsa sint ea, quæ Scriptores docent, quos paulo ante laudasti, quamvis dicantur agere de pœnitentiis interni fori, non vero externi, quod negare facilè possem. Imò ut hos Doctores sequar, cogor dicere, nunquam ab Ecclesiâ universâ, vel Romanâ, id onus faciendî pro delictis occultis publicam pœnitentiam, fuisse
- 4 Pœnitentibus impositum. Est enim communis Theologorum, adeoque ipsius Cardinalis Bellarmini, & Suarii sententia, non posse pro latentibus culpis imponi pœnitentias manifestas, & quidem Card. Bellarm. lib. 1. de Pœnit. cap. 21. *Publica peccata, inquit, ad pœnitentiam publicam, occulta ad privatam pertinent.*

DISPUTATIO VII. 159

nent. Neque enim licet peccatum occultum publicare, aut etiam pro occulto pœnitentiam ita publicam imponere, ut ex eâ peccatum ipsum detegatur. Suarius verò eo tom. 4. in 3. par. disp. 38. sect. 6. num. 3. Communis opinio est, propter peccata occulta, non debere imponi pœnitentias publicas; quia sunt impropportionata, & contra bonam famam Pœnitentis.

D. R. Ergo Cardinalis Bellarminus, & Suarius docent, non posse licitè fieri, quod iidem ipsi docent factum ab Ecclesiâ fuisse, adeoque jam docent, Ecclesiam errasse?

D. D. Minimè verò. Docent quidem, 5
ut audisti, id fieri non debere, nec posse licitè fieri, factum verò id ipsum ab Ecclesiâ fuisse, nunquam docent. Et quidem Cardinalis Bellarminus verbis quæ produxisti, docet, *futis fuisse agere pœnitentiam vel privatam, vel publicam juxta Sacerdotis imperium*, nempe privatam pro culpis occultis, publicam pro publicis, si publicam fieri Sacerdos jussisset, non autem docet, imponi consuevisse publicam pro occultis, aut id fuisse arbitrium Sacerdoti: Suarius verò non negat, pœnitentias canonicas, etiam pro internis, & occultis *fuisse taxatas*, non tamen omnes pro delictis occultis

160 CALUMNIA VII.

tis taxatas fuisse docet . Cum ergo , ex pœnitentiis canonicis aliquæ occultæ sint , aliquæ publicæ , non sequitur , quòd publicæ fuerint taxatæ pro delictis occultis . Hinc idem num. 5. docet fuisse , has pœnitentias canonicas taxatas non solùm *pro gravioribus , sed interdum etiam pro levioribus delictis* , pro quibus certè non imponebantur publicæ pœnitentiæ . Igitur aliquæ ex pœnitentiis Canonicis , imò pleræque non erant publicæ , ut jejunia , preces , abstinencia à quibusdam voluptatibus , peregrinationes solitæ fieri etiam pietatis ergo &c. Et hæ imponebantur pro delictis occultis . Addo quod *imponere , & taxare pœnitentiam* non est idem , præsertim in ejus sententiâ , ac absolutè obligare Pœnitentem ad illam subeundam ; docet enim disp. 38. sect. 3. num. 2. cum S. Tho. posse Confessarium imponere vel totam , vel saltem partem pœnitentiæ per modum consilii , vel conditionatè hoc modo : *Si id feceris , sit loco pœnitentiæ Sacramentalis .*

- 6 Rursus potest Confessor , ex eodem , eam imponere per modum præcepti , non cogendo tamen ineluctabiliter Pœnitentem ad eam acceptandam ; quomodo solent communiter Confessarii imponere pœnitētias , unde si Pœnitens

ex

DISPUTATIO VII. 161

ex justâ causâ alîâ imponi sibi petat, vel ostendat ingentem difficultatem in eâ acceptandâ, aliam imponunt: hoc autem modo fuisse antiquitûs impositas aliquando pro culpis etiam occultis publicas pœnitentias, non repugno: jam enim voluntariæ erant, nec Fideles per eas à confessione sacramentali removebantur, nec per eas Confessarius, sed ipse Pœnitens sponte revelabat peccatum suum. Quod ergo assero illud solum est, non potuisse ad hoc onus *cogi* Pœnitentem, & hanc esse communem Theologorum sententiam, ut refert Castropalaus part.4. de Sacram. Pœnit. tract.23. disp. unica punct. 21. §. 2. num. 5. ubi sic. *OMNES CONVENIUNT injustissimè COGI Pœnitentem ad pœnitentiam publicam*. Atque ita intelligendi sunt Doctores, dum asserunt, non posse Confessarium publicam pro occulto delicto pœnitentiam imponere, nempe ita, ut cogat eum acceptare hujusmodi pœnitentiam; cogit autem, dum renuenti absolutionem negat. Hinc Gulielmus, summæ Sancti Raymundi glossator, ipsi Raymundo ætate suppar ad §.6. titul.de pœnit. & remiss. dicit, *quod aliquis potest cogi per excommunicationem ad suscipiendam solemnem pœni-*

L

ten-

162 CALUMNIA VII.

- tentiam, si sponte non velit subire, dum crimen sit magnum, & publicum, & moveat scandalum, & quod pro occulto crimine imponi potest, si Pœnitens voluerit, aliàs non.* Notari autem debent illa verba *si Pœnitens*, quibus significat se loqui, ut nos loquimur, de foro interno, quod est forum Pœnitentis; nam si sermo sit de foro externo, quod non respicit Pœnitentem, sed delinquentem, quodque persæpe respiciunt Canones Pœnitentiales, est indubitatum, posse in hoc foro publicâ pœnâ puniri etiam occultum delictum, & probatur à Suar. disp. 3. de censur. sect. 2. num. 16. & disp. 31. sect. 1. num. 67. aliisque apud Morin. lib. 5. cap. 26.
- 8 His faciliè respondetur Albaspinæo, aliisque tuæ sententiæ defensoribus. In locis enim Patrum, & Conciliorum, quæ allegantur ab ipsis, aut non agitur de Pœnitentiis Sacramentalibus, sed extrasacramentalibus (Ecclesiam verò posse in foro externo publicè punire etiam occulta delicta, non est dubium, ut modò dicebamus, non inde tamen sequi quòd possit idipsum facere in foro *interno* patet, ostendeturque amplius calumnià 12.) aut agitur quidem de Pœnitentiis Sacramentalibus, iisque publicis, sed quæ liberè

DISPUTATIO VII. 163

berè acceptabantur , cùm pro delictis occultis imponebantur .

D. R. Igitur tibi convenit cum Morino , qui vult quidem Pœnitentes fuisse olim publicâ pœnitentiâ castigatos , ad eam tamen cogi eos potuisse negat , cum delictum erat occultum , siquidem lib. 5. cap. 11. num. 13. loquens de Zonarâ , & Balsamone , veterum Canonum pœnitentialium commentatoribus , ac dicens eos nunquam distinxisse inter peccatum occultum , & publicum , ita subdit. *Nec re verâ interest , aut illi interesse unquam dicunt , an crimen occultum sit , an publicum ; nisi quòd in occulto crimine reus cogi non potest , sed suæ voluntati permittendus , ut volunt Canonæ .*

D. D. Adhuc est magnum inter me , & Morinum dissidium , dum enim Morinus dicit , neminem potuisse pro occulto delicto ad publicam pœnitentiam cogi , id solùm significat , non potuisse cogi per Ecclesiasticas pœnas excommunicationis , aliarumque similiarum . Cæterùm vult , potuisse Pœnitentem cogi præcepto ineluctabili , itaut renuenti potuerit absolutio denegari . Id constat ex iis , quæ affert , ac docet in pluribus locis illius li-

164 CALUMNIA VII.

bri 5., & clarissimè cap. 17. num. 7. ubi sic :
*Cum peccatum erat publicum , ad pœnitentiam
 publicè agendam , Peccatores excommunicatione ,
 & omnimodâ Ecclesiæ expulsiōe cogebantur . At
 cum peccatum erat occultum , Pœnitentiæ publi-
 cæ actio erat spontanea , hoc est , ad eam cogi non
 poterant ullâ excommunicatione , aut Sacramen-
 torum publicâ denegatione . Peccatori equidem
 huiusmodi secretò confitenti , nisi pœnitentiam
 Canonicam agere vellet , RECONCILIATIO-
 NEM SECRETO DENEGABAT SA-
 CERDOS ; sed quod ultra in eum ageret , nihil
 habebat . Id ego nego , & pernego , nempe fuis-
 se sic impositam pro delictis occultis pœni-
 tentiam , ut reluctanti reconciliatio negare-
 tur .*

- 11 Id autem probo sic primò , quia Sacerdos
 id faciens , facit contra sigillum Confessionis ,
 ut ex Suario de Pœnitentiâ disp. 21. sect. 2.
 num. 6. facit ille , qui obligat Pœnitentem ad
 publicam occulti peccati confessionem , &
 constabit magis ex ultimâ calumniâ . Probo 2.
 quia , vel resignet , vel non resignet Sa-
 crum Sigillum Sacerdos id faciens ; certè
 imponit onus gravissimum , quod reddit val-
 de odiosum Sacramentum , & Fideles ab eo
 remo.

DISPUTATIO VII. 165

removet, quod est contra institutionem hujus Sacramenti, ut contra ipsam, & ex eadem ratione est frangere Sacrum Sigillum. Probo 3. Communi Theologorum suffragio ut dictum est. Probo 4. quia per hanc Sententiam sic temperatam, conciliantur omnia loca Patrum, & Veterum Scriptorum, quæ contraria videntur, nempe eorum, qui docent, impositam fuisse pro occultis delictis publicam Pœnitentiam, & eorum, qui id negant. Siquidem imposita fuit non renuentibus, non imposita renuentibus.

Patres, qui docent, aut innuunt, pro solis delictis publicis imponi consuevisse publicam pœnitentiam, afferuntur à Sirmondo in historia publicæ pœnit. & nos infra aliquos afferemus.

D. R. Sed Morinus affert in contrarium longè plures, quorum loca per isthoc tuæ sententiæ temperamentum non explicantur satis. Et primò, ex omnibus Patribus ¹² habetur, consuevisse veterem Ecclesiam, cogere ad publicam pœnitentiam homicidas, & adulteros: atqui sic plectebantur soli occulti homicidæ, & adulteri, nam publici puniebantur capitali supplicio à civili magistratu, ergo.

166 CALUMNIA VII.

13 2. Clerici ob quædam crimina etiam occulta cogebantur abdicare se munere suo .

14 3. Antiqui Canones jubent quidem mitius puniri spontè confessum , quàm convictum , nempe pœnâ breviori , non autem diversâ , nec unquam distinguunt delictum publicum à non publico , ut fieri cœptum est seculo sexto , vel septimo , ergo ante hoc tempus eâdem pœnâ puniebatur utrumque , & quidem in foro sacramentali. Absurdum enim est dicere , Veterem Ecclesiam respexisse solam disciplinam externam , quam solam respicit forum extrasacramentale .

15 4. Multa sunt loca Patrum, veterumque Scriptorum , ex quibus habetur , in Veteri Ecclesiâ fieri consuevisse penitentiam publicam pro quibuslibet peccatis gravibus , ergo etiam pro occultis . Non est autem probabile, quòd Penitentes spontè susceperint onus tam grave , ipsum ergo subire cogebantur , ut ex iisdem Patribus colligitur, quorum loca affert præsertim Jueninus .

D. D. Quæ affert is Author, expenduntur concertatione sequenti . Nunc respondendum est argumentis , quæ attulisti ex Morino .

Ad

DISPUTATIO VII. 167

Ad primum nego, coactos fuisse subire 16
 publicam pœnitentiam occultos homicidas,
 & adulteros. Et quidem si publica homicidia,
 & adulteria fuerunt, ut inquis, pœnâ capitis
 ab Regibus ipsis, & Imperatoribus vindicata,
 jam Sacerdos prædicta crimina per pœniten-
 tiam publicam manifestans, aut indicans, gra-
 vissimæ pœnæ causa Pœnitentibus fuisset, aut
 saltem eos in gravissimum discrimen conjecis-
 set, quod sanè à Christianâ, ne dum Ecclesia-
 sticâ benignitate prorsus abhorret. Igitur
 sciendum est, quod quamvis civilibus legibus
 pœna gravissima fuisset hujusmodi delictis
 statuta, adhuc tamen plerumque ea non in-
 fligebatur, ut modò non infligitur, vel reo
 fugiente, vel pecuniâ supplicium redimente,
 vel intercedentibus clarissimis viris, & præ-
 fertim Episcopis, qui sæpissime id officii præ-
 stabant, ut refert Macedonius Africæ Præses
 ad Augustinum scribens, & confirmat idem
 Augustinus ipsi rescribens epist. 54. ex quâ
 etiam habemus, non omnes hujusmodi reos,
 Episcoporum precibus à morte liberatos, ad
 publicam pœnitentiam fuisse compulsos, sed
 eos solos, quorum crimina publica erant.
Quosdam (inquit S. Doctor) *quorum crimina*

168 CALUMNIA VII.

manifesta sunt , à vestrà severitate liberatos , à societate tamen removemus Altaris , ut pœnitendo placare possint , quem peccando contempserint. Quod ipsum colligitur ex Ambrosio , qui lib. 1. de pœnit. cap. 16. monet , non esse deneganda sacramenta ei , qui occulta crimina habens , propter Christum tamen studiosè pœnitentiam egerit , idest , qui publicam pœnitentiam subjerit , quamvis esset occultus peccator , adeoque non teneretur eam subire ; igitur solus publicus peccator ad eam cogebatur .

17 Ad 2. respondeo , eam Clerici depositionem , vel suspensionem non fuisse pœnitentiam , de quâ modò agimus , nempe impositam ex confessione sacramentali , sed pœnam impositam in foro externo .

18 Ad 3. ea Canonum antiquiorum monitio tam frequens , ut convictis major pœna imponatur , quam sponte confitentibus , satis ostendit , eos Canones non respexisse specialiter forum internum , in quo nemo denunciatur ab alio , nemo convincitur , sed ipsum præcisè peccatum spectasse . Cum autem non respicerent specialiter forum internum , sed potius externum , non erat necesse , ut distingu-

DISPUTATIO VII. 169

guerent inter peccatum occultum, & publicum, cum forum externum utrumque peccatum pœnâ publicâ puniat, ut non semel dictum est, & dicetur. Nec inde sequitur, Ecclesiam antiquiorem nullam statuissse regulam pro foro interno: nam ea pœnæ taxatio dirigebat etiam forum internum, quatenus ex eâ dignoscebat Confessarius, quæ crimina majora essent, & majori pœnâ digna, quæ minori.

Cæterum quamvis concedam, eos Canones respexisse forum internum, argumentum non urget. Nam, ut non distinguunt inter peccatum publicum, & occultum, ita non distinguunt inter peccatum viri, & femine; non inde tamen sequitur, easdem pœnitentias fuisse utrique impositas, & feminas quoque fuisse exilio, vel peregrinatione mulctatas, quæ pœna erat per Canones parricidis statuta. Ut igitur in hoc, aliisque similibus casibus, quamvis non distinguerent Canones, distinguebat Confessarius, ita in casu nostro.

D. R. At cur Canones cœperunt postea distinguere, nempe post sæculum sextum. Sic enim distinxit Beda cap. 7. de remediis peccatorum, & postea Ecbertus Eboracensis Archiep.

170 CALUMNIA VII.

chiep. in suo Pœnitentiali cap. 1. Alcuinus, & in libris capitul. Caroli Magni, & Ludovici Pii, ubi cap. 52. lib. 5. sic. *Si occultè, & sponte confessus fuerit, occultè fiat; & si publicè, & manifestè convictus, aut confessus fuerit publicè, ac manifestè fiat, nempe pœnitentia.* Id ipsum monent multa Concilia, Remense can. 31. *Ut discretio servanda sit inter Pœnitentes, qui publicè, & qui absconsè pœnitere debeant.* Idem iisdemque verbis sancitur in Moguntino, celebrato an. 847. Distinctius in Londinensi sub annum 1200. *Pœnitentia talis injungatur uxori, unde non reddatur marito suo suspecta de aliquo occulto, & enormi peccato.* Demum in Senonensi an. 1269. redarguuntur aliqui, quòd publicam pœnitentiam omnibus promiscuè imponebant. *Idem etiam exempti, & alii quamplures Religiosi pro cunctis peccatis cunctas pœnas statuunt infligendas, ex quo interdum evenit, ut dum tales pœnæ delinquentibus infliguntur, eorum peccata, quæ occulta fuerant, veniunt in notitiam aliorum.* Quibus præmissis, statuitur ne id amplius fiat. Igitur fiebat antea passim, & impunè.

D. D. Fiebat utique, nec id negamus, sed malè fiebat; & idèò fiebat ab aliquibus
tan-

DISPUTATIO VIII. 171

tantum, nec approbante, aut connivente Ecclesia universa, vel Romana. Addo id factum sæpè non ita tamen, ut cogerentur Pœnitentes occulti pœnitentiam publicam subire, sed ita ut ea imponeretur fortasse solis non renuentibus. Quia verò experientiâ comper-²¹ tum est, ex hoc ipso multa mala oriri, cum præsertim cæpit esse frequentior usus auricularis confessionis, ideo cautum inde sæpissime fuit, ne id ampliùs fieret. Quandoquidem, verò tam multa loca attulisti, in quibus id statuitur, recolere etiam debebas decretum Alexandri III. respondentis Episcopo Oxoniensi; sed fortè omisisti, quòd hujus Pontificis verba meæ sententiæ suffragantur. Postquam enim prædictus Pontifex in eâ epistola Episcopum monuit, ne Sacerdotem, de quo fuerat interrogatus, suspendat ab officio, si occultè peccavit, addit hæc verba, *Alioquin non esset tutum, cum sit secretus excessus, ipsum invitum ab officio coercere: sed tamen pœnitentiam secretam, secundum quòd tibi visum fuerit, injungere non postponas*. Undè infero, ergo Ecclesia vetus non consuevit ad publicam pœnitentiam cogere, qui occultè deliquerant: non enim est dicendum, eam consue-

172 CALUMNIA VIII.

fuevisse facere , præsertim cum viguit sanctissima illa disciplina , quam semper prædicatis , quod non fit *satis tute*, sed cum periculo frangendi sacrum sigillum .

D. R. Nullum fuit tale periculum : nam certè ex pœnitentiâ publicâ non poterat argui species commissi peccati , cum idem pœnitentiæ genus imponeretur pro iisdem peccatis. Nec poterat ex eâ argui peccatum in genere, nempe penitentem grave aliquod peccatum commisisse , cùm subinde pœnitentia publica ex devotione fieret etiam ab innocentibus , ut notat Morinus lib. 2. cap. 19. n. 6.

- 22 *D. D.* Scio id asseri à Morino , & ante ipsum à Doctõribus magni nominis , verùm si hoc verum sit , jam temere Augustinus in libro de symbolo ad Cathecumenos , hos alloquens dicit , *Illi , quos videtis agere pœnitentiam , scelera commiserunt , aut adulteria , aut aliqua facta immania . Inde agunt pœnitentiam , ut , quia etiam homines probi tundunt inter orandum pectus suum , temere quis diceret , Illi , quos videtis in Ecclesia tundere pectus suum , scelera commiserunt aut adulteria , aut aliqua facta immania . Inde dum orant , tundunt sua pectora . Est igitur evidenter falsum consuevis-*
 se

DISPUTATIO VIII. 173

se immiscere se cum Pœnitentibus etiam innocentes. Peragebant quidem aliqui sponte, & ex suâ devotione publicam pœnitentiam, verùm innocentes non erant, sed occultis sceleribus adstricti. Igitur Pœnitentia id saltem significabat, Pœnitentem graviter deliquisse: quod optimè advertit Concilium Colonienſe in Enchiridio Christianæ institutionis tit. de Confess. §. *Restat ut*. Ubi loquens de pœnit. publicâ, quæ olim in Ecclesiâ imponebatur, sic habet. *Quâ pœnitentiâ, etsi qui deliquit non proderet speciatim crimen suum, tamen ipso facto confitebatur, & declarabat Ecclesiæ, se graviter peccasse.*

Dixi pœnitentiam publicam fuisse sal-²³tem gravis delicti indicium, quod satis est ad ostendendum, ad eam cogi minimè potuisse eum, qui occultè deliquerat: resignati siquidem sacri sigilli reus est etiam, qui nullum in specie peccatum prodit, si manifestet in genere Pœnitentem gravi aliqua culpa fuisse obstrictum, ut omnes docent, nec ut arbitror dissentis. Cæterùm, sæpissime ex adjunctis circumstantiis species ipsa culpæ indicabatur, aut suspicioni non leve fundamentum præbebatur, quod ipsum per leges sacri sigilli

174 CALUMNIA VIII.

gilli non licet, nec unquam licuit, quidquid in contrarium senserint aliqui ex vestris, quorum est ultima hujus primæ Partis Calumnia parum distans ab eà, quam nunc nitor dissi- cere, ut à fundamento non distat moles su- perimposita. Quare non pauca dicenda tunc erunt, quæ magis ostendent, nunquam fuisse in foro interno occultum delictum penà publicà vindicatum, vosque ad aliter sentien- dum inductos eà persuasione, quòd unum, & idem fuerit in Ecclesia veteri forum inter- num, externumque, vel easdem fuisse, aut esse posse utriusque fori penas, eandem in pu- niendis occultis delictis disciplinam.

Quod autem quarto loco obiiciebas, est ipsa octava Calumnia, quam mox dissicere aggrediar.





CALUMNIA VIII.

*Pro quibuslibet peccatis lethalibus , pu-
blicam Pœnitentiam imposuit
Vetus Ecclesia .*

DISPUTATIO VIII.

Doct. Discr.



AM verò reiicienda 1

est octava Calum-
nia , quam contra
veteris Ecclesiæ di-
sciplinam adorna-

bas in quarto argumento , quod in præteritâ
disputatione proposuisti : quamvis ex iis quæ
in eâ dicta sunt , satis ea rejecta videatur : si
enim falsum est , ut ibi probavi , fuisse un-
quam ab Ecclesiâ , pro occultis delictis , quam-
vis atrocibus , ineluctabiliter impositam pu-
blicam

176 CALUMNIA VIII.

blicam Pœnitentiam , utique falsum est , fuisse eam impositam pro quibuslibet lethalibus culpis .

2 *Doct. Rig.* Id tamen factum fuisse affirmant eruditi Scriptores, inter quos est Gaspar Jueninus , ut dicebam , qui in Commentario Historico , & Dogmatico de Sacramentis tom. 2. dissert. 6. quæst. 6. cap. 7. art. 1. §. 2. pag. 688. sic habet : *Docet Morinus noster , trium Priorum Seculorum Patres, per Pœnitentiam publicam purgasse triplicis tantum speciei peccata, Idololatriam, Homicidium, Moæchiam. Et rursus quarto Seculo , & duobus proxime sequentibus, peccatis, quæ tertio Seculo erant Canonica, addita fuisse non quidem omnia mortalia, sed quæ inter mortalia censentur gravissima. Nonnulli alii Scriptores contendunt uni regulæ subiecta fuisse quæcumque mortalia , sed nullum omnino fuisse peccatum mortale quod pœnitentiâ publicâ castigatum non fuerit . Inde profert sententiam suam per hæc verba . Si pœnitentia sumatur pro pœnis publicis non determinatis quidem per Canones , sed Episcoporum arbitrio permissis , quodlibet peccatum mortale castigatum fuit Pœnitentiâ publicâ etiam tribus Prioribus Seculis . Ita is Auctor .*

D.D.

DISPUTATIO VIII. 177

D. D. Cæteris, ut sibi videtur, eruditior, sed re verâ cæteris audacior, & prorsus appositè ad tollendam de veteri Ecclesiâ auricularem & secretam Confessionem.

D. R. Num audaciæ tribuendum, quod quis sequatur Patres, Clementem, Tertullianum, Cyprianum, aliosque quorum textus huic sententiæ suffragantes, nisi graveris audire, libenter asserrem.

D. D. Patres audire nihil gravor, gravor autem quam maximè audire eos, qui Patribus, nempe assertoribus veritatis, confirmandis erroribus abutuntur.

D. R. At error nequit esse, quod ab 3
ipsis unanimi consensu asseritur disertissimè. Incipiam à primo, nempe à Clemente, immò ab ipsis Apostolis, quorum ille constitutiones collegit. Earum enim lib. 2. cap. 19. sic præcipitur Episcopo, *Cum aliquem peccasse cognoveris exacerbatus jube eum foras eiici*, &c. Igitur Apostoli jubent eiici ab Ecclesia, adeoque publicæ Pœnitentiæ addici eum, qui depræhenditur graviter peccasse, qualecumque demum fuerit peccatum. Tertullianus in lib. de Pœnitentiâ sic habet. *Omni-
bus ergo delictis, seu carne, seu spiritu, seu fa-
cto,*

M

cto,

178 CALUMNIA VIII.

Eto, seu voluntate commissis, qui pœnam per judicium definivit, idem & veniam per pœnitentiam sponndit. Hæc sententia, qua nulla universalior in hac re fingi potest, omnia sanè delicta, nempe peccata gravia complectitur. Igitur omnia remittebantur per pœnitentiam publicam, de qua eum agere constat
 4 ex cap.9.& 10. ubi eam describit. Cyprianus ferm.5. de lapsis refert, etiam eos qui in corde suo lapsi erant per internam apostasiam, egisse cum reliquis Pœnitentiam: reliqui autem certè publicam agebant. Si verò agebatur pro interno peccato mortali, jam agebatur pro omnibus. Idem exponens quartam orationis Dominicæ partem libro, quem de ea scripsit, sic loquitur. *Hunc panem dari nobis quotidie postulamus, ne qui in Christo stamus, & Eucharistiam quotidie ad cibum salutis accipimus, intercedente graviori delicto, dum abstenti, & non communicantes à Cœlesti pane prohibemur, à Christi corpore separemur.* Igitur qui graviter deliquerant, prohibebantur communicare cum aliis, quod certè genus publicæ Pœnitentiæ erat, ut constabit ex sequentibus Patrum sententiis. Basilius, aliique
 5 Canonum Pœnitentialium Collectores publicas

DISPUTATIO VIII. 179

blicas absque dubio pœnitentias decernunt , sed eas pro quovis genere delictorum decernunt , ergo pro quovis genere delictorum fiebant . S. Ambrosius lib. 1. cap. 16. *Volò veniam reus speret , petat eam lacrymis , petat gemitibus , petat populi totius fletibus , ut ignoscatur obsecret : & cum secundò & tertio fuerit dilata ejus communio ; credat remissius se supplicasse ; fletus augeat , miserabiliter postea revertatur , teneat pedes brachiis , osculetur osculis , lavet fletibus .* Hic certè describitur Pœnitentia publica , in qua pœnitens prosternebat se ante pedes Fidelium . Eam verò vult fieri à quovis reo , nam loquitur generaliter & redarguit Novatianos , qui pœnitentiam quidem omnibus criminibus injungebant , sed quibusdam negabant reconciliationem . S. Augustinus 6 lib. 83. quæstionum, quæst. 26. dicit, non esse eos cogendos ad pœnitentiam *luctuosam & lamentabilem* , qui peccant ex infirmitate aut ignorantia , quorum peccatum vocat veniale ; sed eos qui peccant ex malitiâ contra bonitatem Divinam, ergo omnes qui mortaliter , ac deliberatè peccabant ad publicam Pœnitentiam damnabantur. Idem Homil. 50. describit triplex genus pœnitentiæ : & pri-

180 CALUMNIA VIII.

nam dicit esse suscipientium Baptismum , secundam dicit esse eam quæ fit pro culpis quotidianis , *quæ non lethali vulnere sentiuntur* , tertiam *quæ pro illis peccatis subeunda est , quæ legis Decalogus continet* . Hujus autem tertiæ pœnitentiæ nomine , publicam ab eo intelligi patet ex ejus tractatu de utilitate pœnitentiæ cap. 3. ubi similiter pœnitentiam dividens trifariam sic loquitur de tertia . *Est pœnitentia gravior atque luctuosior , in quâ propriè vocantur in Ecclesiâ Pœnitentes remoti etiam à Sacramentis Altaris participandis* . Nec facit , quod ad calcem libri de Symbolo ad Catechumenos , hos alloquens dicat , *Nolite illa committere , pro quibus necesse est , ut à Christi corpore separemini , quod absit à vobis : illi enim quos videtis agere pœnitentiam , scelera commiserunt , aut adulteria , aut aliqua facta immania* . Inde agunt pœnitentiam : nam per ea verba *facta immania* intelligit quodvis peccatum lethale: hinc subjicit , *Nam si levia peccata illorum essent , ad hæc quotidiana oratio sufficeret* . Unde concludit . *Ergo tribus modis dimittuntur peccata in Ecclesiâ , in Baptismate , in Oratione , in humilitate majoris Pœnitentiæ* .

7 S. Leo in ea celebri epistola ad Episcopos Cam.

DISPUTATIO VIII. 181

Campaniæ, Samnii & Piceni, prohibet quidem, ne presbyteri cogant penitentes ad publicam omnium peccatorum confessionem, sed silet omnino de publica penitentia, quæ post illam confessionem sequebatur; igitur non improbavit, quòd ea pro omnibus delictis imponeretur. Gennadius lib. 2. de dogmatibus Ecclesiasticis, *Communicaturus satisfaciat lacrymis & orationibus; & confidens de Domini miseratione, qui peccata piæ confessioni donare consuevit, accedat ad Eucharistiam. Sed hoc de illo dico, quem capitalia & mortalia peccata non gravant; nam quem mortalia crimina post Baptismum commissa premunt, hortor prius publicam penitentiam satisfacere, & ita Sacerdotis judicio reconciliatum, communioni sociari, si vult non ad judicium & condemnationem sui Eucharistiam percipere. Quamvis autem dicat hortor, vult tamen omnino fieri ut quid necessarium, quare dicit, alioquin Eucharistiam percipi in condemnationem. Isidorus in exhortatione ad penitentiam, Penitentia juxta qualitatem delictorum agenda est, nam sicut levia peccata occulta oratione delentur, ita gravia coram Ecclesiâ per penitentiam & satisfactionem remittuntur: Igitur omnia gravia remitteban-*

182 CALUMNIA VIII.

tur per Pœnitentiam, quæ fiebat coram Ecclesia, adeoque publicam. Innocentius primus in Epistola ad Decentium Eugubinum Episcopum, *De pœnitentibus* (inquit) *qui sive ex gravioribus commissis, sive ex levioribus pœnitentiam gerunt, si nulla interveniat aegritudo quintâ feriâ ante Pascha eis remittendum Romanæ Ecclesiæ consuetudo demonstrat.* Hic certè agitur de publicè Pœnitentibus, ut omnes concedunt, qui tamen dicuntur agere pœnitentiam etiam *ex levioribus*, nempe ex minus gravibus, ergo pro gravibus omnibus agebatur publica pœnitentia. Hæc sane demonstrant, non esse audaciæ insimulandum eum qui asserit, antiquam Ecclesiam, pro omnibus gravibus culpis, publicam pœnitentiam imponere consuevisse, nisi eò laxitatis & impietatis ventum sit, ut qui cum Patribus sentit, audax judicetur.

- 9 *D. D.* Ego verò iterum assero, per summam audaciam dici, hanc fuisse, veteris Ecclesiæ, in administrando Sacramento Pœnitentiæ disciplinam. Ex hac enim assertionem sequitur primò, quòd etiam pro peccatis occultis, debuit ex præcepto Confessarii fieri publica pœnitentia, quod vidimus repugnare insti-

DISPUTATIO VIII. 183

institutioni Sacramenti penitentiae. Sequitur
 secundò fuisse ab Ecclesia veteri conditos Ca-
 nones & praecepta observantiae difficillimae,
 quae proinde observari moraliter non pote-
 rant: leges autem hujusmodi, nonnisi impru-
 dentissimè fieri, constat apud omnes. Quod
 autem difficillimum sit pro quovis peccato,
 agere publicam penitentiam, patet primò,
 quia certe difficillimum est eam agere pro
 occultis, nempe omnibus manifestare se gra-
 viter deliquisse. Patet secundò quia cum gra-
 viter peccare, fuerit semper malum satis fre-
 quens & commune, jam debuissent Fideles
 semper esse sub iugo Penitentiae, & expelli ab
 Ecclesia cum Sacerdos rem Divinam faciebat.
 Unde sequitur tertio Ecclesiam veterem red- 10
 didisse maximè odiosum Sacramentum Pe-
 nitentiae, quod est certè contra hujus Sacra-
 menti institutionem. Sequitur quartò ferè
 omnes Veteris Ecclesiae Fideles, vel non con-
 fessos fuisse, ne subirent hujusmodi onus, vel
 confessos hujusmodi onus non adimplesse;
 nam, ut constat ex Patribus & Scriptoribus
 Ecclesiasticis, perpauci erant qui publicam
 penitentiam facerent, cum è contra innumeri
 semper fuerint, qui culpas lethales commit-

184 CALUMNIA VIII.

terent. Sequitur quintò non fuisse in Ecclesiâ veteri usum confessionis auricularis, aut purè auricularis, quæ non esset ordinata ad pœnitentiam publicam. Hæc sane abunde demonstrant, falsum esse, pro quovis delicto, publicam pœnitentiam fieri debuisse, nisi nomine

11 pœnitentiæ publicæ, intelligatur quæcumque publica significatio pœnitentiæ, quamvis nihil aspera, & laboriosa, quales sunt pœnitentiæ, quæ fiunt sponte à Religiosis simul congregatis, dum osculantur aliquorum pedes, orant brachiis elevatis, publicam sed generalem suarum culparum confessionem faciunt, aliaque hujusmodi præstant. Si enim hæc, & similia facta olim fuisse in Ecclesiâ publicè à quibuslibet lethalis culpæ reis, velit Juenitus, non repugnabo: sed aliquid plus videntur significare Patres, dum de publicâ pœnitentiâ agunt, alioquin etiam modò fieret in Ecclesiâ pro quovis peccato publica pœnitentia, cum etiam modò, quicumque confitetur, Sacerdotis se pedibus publicè demittat in Ecclesiâ, expectet humiliter audiri, confiteatur, secretò quidem, sed coram omnibus, recitet in conspectu omnium injunctam pœnitentiam, & ante quam communicet generalem suarum cul-

DISPUTATIO VIII. 185

culparum confessionē publicā peragat : nemo autē dicit , modò pro quovis peccato fieri publicā , ut olim in Ecclesiā veteri , pœnitentiam.

His argumentis accedit manifesta aucto-¹²ritas Patrum , quorum aliqui asserunt , pro solis majoribus culpis factam esse publicam pœnitentiam ; alii pro solis publicis , quæ scandalum præbuisent . Aliquot horum Patrum loca attulimus in præteritis disputationibus ; alia hîc & in sequentibus asseremus , ex quibus & ex rationibus supra allatis , sunt exponendi textus quos in medium produxisti .

Ut autem incipiam à Clemente , unde¹³ ipse incepisti , is in loco quem citasti , pœnitentiam non solum publicam injungit , sed maximè publicam , quam solemnem dicimus , & artificialem vocat Juenin , cujus aliquas ceremonias fieri solitas , à Diaconis ibi Clemens commemorat : solemnem autem pœnitentiam impositam pro quovis gravi delicto negat idem Juenin . Non igitur de reo cujusvis gravis peccati ibi agit Clemens , sed de eo qui graviora publicè commiserat . Adde , quod non agit de pœnitentiā infligendā Sacramentaliter confesso sed *deprehenso* idest convicto , quod non fit in foro Pœnitentiæ .

Quod

186 CALUMNIA VIII.

- 14 Quod attinet ad Tertullianum , nihil cogit asserere , ipsum semper agere de penitentiâ publicâ , dum eo in libro agit de penitentiâ . Quamvis ergo cap. 9. & 10. agat de penitentiâ publicâ , nego de eâ agere in textu allato ; cum præsertim nullus alicujus notæ Scriptor asserat, tempore Tertulliani aut Cypriani , coactos fuisse Fideles agere de quovis delicto publicam penitentiam , & multò minus de peccatis solius voluntatis aut cogitationis, quorum meminere in locis allatis prædicti duo Doctores , quorum secundus laudat quidē eos, qui vel de ipsis peccatis solius cogitationis se accusabant , & forte etiam publicæ se correctioni subiciebant , non autem eos ad id coactos fuisse affirmat, imò satis innuit, eos cogi non consuevisse , dum pro gravioribus , non autem pro gravibus à sumendâ Eucharistiâ prohibitos Fideles dicit : quæ ipsa Eucharistiæ privatio, erat quidem una ex penis quæ infligi solebant agentibus publicam penitentiam , sed ipsa sola publica penitentia non erat : Unde quamvis etiam modò aliquando Confessarii hanc penitentiam imponant , non inde tamen dicuntur publicam penitentiam imponere . Hinc nego, omnes penitentias re-
- censi-

DISPUTATIO VIII. 187

centitas à Canonum Collectoribus esse publicas, cum aliquæ consistant in prædicta Eucharistiæ privatione, aut in jejuniis, aliisque hujusmodi domi obcundis, vel fieri solitis etiam ab iis, qui penitentiam non agebant. Nego similiter Ambrosium loqui de reo cuiuslibet gravis delicti, dum vult eum constanter provolutum pedibus Fidelium ingemiscere, lacrymari &c. Sed de eo qui graviora deliquerat, cui utcunque constantissimè & humillimè supplicanti, veniam Novatiani negabant: sæpe enim propositio universalis fit particularis ex contextu. Adde nullum verbum contineri in eo textu Ambrosii, quod obligationem sonet, *volo* inquit *veniam reus lacrymis petat* &c. vult autem etiam qui solum hortatur.

S. Augustinus, quamvis videatur cujuslibet delicti reum addicere publicæ penitentiae, debet tamen semper subintelligi *si publice enormiterque peccavit*, ut patet ex pluribus aliis ejus textibus, & præsertim ex ejus Epistolâ ad Macedonium quam præcedenti concertatione produximus, ubi dicit eos ad publicam penitentiam damnari consuevisse, *quorum crimina manifesta sunt*: nomine autem
cri-

188 CALUMNIA VIII.

criminis significari à Patribus solùm graviora delicta norunt omnes : hinc criminosi non omnes dicuntur qui graviter delinquant v.g. per pravam cogitationem aut voluntatem , sed qui majoribus se culpis obstringunt . Nec facit , quòd idem Sanctus Doctor , in lib. de penitentia medicinà quem tu citasti , agens de tertia illa penitentia dicat , eam subeundam pro illis peccatis quæ legis *Decalogus continet* ; nam subicit , *Judicet ergo se ipsum homo veniat ad Antistites , per quos in Ecclesia claves ministrantur* ; & tanquam bonus incipiens jam esse filius , maternorum membrorum ordine custodito , à Præpositis Sacramentorum , accipiat satisfactionis suæ modum ; ut in offerendo Sacrificio cordis contribulati , devotus & supplex id tamen agat , quod non solùm illi profit ad recipiendam salutem , sed etiam cæteris ad exemplum , ut si peccatum ejus non solum in gravi ejus malo , sed etiam **IN SCANDALO EST ALIOQUUM** ; atque hoc expedire utilitati Ecclesiæ videtur Antistiti , in notitiā multorum , vel etiam totius plebis , agere pœnitentiam , non recuset , non resistat , non lethali & mortiferæ plagæ per pudorem addat tumorem &c. Ex quibus colligitur manifestè , consuevisse quidem fieri publicam pœni-

DISPUTATIO VIII. 189

penitentiam de peccatis , quæ legis Decalogo continentur , non tamen de omnibus , sed de publicis *quæ fuissent aliis scandalo* imò nec semper de his ipsis , sed si visum fuisset Antistiti , qui ea sola sic plectebat quæ causa majoris scandali & perturbationis fuerant . Neque hic locum habet ea distinctio penitentiae solemnis à publicâ non solemni, non solum quia Augustinus non solet sic distinguere, sed agere de sola publica , sed etiam quia hic expressè agit etiam de ea quæ nec penitus publica erat, fiebatque coram *multis*, sed non in conspectu *totius plebis*: & tamen nec istam docet solitam imponi omnibus qui graviter deliquerant . Hoc ipsum ostendo alio textu S. Doctoris; 17 nam Sermone 17. de Verbis Domini , agens de correctione fraterna non semel monet , esse secretò corripienda quæ secretò peccantur, ne inimicus audiat & scribat ad accusandum & puniendum. *Corripienda sunt secretiùs* (inquit) *quæ secretiùs peccantur Sic agamus & sic agendum est ut ab altero nesciatur, in secreto debemus corripere , in secreto arguere , ne volentes publicè arguere, prodamus hominem . Nos volumus corripere & corrigere . Quid si inimicus quærit audire quod puniat ? novit enim nescio quem*

190 CALUMNIA VIII.

quem homicidam Episcopus & alius illum nemo novit ; ego volo illum publicè corripere , & tu quæris inscribere . Prorsus nec prodo nec negligo , corripio in secreto , pono ante oculos Dei Judicium , terreo eruentam conscientiam , persuadeo pœnitentiam . HAC CHARITATE PRÆDITI ESSE DEBEMUS . Unde aliquando homines reprehendunt nos , quod quasi non corripiamus , aut putant nos scire quod nescimus , aut putant nos tacere quod scimus . Sed fortè quod scis & ego scio , sed non coram te corripio , quia *CURARE* volo non accusare . Sunt homines adulteri in Domibus suis , in secreto peccant , aliquando nobis produntur ab uxoribus suis , plerumque zelantibus , aliquando maritorum salutem quærentibus , nos non prodimus palam , sed in secreto arguimus &c. Igitur Charitas postulat , ne publicetur peccatum quod est secretum , nec aliter potest fieri ab eo qui velit *CURARE* , ergo à fortiori Charitas postulat , ne cogamus alterum sua peccata publicare , quæ ab eo ipso audivimus in confessione Sacramentali , ut confitentem tanquam Pater peramanter curemus . Et quidem si Augustinus putavit , non curari vulnera secreta & pudenda , cum publicantur à Medico , certè non

DISPUTATIO VIII. 191

non putavit eadem curari, cum Medicus cogit infirmum ea publicare, cum non minus hoc quam illud exasperet, ergo censuit non esse cogendum Penitentem ad publicam pro quibuslibet delictis penitentiam, quæ est ipsius delicti saltem in genere manifestatio, ergo ubi agit de publica penitentia, nunquam significat, eam talem fuisse aut esse debere, quam Pœnitens pro quovis peccato subire cogeretur.

Quod dictum est de S. Augustino (nempe ejus hac super re Sententias, quamvis videantur universales, esse modo exposito limitandas ex contextu, aut ex aliis ejusdem Doctoris textibus) dicendum est etiam de cæteris Doctoribus, ut ostendo in hoc textu S. Cæsarii Episcopi Arelatensis homiliâ prima in Quadragesima ubi sic. *Si levia sunt forte delicta, v. g. si homo, vel in Sermone, vel in aliqua reprehensibili voluntate, si oculo peccavit, aut corde, verborum, & cogitationum maculae quotidianâ oratione curandæ, & privata compunctione terendæ sunt. Si verò quisque conscientiam suam interrogans, facinus aliquod capitale commisit, aut si fidem falso testimonio expugnavit ac prodidit, aut sacrum veritatis nomen perjurii teme.*

192 CALUMNIA VIII.

temeritate violavit , si veram Baptismi tunicam cano commaculati pudoris infecit , si in semetipso novum hominem nece hominis occidit , si per augures & divinos atque incantatores , captivum se Diabolo tradidit . Hæc & ejusmodi commissa expiari penitus communi & mediocri , licet secretâ satisfactione non possunt , sed graves causæ graviores & acriores publicas curas requirunt . His videtur Cæsarius docere subeundam eo tempore fuisse pro quovis gravi delicto saltem externo publicam pœnitentiam : verùm non docet , id esse faciendum absolutè , sed si delictum publicum sit , quod ex more illorum temporum subintelligebatur ; Unde subjungit , ut qui cum plurimorum afflictione se perdidit , simili modo cum plurimorum ædificatione se redimat .

- 19 Id ipsum debet subintelligi in textu Gennadii , qui præterea eos solos subjicit publicæ pœnitentiæ , quos *capitalia peccata gravant* . Capitalia autem non omnia gravia dicebantur , sed præcipua . Isidorus solum docet *gravia peccata non deleri per pœnitentiam internam* ita ut non teneatur Pœnitens ea confiteri Ministro , qui solet publicè in Ecclesia Sacramentum pœnitentiæ administrare .

Textus

DISPUTATIO VIII. 193

Textus Innocentii non innuit, impossi- 20
tam olim & præceptam fuisse publicam pœ-
nitentiam pro quovis peccato mortali, sed ad
summum, aliquos Pœnitentes, etiam pro pec-
catis non ita gravibus, quæ leviora vocat
Sanctus Pontifex, egisse publicam pœniten-
tiam, quod ex consilio Confessarii, aut ex pie-
tate prorsus liberâ, suæque voluntatis impul-
su, factum quandoque fuisse non nego. Cæ-
terum idem Pontifex in Epistola ad Exupe-
rium Tolosanum disertè asserit, nec privari
Communione consuevisse adulteros occul-
tos; & generaliter *non vindicari ab Ecclesia la-
tentia peccata*: ejus enim est ea celebris senten-
tia. *Non habent latentia peccata vindictam*,
nempe publicam.

Quod autem addit Jueninus, à Leone 21
sublatam fuisse solam confessionem publicam,
non autem pœnitentiam publicam omnium
culparum, divinando dicit, non ratiocinando:
nam S. Pontifex ex duplici ratione sustulit
publicam eam confessionem, nempe quia ex
doctrina Apostolorum, idest ex institutione
hujus Sacramenti, *sufficit confessio secreta*, &
quia eâ confessionis publicæ necessitate, multi
arcebantur à Sacramento: utraque autem hæc

N

ratio

194 CALUMNIA VIII.

- ratio probat , nec fuisse obligandos Fideles ad publicam omnium culparum pœnitentiam , cum enim per hanc, ut ostendimus ex Augustino, revelentur peccata, jam non satis fuisset confessio secreta , & rursus Fideles à prædicto Sacramento fuissent abducti, tum difficultate rei , tum metu gravis mali: ex circumstantiis
- 22 enim facile adstantes suspicati fuissent culpæ speciem , pro qua Pœnitens publicam subire pœnitentiam cogeatur , adeoque impletæ suspicionibus Domus, totæque Urbes fuissent cum magno detrimento communis Charitatis, pacis, & humanæ felicitatis , quam Christus Dominus suis legibus , & Sacramentis augeri voluit & perfici: non autem imminui, quod sanè validissimè confirmat sententiam nostram in hunc modum. Publica pœnitentia pro quovis delicto fuisset , saltem excitando gravissimas suspensiones , pacis publicæ privatæque perturbatio . Sed id quod hujusmodi est , juberi ab Ecclesia non potest , & si non potest, jussum nunquam fuit , ergo publica pœnitentia , jussa nunquam fuit .
- 23 Cæterùm quod spectat ad Leonem , etiam ex alio textu , nempe ex Epistola 91. ad Theodorum Episcopum forc-Juliensem
con-

DISPUTATIO VIII. 195

constat, eum noluisse, ut pro quovis delicto imponeretur publica pœnitentia: sic enim habet. *Qui convivio solo Gentilium, & escis immolatitiis usi sunt, possunt jejuniis & manuum impositione purgari*: En pœnitentia secreta, imposita à Sacerdote in secreta confessione. *Si autem Idola adoraverunt, aut homicidiis aut fornicationibus contaminati sunt, ad communionem eos nisi per pœnitentiam publicam non oportet admitti*. En publica pœnitentia pro his tribus sceleribus, Apostasia, Homicidio, & Adulterio publico. Et quidem hæc sola tria peccata, & his affinia, vindicata in plerisque Ecclesiis & præsertim in Romana fuere per publicam pœnitentiam, in aliquibus forte aliquot alia, in nulla omnia.

Solvimus argumenta contraria. Nescio an tu solvere possis ea, quibus probavi Sententiam meam.

D. R. Ego quidem paratus non veni; nec ista, quæ Patrum autoritate nituntur, aliâ ratione quàm collatis Patrum Sententiis, adeoque longo studio solvuntur. Te conveniam iterum, & forte aliquid afferam, quo tua convellam, & quæ proposui stabiliam.

D. D. An te facturum speras, quod 24

196 CALUMNIA VIII.

nequit Juenin , ille tuus Juenin , quem adeo celebras , quemque tam facile intelligis , quàm ille facile pronunciat . Is conatus est solvere , quæ proposui , sed an feliciter fecerit , esto Judex . Meam sententiam paulo ante , si meministi , probavi ex eo , quod si pro quovis gravi peccato debuisset fieri in Ecclesia veteri publica pœnitentia , cum paucissimi sint qui diù peccato mortali careant , fere omnes fuissent pœnitentes : Unde sequitur , quod vix ullus Sacrificio interfuisset , cùm ei adesse , Pœnitentes non possent . Audi nunc , quid respondeat tuus Juenin . Dicit primò , locum non habere hoc argumentum pro prioribus Ecclesiæ seculis , cum sanctissimæ , & æquissimæ leges florebant ; perinde ac si , cùm Sanctissimæ florent leges , pauci delinquant , nec sint modò , florentque in Ecclesia leges æquæ sanctæ , cum quibus tamen innumeri peccant . Sunt (inquit) sed non florent , quia à plerisque non observantur . Sed mitto quærere quid sit leges florere , nego fuisse totis tribus prioribus seculis leges à plerisque observatas , & magis quam nunc custoditas ; nec id ex Tertulliano colligitur , aut ex Cypriano eorum temporum Doctoribus , qui
tam


DISPUTATIO VIII. 197

tam sæpè invehuntur in corruptos sui sæculi mores. Certè sanctiores fuere Fideles in pri- 25
mitiva Ecclesia; nescio tamen an plerique
leges custodierint: id scio, non semel eos re-
dargui à Divo Paulo vel ut discordes, vel ut
non satis firmos in fide, amantesque novæ
doctrinæ, vel ut Sacramentorum in Ecclesia
contemptores, quos multos fuisse idem Apo-
stolus affirmat, & plus quam multos fuisse
colligitur ex historiis, nec tamen eos Paulus
ab Ecclesia pellebat, nec in ordinem Pœni-
tentium redigebat.

Respondet 2. ex nostro argumento ni-
bil quoque concludi pro sæculis quæ subse-
quuta sunt: siquidem pauci erant rei, qui
statim admissum scelus confiterentur, ac pro-
inde plerique, licet in statu peccati morta-
lis versarentur, sacris mysteriis aderant cum
populo Fidei. Addit Episcopos consuevisse
aut eximere quosdam à publica pœniten-
tia, aut mitiùs punire permittendo plerif-
que, ut in Templo cum reliquis Fidelibus
consisterent. Hùc igitur evadebat totus ille
rigor damnandi omnes peccatores ad publi-
cam pœnitentiam, ut videlicet vix ul-
lus eam vere subiret, uti fuisset per Cano-

198 CALUMNIA VIII.

nes subeunda . Ista sanè severitas , quæ legum est , non morum , Christiana severitas nunquam fuit , sed Phariseorum .



CA-



CALUMNIA IX.

Per viginti & amplius annos, variis, magnisque corporis animique laboribus, suos Pœnitentes exercere ac probare consuevit vetus Ecclesia.

DISPUTATIO IX.

Doct. Discr.



Uid inquis? ignarus fortè videbor tibi Ecclesiasticæ antiquitas?

Doct. Rig.

Imò ignarissimus. Nec videris tantum sed es. Quis enim non legit, vel saltem non audivit Canones Gregoriamos, Nyssenos, quibus hujusmodi Pœnitentiæ injunguntur? *Qui suâ sponte interfecit* (inquit Sanctus Basilius in sua Epistola Canonica ad Amphilochem can. 56.) *& postea*

200 CALUMNIA IX.

*pœnitentiâ ductus est, viginti annis Sacramento non communicabit. Viginti autem anni sic in eo dispensabuntur. Debet quatuor annis deflere, stans extra fores Oratorii, & Fideles ingredienti-
 tes rogans, ut pro eo precentur, suam iniquita-
 tem pronuncians. Post quatuor autem annos, in-
 ter Audientes recipietur, & quinque annis cum
 ipsis egredietur: septem autem annis cum iis,
 qui in substratione orant, egredietur. In qua-
 tuor annis solùm stabit cum Fidelibus, sed non
 erit oblationis particeps, iis autem expletis, erit
 Sacramentorum particeps. Vigintiseptem an-
 norum spatio publicam solemnemque in his
 quatuor stationibus pœnitentiam profiteri vo-
 luit homicidam Sanctus Gregorius Nissenus
 Epist. ad Letojum, totosque ex his novem
 annos, ante fores Ecclesiæ genere & lacry-
 mari. Vix non in perpetuum ab Ecclesiæ fo-
 ribus ablegavit impios quosdam fures Grego-
 2 rius Thaumaturgus. Et quidem, quamvis
 perpetua non soleret esse ea solemnis pœni-
 tentia, quæ in prædictas quatuor stationes di-
 stribuebatur, perpetua tamen subinde erat ea,
 quæ post hanc, reo, quamvis absoluto re-
 conciliatoque imponebatur: jubebatur enim
 in reliquum omne suæ vitæ tempus, lacry-
 mis,*

DISPUTATIO IX. 201

mis , & jejuniis indulgere , cilicium vix unquam deponere , diutissimè nudis pedibus incedere , abstinere semper à balneis , à thoro , à spectaculis , à conviviis , ab usu vehiculi , à militia ipsa , & publici cujuslibet muneris administratione , quorum omnium proferam certissima documenta . S. Cyprianus in lib. de lapsis , *Orare oportet impensius & rogare , diem luctu transire , vigiliis noctes ac fletibus ducere , tempus OMNE lacrymosis lamentationibus occupare , stratos solo adberere cineri , in cilicio & ffordibus volutari &c.*

S. Ambrosius lib. 1. de pœnitentia cap. 3
16. *volo veniam reus speret , petat eam lacrymis , petat gemitibus , petat populi totius fletibus , ut ignoscatur obsecret , & cum secundò , & tertio fuerit dilata ejus communio , credat se remissius supplicasse ; fletus augeatur , miserabilior postea revertatur , teneat pedes brachiis , osculetur osculis , levet fletibus , nec dimittat cognovi ego quosdam in pœnitentia sulcasse vultum lacrymis , exarasse CONTINUIS fletibus , genas , stravisse corpus suum calcandum omnibus , jejuno ore SEMPER & pallido , mortis speciem spiranti in corpore prætulisse . Et lib. 2. c. 10. An quisquam illam pœnitentiam putat , ubi acqui-*
rendę

re de ambitio dignitatis, ubi vini effusio, ubi ipsius copulæ conjugalis usus? Renuntiandum Sæculo est, somno minus indulgendum est, quàm natura postulat, interpellandus est gemitibus, interrompendus est suspiriis, sequestrandus orationibus, vivendum ita, ut vitali huic moriamur usui. Cumque nec hîc nec alibi Sæctus Doctor terminum definiat hujus abstinentiæ pœnitentiæque, debuissc eam esse perpetuam, satis innuit.

4

Simili modo loquitur Cæsarius Arelatensis Episcopus hom. 1. ex vulgatis à Baluzio. Sunt enim aliqui Pœnitentes, qui ideo citò reconciliari volunt, ut carnes accipiant. Certum est quòd non satis pœnitentiam accipit, qui carnes, nullà infirmitate cogente, aut desiderat aut præsumit accipere. Et ideo etiam reconciliatus Pœnitens, ubicumque aut in suo, aut in alieno convivio olera, & legumina, aut pisciculos invenire potuerit, aliam carnem non debet accipere. Magis expressè Basilii in ea Epistola ad Amphilochem can. 73. Christum negantes toto vitæ suæ tempore deflere, & pœnitentiam agere decernit. Auctor libri de vera, & falsa pœnitentia inter opera Sancti Augustini Abstineat à multis licitis, qui per libertatem arbitrii, com-
misit

DISPUTATIO IX. 203

misit illicita. SEMPER offerat Deo mentis, & cordis contritionem &c. cohibeat se præterea à ludis & à spectaculis Sæculi, qui perfectam vult consequi gratiam remissionis. S. Pacianus Ep. 3. ad Sympronianum circa medium, loquens de Pœnitentibus dicit eis imperari solitum carnis interitum, FUGES lacrymas, & gemitus SEMPITERNOS, quales certè fuerunt lacrymæ, & gemitus eorum, quos severissimi carceris angustiis usque ad mortem inclusos vidit Joannes Climacus. De his enim agens gradu 5. scalæ Paradisi sic habet. Cum ergo ad locum illum Pœnitentium, imò verò ad regionem lugentium venissem vidi quosdam ex innocentibus illis reis, totas noctes ad usque mane, sub dio immotis pedibus stantes, & miserabiliter cum somno, & naturâ luctantes alios qui manus post terga sceleratorum more revincti, vultus alto terrore confusos humi defigebant . . . sedebant alii humi in pavimento super cinerem, & saccum, genibusque vultum tangebant, frontibus humum ferientes. Alii assidue pectus tundebant, alii se ipsos diverberabant . . . erat ibi videre afflictos, & captivos, totà die cantristatos incedere, olentibus, & corruptis, putrefactisque corporis cicatricibus, ut

5
qui

204 CALUMNIA IX.

qui nullam corporis curam haberent nec apud illos audire erat , quàm hujusmodi voces , væ væ miseris nobis , meritò meritò , parce Domine parce Alii in gravi solis aestu se cruciabant : alii frigore se torquebant : alii cùm modicum quid aquæ libassent , desierunt , tantùm ut ne siti enecarentur : alii cùm panem gustassent dumtaxat , illum rursus ab se reiiciebant , se indignos dictitantes , qui cibum humanum sumerent , qui bestiarum opera exercuissent . . . Quælis autem erat illius loci aspectus ? tota domus obscura & tenebricosa , tota olens & færens , tota sordida & squallida : carcer enim , & damnatorum ergastulum non immeritò appellata est . Hoc autem loco usque ad mortem hos detentos fuisse refert idem Climacus cujus longiusculam , quàm fortè velles , descriptionem exhibui , ut constet , severos illos veteris Pœnitentiæ canones fuisse verè exequutioni mandatos , reosque non solum longo , viginti & amplius annorum spatio , sed perpetuè , eoque asperissimo pœnitentiæ genere , fuisse verè probatos .

- 6 Prædictos autem Canones , quibus Pœnitentes abstinere à thoro , à militia , aliisque hujusmodi monebantur , non fuisse quædam consi-

DISPUTATIO IX. 205

consilia regulasque, sed vera præcepta, quæ violare nefas esset, patet ex gravissima pœna qua plectebantur transgressores. In eos sic animadvertit Concilium Aurelianense 3. cap. 19. *Si qui pœnitentiæ benedictione suscepti, ad sæcularem habitum, militiamque reverti præsumpserit excommunicatione plectatur, viatico concessio ad exitum.* Et longè antea Conciliū Arelatense 2. cap. 21. *Pœnitentes, quæ defuncto viro alii nubere præsumpserint, vel suspecti, vel interdicti familiaritate cum extraneo vixerint, cum eodem ab Ecclesiæ liminibus arceantur. Hoc etiam de viro in Pœnitentiâ placuit observari.*

Nec ista unius lustris, vel sæculi disciplina 7
na fuit, sed diutissimè in Ecclesia custodita,
ut ex allatis tam variorum temporum decre-
tis ac sententiis constat, magisque ex iis, quæ
mox afferam, palam fiet. In Pœnitentiali
Romano tit. 2. cap. 7. sic adimadvertitur in
Rebellem. *Anathema sit, nisi per dignam Pœ-
nitentiæ satisfactionem emendaverit, sic consti-
tutum est à Sancta Synodo, idest sæculum relin-
quat, arma deponat, in Monasterium eat, &
pœniteat OMNIBUS diebus vitæ suæ tit. 3.
cap. 21. si quis fornicatus fuerit ut sodomitæ fe-
cerunt, viginti annos pœniteat,
quint-*

206 CALUMNIA IX.

- quinque ex his in pane , & aqua , & omni officio deponatur , & peregrinando finiat dies vitæ suæ . Tit.7. cap.5. si quis hominem publicè pœnitentem interfecerit , ut homicidium spontè commissum dupliciter pœniteat , & NISI IN FINE non communicet tit.8. Sacerdos , qui cum filia sua spiritali rem habet ab omni officio deponatur , & peregrinando quindecim annos pœniteat , postea verò ad Monasterium vadat , ibique OMNIBUS diebus vitæ suæ Deo serviat . Similia leguntur apud Burchardum lib.12. cap.21. , &*
- 8 *Ivonem parte 12. decreti cap.78. Burchardus autem , qui fuit Episcopus Vormatiensis , & Conradi Imperatoris Magister , Canones Pœnitentiales collegit circa millesimum . Ivo verò qui fuit Episcopus Carnutensis , scripsit circa finem Sæculi undecimi . In Codice manuscripto de miraculis Sanctorum Floriani , & Florentii apud Martenen de antiquis Ecclesiæ ritibus part.2. lib.1. cap.6. art.4. hæc*
- 9 *legitur pœna imposita parricidis . Consuetudine antiquà partibus interioris Franciæ usque bodiè mos inolevit , ut quisque propinquorem sibi parentem gladio jugulaverit , & postea pœnitentià ductus ad Pontificem crimen admissi facinoris detulerit , ipso decernente Pontifice , ex*
ipso

DISPUTATIO IX. 207

*ipso gladio ferrei nexus componantur, & collum peccatoris, venter, atque brachia strictim inne-
tiantur ex ipsis ferreis vinculis; sicque de pro-
pria patria, & solo patrio expellatur. Interim
quousque Divina pietas eadem vincula solvi præ-
cipiat, primùm Romæ, dehinc per diversa San-
ctorum loca, veniam criminis efflagitando pere-
gre proficisci cogitur. Plurima hujusmodi vin-
cula divina misericordia confregit ad sepul-
crum Sancti Nicetii Lugdunensis Episcopi,
quibus alioquin perpetuò vincendus fuisset
parricida.*

Apud Bollandum Aprilis 19. hanc habes 10
epistolam scriptam à Joanne Magalonensi
Episcopo, pro quodam Bernardo pœnitente,
jussuque per laboriosam peregrinationem sua
crimina expiare. *Joannes Dei gratiâ Magalo-
nensis Episcopus, omnibus Ecclesiæ Catholicæ
Rectoribus subiectis, æternam in Domino salu-
tem. Notum sit omnibus vobis, quod Bernardo
præsentium latori, talem pœnitentiam pro pecca-
tis suis horribilibus injunximus, quod usque ad
septem annos, nudis pedibus incedat, camissam
non ferat, OMNIBUS diebus vitæ suæ: qua-
draginta dies ante Natale Domine in cibis qua-
dragesimalibus jejunet; quartâ feriâ à carne &
sagi-*

208 CALUMNIA IX.

sagimine abstineat : sextâ feriâ præter panem & vinum nihil comedat : in omni sexta feria Quadragesimæ & quatuor temporum , præter aquam nihil bibat : omni sabbato , exceptis solemnibus diebus , & nisi ægritudo interceperit , à carne & à sagimine abstineat : Quapropter clementiam vestram in Christo suppliciter exoramus , quatenus pro redemptione animarum vestrarum , præfatum Pœnitentem , quia pauperrimus est , in viétualibus & vestibus misericorditer sustentetis , orationibus sublevetis , de pœnitentia etiam sibi injuncta secundum quòd ratio exigit , benigne relaxetis . Data Magalone anno ab incarnatione Domini MCLXX. Mense Octobri .

- 11 Nec ita severè , in vulgus hominum , dumtaxat , vilesque personas , qualis erat exul Bernardus à prædicto Episcopo commendatus ; animadversum fuit . Siquidem nec ipsis Principibus viris , summisque Imperatoribus , parcitum volvere Patres . Celebris est illa Chrysostomi ad Sacerdotes adhortatio homil. 83. in Matthæum , ut à sacri Altaris communionem quosvis indignos expellant , & ad locum pœnitentium amendant . *Non parva vobis imminet pœna , si quem aliqua improbitate teneri scientes , ei hujus mensæ participationem per-*

DISPUTATIO IX. 209

*permittitis. Sanguis enim ejus de manibus vestris
 requiretur. Si Dux igitur quispiam, si Consul
 ipse, si qui Diademate coronatus indignè adest,
 cohibe, coerce, majorem tu illo habes potestatem.*
 Celebrius est illud Ambrosii factum ab Ec- 12
 clesiæ foribus expellentis Theodosium, nec
 antea absolventis, quam pœnitentiâ satis lon-
 ga & publicâ commissum facinus deflevit.
 Quod Sancti Antistitis factum alii multi Ec-
 clesiarum Pastores Sacerdotesque imitati sunt.
 Edgardo Angliæ Regi, qui Virginem Deo
 consecratam violaverat, quamvis sponte con-
 fesso, & veniam summâ cum animi, corpo-
 risque demissione, nec sine multis lacrymis
 expetenti *septennem pœnitentiam indixit* San-
 ctus Dunstanus Episcopus, ut refert Capgra-
 vius; nempe, *ut in hoc toto spatio, coronam re-
 gni non gestaret, jejunium in hebdomada bidua-
 num transigeret, thesauros suos pauperibus latè
 dispergeret, super hoc sacraudis Deo Virginibus
 monasterium Septoniæ fundaret.* Primarium, 13
 quemdam Comitem in exercitu Othonis
 Imperatoris confessum culpas suas & præser-
 tim peccatum perjurii, compulit S. Romual-
 dus Abbas monasticam vitam suscipere, nem-
 pe perpetuam pœnitentiam. Quin ipsi Othoni
 O ejus.

210 CALUMNIA IX.

eiusdem perjurii reo, injunxit, ut nudis pedibus ad Sancti Michaelis Arcangeli Templum in Gargano Apuliæ Monte situm se conferret, curaretque, cum posset, imperium abdicare, & monasticum ipse quoque habitum suscipere, ut refert Cardinalis Baronius 14 anno 996. Brevior quidem pœnitentia, sed forte gravior subeunda fuit Henrico tertio Imperatori, ut veniam à B. Gregorio septimo impetraret. Hanc ergo ut obtineret *in Italiam venit* (inquit Lambertus apud Card. Baron. an. 1077. & *Castellum in quo morabatur Pontifex, ingressus est, sed derelicto omni comitatu suo, deposito cultu regio, nihil præferens regium, nihil ostentans pompaticum, nudis pedibus, jejunos mane usque ad vesperam Romani Pontificis sententiam præstolando. Hoc secundo die, hoc tertio die fecit. Quarto demum die in conspectum ejus admissum, post multas hinc inde dictas sententias, his postremo conditionibus excommunicatione absolutus est. Ut die & loco, quemcumque Papa designasset, evocatis ad generale Concilium Theutonicis Principibus præstaret, ipso Papa, si ita expedire videretur, cognoscere causarum assidente, & ad ejus sententiam, vel retineret regnum, si objecta purgasset, vel*
aquo

DISPUTATIO IX. 211

quo animo amitteret . . . usque ad eam autem diem , quâ causa ejus legitimè discussa terminaretur , nulla regii cultus ornamenta , nulla regie dignitatis insignia sibi adhiberet , nihil circa rerum publicarum administrationem , juxta consuetudinem suo jure ageret .

Et quidem hæc à Reipublicæ admini-¹⁵stratione , ac regimine cessatio tam certa & inviolabiliis Pœnitentium pœna fuit , ut , cùm Francici Imperii Proceres Ludovici pii regimen ægre ferrent , & in filium Lotharium transferri duperent , ipsi Imperatori persuadere conati sunt , debere se propter gravissima , quæ commiserat in publica administratione delicta , publicam agere pœnitentiam ; quam ille pro pietate qua præditus erat , petere non recusavit : non enim nisi penitenti concedebatur . Facti seriem narrat Cardinalis Baronius ad ann. 833. ex Franciæ Analibus : ex eo autem optime conjicitur , quàm severa cum quovis genere Pœnitentium tunc esset Ecclesia . Igitur Episcopi : apud Compendium congregati , legationem ad Imperatorem miserunt , ut eum de suis reatibus admoneret , quatenus certum consilium suæ salutis caperet , (nempe pœnitentiam) . Quo-

212 CALUMNIA IX.

rum legatorum consiliis libenter assensum præbuit, spatium poscit, diemque constituit, qua de salubribus eorum monitis certum eis responsum redderet. Cum autem præscriptus instaret dies, sacer idem conventus unanimiter ad Ludovicum perrexit, eumque diligenter de quibus Deum offenderat & Sanctam Ecclesiam scandalizaverat, ac populum sibi commissum perturbaverat, admonere, & cuncta illi in memoriam reducere curavit. Ille vero, eorum salutiferam admonitionem & dignam congruamque exaggerationem libenter amplectens, promisit, se illis in omnibus acquieturum salutare consilio, & subituum remediale iudicium &c. Veniens igitur idem Dominus Ludovicus in Basilicam Sanctæ Dei Genitricis, adstantibus Presbyteris, Diaconibus, & non parva multitudine Clericorum, præsentem etiam Domino Lothario filio ejus, ejusque Proceribus atque totius populi generalitate, quotquot videlicet intra sui septum eadem continere potuit Ecclesia, & prostratus in terram super cilicium ante sacrosantum Altare, confessus est coram omnibus, ministerium sibi commissum satis indignè tractasse, & in eo multis modis Deum offendisse & Ecclesiam Christi scandalizasse, Populumque per suam negligentiam multifariè in per-

DISPUTATIO IX. 213

perturbationem induxisse & ideo ob tantorum reatum expiationem, publicam & Ecclesiasticam se expetere velle dixit pœnitentiam, quo miserante Domino, per eorum ministerium, & adjutorium prospere mereretur absolutionem tantorum Criminum, quibus Deus ligandi atque solvendi intulerat potestatem. Quem etiam iidem Pontifices, utpote Medici spirituales salubriter admonuerunt, ut apertè confiteretur errata sua. . . . Verùm post hujusmodi admonitionem professus est se in omnibus iis præcipue deliquisse, unde à memoratis Sacerdotibus fuerat familiariter sive verbis sive scriptis admonitus: super quibus chartulam summam reatum suorum, unde illum specialiter redarguerant, continentem ei dederunt. Enumeratis inde præcipuis ejus delictis, contra Rempublicam commissis, & in ea charta contentis, quam ille manibus acceptam legit, sic idem historicus prosequitur. Post hanc verò confessionem, chartulam suorum reatum & confessionis ob futuram memoriam Sacerdotibus tradidit: quam ipsi super Altare posuerunt, & deinde cingulum militiæ deposuit, & super Altare collocavit, & habitu sæculi se exuens, habitum Pœnitentis per impositionem manuum Episcoporum suscepit, ut post tantam

214 CALUMNIA IX.

talemque pœnitentiam ultra ad militiam secularem non redeat. Hactenus Scriptor Annalium Francicorum. Qui res gestas Ludovici tunc temporis conscripsit, refert (ut videre est apud cit. Baron.) mentem Episcoporum prædictorum fuisse, ut Ludovicus *irrevocabiler arma deponeret*, quia videlicet, hæc erat lex pœnitentium, ut non solum per viginti, & amplius annos, sed in perpetuum à rebus sibi vetitis abstinere. Addit idem, fuisse Ludovicum post susceptam pœnitentiam, *sub tectum quoddam reclusum*, ut ibi velut in carcere, pro more eorum temporum, suis culpis legendis curandisque vacaret.

- 16 Sed hanc pœnitentiam Episcopi fortasse severiores quàm par esset, Ludovico imposuerunt. Quam modò subjiciam Alexander tertius Pontifex cæteroqui mitissimus imposuit Henrico secundo Angliæ Regi, ob necem Sanctissimo Archiepiscopo Thomæ quamvis non ab ipso, nec ejus imperio, sed, eo occasionem dante, illatam. Eam breviter describit Aurelius in Epitome Annalium Cardinalis Baronii ad ann. 1072. hoc modo. *Abductus dein à Legatis est in Templū* (nempe Henricus) *pro cujus foribus aliquando perstitit in genua pro-*

DISPUTATIO IX. 215

provolutus. Tum imperatum illi est, ducentos uti milites per annum aleret Hierosolimis, trecentia cuique aureis in stipendia persolutis. Leges adversus Ecclesiasticam libertatem conditas abrogaret, ademptas Cantuariensi Ecclesiæ possessiones redderet. In Hispaniam ipse cum exercitu, aut in Palestinam (si Pontifex jussit) adversus Saracenos pergeret, tum secretò jejunia, elemosinæ, & alia quædam pietatis ei opera demandata. Pro his porro bonâ fide præstandis non Rex modò Pater, sed filius quoque, Patre ante quàm ea impleret, decedente, jure jurâdo cautû esse voluerunt. I nunc, & nega, si potes, fuisse viginti & amplius annorum pœnitentiam impositam à veteri Ecclesiâ, nempe ab ea, quæ, ut tot eaque certissima testimonia ostendunt, tam sæpe imposuit perpetuam, quæque tam severas Pœnitendi leges Regibus ipsis & Imperatoribus à quarto seculo usque ad duodecimum statuit.

D. D. Ego verò in eadem persisto sententiâ, iterumque nego: sed audi quid negem, non quidem impositam subinde fuisse viginti & amplius annorum pœnitentiam, sed factam nego & quidem frequenter, veluti rem consuetam. Quod enim appellavi calumniam,

216 CALUMNIA IX.

id est, nempe Ecclesiam *consuevisse* exercere de facto & probare tandiu Pœnitentes. Non enim quod semel fit, consuetudo est.

D. R. Non quidem. Sed ea quæ naravi tot diversorum temporum facta, consuetudinem indicant.

D. D. Nec istam, saltem qualem putas, nempe consuetudinem aut ita universalem, aut ita severam. Sed velim, audias me, nec interpellas, ut audiui te tam longa oratione declamantem.

17. Ut autem incipiam unde ipse incepisti: novi ego quoque Canones utriusque Gregorii nempe Taumaturgi atque Nysseni, Basilique: sed an ipsorum sint saltem omnes, non est satis certum. Utque aliquid dicam de Basilianis, qui celeberrimi habentur, plura sunt quæ difficultatem ingerunt. Duo afferam. Can. 22. Fornicatoribus quadriennium pœnitentiæ imponitur: can. vero 39. iisdem imponitur septennium. Non igitur uterque Basilii canon est, & forte neuter. Excusatio enim Balsamonis dicentis ptimum Canonem afferri à Basilio ut Canonem antiquorum, alterum ut suum, frivola est. Cum enim id facit Basilius, bene distinguit unum ab altero,
ut

DISPUTATIO IX. 217

ut legenti reliquos Canones constabit : hîc autem eodem modo effertur uterque. Primus is est . *Ei autem qui mulierem , vel vi, vel clam, à se vitiatam habet , neceſſe eſt fornicationis pœnam imponere. Eſt autem in quatuor annis præſinitum fornicatoribus ſupplicium . Oportet autem eos anno primo à precibus expelli , & ipſos deſlere ad fores Eccleſiæ: ſecundo autem ad auditionem admitti : tertio ad orationem , quarto ad congregationem cum populo , abſtinens ſe oblatione , deinde ei permitti boni communionem . Canon vero 59. eſt iſ . Fornicator ſeptem annis cum ſarctis non communicabit , duobus deſlens & duobus audiens & duobus ſubſtratus & in uno ſolo conſiſtens, oſtavo autem ad communionem admittatur. Quid in hoc , aut in illo, quod innuat, unum recitari , ut non proprium , alterum , ut proprium canonem ? certè nihil .*

Alterum illud eſt , quod idem S.Præſul, can. 58. quindecim annorum pœnitentiam adulteris imponit : Concilium verò Conſtantinopolitanum , celebratum in Tullo can. 87. mentionem faciens ejuſdem Baſilii, adulteris, & quidem peſſimis, utpote ineuntibus, uxore ſuperſtite , alterum matrimonium , ſolum ſeptennium indicit . Verba canonis ſunt hæc.

Quæ

Quæ virum reliquit adultera, si ad alium se contulit, secundum sacratum Basilium, qui hoc ex Propheta Jeremia colligit &c. & qui reliquerit legitimam uxorem, & aliam duxerit, ex Domini sententiâ est adulterii judicio obnoxius. A Patribus nostris statutum est, ut qui sunt hujusmodi, annum desleant, biennio audiant, triennio substernantur, & septimo cum Fidelibus consistant, & sic oblatione digni habeantur, si cum lacrymis pœnitentiam egerint. Si Patres qui præcessere Concilium hoc, inter quos primom locum doctrinâ, & autoritate in Ecclesia præsertim Græcâ obtinebat Basilus, cujus hoc ipso in loco mentio fit, solum septennium pessimis adulteris indixere, jam falsum est à Basilio quibuslibet adulteris statutos quindecim annos Pœnitentiæ.

Sed hæc obiter dicta volo, cæterum non repugno veterum canonum assertoribus. Fuerint eorum auctores ii, quorum nomen præferunt: ii qui nomine Petri Alexandrini inscribuntur, Petri fuerint, Gregorii Thaumaturgi qui ejus nomine, Nysseni qui nomine Nysseni, Basilii, qui nomine Basilii, quique aliorum Pontificum nomine gloriantur, ipsorum verè fuerint; adhuc tamen nego, tam
lon-

DISPUTATIO IX. 219

longas Pœnitentias fuisse communiter Pœnitentibus impositas, ita ut verè fuerint executioni mandatæ .

Eas certè prima Ecclesiæ ætas nec im- 18
fuit, quod non negant eruditi ; & , si negas, ostendo . Quos enim Apostoli reliquere canones , aut constitutiones ad pœnitentiam pertinentes , quæ fuerunt à Clemente Papa collectæ, sunt plenæ amoris & benignitatis: tantumque abest , ut facile expelli , aut expulsos diu plecti Pœnitentes voluerint , ut persæpe moneant, & mandent, recipi eos perbenignè, & cum eadem benignitate curari . Id monentur Episcopi can. Apost. 51. & significantius lib.2. Constitutionũ Apostolicarũ cap.18. 28. 43.44.45. 59.60. ut nisi perspectum id omnibus esset , allegatis prædictis Constitutionibus ostenderẽ. Cap.19.ejusdem libri, solemnispœnitentiæ in eas plures stationes distributæ quædam lineamenta cernuntur , sed ejuspœnitentiæ, quæ nec longa est,nec admodum severa . *Cum aliquem peccasse cognoveris (inquiunt) dolens jube eum foras ejici & exeunte illo doleant Diaconi , ac quæsitum detineant extra Ecclesiam, ingressique pro eo te rogent: etenim pro peccatoribus Salvator Patrem rogavit , ut in*
Euan-

220 CALUMNIA IX.

Euangelio est scriptum, Pater dimitte eis non enim sciunt quid faciunt. Tunc tu jubebis illum intrare, & expendens an pœniteat, & in Ecclesiam omnino recipiatur, afflictum illum diebus jejuniorum pro ratione peccati hebdomadas duas, vel tres vel quinque, vel septem dimitte, dicens ei quaecumque convenient ad peccatorem corripiendum, & increpatum doce & admone, ut maneat apud se, & humiliter se gerat, rogetque Deum, ut sit sibi benignus. Non hic multorum annorum pœnitentia, sed paucarum hebdomadarum imponitur, quamvis pro delicto gravissimo & publico, quod solum tunc, ut ferè omnes asserunt, solemni pœnitentia vincit
 19 dicabatur: quare Paulus, quamvis satis multos, & quidem pro gravibus delictis redarguat in suis epistolis, solum incestuosum publicum hoc pœnæ genere punivit, longiùs quidem quàm per paucas hebdomadas, nempe per annum, quia delictum fuerat non gravissimum solum & publicum, sed vix auditum inter Gentes, &, pro eo præsertim tempore nascentis Ecclesiæ, maxime scandalosum. Eumque ipsum fortasse non tandiù castigasset, si ejus veram pœnitentiam & emendationem priùs cognovisset: statim enim ac
 de

DISPUTATIO IX. 221

de ea certior factus fuit, eum absolvi mandavit secundà ad Corinth. 2. per ea verba (ut Patres interpretantur) *sufficit illi qui huiusmodi est, objurgatio hæc quæ fit à pluribus: ita ut è contrario magis donetis & consolemini, ne forte abundantiori tristitiâ absorbeat qui huiusmodi est. Propter quod obsecro ut confirmetis in illum Charitatem.*

Objici potest canon 24. Apostolorum. 20
Laicus semetipsum abscindens, annis tribus communione privetur, quia vitæ insidiator extitit.
 Sed vester Juenin tom. 2. differ. 6. quæst. 8. cap. 4. art. 1. respondet hos canones non esse verè Apostolicos. Quia verò Cardinalis Bellarminus de script. Eccl. in Clemente asserit primos quinquaginta esse legitimos & Apostolicos, ideo dicendum est, eo tempore fuisse valde frequens illud peccatum, ac proinde cum esset etiam valde grave, fuisse speciali severitate castigandum, nempe eâ pœnitentiâ, quæ viginti annorum non fuit, sed solum trium, eaque tota consistens in sola privatione communionis.

Benignam hanc praxim, qui sequuti 21
 sunt, per duo & amplius sæcula, Ecclesiarum Pastores, non admodum immutarunt, itaut
 de

222 CALUMNIA IX.

de aliquorum criminum pœnâ vel nihil statuerint , statuendam videlicet pro ratione temporum , locorum , lapsorumque ab ipsis Ministris Sacramentorum , vel longè mitiorem , quàm fuerit postea statuta , ut fatetur idem Basilius ad Amphilochoium can. 18. *De lapsis Virginibus , quæ vitam in honestate Domino professæ sunt , deinde sua pacta conventa infirmarunt , Patres quidem clementer & leniter in eorum qui labuntur infirmitatem se gerentes , esse admittendas sanxerunt post annum , quam pœnam ipse extendit ad annos quindècim . Et can. 30. De his qui rapiunt , canonem quidem antiquum non habemus , sed propriam sententiam proferimus , ut ipsi , & qui cum eis rapiunt , tribus annis sint extra orationes . Quare jure optimo Morinus lib. 2. cap. 21. num. 7. asserit , pœnas criminibus impositas , ante Novatum breves admodum fuisse , & nonnunquam sceleratissimis hominibus , pacem , & communionem certis de causis , nullâ imperatâ exteriori pœnitentiâ statim esse redditam .*

- 22 Igitur tertio sæculo severius cæpit esse forum Ecclesiæ . Plures fuere causæ : ea prima , ut Montanistis , & Novatianis , veniam delictis præsertim majoribus negandam asseren-

DISPUTATIO IX. 223

rentibus, Ecclesia mediam inire viam videretur, nec omninò veniam negans, nec statim indulgens, sed post exactum satis longum, pœnitentiæ curriculum. Altera causa fuit Hæreticorum præsertim Gnosticorum, aliorumque ipsis similium fœdissima vivendi ratio, quâ nomen Christianum ita viluerat apud Ethnicos, non satis distinguentes hæreticos à Catholicis, ut nulla eorum secta magis fœda videretur. Instituenda igitur fuit à Catholicis durior disciplina, per quam ab hæreticis discriminarentur, dignoscique facile posset vera Christi Fides, & sincera Religio. Tertia tandem causa ea fuit, quod (ut innuit Innocentius in Epist. ad Exuperium, quam allegavimus disp. 3. num. 6.) multi abutebantur Ecclesiæ benignitate, ac de reconciliatione securi facile labebantur in persecutionibus, ut vim tormentorum evaderent. Id ne tam facile contingeret severis legibus opus fuit, quibus Fideles à lapsu absterrentur.

Quamvis autem omnes Orbis terra- 23
rum Ecclesiæ, in duobus sanctissimè conven-
nerint, nempe in eo quòd tota pœnitentia,
solemnis in quatuor illas stationes alibi descri-
ptas distribueretur; & rursus in eo quod pœ-
niten-

224 CALUMNIA IX.

nitentibus quamvis reconciliatis aliqua etiā licita prohiberentur, ne videlicet relaberentur; aliqui tamen Episcopi, alia multa addiderunt, quibus debitum modum excefferunt: nec exceffere tantum, sed *in immensum* ut ipse Morinus dicit lib. 4. cap. 10. n. 1.

Excefferunt aliqui primò, quòd aliquibus gravioribus delictis, nec in morte veniam dandam putaverunt, quorum errorem, præteritis nostris disputationibus rejecimus.

- 24 Excefferunt aliqui secundò, quòd nimis facilè quorundam criminum reos, sanctissimæ Eucharistiæ usu privarunt in perpetuum, quorum rigorem correxit prius Concilium Nicenum eo canone *de his qui recedunt ex corpore antiqua regula observabitur, ut necessario vitæ suæ viatico non defraudentur*, & postea Siricius, Innocentius, alique quorum decreta alibi afferimus.

- 25 Excefferunt aliqui tertio, quod hæc Sacramentà, sin minus negarent, differrent nimis. Hos redarguit præter Soterum, & Sylvarium alibi allegatos, Leo Ep. 87. ad Episcopos per Viennensem Provinciam constitutos. *Nulli Christianorum facile Communio denegetur, nec ad indignantis fiat hoc arbitrium*
Sacer-

DISPUTATIO IX. 225

*Sacerdotis , quod in magni reatus ultionem , in-
 vitus , & dolens quodammodo debet inferre ani-
 mus vindicantis . Cognovimus enim pro commis-
 sis , & levibus verbis , quosdam à gratia Com-
 munionis exclusos , & animam , pro quâ Christi
 Sanguis effusus est , irrogatione tam sævi supplicii
 sauciatam , & inermem quodammodo , exutamque
 omni munimine , diabolicis incurfibus , ut facîle
 caperetur , objectam .*

Excefferunt aliqui quartò , quòd nimis²⁶
 graves pœnitentias imposuerunt , ut publi-
 cam occultorum etiam criminum confessio-
 nem , aut saltem pœnitentiam (de quo disp. 6.
 & 7. actum est) aliaque hujusmodi ferè hu-
 manis viribus majora .

Excefferunt aliqui quintò , quòd ægrè²⁷
 ferrent , subditos suos severiùs à se castigatos
 ad alios confugere , à quibus humaniùs tra-
 ctarentur : quo rigoris excessu videntur pec-
 casse Lemovicensis Concilii Patres , ausi Ro-
 manum Pontificem damnare , quòd *injustè* (ut
 ipsi dicebant) *absolveret , quos ipsi ligabant* , ali-
 que aliarum regionum Episcopi , quorum ,
 perpetua fuit ea querimonia , nimis facile ef-
 se ad Romanam Sedem perfugium , nec Pœ-
 nitentibus ad eam confugientibus justo labo-

P

re

226 CALUMNIA IX.

re stare remedium . Rigidioribus hujusmodi Pastoribus accensendus est Abbas quidam , Petri Blesensis stylo justissimè confixus in opusculo *de pœnit. & satisfact.* qui , ut subditos suos in officio contineret , apud se tantùm eos jusserat confiteri culpas suas, nempe apud hominem vobis simillimum , severissimum videlicet , nec satis fidelem secreti sibi commissi custodem . Prædictam Petri Epistolam, quo etiam nomine dictum opusculum circumfertur , fortè alibi afferam .

- 28 Excesserunt aliqui demum, quòd injunctam canone poenitentiam in nullo fere eventu condonandam , aut minuendam putarunt . Is fuit rigor eorum Episcoporum , quorum meminit Cyprianus Ep. 54. ægre ferentium , quòd lapsis in primo Fidei certamine , sed lapsum suum ex corde detestantibus, volentibusque in altero certamine, quod instabat , fortiùs pro Fide dimicare , statim venia concederetur . *Quòd si de Collegio aliquis extiterit , qui urgente certamine , pacem fratribus , & sororibus non putat dandam , reddet ille rationem in die judicii , vel importuna censura , vel inhumana duritiæ suæ .* Eodem spiritu importuni rigoris à recto tramite ve-

DISPUTATIO IX. 227

ræ virtutis abducti quidam alii ejusdem Africæ Episcopi , ut pariter ex Cypr. habetur ad Antonianum scribente , Cornelio Romano Pontifici succensuerunt , quod Trophimum Episcopum , Fidei paulò ante desertorem , cum populo suo , sed postea cum eodem reducem ad Ecclesiam , ex causis , quas infra recensebimus , excepit statim , absolutumque Communioni saltem laicali restituit . Nescio an idem fuerit error Luciferi Episcopi Calaritani , dum juxta aliquos Scriptores , (quamvis ab aliis vindicetur) nimis pertinaciter obstitit Alexandrini Concilii Patribus , qui consulto , imò approbante Romano ipso Pontifice , lapsos quosdam Episcopos , jam pœnitentes , sedibus suis , quibus per canones dejecti erant in perpetuum , ex justa causa statim restituendos judicarunt .

His Episcoporum , in augenda , tuenda-29
que disciplina Pœnitentiæ , tam multis excessibus palam fit primò , non omnes omnium veterum Ecclesiarum , aut Episcoporum pœnitentiales ritus laudandos esse . Palam fit secundò , nec omnes fuisse communiter receptos ab Ecclesia , quæ errare non potest . Quamvis ergo tam longam pœnitentiam ali-

228 CALUMNIA IX.

quis Episcopus nimis fortasse severus imposuerit, non indè sequitur, eam fuisse communiter impositam ab Ecclesia, quod solum nego.

- 30 Sed, inquires, eam imponit Canones utriusque Gregorii, Basilique, quos nemo sapiens erroris redarguat, cum præsertim eorum Canones universa Ecclesia receperit laudaritque. At undè habes quòd universa Ecclesia, aut Romana eos receperit? forte recepit Oriens, sed is, ut Sozomenus refert lib.7. cap.16. canonem Nestarii munus Penitentiarii abrogantis recepit: Nestarii verò prædictum canonem, nec ipse Socrates lib.5. cap.9. fatis approbat. Adderet alius, audacior quam sum ego, & undè habes non errasse utrumque, cum Gregorium, Basiliumque? cum Cyprianus, vir æque Sanctus, veniam aliquibus, etiam in morte ex nimio rigore negarit, erraritque iterum in ea celebri Baptismatis controversiâ, nec solus errarit, sed cum innumeris aliis Africæ, Ægypti, Asiæque Episcopis, inter quos erat Dionysius Alexandrinus, quem Card. Baronius vocat *illius sæculi ornamentum confessione, celebrem, eruditio-*
- 31 *ne clarissimum?* Ego tamen, eos Gregorios, Basi-

DISPUTATIO IX. 229

Basiliumque errasse nego, sed nego, tam longam ab eis pœnitentiam imponi. Proponunt illi quidem eam pœnitentiam, sed non imponunt. Quæ esset imponenda volenti penitus satisfacere, totamque pœnam extinguere, ostendunt, non autem docent, eam pœnitus debere in vindicandis culpis custodiri censuram, eam mensuram temporis, ac laborum retineri. Basiliius can. 13. sic loquitur *Cædes in bellis factas Patres pro cædibus non reputavere, ut mihi videtur, ignoscentes iis, qui pro pudicitia, & pietate decertant. Recte autem forte habet consulere, ut qui sunt manibus non puris, solâ trium annorum communione abstineant.* Hæc verba utique præceptum, aut obligationem non sonant, uti neque Canon 18. de lapsis virginibus, 30. de furibus, & 73. de Apostatis. Simili modo aut simili sensu loquutum in reliquis, par est credere. Hinc nec ipsa Ecclesia Græca eos servavit, ut fatetur Balsamon, Gæcus ipse, & prædictorum Græcorum Canonum interpret: Siquidem post Canonem Basilii 58. & 59. quibus tam longa pœnitentia imponitur adulteris, & fornicariis, ita habet. *Quæ præsentibus duobus canonibus decreta sunt, quod ad dictionem attinet, clarif-*

230 CALUMNIA IX.

fima sunt, sed tamen quoad praxim attinet, sunt omnino difficillima. NEMO enim eâ ratione curatur, quæ illic continetur, & nisi esset inenarrabilis clementis Dei misericordia, omnis caro periisset.

- 32 Quod attinet ad alios canones Pœnitentiales, negandum similiter esse videtur, omnes in universum receptos esse, tanquam leges & præcepta, quæ eas tam longas, tam plenas, labore, & pudore pœnitentias omnino imponi mandarent, sed potius tanquam regulas quasdam instructionesque, ex quibus Confessor cognosceret majorem, aut minorem culparum gravitatem, & meritum. Regulas eos vocat S. Leo epist. 90. ad Rusticum Episcopum Narbonensem. Sic etiam eos appellat Concilium Vormatiense, celebratum anno 868. Nec aliter sensisse videtur Hieronymus relat. in decreto de pœnit. dist. 1. ubi sic. *Mensuram autem temporis in agenda pœnitentia idcirco non satis apertè præfigunt Canones pro unoquoque crimine, ut de singulis dicant, qualiter unumquodque emendandum sit, sed magis in arbitrio Sacerdotis intelligentis statuunt, quia apud Deum non tam valet mensura temporis, quàm doloris, nec abstinentia tantùm ciborum, quam*

DISPUTATIO IX. 231

quàm mortificatio vitiorum. Propter quod ipsa tempora pœnitentiæ, pro fide & conversione pœnitentium abbrevianda præcipiunt, & pro negligentia protelanda. Extant tamen pro quibusdam culpis pœnitentiæ modi impositi, juxta quos cæteræ perpendendæ sunt culpæ, cùm sit facile per eosdem modos vindictam & censuram Canonum æstimare. Hinc Guglielmus Episcopus Parisiensis, celebris & præstans sui ævi Theologus lib. de pœnit. sacram. eosdem Canones Pœnitentiales secum expendens, Videntur (inquit) esse exemplaria satisfactionum pœnitentialium, ut juxta illas, vel cùm visum fuerit, aliqua de his, aut etiam ipsæ met pœnitentiæ canonicæ Pœnitentibus injungantur. Idem sentit 33

Bail in exam. Pœnitentium part. 3. quæst. 8. ubi sic. Quamvis autem aliquando obligati fuerint Sacerdotes ad discendos istos Canones, non ideo factum est, ut in foro secreto pœnitentiæ pœnas per eos peccatis decretas imponerent, sed magis, ut gravitatem peccati Pœnitentibus notam facerent, indicando eis quam graviter in foro mixto punirentur, sicut nonnunquam solemus in foro pœnitentiali gravitatem certorum peccatorum docere, dum dicimus, hæc suspendio aut igne punienda fore, si in foro externo probarentur ju-

232 CALUMNIA IX.

ridicè . Consentit. Suarius in 3. par. tom. 4. disp. 38. sect. 4. *Erant (inquit) solum regula directiva , ut illam Confessores sequerentur , quantum expedire censerent .*

- 34 Nec facit , quòd transgressoribus e. g. nubentibus post acceptam pœnitentiam , vel habitum dimittentibus , redeuntibusque ad communem vitam , infligeretur quandoque pœna gravissima : Id enim probat ad summum aliquos Canones habuisse vim gravis præcepti , non autem omnes , & præsertim eos , qui Pœnitentibus tam longam pœnitentiam imponi volebant . Dixi *ad summum* , quia re verà nec illud hoc argumento probatur , siquidem prædictæ pœnæ non infligebantur tanquam transgressoribus canonum , sed tanquam publicæ fidei , aut etiam voti contemptoribus , ut gravissimè pœniuntur Apostatæ religiosi , & ineuntes post solenne votum castitatis matrimonium , non quia extra monasterii septa legesque vivant , id enim innocenter faciunt seculares , nec quia contrahant matrimonium ; quod utique non est per se illicitum , sed quia id faciunt post votum , quo se id minimè facturos promissere : promittebant autem suscipientes solemnem pœnitentiam .

DISPUTATIO IX. 233

nitentiam eam Pœnitentium disciplinam, custodire. Hinc Sanctus Leo ad Rusticum Narbonensem, interrogatus de Monacho, qui factus fuerat miles, respondet. *Qui relictâ singularitatis professione* (idest promissione manendi solitarium, & sine conjuge) *ad militiam, vel ad nuptias devolutus est, publicæ pœnitentiæ satisfactiōe purgandus est, quia, etsi innocens sit militia, & honestum potest esse conjugium, electionem tamen meliorem deseruisse, transgressio est, electionem videlicet promissione firmatam.*

Demum vel Canones prædicti vim præ-35 cepti haberent, juberentque omnino eas tam asperas, vel longas pœnitentias imponi, vel id non juberent: id certum est, perquam paucos, & vix ullos tam severæ pœnitentiæ jugum subjisse, quia circumstantiæ temporum vel Pœnitentium, aut suadebant ne impone- rentur, aut, ut impositæ relaxarentur. Quod si evicero, habeo quod intendo: id enim initio negavi, consuevisse videlicet Ecclesiam tam longâ viginti & amplius annorum pœnitentiâ probare de facto, & exercere Pœnitentes. Quin fortè à veritate non aberrabo, si dixero per paucos annum integrum in solemni, aut publi-

234 CALUMNIA IX.

publicâ pœnitentiâ perdurasse .

- 36 Et primò Clerici omnes excludebantur à publica & solemni pœnitentiâ , ut refert Siricius Papa epist. 1 . *Pœnitentiam agere cuiquam non conceditur Clericorum* . Secundò excludebantur milites , nisi arma deponerent , quod plerique facere non poterant , ut constat ex Aug. serm. 58. de temp. Item qui publicum magistratum gerebant , nisi , quod plerisque non permittebatur , eo se abdicarent , ut patet ex ea historia , quam recitasti Ludouici pii Imperatoris . Tertiò qui annum quadagesimum non attingeret , ad eam non admittebatur , ut fanciuit Concilium Romanum sub Sylvestro his verbis *ne quis det pœnitentiam , nisi quadraginta annorum petenti* . Cùm autem peccata magis communia , & graviora , pro quibus ea tam longa pœnitentia solebat imponi , post illam ætatem vix committantur , nec emendatis pœnitentia imponeretur , cumque ex his paucissimis , qui post illam ætatem in ea delicta labebantur , essent excludendi Clerici , aliique modò recensiti , quin & innumeri alii morbis impediti , aut paupertate , ut qui terram colunt , aliasque hujusmodi artes profitentur , quibus nec vires nec tempus suppetebat
ad

DISPUTATIO IX. 235

ad ea pœnitentiæ exercitia peragenda, sequitur manifestè, perpaucos fuisse eos, quibus ea solemnitas vel tam aspera, vel tam longa pœnitentia potuerit imponi. Scio ante Sylvestrum fuisse quandoque Juvenes ad pœnitentiam admissos, sed infelici exitu, qui prædictis Sylvestri, & aliquorum inde Conciliorum decretis occasionem dedit.

Secundò. Ex his ipsis paucissimis, qui 37 possent canonicam pœnitentiam subire, plerique ejus timore absteriti se tam gravi jugo submittere recusabant. Hac de re queritur Tertullianus in lib. de pœnit. cap. 10. & 11. quamvis tunc longè minor esset pœnitentiæ rigor. *Plerosque* (inquit, agens de pœnitentia) *boc opus ut publicationem sui, aut suffugere, aut de die in diem differre præsumunt, pudoris magis memores, quàm salutis.* Tam multi tempore Cypriani erant illi, qui pœnitentiam detrectantes, aut indignè de Sacramento Altaris communicabant, aut ejecti ab Ecclesia solùm in morte cum ea reconciliari petebant, ut absterrendis primis, multis miraculis opus fue- 38 rit, quorum ipse meminit in lib. de Lapsis. *Quàm multi quotidie pœnitentiam non agentes, nec delicti sui conscientiam confitentes, immun-*
dis

236 CALUMNIA IX.

*dis spiritibus adimplentur? Quàm multi, usque ad insaniam mentis excordes dementia furore quatiuntur? Absterrendis autem secundis, alii qui Episcopi, inter quos Cyprianus ipse, necessarium putarint ferale illud decretum de ipsis nec in morte absolvendis (quod impro-
bavi disput. 3.) alterumque illud de negando saltem viatico sacramento, cujus paulò ante memini, quodque confirmarunt Patres Concilii Arelatensis celebrati paulò post tertium seculum. De his, qui apostatant, & nunquam se ad Ecclesiam repræsentant, nec pœnitentiam quidem agere quærunt, & postea infirmitate correpti, petunt communionem, placuit eis non dandam communionem, nisi revaluerint, & egerint dignos fructus pœnitentiæ. Hanc ipsam eorum temporum pravam consuetudinem detestandi asperam illam pœnitentiam testatur Cardinalis Baronius ad ann. 314. Lapforum quamplures, redditâ Ecclesiæ pace, latantes vivebant, nec de admissò impietatis scelere, moniti licet, pœnitentiam agebant. Idipsum contigit quarto seculo abeunte, & sub initium quinti, queriturque non semel S. Augustinus Resistit
39 mibi (inquit hom. 49. ex 50. hom. celebrans Theodorii Imper. pœnitentiam) filius pestilentia,*

DISPUTATIO IX. 237

tia, & erubescit genu figere sub benedictione Dei? Quod non erubescit Imperator, erubescit nec Senator, sed tantum Curialis? Superba cervix, mens tortuosa. Fortassis, immo quod non dubitatur, propterea Deus voluit, ut Theodosius Imperator ageret pœnitentiam publicam in conspectu populi, maxime quia peccatum ejus celari non potuit. Et erubescit Senator, quod non erubuit Imperator? Erubescit nec Senator, sed tantum Curialis, quod non erubuit Imperator? Erubescit plebejus, sive negotiator, quod non erubuit Imperator? Quæ ista superbia est? Idem cap. 81. Enchiridii, Nam & ipsa Pœnitentia, plerumque infirmitate non agitur, quia & pudor est, & timor displicendi, dum plus delectat hominum æstimatio, quàm justitia, quàm se quisque humiliat pœnitendo. Addit Ambrosius lib. 2. de Pœnitentia cap. 9. id evenire consuevisse, ut ii ipsi qui pœnitentiam petebant, cum acceperant, publicæ supplicationis revocarentur pudore. Quare non abs re S. Pacianus epist. 3. contra Sympronianum, quam tu allegasti, post ea verba, cui, nempe Pœnitenti, carnis interitus imperatur, cui juges lacrymæ &c. subjicit, Labor iste PAUCORUM est, qui post casum resurgunt, qui post vulnera convalescunt, qui lacrymosis
voci-

238 CALUMNIA IX.

vocibus adjuvantur, qui cum interitu reviviscunt.

40 Post quintum seculum fieri desiit in multis aut etiam plerisque Ecclesiis pœnitentia quatuor illarum stationum, quarum supra non semel meminimus. Et quidem in tota Ecclesia Græca id evenisse probat tuus Juenin part. 2. dissert. 6. quæst. 8. cap. 4. art. 1. §. 3. pag. 660. ex his rationibus, quas non contemnes, *primò nullo in canone, qui ab eo tempore editus fuerit, fit mentio artificialium Classium pœnitentiæ (nempe prædictarum stationum) Nullo in monumento reperire est hunc, aut similem loquendi modum, qui tamen antea ubique apud Orientales obtinebat: „ Qui hoc vel illo „ crimine se commacularit, tot annis in aucti-
 „ ditione, in subratione, in consistentia subsi-
 „ stet, deinde quod perfectum est consequetur „ sed simpliciter decernitur: Non communicet, segregetur, ut in Concilio Ephesino can. 6. in Calchedonenſi can. 4. necnon in plerisque Trullanæ Synodi videre est. Secundò idem colligitur ex iis omnibus liturgiis, quibus Græci à mille, & amplius annis utuntur: his nimirum in liturgiis nullum est vestigium orationis specialis, quæ ante Nectarium palam fundi solebat supra*
Pœni-

DISPUTATIO IX. 239

Pœnitentes, nec manus impositionis, quæ fiebat olim super eorum capita, nec dimissionis sollemnis, quæ fiebat finitâ eâ liturgiæ parte, quæ Catechumenorum missa dicebatur. Tertio idem concluditur ex libro Pœnitentiali Joannis jejunatoris, qui Constantinopolitano Patriarchatu labente sexto seculo præfuit. Liber ille damnat quidem quorundam criminum reos satisfactione, quæ per decem, duodecim, quindecim annos in jejniis in orationibus perduret, ante quam detur Eucharistica communio, sed nunquam edicit, ut palam omnibus peragatur injuncta pœnitentia, nunquam artificialium pœnitentiæ classum meminit. Fit quidem harum mentio in can. 87. Concilii celebrati in Trullo & in Scholiis Joannis Abbatis Raithu ad scalam S. Joannis Climaci, ut advertit Edmundus Martene de antiq. Eccl. ritibus par. 2. lib. 1. cap. 6. art. 4. num. 5. sed fortè ambo meminere earum stationum, ut moris antiqui, non autem consuetudinis, quæ tunc vigeret.

In Ecclesia Latina ea stationaria, seu artificialis pœnitentia diutiùs perseveravit, nempe usque ad seculum octavum, nonumque, & amplius, juxta Morinum lib. septimo cap. 7. sed fortè sic evenit in Gallia, & finitimis

240 CALUMNIA IX.

mis aliquibus Germaniæ regionibus , ut etiam Romæ , præsertim cum gravissima crimina punienda essent , ut patet ex exemplis ab eo adductis . Cæterùm in reliqua Ecclesia Latina , si rarum aliquem casum excipias , nec in fine quarti seculi , & initio quinti id genus pœnitentiæ usurpatum crediderim . Hoc autem ex eo conjicio , quòd cùm tam sæpe Hieronymus , Ambrosius , Augustinus , alique illorum temporum doctores de publica pœnitentia agant , eamque describant , quatuor illarum stationum , annorumque cuique attributorum non videntur meminisse , eamque totam in fletu , cilicio , cinere , publicâ coram populo supplicatione , jejuniis , secessuque ab Altare , à publicis curis & voluptatibus positam fuisse docent . Igitur præcipua pars canonici pœnitentiæ consistens in longissimis illis & plenis pudore quatuor stationibus , imponi desiit post aliquot secula , eventu aliquo rarissimo excepto , adhuc ta-

42 men tam communis fuit etiam hoc tempore horror pœnitentiæ publicæ , ut in Ecclesia Græca à quinto seculo aut sexto , usque ad nostram ætatem , vix ullum reperiatur , aut etiam nullum memorandum publicæ pœnitentiæ exem-

DISPUTATIO IX. 241

exemplum: in Ecclesia autem Latina, Episcopi non pauci octavi, nonique seculi, ne pœnitens corrueret in Ecclesia usus publicæ pœnitentiæ, implorare ceperint brachium seculare, nempe Principum potentiam, quâ qui deliquerant, ad publicam pœnitentiam cogerentur; extantque, ut bene nosti, Imperatorum hac super re decreta. Cum verò, quod violentum est, diuturnum esse non possit, brevî sua pœnitentiæ restituta libertas est, sed iterum tam rara cepit esse quam libera, nisi etiam rara fuit cum prædicti Imperatores ad eam urgebant: id enim eo ipso tempore amarè dolet & lamentatur Jonas, qui seculo nono Aurelianensem Ecclesiam gubernabat lib. 1. de institutione Laicali cap. 10. *Perrari namque sunt hodie in Ecclesia, (inquit) qui talem agant pœnitentiam, qualem antiquorum Patrum pœnitentium exempla, & authoritas canonica sancit. Quis namque criminis reus, qui utique pœnitentiâ publicâ debuit multari, cingulum militiæ deponit, & à liminibus Ecclesiæ cætuque Fidelium arcetur, & à Christi corpore separatur? Quis porro in cinere & cilicio, more pœnitentium antiquorum, lamenta pœnitudinis suscipit? Quæ sane verba, plus significant*

Q
quam

242 CALUMNIA IX.

quam volebam, nempe non solum paucos, sed neminem publicam & severam pœnitentiam eo tempore subisse in Galliarum Ecclesiis, aut etiam in Latinis omnibus: non enim dixit *in hac Ecclesia* sed *in Ecclesia*. Secutis certè temporibus usque ad sæculum duodecimum, tanta exequendi pœnitentiam canonicam desperatio incessit homines, ut ipsis ad qualemcumque suorum eriminum pœnitentiam revocandis, opus fuerit plures illos veteris pœnitentiæ annos, ad menses, imo dies & horas redigere, ut patet ex novo jure circa millesimum edito de redimendis per eleemosynas, preces, palmas, scoparum tunctiones, aliaque hujusmodi, pœnitentiis.

- 43 Tertiò, ut jam loquamur de illis paucis, qui aut ex sua pietate, aut minis Episcoporum absteriti, aut Principum vi adacti, pœnitentiæ jugum subibant, nec isti in multos annos nedum in viginti & amplius, ut putas, produxere pœnitentiam. Et primò iis qui sponte sua scelera confitebantur, magnà ex parte pœna remittebatur, ut legenti canones Conciliorum, Gregorii, Basilique constabit. Sæpe enim id cavetur, ut sponte confessis minor
pœna

DISPUTATIO IX. 243

pœna irrogetur. Id ipsum fiebat, cum Pœnitens veri doloris & emendationis signa præbebat. *Cum Pœnitentes* (inquiunt Nicœni Concilii Patres can. 11.) *cum omni timore, & lacrymis perseverantibus, & operibus bonis conversationem suam non verbis solùm, sed opere, & veritate demonstrant, licebit Episcopo humanius aliquid circa eos cogitare.* Idem monet Greg. Nyss. epist. can. ad Letojum, *si sit fide digna conversio, non servetur annorum numerus, sed temporis prolixitate resecatâ, ad Ecclesiæ restitutionem, & boni participationem compendio deducatur.* Et Innocen. 1. epist. 1. cap. 7. *De pondere æstimando delictorum, Sacerdotis est judicare, ut attendat ad Confessionem Pœnitentis, & ad fletus, atque lacrymas corrigentis, ac tum jubere dimitti, cum viderit congruam satisfactionem,* & Leo epist. 79. cap. 6. ad Nicetam Episc. *Tempora pœnitudinis, habitâ moderatione, constituenda sunt tuo judicio, prout conversorum animos prospexeris esse devotos.* Et epist. 129. novæ edit. *Pœnitentia non tam temporis longitudine, quam cordis compunctione pensanda est.* Idem colligitur ex epist. Episcopi Magalon. quam supra recitasti: nisi etiam amplior ibi facultas cuique Episcopo, imo omnibus Ec-

244 CALUMNIA IX.

clesiarum Rectoribus conceditur, liberandi videlicet Pœnitentem eo vinculo pœnæ longioris, quacunque ex causa, modo rationalis esset, & honesta. Hæc enim, ni malè recordor, fuerunt suprema ejus epistolæ verba: *de pœnitentia etiam sibi injunctâ, secundùm quod ratio exigit, benignè relaxetis.* Erat igitur in manu cujusque, longissimam contrahere pœnitentiam, quam qui protrahebat ad plura lustra, non Ecclesiæ severitatem, sed socordiam suam incusare debebat. **44** Secundò quem merita propria non commendabant, non rarò commendabant aliena, faciebantque ut lapso quamvis in gravissima scelera, venia non admodum differretur. Eâ benignitate cum Pœnitentibus usa est sæpissimè vetus Ecclesia, pro ea summa reverentia, quâ habebat Martyres, Confessoresque, pro Pœnitentibus intercedentes. Martyres autem vocabantur etiam ii, qui pro fide nondum vitam profuderant, sed sanguine in tormentis profuso, detinebantur in carcere, ut ultimo supplicio afficerentur, Confessores autem dicebantur, qui confessi Christum erant, & carceri mancipati, nondum tamen susceperant in quæstione tormenta, ut Card. Baron. ad ann. 253.

DISPUTATIO IX. 245

ann. 253. Hos igitur, aut utrosque, aut alterutros adibant Lapsi, ut commendatitias ab eis ad Episcopos litteras acciperent. *Consueverunt illi* (inquit Card. Baron. ad ann. cit. loquens de Lapsis) *detentos in carcere adire Martyres & Confessores, ab eisdemque pacem petere, rogare veniam, & supplices ab eisdem ad Episcopos, & ceteros Sacerdotes accipere litteras, quibus in consortium piorum admitti peterent.* Nec ii soli, qui lapsi in Fidei quæstione erant, 45 id perfugium habebant, sed omnis generis Penitentes, ut refert Tertullianus factus Montanista, de pudicitia cap. 20. *Ut quisque ex confessione vincula induit, adhuc mollia, in novo custodiæ nomine statim ambiunt mæchi, statim adeunt fornicatores: jam preces circumsonant, jam lacrymæ circumflignant maculati cujusque, nec ulli magis aditum Carceris redimunt quam qui Ecclesiam prodiderunt.* Subdit autem Cardinalis Baronius loc. cit. *tantâ reverentiâ & timore, non Laici tantum, sed & Clerici, ac ipsorum præsertim Episcopus, Martyres & Confessores in carcere detentos prosequi consueverant, ut ab illorum rogatione desciscere, & quos illi litteris commendassent despiciere invidiosum nimis & asperum censeretur.* Innumeris pro-

246 CALUMNIA IX.

inde hac viâ facillimus adveniam patuit aditus, ita ut rogandi tandem fuerint Martyres Confessoresque, ne tam multos tam faciliè Episcopis commendarent, ut patet ex Cyp. 46 epist. 11. Tertiò cum propria merita deerant, nec aliena juvabant, indultum sæpe fuit ex timore inferendi majus detrimentum, nempe ex ipsa Pœnitentium imbecillitate, quorum ingens numerus periisset, si canonica fuisset eis imposita pœnitentia. Hac de causâ fuit statim receptus ut supra diximus cum suo populo Trophimus Episcopus à Sanctissimo Pontifice Cornelio, qui proinde male audit apud quosdam Episcopos Africæ, veluti nimis benignus, sed à S. Cypriano fuit egregiè defensus epist. 52. ad Antonianum ita scribens. *Nam sicut Antecessores nostri SÆPE fecerunt, colligendis fratribus nostris carissimus frater noster Cornelius necessitati succubuit, & quoniam cum Trophimo pars maxima plebis abscesserat, redeunte nunc ad Ecclesiam Trophimo, & satisfaciente, & pœnitentia deprecationis errorem pristinum confitente, & fraternitatem, quam nuper abstraxerat cum plena humilitate & satisfactione revocante, auditæ sunt ejus preces, & in Ecclesiam Domini, non tam Trophimus, quam*

DISPUTATIO IX. 247

quam maximus fratrum numerus, qui cum Trophimo fuerat, admissus est, qui omnes regressuri ad Ecclesiam non essent, nisi cum Trophimo comitante venissent.

Quod Cornelius cum Trophimo, & antecessores Episcopi cum aliis sæpe fecerunt, fecere successores, nempe Concilium Antiochenum cum Samosateno, Melchiades Papa cum Donatistis, Nicænum Concilium cum Novatianis, Alexandrinum, confirmante Liberio Papâ, cum Episcopis Arianis, alique Patres, in id præsertim intenti, ut qui reconciliabantur, veteres errores ex corde damnerent, eam publicam eorum damnationem loco penitentiae habentes, ut patet ex Concilio Laodicensi, quod præter prædictam damnationem, nihil injungit aliud: sic enim habet can. 7. *De his qui ab Hæreticis convertuntur, idest Novatianis, aut Photinianis, aut Tesseradecatis, sive baptizati sint illi sive Catechumeni, non ante suscipiantur, quam omnes hæreses anathematizent, & præcipue illam, qua detinebantur, & tunc demum hi, qui apud eos dicebantur Fideles, nostræ doceantur fidei Symbolum, & uncti sacro Chrismate sic Mysteriis communicent sacrosanctis.*

248 CALUMNIA IX.

- 47 Benigna hujusmodi praxis, suadente experientiâ paulatim invaluit, ut exceptis insignioribus delictis, reliqua omnia fuerint statim pœnitens remissa, & pœnitentia non ita longa purgata. Seculo octavo S. Bonifacius Moguntinus Episcopus, hoc statutum edidit. *Quia varia necessitate præpedimur canonum statuta de reconciliandis Pœnitentibus pleniter observare, propterea omnino non dimittatur, curet unusquisque Presbyter statim post acceptam confessionem Pœnitentium, singulos data oratione reconciliari.* In Ecclesia Aurelianensi, seculo nono vix ulla à Pœnitentibus publica pœnitentia exigebatur, deque hoc tanquam de communi consuetudine queritur, & expostulat cum populo suo Jonas Aurelian. Episc. per hæc verba in loco superius citato, *Priscis religionis nostræ temporibus, dum quis secundum constitutum sibi à Sacerdote, usque ad satisfactionem cilicio indutus & cinere conspersus, habitu incultus, bumi prostratus, lacrymisque profusus videbatur, statim pœnitens esse agnoscebatur, utque ei à Domino ignosceretur, ab omnibus deprecabatur. Nunc autem in catu Christiano idcirco vix pœnitens agnoscitur, quia*
PENE NIHIL HORUM ERGA PŒNITEN-

DISPUTATIO IX. 249

NITENTES AGITUR. Et tamen eorum quoque temporum canones Pœnitentiales, severissimi sunt. Quid quod idem Morinus à communi eà regulâ tam longæ & severæ pœnitentiæ innumeros excipit lib. 5. cap. 6. ubi sic. *Cum urgebat periculum mortis, aut reformidabatur salutis animæ perniciēs, veluti cum periculum erat, ne capitalium peccatorum rei ad Hæreticos, aut etiam Gentiles transfugerent, aut grave aliquod incommodum Ecclesiæ crearetur, absolutio statim post confessionem peccati, & veræ resipiscentiæ demonstrationem, aut brevè exactâ pœnitentiâ concedebatur*. Adeo, quamvis severa lex esset, fuit semper praxis benigna, vel saltem minus severa, quam vos putatis, qui solas veteres leges recolitis, & ex legibus mores æstimatis.

D. R. Norunt omnes; ex legibus non satis colligi praxim. At ego facta & non solos canones Ecclesiæ veteris in aciem eduxi.

D. D. Facta quidem aliqua produxisti, 48 sed quàm pauca illa sunt pro tot seculis, nempe facta septem vel octo pro totidem seculis. Quod autem mirabilius est, nullum ex ipsis id quod intendis evincit, sed omnia, aut inutilia sunt, aut contraria. Expendamus singula.

250 CALUMNIA IX.

la . Refert quidem Ambrosius , se *cognovisse quosdam , continuis fletibus exarasse genas , stravisse corpus suum calcantulum omnibus &c.* Non tamen refert id facere coactos eos fuisse , ut canonicam penitentiam adimplerent: id enim contra canones factum fuisset , cum cautum esset, ut horum sic dolentium penitentia, non solum perpetua ne esset , sed nec admodum longa . Agit igitur Ambrosius de voluntariis Penitentibus, qualis absque dubio David fuit, aliique innumeri , quibus Ecclesiastica abundat historia , qui rigidissimam usque ad mortem , & plusquam canonicam penitentiam , solo impellente canone Charitatis peregerunt . Præterea *quosdam* novit Ambrosius tamdiu Penitentes, nempe aliquos perpaucos. Non igitur is erat Ecclesiæ mos, ut viginti & amplius annorum penitentiâ rei plecterentur . Cum enim etiam tum ea gravissima delicta , quibus tot annorum penitentiam canones decernebant , non rarò patrarentur, & forte frequentius , quam modò , ut alibi ex eorum temporum Scriptoribus ostendam , jam non *quosdam* , sed satis multos , tamdiu penitentes agnovisset Ambrosius .

49 Pœnitentia quam describit Joannes Climacus,

DISPUTATIO IX. 251

macus, est penitentia Religiosorum, quam ex jure & lege propria illius Monasterii, non autem ex lege & jure communi Ecclesiæ, persolvebant qui gravissimo aliquo delicto professionem religiosam violaverant, ut est ea pœna, quæ etiam modò plectuntur in Ordine Religioso Apostatæ, vel gravissimæ alterius culpæ rei. Non igitur eâ narratione evincitur quod intendis.

Ex gravissima pœna, quæ solet inligi 50 Penitentibus, si contraherent Matrimonium, vel militiam repeterent, nihil probari ostensum est supra. Addo, hoc ipso vinculo relaxatos facile fuisse Penitentes, cum gravis causa suasset. Hinc Leo Papa, scribens Gale-rio Episcopo Tripolitano, relatus à Gratia-
no 33. quæst. 2. relaxavit eo vinculo ejus re-
gionis gentem, quæ alioquin Penitentia re-
medium recusasset. Eadem benignitate usus
est idem Pontifex scribens ad Rusticum cum
quibusdam, qui metu mortis imminantis,
cum Juniores essent in Penitentium Ordi-
nem cooptati, postea, ne laberentur in forni-
cationem, Matrimonium contrahebant. Hanc
& similem veniam, solitam facile præberi ab
Episcopis, innuunt satis ea Divi Augustini
verba

252 CALUMNIA IX.

verba ferm. 58. de temp. rejicientis quorundam impenitentium excusationem. *Fortè est aliquis qui dicat, ego in militia positus sum, Uxorem habeo, & ideo pœnitentiam agere quomodo possum? quasi nos quando pœnitentiam suademus, hoc dicamus, ut unusquisque magis sibi capillos studeat auferre, & non peccata dimittere, & vestimenta potius evellat quam mores.*

- 51 Quod ipsum constat ex pœnitentia Theodosii, qui eâ perfunetus nec abstinuit à publicis curis, nec à bellis gerendis, nec à gestandis insignibus suæ dignitatis, aliisque hujusmodi, à quibus pœnitentes abstinere jubebantur. His ergo legibus post pœnitentiam fuit absolutus, uti aliis multis dum ipsam perageret, quamvis cum eo actum durius fuisse ineruditi credant. Delictum ille commiserat adeò publicum, adeò enorme, adeò multiplex, ut nec centum annorum pœnitentiâ dilui posset. Peccarant quidem in Imperatorem Thessalonicenses, sed aliqui tantum ex ipsis peccarant, nempe pauci seditiosi, nec publico consilio, iique ipsi pauci dederant pœnas, ut habet Costerius in vita Ambrosii. Intercedentibus pro ea Urbe pluribus

DISPUTATIO IX. 253

ribus Episcopis, ipsoque Ambrosio, veniam se daturum promiserat Imperator, quam tamen adeò non dedit, ut crudelius de ea Urbe supplicium sumere vix posset. Occisi enim sunt ad septem millia Theſſalonicenſium ſine ullo delectu, ſed, ut diſcurrentibus per Urbem militibus ſeſe offerebant, Juvenes Senesque, indigenæ, advenæque; immo, ut in Theatrum per deteſtabilem proditionem fuerant à Magiſtratibus ad Circenſes Ludos invitati, nempe, ut ſimul in caveam collecti, & nil minus cogitantes, inermesque, faciliùs occidi poſſent. Cum uni homicidio tot annorum pœnitentia, ut dicis, imponi ſoleret, quam longa imponi debuiffet pro ſeptem millibus homicidiis innocentium ſubditorum, cum tanta feritate, fraude, perfidia, commiſſis? Nec unius tamen pœnitentiæ diem indixit Ambroſius, ſed per epiſtolam plenam obſequio quam recitat Card. Baronius id factum referens, cum, ne ad Eccleſiam, oblaturus, & communicaturus accederet, admonuit, accedentemque removit, quorum neutrum omitti vix poterat ſine ingenti ſcandalo. Id enim eo tempore ſine ullo diſcrimine præſtabant omnes, qui enormi, & publico

rius VII. Henricum subegit, dicent eruditi omnes, qui norunt, quot & quanta ille Imperator in Pontificem in Ecclesiam, in Deum deliquerat; Nec valdè gravis ea habebitur, quæ alteri Henrico Angliæ Regi post impiam Sancti Archiepiscopi necem, à suis satellitibus perpetratam, fuit imposita; si perpendantur ingentia demortui Præfulis in regnum, & Ecclesiam merita, eaque innumera, & gravissima mala, quibus tot annis fuit à Rege vir sanctissimus totâ Europâ exagitatus, & millies pravâ voluntate occisus, quibus omnibus culpis eluendis, fuit ei pœnitentia, quam descripsisti, imposita, ærario gravior quàm corpori, quam an fuerit executus, ignoro. Nec ego is sum, qui valde graves pœnitentias olim fuisse quandoque impositas, negem; sed nego tam graves fuisse pro quibuslibet gravibus, aut etiam gravioribus impositas, & pernego eas non fuisse plerumque remissas, sed executioni mandatas. Executionem certè non habuit pœnitentia Ludovico Pio Imperatori imposita, nec, si habuisset, posset utiliter hæc in exemplum afferri, cùm constet, eam fuisse à factiosis Episcopis, adnitente Lothario ejus filio, regnandi

DISPUTATIO IX. 257

gnandi cupido, injustè impositam.

Justa fuit ea quam Edgardo Angliæ Regi S. Dunstanus inflixit: eaque, quam S. Romualdus imposuit. sed id factum fuit à sanctissimis illis viris, non ex lege communi, sed Deo interiùs impellente, ut in Ecclesia, sicut reliquarum virtutum abundant exempla, ita extaret aliquod pœnitentiæ rigidioris exemplum: cùm cæteroqui humano iudicio culpandus non videretur Otho Imperator, ejusque exercitus Dux, dum Crescentium, receptum quidem in fide, sed iniquissimum Tyrannum, & nova semper contra S. Sedem moliturum, ipso impellente, qui factum probare posse videbatur, neci dederunt.

Ex his igitur quæ produxisti antiquita-54
tis exemplis, non eminet ea, quam animo præconceperas, veteris Ecclesiæ in imponendis pœnitentiis, eisque exigendis severitas, cùm plura ego produxerim veteris benignitatis, in condonandis, aut minuendis, aut relaxandis pœnitentiis exempla. Verùm volo tecum esse humanior; fuerit Ecclesia vetus, non solum severior, quam præsens, in sceleribus vindicandis, quod est indubitatum, sed

R

fuerit

258 CALUMNIA IX.

fuerit plusquam fevior , nec solum alicubi , quod etiam indubium est (nullum enim Ecclesię seculum caruit Episcopis rigidioribus , ut nullum caruit benignioribus) sed ubique , severissima fuerit, quid , rogo, ex hoc colligitis Rigidi Doctores ? Aliquid profectò intenditis , dum semper obtruditis Canones antiquę disciplinę , dum semper pœnitentias illas viginti , & amplius annorum memoratis . Num ut videamini eruditi ? non laudo vanitatem . Num ut erudiatis ? laudo charitatem . Num ut Fideles ad severam , sed liberam, & spontaneam suorum scelerum vindictam excitetis ? Iterum laudo charitatem , & alieni profectus amorem . Num (quod suspicor valdè (ut Confessarios ad easdem modo imponendę pœnitentię leges servandas inducatis ? damno, detestorque importunam severitatem .

D. R. Cur importunam eam vocas ?

55 *D. D.* Causas afferam , cum calumnias, quibus præsenti Ecclesię benignitatem in invidiam vocatis , reiiciam . Nunc satis sit eam innuere , nempe , non easdem diversis temporibus leges congruere *Multa sunt* (inquit S. Leo Papa Ep. 90. ad Rusticum Narbonen-

DISPUTATIO IX. 259

bonensem) *quæ aut pro necessitate temporum , aut pro consideratione ætatum , oportet temperari .*

D. R. Nunquam igitur nobis modò utendum erit severitate , & leves semper pœnitentiæ injungendæ .

D. D. Id ego non assero , nec ista præ-⁵⁶sentis Ecclesiæ praxis est . Injungantur graves pœnitentiæ , sed non quas prædicas à veteri Ecclesiâ impositas , viginti , & amplius annorum , quas videlicet , nunquam aut vix unquam vere factas ostendi , & sine fructu in aliquibus Regionibus impositas fuisse ostendam . Injungantur graves , quæ videlicet nunc habentur graves , ut sunt jejunium aliquod , notabilis eleemosyna , Templi non ita proximi visitatio , nec brevis oratio , Sacramentorum semel saltem in mense perceptio , salutaris libri quotidiana lectio per Hebdomadam , aut mensem , quæ cum graves pœnitentiæ nunc habeantur , jam de gravitate delicti sui pœnitentem docent , monentque non esse leve , quod commisit : id enim debere eum per pœnitentiam moneri Concilium Tridentinum innuit sess. 14. cap. 8. dum vult , eam esse imponendam , ne Pœ-

260 CALUMNIA IX.

nitentes peccata leviora putantes in graviora labantur . Injungantur graves, quæ revocent à peccato, ut idem vult, sed quæ non revocent à Penitentię Sacramento, ut charitas postulat ,
 57 graves inquam pro gravitate criminum , & , ut idem Concilium subdit , pro facultate penitentium . Neque enim (ut bene Chrysostomus lib.2. de Sacerdotio) temere ad delictorum modum oportet , & multam ipsam adhibere , sed tanquam conjecturis quibusdam explorandus est delinquentis animus , ne fiat, ut dum consuevit quod interruptum est , scissuram deteriore facias , ac dum eum , qui lapsus est erigere atque emendare studeas , casus ipse major per te reddatur . Nam qui infirmi sunt , ac remissi , & magnâ ex parte , Mundi hujus deliciis illecebrisque illaqueati , quique à generis claritate , à potentia , atque opibus habere se putant , undè animos maguopere tollant , si sensim ac paulatim peccatorum correctionem adhibeas , possint utique si non penitus , attamen parte aliquâ eximere se , ac liberare malis peccatisque quibus occupantur , quos si iustâ statim animadversione emendes , fiet , ut minori etiam illâ correctione , quam sustinere poterant , priores . Humanus enim animus , postea quam verecundiæ fines semel transire coactus

DISPUTATIO IX. 261

Etus est, in indolentiam delabitur: tum autem, neque blandis verbis paret, neque minis flectitur, neque beneficiis movetur. Quo circa, multū quidem opus est Pastoris prudentiā, sexcentis etiam, ut sic dicam, oculis, ut rectē undique humani animi habitum circumspicere possit. Igitur 58
si Pœnitens repugnat, aut illibenter consentit, minuendum erit onus impositum, ejusque non humeris tantum, nempe viribus corporis, sed animi etiam viribus attemperandum. Si præsertim Pœnitens ex iis non sit, qui semel tantū in anno, & potius ex metu censure, aut infamie accedunt, quā ex amore salutis suæ, cum his enim forte severiùs agendum sit, ut ipsa severitate animus ipso- rum, ac dispositio exploretur.

Demum, quandoquidem veteres cano. 59
 nes pœnitentiales renovari tam ardentē cupis, unum ut renoves, non permittam tantū, sed hortabor. Primus hic est in libris Pœnitentialibus veteris Ecclesiæ, eoque mo-
 nentur Confessarii partiri pœnitentiam cum Pœnitentibus, ita ut quoties ipsos jejunare jubent, jejunent cum ipsis *una aut duabus Hebdomadis, aut quantum possunt.* Sic habet
 liber Pœnitentialis Egberti Eboracensis, alii-

que à Morino recitati post suum opus de pœnitentia . Sic habent liber Pontificalis Monasterii Gemmeticensis , aliique allati ab Edmundo Martene de antiq. Eccl. rit. part. 2. lib. 1. Hæc autem sunt omnium verba . *Quotiescumque Christiani ad pœnitentiam accedunt , jejunia damus , & nos communicare debemus jejuniis unâ aut duabus hebdomadis , vel quantum possumus , ut non dicatur nobis quod Sacerdotibus Judæorum dictum à Domino Salvatore . Vae vobis legisperitis qui aggravatis homines , & imponitis super humeros eorum onera gravia & importabilia : ipsi autem uno digito vestro non tangitis sarcinas ipsorum : Non enim potest sublevare cadentem sub pondus , nisi inclinaverit se , ut porrigat ei manum* Necesse ergo nobis est , sollicitos nos esse pro peccantibus , quia sumus alterutrum membra . Et si compatitur unum
60 *membrum , compatiuntur omnia membra.* Sit hujus generis rigor vester , in alios amore mixtus , in vos severus totus : sit is , quem certè non præfertis . Id enim displicet omnibus qui vobiscum versantur . Vident vos eò benigniores vobiscum , quò rigidiores estis cum aliis . Non hæc incedentium per vestigia Patrum , ut incedere jactitatis , praxis est . Si
gra-

DISPUTATIO IX. 263

graves illi pœnitentias imposuerunt aliis, gravissimas ipsi subiere. Cum de sua pœnitentia dubitarunt, an à justa mensura deficeret, an justam excederet, excessum malvere quam defectum; at, cùm hoc de pœnitentia, quam imponebant aliis, dubium incidisset, deficere malvere quam excedere, ex nimia misericordia, deflectere de recto tramite, quam ex nimia severitate: tutius esse judicâtes in hac re de qua agimus non quod esset rigidius, sed quod esset benignius. Horum exemplo, ut arbitror, instructus S. Thomas, *Tutius est* (in- 61 quit opusc. 65.) *ponere pœnitentiam minorem debito, quàm majorem, quia melius excusamur apud Deum propter multam misericordiam, quàm per nimiam severitatem.* Et Gerson Parisiensis Cancellarius, *Tutius est cum parva pœnitentia, quæ sponte suscipitur, & veresimiliter adimpletur, ducere confesos ad Purgatorium, quàm cum magna non implenda, præcipitare in Infernum.* Quam sanè doctrinam approbat in Istruptione pro Confessariis magnus ille dux animarum Franciscus Salesius tam cum aliis benignus, quàm secum rigidus, oleo Christi perunctus, non felle Phariseorum, quibus pubellè comparat rigidos Sacerdotes Joannes

264 CALUMNIA IX.

62 Chrisostomus, vel alius quicumque est Auctor operis imperfecti hom. 43. ad caput 23. Matth. explicans ea verba, *Alligant autem onera gravia, & importabilia, & refertur in Decreto 26. quæst. 6. Tales sunt* (inquit laudatus Pater Phariseos indigitans) *nunc & Sacerdotes qui omnem justitiam populo mandant, & ipsi nec modicè servant: videlicet non ut facientes sint justi, sed ut dicentes appareant justi. Tales sunt & qui grave pondus venientibus ad pœnitentiam imponunt, qui dicunt, & non faciunt, & sic dum pœna præsentis pœnitentiæ fugitur, contemnitur pœna peccati futura. Sicut enim si fascem super humeros adolescentis, quem non potest lajulare posueris, necesse habet, ut aut fascem rejiciat, aut sub pondere confringatur, sic & homini, cui grave pondus pœnitentiæ imponis, necesse est, ut aut pœnitentiam tuam rejiciat, aut suscipiens, dum sufferre non potest, scandalizatus amplius peccet. Deinde etsi erramus modicam pœnitentiam imponentes, non ne melius est propter misericordiam rationem reddere, quam propter crudelitatem? Ubi enim Pater-familias largus est. dispensator non debet esse tenax. Si Deus benignus est, ut quid Sacerdos ejus austerus? Vis apparere Sanctus? circa vitam tuam esto austerus, circa alienam benignus.* CA-



CALUMNIA X.

Per vim fuere Fideles veteris Ecclesiæ ad publicam, & severissimam Pœnitentiam compulsi.

DISPUTATIO X.

Doct. Rig.



ID quidem primis Ecclesiæ seculis factum fortasse non fuit, factum autem fuisse post sextum aut septimum seculum in tota aut fere totâ Ecclesiâ, docent Ecclesiastici Scriptores probatissimi, qui certè calumnias texere noluerunt.

Doct. Discr. Scriptores Ecclesiasticos legi omnes, aut plerosque, id autem ab Ecclesia

266 CALUMNIA X.

1 *sia fieri unquam solitum , non legi .*

D. R. At id expressè docent Concilio-
rum, veterumque Canonum Collectores . Et
primò docent expressè , fuisse eos , qui moniti
pœnitentiam publicam recusassent , ad eam
per excommunicationem compulso , nec
eam tantùm , quâ Eucharisticâ Communionem
privarentur , quæ sola fuit ordinaria & fre-
quens per aliquot sæcula excommunicatio ,
sed eam , quâ ab omni humanâ consuetudine
arcerentur , inque eas redigerentur angustias,
2 in quibus vivere vix possent . Inter Capitula,
quæ Carolo Magno jubente ex Capitulis Pa-
tris , & Patru collecta sunt , est illud , quod
habetur Capitularium lib.7. cap.33 1. & affer-
tur ab Isaaco Lingonensi tit.4. cap. 14. *Incesti-
dum in ipso detestando , atque nefando scelere ma-
nent , non inter Fideles Christianos , sed inter
Gentiles , aut Catechumenos , vel Energumenos
habeantur , idest cum Christianis non cibum su-
mant , non potum , non in eodem vasculo edant ,
aut bibant , sed soli hoc faciant : non osculentur ,
aut salutentur ab eis . Et si suis Sacerdotibus ino-
bedientes extiterint , & à tam nefandissimo scele-
re segregari , atque ad publicam pœnitentiam re-
dire noluerint , inter eos habeantur , qui spiritu
peri-*

DISPUTATIO X. 267

periclitantur immundo, vel etiam inter eos, de quibus ipsa Veritas dicit, si te non audierit &c.

Theodulphus Aurelianensis Episc. in ³ epist. monitoria ad Presbiteros diœcesis suæ epist. 26. *Si quis perpetrato perjurio aut quolibet criminali peccato, timens Pœnitentiæ longam ærumnam, ad confessionem venire noluerit, ab Ecclesia repellendus est, sive à Communione, & consortio Fidelium, ut nullus cum eo comedat, neque bibat, neque oret, neque in suam eum domum recipiat. Idem statuit Hincmarus Remensis Archiep. in capitulis, quæ observanda tradit Episcopatus sui Presbyteris, & referuntur tom. 3. Conc. Galliæ cap. 1. addens eâ pœnâ reum mulctari debere si ad pœnitentiam venire noluerit infra quindecim dies post monitionem. Pœnitentiale Rom. tit. 1. cap. 11. post explicatam gravissimam pœnam uxoricidæ infligendam addit *sin aliter feceris, & Sanctæ Matris Ecclesiæ salubre consilium despexeris, ipse tibi sis iudex, & in laqueum Diaboli, quo irretitus teneris, maneat, sanguisque tuus sit super caput tuum, & sub indissolubili anathemate permaneat, donec Deo, & Sanctæ Ecclesiæ satisfacias. Anno 884. regnante in Francia Carolo-Manno Ludovici Balbi filio, in Con-*
ventu*

268 CALUMNIA X.

ventu Bernensi ab Episcopis & Abbatibus cap. 5. id statutum est de bonorum alienorum Raptore, *Episcopus semel & bis atque tertio, si neceſſe fuerit vocabit illum ſuâ admonitione per ſuum Præſbyterum canonicè ad emendationem, & ad pœnitentiam, ut Deo, & Eccleſiæ ſatisfaciat, quam læſit. Si autem deſpexerit . . . feriat illum paſtorali virgâ, hoc eſt ſententiâ excommunicationis, & à communione Sanctæ Eccleſiæ, omniumque Chriſtianorum ſit ſeparatus uſque ad congruam ſatisfactionem & emendationem.* Idem tribus poſt annis minatur inceſtuoſis impœnitentibus Concilium Colonienſe. In Hiſpania Regnante Ferdinando I. in Concilio Coyacenſi anno 1050. can. 4. ſtatuitur ſimiliter, *ut omnes Archidiaconi, & Præſbyteri ſicut ſacri canones præcipiunt, vocent ad pœnitentiam adulteros, inceſtuoſos, ſanguine mixtos, fures, homicidas, maleficos &c. & ſi pœnitere noluerint, ſeparentur ab Eccleſiâ, & à communione.*

- 4 Hac ratione primùm, nempe minis graviffimæ pœnæ ſpiritualis, conjunctæ cum pœna temporali civilis ſegregationis à reliquis fidelibus, compulſi olim fuere ad pœnitentiam, qui deliquerant. Sed his non ſatis
per-

DISPUTATIO X. 269

permoventibus, ventum est ad vim manifestam, quam quia inferre non poterant Episcopi Ministrorum ad id necessariorum copiâ destituti, Principum auxilium implorarunt, obtinueruntque. Istius consuetudinis vestigia nonnulla deprehenduntur in legibus veterum Christianorum Imperatorum, & in quibusdam Episcoporum postulationibus. Verùm ab anno 700. consuetudo ista fuit frequentissima, ejusque extant permulta testimonia. Capitular. lib. 5. cap. 149. *Quicumque propriâ uxore derelictâ vel sine culpa interfecta, aliam duxerit, armis depositis, publicam habeat pœnitentiam & si contumax fuerit, comprehendatur à Comite, & ferro vinciatur, & in custodiam mittatur, donec res ad nostram notitiam deducatur.* Carolus Calvus in Concilio Sueffionensi cap. 10. act. 7. tom. 3. Concil. Galliæ ann. 853. hanc legem condit, vel potius renovat. *Missi nostri omnibus Reipublicæ Ministris renunciunt, ut Comes, vel Reipublicæ Ministri, simul cum Episcopo uniuscujusque Parochiæ, sint in Ministeriis illorum, quando idem Episcopus suam Parochiam circumjerit, cum Episcopus eis notum fecerit. Et quos per excommunicationem Episcopus adducere non poterit,*
ipse

ipsi regia auctoritate & potestate ad pœnetentiam, vel rationem, atque satisfactionem adducant. Concilium Moguntinũ sub Rabano can. 28. Ut Episcopi incestuosos pœnitus investigare studeant omnino decrevimus. Qui si pœnitere noluerint, ab Ecclesia expellantur. Quod si Sacerdotum admonitionibus noluerint aurem accõmodare volentes in pristinis perdurare criminibus, oportet eos per secularis potentiaẽ disciplinam à tam pravã consuetudine coerceri. Similis canon legitur in Concilio Turonensi sub Carolo cap. 41. lib. 2. Capitul. cap. 43. Burcardo lib. 7. cap. 29. Vormatiensi Concilio cap. 79. Quod
 5 *in his locis contra incestuosos, contra omnes perditos statuitur in Concilio Sueffionensi cap. 12. & apud Juonem part. 9. cap. 65. ubi sic. Obtentum est etiam à Devotissimo Principe, ut incesti, & quilibet alii perdit, examen Episcoporum refugientes, per Iudices publicos ad eorum præsentiã deducantur, ne alterius illecebram peccati nutriet impunitas vitiorum. Sed nihil legi potest illustrius in hanc rem lege Arnulfi Imperatoris, quæ refertur can. 3. Concilii Triburiensis, quod celebratum est anno 895. Idcirco non potentiam ostendentes, sed justitiã exhibentes, præcipimus omnibus*
regni

DISPUTATIO X. 271

regni nostri Comitibus, postquam ab Episcopis anathemate excommunicationis percelluntur, & tamen ad penitendum non inclinantur, ut ab ipsis comprehendantur, & ante nos perferantur, ut qui divina judicia non verentur, humanā sententiā feriantur &c. Si tam rebelles fuerint, ut comprehendentibus repugnare studuerint, & in tali temeritate interfecti fuerint, judicio Episcoporum interfectis nulla imponatur penitentia. Comprehensi autem à Regiis Ministris, carcere claudebantur, & subinde vapulabant, si præsertim essent Clerici, Monachi, aut servi; hi quia non erant ingenui, illi verò quia majori supplicio digni censebantur, nec habendi ut ingenui, postquam Ecclesiasticum principatum, ad quem erant evecti, suis moribus dehonestarant. Capitularium lib. 7. capitulo 311. statuimus, ut quisquis servorum Dei, vel ancillarum Christi in crimen fornicationis lapsus fuerit, quod in carcere penitentiam faciat in pane & aqua & si ordinatus Presbyter sit, duos annos in carcere permaneat, & ante scorticatus & flagellatus videatur, & Episcopus adaugeat. Si eum Clericus vel Monachus in hoc peccatum inciderit, post tertiam verberationem, in carcerem missus, vertentem annum

272 CALUMNIA X.

annum ibi penitentiam agat . Similiter & Nonnates velatæ eadem penitentiâ teneantur . Hoc autem statutum fuerat in Synodo Liptinensi celebratâ ann.742. & inde sumptum , ut patet ex lib. 5. capitul. cap. 2. Libro autem 7. cap. 330. & Isaacus Lingonensis tit.4. cap.13. Si autem servus vel Ecclesiasticus fuerit , publicè flagelletur ac decalvetur , & juxta proprii Episcopi jussionem , penitentiam publicè & canonicè gerat . Nempe ut dicitur in capitularibus Caroli Calvi , propter metum aliorum & ut vel inuiti , penitentiam corporaliter & temporaliter

7 *agant , ne æternaliter pereant . Reliqui vero nempe sæculares , multo jejunio & oratione purgabantur, unde Gregorius II. ad Leonem Isauricum Imperatorem scribit in hæc verba . Vides Imperator , Pontificum & Imperatorum discrimen . Si quispiam te offenderit , domum ejus publicas & spolias , solam illi vitam relinquens , tandemque illum vel suspendio necas vel capite truncas , vel relegas , Pontifices non ita , sed ubi peccaverit quis , & confessus fuerit , suspendii , & amputationis loco , Evangelium & crucem ejus cervicibus circumponunt , eumque tanquam in carcere , in secretaria sacrorumque vasorum æraria conjiciunt , in Ecclesiæ Diaconia,*

DISPUTATIO X. 273

nia, & in catechumena ablegant, ac visceribus eorum jejunium, oculisque vigilias, & laudationem ori ejus indicunt: cumque egregiè castigant, probèque fame afflixerint, tum pretiosum illi Domini corpus impartiunt, & sancto illum Sanguine potant; & cum illum vas electionis restituerint, ac immunem peccati, sic ad Dominum purum insontemque transmittunt. Hæc 8

Pœnitentium incarcerationio fiebat præsertim initio Quadragesimæ. Hinc veterum librorum Pœnitentialium, sed Sacramentariorum commune illud exordium, Ordo agentibus publicam pœnitentiam. Suscipis eum quartâ feriâ mane in capite Quadragesimæ, & cooperis eum cilicio, oras pro eo, & includis usque ad Cœnam Domini.

Diutius retineri asperiusque tractari voluit Basilii, præsertim Clericum, Monachumque obscenâ aliquâ levitate sordidulum mandans, ut refert Petrus Damiâni in suo Gomorrhiano, & Ivo part.9. Decreti cap.93. Ut publicè verbèretur, & coronam amittat, decalvatusque turpiter sputamentis obliniatur in facie, vinculisque arctatus ferreis, carcerali sex mensibus angustia maceretur, & triduo per bedomodas singulas ex pane bordeaceo ad vesperam 9

S
refi.

274 CALUMNIA IX.

reficiatur . Post hæc aliis sex mensibus sub senioris spiritualis custodiâ in segregata curtícula degens , operi manuum , & orationi sit intentus , vigiliis , & orationibus subiectus , & sub custodia semper duorum spiritualium fratrum ambulet nullâ pravâ loquutione , vel concilio deinceps Juvenibus conjungendus .

- 10 Quia verò , quamvis carcere tandem solverentur pœnitentes , non solvebantur legibus pœnitentiæ , sed eas per aliquot annos custodire jubebantur , quod aliqui facere detrectabant , cautum à Patribus Hispanis Gallisque fuit in Concilio Toletano 4. Ut *Quicumque ex secularibus accipientes pœnitentiam , totonderunt se , & rursus prævaricantes , Laici effecti sunt , comprehensi ab Episcopo suo , ad pœnitentiam ex qua recesserunt , revocentur .*

- 11 His tam multis , plurium sæculorum , omniumque regionum testimoniis constat , non fuisse à nobis per calumniam veteri Ecclesiæ attributum , quodd Fideles non solum adhortando impulerit , sed cogendo perduxerit ad publicam , eamque valde asperam , pœnitentiam , quo satis ostenditur , falsum esse quod à te , & à reliquis benignis Doctoribus asseritur , voluntariam debere esse ,
& ma-

DISPUTATIO IX. 275

& maximè liberam pœnitentiam, & vel non esse imponendas graviores pœnitentias, vel sine præcepto ineluctabili, ne delicatulis vis ulla inferatur, & fiat odiosa pœnitentia.

D. D. Eruditè quidem, nisi fortè tota¹² isthec Morini laus sit, & eruditio: ego verò ingentes tibi gratias ago, quòd vel tuo, vel alieno labore adedò luculentè probaveris quod non semel innui, & alibi ostendam, nempe per veteres Canones pœnitentiales statui pœnas, quarum plæque infligebantur in foro externo, cujus certè erat sententiam ex communicationis ferre, carceri mancipare, flagellis cædere &c. non igitur evicisti quod debebas, nempe vim factam fuisse Fidelibus confitentibus in foro interno, & Sacramentali (de quo in his disputationibus agimus) ut publicas, easque tam asperas pœnitentias subirent. Id ego tantum nego, quod vos non semel asseritis, ut Confessarii, quorum certè forum internum est, fortes sint in imponendis gravibus pœnitentiis, & utantur vi saltem præcepti ineluctabilis, sententiamque non mutant, quamvis Pœnitens imbecillis pœnam deprecetur. Hanc ego fuisse veteris Ecclesiæ praxim nego, ut ut severa ea praxis

276 CALUMNIA IX.

fuerit, quam eadem in curandis quidem animi morbis, sed extra forum secretæ Confessionis per aliquot sæcula custodivit.

- 13 Quamvis nec ista tam severa fuit, quam eam fuisse deprædicas. Et quidem S. Leo interrogatus à Rustico Episcopo Narbonensi, quâ ratione esset agendum cum iis qui publicam pœnitentiam agere differunt, non rescribit, eos esse abscindendos à Fidelium cœtu, aut carceri mancipandos, sed esse tolerandos, benignè hanc ipsam eorum dilationem interpretans. *Dilatio hæc* (inquit, & non *dissimulatio* ut perperam habent exemplaria) *potest non de contemptu esse remedii, sed de metu gravius delinquendi. Undè pœnitentia, quæ dilata est, cum studiosius petita fuerit, non negetur, ut quoquo modo, ad indulgentiæ medicinam, anima vulnerata perveniat.*

- 14 Sed re Christianâ post Leonem non parum inclinâtâ, & jam nimis multis Pastorum patientiâ abutentibus, cum monitio sperneretur, igni ferroque tentanda curatio fuit, & gladius anathematum vibrandus. Id autem rigori tribuendum non est, tum quia paucis ea vis fuit illata, nempe atrocius aut cum majori scandalo peccantibus, tum quia
inu-

DISPUTATIO IX. 277

inutilia fuerant mitiora remedia , ex qua ratione,etiam modò qui in Paschate communicare detrectant , anathemate feriuntur :

Nec rigidæ violentæque habendæ sunt, ¹⁵ illæ , quas recitasti , de pervicacibus comprehendendis , Episcopo tradendis , in carcerem amandandis, cædendisque, Imperatorum constitutiones . Eos enim ea censura complectitur , quos propter crimina quæ commiserant, potuissent Imperatores , aut morti , aut carceri perpetuo adjudicare: pro ea autem pietate quâ præstabant , foro eos Episcopali tradebant , ut punirentur quidem , sed longè mitius , quàm sui fori leges ferrent , tantòque mitius, quantò citior esset, ac testatior emendatio . Ex benignitate igitur , non ex rigore, profecta fuit ea legum Imperialium , quas recitasti , in favorem pœnitentiæ comminatio .

Fateor tamen , ab aliquibus Episcopis Gallis Hispanisque fuisse hujusmodi Pœnitentes eorum custodiæ curæque traditos severius castigatos , sed universæ Ecclesiæ ea severitas non fuit, nec ita utilis, ut alibi ostendam nec diù viguit mos ille compellendi vi satellitum armatorum ad pœnitentiam .

278 CALUMNIA IX.

- 16 Diuturnior ac tolerabilior fuit in Ecclesia mos ille colligendi claudendique initio Quadragesimæ Pœnitentes, ut ex Ritualibus plurium sæculorum libris palam fit, & ostenditur à Morino lib. 5. cap. 15. Colligebantur uatem non vi Satellitum, sed amore pœnitentiæ, non impellente minaci Principum, imperio, sed invitantium Pastorum consilio, aut simplici præcepto. Hujus retrusionis Pœnitentium *in capite jejunii* Quadragesimalis mentionem faciunt quamplures veteris Ecclesiæ Sacramentarii, sed Pœnitentiales libri, nec tamen quidquam habent, unde colligere possimus per vim fuisse delinquentes in eam custodiam collectos. Quin cuique spontaneum eum secessum fuisse satis docent, dum Fideles ad eam pœnitentiam invitatos dicunt
- 17 non autem compulsos, aut coactos. Alcuinus Discipulus Ecberti Eboracensis Archiepiscopi, hominis doctissimi, & Ecclesiasticæ disciplinæ amantissimi, in libro de Divinis Officiis eo longo capite cui titulus *In capite jejunii* docet primo loco debere tunc Sacerdotem ADMONERE omnes Chrianos, ut ad Confessionem, & pœnitentiam eo tempore accedant, & in Cœna Domini ad reconcilia-
- tionem.

DISPUTATIO IX. 279

tionem . Idipsum monet Ordo Romanus allatus à Morino lib.4. cap. 15. Sic enim haber . *In primis PRÆMONERE debet Sacerdos omnes Christianos , ex sacris Scripturarum testimoniis , quatenus in capite Jejunii , ad veram Confessionem,veramque penitentiam festinantes accedant .* Ut moniti & non coacti ad Ecclesiam pergebant eà die , quotquot agere pœnitentiam volebant , ità voluntariè, nulla- que vi coacti includebantur in loco ad eum secessum destinato , ut voluntaria est etiam, modò aliquorum Deo vacare cupientium, per liquot dies in domo religiosâ clausurâ . Hinc 18 prædictum locum nunquam carcerem vocant prædicti Rituales libri, nec carcer erat *sed tanquam carcer*, ut optimè Gregorius II. paulò ante laudatus: erat enim locus secretior , quale erat erarium Templi, aut aula in qua causæ sacræ tractabantur à Sacerdotibus, & negotia ad Ecclesiam spectantia à Diaconis, indè appellata secretariû, quò etiâ amandabantur per aliquot dies ante Baptismum Cathecumeni, ut cõstat ex historia sacra , & innuitur à prædicto Gregorio asserente, consuevisse Ecclesiam ablegare Pœnitentes in Diaconia, & Catechumena, quibus in locis clausi Pœnitentes, haud quaquam

vapulabant, sed ea præstare jubebantur, quæ recensentur ab eodem Gregorio, nempe jejunia, vigiliæ, precesque, quibus ipsis exercitationibus per decem dies vacant qui sacræ Militiæ sunt nomen daturi, & vulgò dicuntur facere exercitia spiritualia. Quorum quia mentio incidit, velim, expendas tecum, an prudens ea lex esset, quâ cogerentur Fideles secedere in locum secretum per decem dies, quoties pro commissis gravibus culpis Sacramentum Pœnitentiæ sumere meditantur, ut quicunque sacri Ordinis Sacramentum sumere cogitant, aut emittere professionem Religiosam, eo decem dierum secessu purgare prius animum, & excolere compelluntur. Quis non videt, hanc fore legem perniciosam, nec institutioni sacramenti Pœnitentiæ quod est longè diversum à Sacramento Ordinis, cum sit cuique necessarium, & debeat esse frequens animæ remedium, fore satis consentaneam? Non igitur satis consultè in secretæ Pœnitentie disciplinam transferuntur ea, quæ spectabant ad publicam pœnitentiam, qualia sunt ea, quæ ipse superius produxisti, quam publicam pœnitentiam fuisse olim veluti Professionem Religiosam, & Pœnitentis consecra-

DISPUTATIO X. 181

crationem, norunt omnes. Fuerit ergo per vim olim imposita in aliquibus Regionibus publica penitentia, quæ semel tantum toto vitæ tempore agebatur, non inde tamen laudabile sit, quod Confessarius, secretæ Pœnitentiæ minister, vim ullam inferat in hoc sacramento, easque Pœnitentem cogat accipere, & exequi pœnitentias, quæ insuetæ sunt, aut nimis ingratae, quæ indigent studio nimis operoso, quæ anxium, & dubitantem animum perturbant magis, quas demum sibi nolit imponi qui eas imponit.



CA.

DISPUTATIO XI. 283

menta quæ proferam , audaciam meam excusabunt : cum præsertim non asseram certum & indubitatum id esse , sed saltem non esse certum oppositum quod asseritis , nempe Ecclesiam tandiu distulisse supplicibus pœnitentibus indulgere .

D. R. Ut video , Morinum non legisti : tam enim certa veterum Scriptorum , Doctorumque testimonia profert , ut dubitationem omnem adimat .

D. D. Morinum centies versavi totum ; non tamen in suam sententiam animum meum inclinavit , quin potius , audaciorem me fecit exemplo suo .

D. R. At ille sequitur communem sententiam .

D. D. Verius jam dicam de te , Morinum non legisti ; vel ut plerique faciunt , solos titulos percurristi . Siquidem , nec is communem sententiam sequitur : postquam enim cap. 1. lib. 9. citavit Osium Cardinalem , Joannem Maldonatum , Petavium , Albaspinæum Episcopum Aurelianensem Marianum Victorium aliosque , simpliciter & indefinite asserentes , olim *non dari solitam absolutionem ante peractam integram pœnitentiam , nisi* .

284 CALUMNIA XI.

nisi in mortis articulo, ab ipsis recedit, docetque, non posse id asseri *sic universaliter*. *Deprebendimus enim*, inquit, *plerisque peccatorum generibus absolutionem eo more*, qui nunc & ab aliquot seculis observatur, ab ipsis Ecclesiæ incubulis concessam esse. *In iis verò*, quibus absolutio post actam pœnitentiam lege ordinariâ differebatur, multis variisque modis exceptum fuisse. Ex his probè intelligis, eum non sequi communem sententiam, quamvis nec mihi consentiat.

- 2 Tres igitur hac super re sententiæ sunt : Prima est prædictorum Doctorem, quamvis forte non omnium, docentium absolutè, Ecclesiam veterem, nempe priorum sex aut septem seculorum, solum post actam pœnitentiam absolvere consuevisse unico excepto mortis articulo. Secunda Morini docentis cum solis publicis pœnitentibus hanc disciplinam fuisse custoditam, nec id semper, sed *de lege ordinariâ*. Tertia ea est quam tueor, docens, lege ordinariâ fuisse omnes ante impletam, & forte etiam ante inceptam pœnitentiam, aut paulo post, absolutos, non quidem ab omni vinculo, sed saltem à vinculis peccatorum: Non enim diffiteor, eam plenam abso-

DISPUTATIO XI. 285

absolutionem , quâ quis non solum à peccatis absolvebatur , sed etiam à pœnis , quas Ecclesia agentibus publicam pœnitentiam infligebat , ut erat privatio communionis , aliæque hujusmodi , solum post exactam pœnitentiam fuisse plenè concessam .

D. R. Hanc enimverò distinctionem 3 unius absolutionis ab altera exhibilat Morinus cap. 2. & ante ipsum Estius non tantum explofit , sed indignam refutatione vocavit . Recitabo verba Morini , ut inde colligas , an solos ejus titulos oscitanter percurrerim . *Mibi* , inquit , *banc distinctionem cum antiqua disciplina comparanti , quantum ejus ideam mente assequi possum , visus est Guilelmus Estius rectè pronunciaſſe , eam nullum habere ab antiquitate testimonium : quod vel solum mihi satis superque est , ut eam imaginariam censeam .*

D. D. Gratulor quòd eum legerimus ambo . Habebis ipse quod opponas mihi . Habebo ego , jam paratus , quid respondeam tibi . Cæterum incerta fortasse erit hæc mea distinctio & opinio , imaginaria tamen certe non est , ut quæ proferam argumenta demonstrant .

D. R. Profer quæſo ea statim . Ingens
enim

286 CALUMNIA XI.

enim me cupiditas incessit audiendi à te, quod nemo ab erudito homine audivit unquam.

- 4 *D. D.* Afferam perlibenter, utque ea quæ sunt minus certa à certioribus secernam, ostendam primò (quod certius est) Ecclesiam veterem, non semper absolvisse simul à culpis, & à pœnis quibusdam canonicis, adeoque eas duas, ac distinctas absolutiones, verè fuisse ab ea usurpatas. Ostendam secundò, quod etiam certum videtur, eos quoque qui publicam pœnitentiam subibant, fuisse ex lege ordinariâ, antequam eam *totam* percurrerent, à peccatis absolutos. Ostendam tertio saltem probabiliter, fuisse eosdem statim post confessionem, aut paulo post, culparum absolutione donatos.

- 5 Et quidem consuevisse veterem Ecclesiam præbere distinctim duas illas absolutiones, & aliquando unam post alteram, aliquando unam sine alterâ, pluribus argumentis ostenditur. Et primò, quamvis reconciliare publicos Pœnitentes spectaret ad Episcopum, & eo absente, vel vices suas committente, ad Presbyterum; id tamen munus, urgente necessitate, implebat etiam Diaconus. Nam Cyprianus sic scribit ad Presbyteros & Diaconos

DISPUTATIO XI. 287

conos suæ Diecæsis epif. 13. agens de Lapsis .
*Occurrendum puto nostris , ut qui libellos à
 Martyribus acceperunt , & prærogativâ eorum
 apud Deum adjuvari possunt , si incommodo ali-
 quo , & infirmitatis periculo occupati fuerint ,
 non expectata præsentia nostra apud Presbyterum
 quemcumque præsentem , vel si Presbyter reper-
 tus non fuerit , & urgere exitus cæperit , apud
 Diaconum quoque exomologesim facere delicti
 sui possint , ut manu eis in pœnitentiam impositâ,
 veniant ad Dominum cum pace, quam dari Mar-
 tyres , litteris ad nos factis desideraverunt . Ne
 quis autem id permissum putet à solo Cy-
 priano , & præter Ecclesiæ morem , Conci-
 lium Eliberinum id ipsum permittit can. 32.
 Si quis graui lapsu in ruinam mortis inciderit ,
 placuit agere pœnitentiam non debere sine Epi-
 scopi consultu , sed potius apud Episcopum agat ,
 cogente tamen infirmitate necesse est Presbyterum
 communionem præstare debere , & Diaconum , si
 ei iusserit Sacerdos . Concilium Toletanum
 primum, id ipsum innuit, sed clarissime Flac-
 cus Alcuinus de divinis officiis in capite jeju-
 nii . Non enim omnes Clerici, aut ullus Laicus,
 hanc scripturam usurpare aut legere debent , nisi
 soli illi , quibus necesse est : hi sunt Episcopi , vel
 Pres-*

Presbyteri, quibus claves regni celestis traditæ sunt. Si autem necessitas evenerit, & Presbyter non fuerit præsens, Diaconus suscipiat Pœnitentem, ac det sanctam communionem. Norunt autem omnes, non posse Diaconos à peccatis absolvere, hinc bene hic Alcuinus dicit, Episcopis, & presbyteris traditas claves regni cœlestis, non autem dicit eas traditas Diaconis. Non igitur ea ultima pœnitentium reconciliatio erat semper cum peccatorum absolute conjuncta. Secundò, etiam cùm Episcopus aut Presbyter eo munereungebatur, non uno subinde eodemque actu, à peccatis absolvebat, & à pœnis peccatorum, quarum potissima erat privatio Eucharisticæ Communionis; sed à culpis prius absolvebat, inde absolutum, Ecclesiæ & altari reconciliabat, ut patet ex Ordine Tolosano antiquissimo, quem sæpe allegat, & præ reliquis celebrat idem Morinus. In eo siquidem, præmis à formâ absolvendi cum præfixo titulo *Absolutio* subjungitur, *Post hæc erecti Pœnitentes afferantur à Presbyteris Episcopo, ut ipse eos reconciliet Ecclesiæ.* Prima est absolutio à peccatis, secunda est absolutio à pœnis quibusdam, quæ dicebatur reconciliatio cum Ecclesia

DISPUTATIO XI. 289

clesia & cum Altari . Tertiò sæpissime crimi- 7
 nos & in mortis periculo constitutis , ve-
 niamque culparum exposcentibus , ea tribue-
 batur , non tamen iidem reconciliabantur
 cum Ecclesia , nec pœnis canonicis exsolve-
 bantur ; quare si morbi vim superabant, tene-
 bantur solita Penitentium onera subire , ut
 reliqui omnes Penitenres nondum reconci-
 liati : unde Concilium Carthag. 4. can. 78.
Pœnites qui in infirmitate viaticum Eucha-
ristiæ acceperint , non se credant absolutos sine
manus impositione , si supervixerint . Quartò 8
 Clerici , præsertim sacro Ordine insigniti , in
 graviora quædam prolapsi , nunquam recon-
 ciliabantur cum Ecclesia, ac de suo gradu de-
 jiciebantur in perpetuum. Rursus relapsi post
 publicam penitentiam nunquam cum Ec-
 clesia reconciliabantur , adhuc tamen saltem
 in morte suis culpis absolvebantur , ut præ-
 teritis disputationibus probatum est . Igitur
 separabiles erant hæ duæ absolutiones , & fre-
 quenter etiam fuere de facto disiunctæ . Igitur
 commentitia non est ea nostra distinctio in-
 ter absolutionem à solis culpis , & absolutio-
 nem à solis pœnis , vel ab utroque , fuitque
 utraque non rarò distinctim impertita etiam

T

in

in Ecclesia veteri , de qua loqueris ipse & ego
hactenus loquutus sum : nam certè præsens
Ecclesia ab his vinculis subinde distinctim
absolvit .

- 9 Probo nunc quod secundo loco probare
constitui , nempe non consuevisse veterem
Ecclesiam ad finem usque penitentiae eam ve-
niam differre , quàm Penitens à culpis absolve-
retur . Id autem probo duplici decreto , altero
Soteri Pontificis , qui Ecclesiam ann. 175. re-
gebat , altero Sylverii , qui sedebat ann. 536.
Ille quidem jubet omnes sumere Altaris Sa-
cramentum in Cœna Domini , additque , *Cum
etiam Pœnitentes eodem die ad percipienda Cor-
poris & Sanguinis Domini Sacramenta reconcili-
entur* . Quod ipsum decretum confirmavit
circa finem quarti seculi Julius primus . Est
autem indubitatum apud vos omnes , Pœni-
tentiũ ærumnas , & publicam satisfactionem
fuisse plurium annorum , aut saltem unius
anni spatium non rarò excessisse . Igitur non
omnes eà die Cœnæ Domini injunctam pœni-
tentiã absolvebant ; immò , ut vos dicitis , pleri-
que nō absolvebant , & tamen omnibus venia
dabatur , ut possent de Altaris sacramento
communicare : plerisque igitur non dum pe-
racta

DISPUTATIO XI. 291

raetâ penitentiâ remittebantur culpæ. Hinc bene Soterus non ait, eâ die absolutè, & simpliciter reconciliari Penitentes, sed *reconciliari ad percipienda Corporis & Sanguinis Domini sacramenta*, nempe ad hunc præcisè effectum, & pro eâ die, penitentialem postea cursum profecuturos. Alter verò, nempe 10 Sylverius voluit, sin minus in univèrsa Ecclesia, saltem in Romana quinquies in anno Penitentes communicare, quodque ex eo consequitur, quinquies absolvi, ergo absolvi à peccatis voluit, antequam totam penitentiam absolverent. Decretum Sylverii est hujusmodi apud Juonem decreti part. 2. cap. 29. & Burchardum lib. 5. cap. 19. *Singulis diebus Dominicis in Quadragesima, præter hos qui excommunicati sunt, & præter illos, qui in publica pœnitentia sunt, sacramenta Corporis, & Sanguinis Christi sumenda sunt. Et in cœna Domini, in Vigilia Paschæ, & in die Resurrectionis Domini, & in Pentecoste, & in Natali Domini ab omnibus communicandum est.*

Tertiam jam Controversiæ propositæ 11 partem probare aggredior, nempe non solum non fuisse veniam culparum ad finem Penitentiae dilatam, sed illico post Confessionem,

292 CALUMNIA XI.

aut paulo post, fuisse concessam, dilatam verò tandiū fuisse solam pœnarum relaxationem.

Id autem probo primò ex eo, quod Confessor si ei constet, Pœnitentem esse bene dispositum, regulariter loquendo tenetur sub gravi peccato illum absolvere. Ita docent omnes Theologi apud Suarium de pœnit. disp. 32. sect. 5. & traditur expressè à S. Gregorio hom. 26. in Euang. *Illum nos debemus per pastorem auctoritatem absolvere, quem noscimus Auctorem nostrum vivificare, quæ nimirum vivificatio, ante operationem reformationis in ipsa jam dignoscitur confessione peccati.* Hæc autem sufficientissima dispositio Pœnitentis Ecclesiæ constabat ex hoc ipso quod Pœnitens post confessionem eam durissimam, & publicam pœnitentiam acceptabat inchoabatque de facto, submittens se publicè in sacco, & cinere pedibus Episcopi, aut vicarii Sacerdotis; ut absque dubio constaret cuiquam etiam rigidissimo Sacerdoti dispositio illius Pœnitentis, qui iussus sumere habitum Capuccinorum, eamque aut aliam arctissimam Religionem ingredi, non recusaret, sed habitum indueret, & Religionem ingrederetur. Addit Suarius
ibi-

DISPUTATIO XI. 293

ibidem, hanc absolvendi *obligationem statim urgere, adeoque sine rationabili causâ differri absolutionem non posse*. Rationabilem autem, causam non habebat Ecclesia eam differendi omnibus publicè Pœnitentibus, imo forte nec ulli, cum præsertim sic absolvens à culpis, non absolveret ab omnibus pœnis, pergeretque Pœnitentem tot ærumnis affligere, & arcere ab Altari, quibus satis continebatur in officio, dabaturque Fidelibus plusquam sufficiens severitatis exemplum sine tam gravi damno Pœnitentis, quale erat manere tandiù expositum periculo suæ æternæ damnationis, & forte privatum facultate promerendi per suas actiones de condigno augmentum gratiæ & gloriæ, & pariter satisfaciendi pro suis culpis. Et confirmatur ex S. Leone, qui in textu quem allegavimus disp. 9. num. 25. damnat eos Episcopos, qui nimis facile Eucharisticam communionem præbere differebant: ratio enim quam S. Pontifex affert, probat omnino, non debuisse tam universaliter, imo vix unquam differri culparum absolutionem, quâ dilatione *anima Pœnitentis inermis quodammodo, & exuta omni munimine, diabolicis incurfibus, ut facile capiatur, obijcitur*.

Quare, si eam communionis dilationem vocat irrogationem sævi supplicii, à fortiori talem esse putavit dilationem, eamque sic diuturnam, absolutionis sacramentalis. Igitur vetus Ecclesia non consuevit eà pœnà communiter mulctare publicos Pœnitentes, alioquin in re gravissimā errasset.

- 13 Probo 2. ex ipso Morino, qui lib. 9. cap. 6. num. 2. dicit, *quod cùm urgebat periculum mortis, aut reformidabatur salutis æternæ perniciēs, veluti cùm periculum erat, ne capitalium peccatorum rei, ad Hæreticos, aut etiam Gentiles transfugerent, aut grave aliquod incommodum Ecclesiæ crearetur, absolutio statim post confessionem peccati, & veræ resipiscentiæ demonstrationem, aut brevi exactâ pœnitentiâ concedebatur.* Et quidem loquitur de absolutione ultimâ, & plenariâ peccati, & pœnarum Ecclesiasticarum, ergo semper, aut fere semper, concedebatur statim, aut paulo post confessionem, absolutio saltem à culpis, cùm semper, aut sæpe esset formidandum, ne grave aliquod malum ex ea dilatione redundaret in Pœnitentem & hinc in Ecclesiam. Hinc idem Morinus cap. 7. & sequentibus, infinitos casus excipit à regula generali differendi in longū tempus eam reconciliationem. Pro-

DISPUTATIO XI. 295

Probo 3. ex eodem Morino qui lib. 9. 14 cap. 14. num. 8. loquens de veteri Ecclesiâ hanc statuit propositionem. *Crimina omnia, & peccata, quæ illis sæculis non expiabantur per publicam pœnitentiam, statim aut paulo post editam Sacerdoti confessionem remittebantur, pauculis exceptis, quæ cùm publica erant, communio- nis Eucharisticæ privatione nonnunquam à Ca- nonibus castigabantur.* Igitur quæ non expia- bantur per publicam pœnitentiam, sed per se- cretam, de lege ordinariâ, statim, aut paulo post condonabantur, ergo etiam quæ expia- bantur per publicam pœnitentiam, cùm ne- mo ullus (quod sciam) hoc discrimen agno- verit inter Pœnitentiam secretam, & publi- cam, quod in una absolutio differretur, non differretur in alia; sed in hoc, quòd una erat secreta, altera publica.

Probo 4. ex Sozomeno, qui cap. 16. 15 lib. 7. agens de prima institutione Presbyteri Pœnitentiarîi, ac de Pœnitentia publica, quam Nectarius sustulit, refert prædictum Presby- terum consuevisse statim absolvere eos qui ad ipsum accedebant, ut ejus consilio vel præcepto publicam pœnitentiam peragerent. *Presbyterum itaque aliquem, vitæ integritate*

296 CALUMNIA XI.

quàm maximè spectabilem , secretorum etiam tenacem , ac sapientem huic officio præfecerunt , ad eum accedentes qui peccarant , acta vitæ suæ confitebantur . Ille verò , pro cujusque delicto , quid aut facere singulos , aut licere oporteret , interminatus absoluebat , ut à se ipsi commissorum pœnas exigerent . Eo autem tempore , quod Nestarium præcessit , de quo agit ibi Sozomenius , erat mirus consensus inter Ecclesiam Latinam & Græcam , in ritibus publicæ pœnitentiæ ; & si quod inter utramque discrimen fuit , fuit solius majoris severitatis , quæ viguit in Ecclesia Græca , ergo si cum tota ea majori severitate , adhuc in ea statim absolvebantur publici Pœnitentes , idem profectò factum fuisse in Ecclesia Latina dicendum est .

- 16 Probo 5. ex veteribus libris Pœnitentialibus, seu Sacramentariis, in quibus distinctissimè docetur Confessarius ritus omnes tunc adhiberi solitos, in admittendis, probandis, absolvendisque Pœnitentibus : & quamvis non sint fortè antiquiores S. Gregorio primo , aut Bedâ , ea tamen continent, quæ jam ex longo usu fiebant , ut omnes fatentur , & colligitur ex mirabili omnium in prædictis ritibus consensu cum omnibus , quæ Patres docent.

DISPUTATIO XI. 297

docent. Argumentum autem vim majorem habet in sententia vestrorum Doctorem, ipsiusque Morini circa formam absolvendi deprecatoriam. Is enim auctor cap. 8. lib. 8. num. 1. sic habet. *Formulam ordinariam absolutionis, sive reconciliationis Pœnitentium fuisse deprecativam, testantur quotquot hæcenus legi, aut relata audiui antiquitatis Ecclesiasticæ monumenta, ad annum usque salutis ducentessimum supra millesimum.* Quod fusè probare nititur eo cap. & sequentibus. Capiti autem decimo hunc titulum præfigit. *Antiqui Rituales libri editi formulas omnes absolutionis, tam publicas quam privatas, tam de sanis, quam de morientibus, nobis exhibent deprecatorias.* Igitur censet is Auctor, Ecclesiam veterem verè absolvisse per prædictas formulas, quod an verum sit, modò non quæro, sed infero id quod debet inferre Morinus, ergo vetus Ecclesia, statim post confessionem absolvit, nam statim post confessionem recitabat super Pœnitentem, prædictas formas deprecativas, ut videre est in prædictis libris Ritualibus, allatis à Morino de Pœnit. & à Martene de antiq. Ecclesiæ ritibus. Confirmo argumentum primò sic. Ex Morino in prædictis libris Pœnitens in 17
Cœna

298 CALUMNIA XI.

Cœna Domini absolutâ pœnitentiâ absolvitur à peccatis, ergo sic absolvitur etiam in die cinerum, cum pœnitentiam sibi impositam inchoabat, nam utrobique recitantur super Pœnitentem non aliæ quam prædictæ formulæ, ut habent omnes, aut fere omnes prædicti Rituales libri; solumque adduntur in cœna Domini aliquot formulæ, quibus significabatur, Pœnitentem absolvi etiam à pœnis canonicis, & reconciliari cum Ecclesia, & cum

18 Altari. Confirmo secundò, nam idem Morinus allatis in fine sui Operis Græcorum Pœnitentialibus libris, hæc notat. *Si quis attentè legat præcedentes Absolutionis formulas perspicuè mihi videtur animadversurus id quod multis probavimus lib. 6. cap. 25. duplicem scilicet in studio Pœnitentiæ absolutionem apud Græcos concedi solitam, primam statim post confessionem, secundam post satisfactionem præstitam, primam à peccatis, secundam à pœnis canonicis. Primam reconciliare Pœnitentem Deo, & Ecclesiæ, secundam Altari. Primam esse viaticum maxime necessarium, ut loquitur Concilium Nicænum, secundam esse viaticum, sine quo salus esse potest: Primam dare salutem, secundam salutis perfectionem, ut loquuntur Græcorum formulæ. In-*

ter-

DISPUTATIO XI. 299

interrogo nunc Morinum, unde ipsè colligat has duas absolutiones usurpari solitas à Græcis? Certè non aliunde, quas ex prædictis formulis, aut saltem ex ipsis præsertim, quas reperit in eorum Euchologiis, quarum aliquæ recitantur statim super Penitentem confessum, aliæ post satisfactionem, sed hoc idem fit in prædictis Ritualibus Ecclesiæ Latinæ libris, ergo dicere debet, etiam in Ecclesia Latina usurpari consuevisse eas duas absolutiones, unam statim post confessionem, aut paulo post, alteram post satisfactionem. Confirmo 19
tutidè ex codice Remensis Ecclesiæ, cujus ritus penitentiales eosque per antiquos recitat Morinus lib. 4. cap. 18. In eo post impositam in capite jejunii penitentiam, agendam per solitos gradus, expulsoque ab Ecclesia penitente, immediatè subjungitur is titulus *Absolutio Pœnitentis in capite jejunii*, & inter varias formulas deprecatorias, quæ inde proponuntur, est una cum hoc titulo *Absolutio* ergo eà dic, quæ erat caput jejunii & imponebantur penitentiae, Penitens absolvebatur, adeoque cum inchoabat penitentiam, non verò eà completà. Idem observare est in Sacramentario Romano asservato in Bibliotheca Ecclesiæ

clesiæ Rhotomagensis . Idem in Pontificali
 manuscripto Ecclesiæ Ballovacensis , quod
 idem Auctor allegat cap. 10. Tandem in Or-
 dine perantiquo , quem decimo loco affert
 Edmundus Martene de antiq. Eccl. ritibus
 part. 2. art. 7. cap. 6. post interrogationes fa-
 ctas Pœnitenti , ejusque confessionem , sic mo-
 netur Confessarius. *Tunc da ei pœnitentiam se-
 cundum quodque peccatum , quod peccaverit ,
 sicut in Pœnitentiali continetur, & post absolvat
 eum Sacerdos , ne forte ei superveniat subitanea
 mors , & ligatus de hoc sæculo abscedat , post
 quam monitionem statim Pœnitens absolvi-
 tur . Nec eluditur argumentum , si dicatur ,
 hic agi de iis, qui faciebant secretam pœniten-
 tiam , primò quia ritus quos sacer Minister
 docebatur per hos libros , pertinebant magis
 ad publicam pœnitentiam, quàm ad secretam.
 Secundò , quia periculum mortis est æquale
 in utroque Pœnitente , publico & secreto ,
 ergo si propter tale periculum absolvebantur
 statim secretò pœnitentes , absolvebantur ex
 eadem ratione statim etiam publicè Pœniten-
 20 tes . Confirmo 4. ex eo ritu imponendi ma-
 nus super Pœnitentes cum ad pœnitentiam
 admittebantur , ut habetur ex prædictis Ri-
 tua-*

DISPUTATIO XI. 301

tualibus, multisque locis Patrum & Conciliorum. Cum autem Sacerdos imponebat manum super Pœnitentem, censebatur eum absolvere. Hinc absolutio à Patribus vocatur communiter manuum impositio. *Quemadmodum Gentilem per lavacrum recipis* (inquiunt Apostoli apud Clementem lib.2. constit. cap.45.) *ita peccatorem per manuum impositionem, uti per pœnitentiam purgatum, omnibus pro eo rogantibus, in pristinum statum restitues, & erit in locum lavacri impositio manuum.* Alia hujusmodi loca apud Scriptores passim occurrunt, possemque, si opus esset, innumera afferre. Huic confirmationi vis accedit ex Cardinali Bellarmino, qui lib.1. de sacr. confirm. cap.7. docet, *per omnem impositionem manuum Ministri sacramentorum dari Spiritum Sanctum.* Igitur, quandoquidem Pœnitenti statim post suarum culparum confessionem imponebantur manur, statim eidem omnium culparum absolutio tribuebatur. Confirmatio 2^a mo 5. ex alio ritu, quem Edmundus Martene de antiq. Ecclesiæ ritib. par. 2. cap. 6. art. 6. num. 5. animadvertit in quibusdam Ritualibus manuscriptis, quod nempe Presbyteri audirent quidem confessiones, sed pœnitent-

nitentiis impositis transmitterent ad Episcopum Penitentes ab eo reconciliandos, quod fieri non potuisset, nisi ipsi auditis confessionibus absolvisent sacramentaliter Penitentem, quem postea Episcopus absolveret penis canonicis, & cum Altari reconciliaret: solus enim qui audit confessionem Penitentis, absolvere sacramentaliter cum potest: est autem prorsus incredibile, quod omnes Penitentes obligarentur iterum Episcopis confiteri, quæ Presbyteris confessi jam erant.

His argumentis suadetur mea sententia nec, ut arbitror, ea tam facile solves.

D. R. Nec facile ipse solves argumenta sententiæ oppositæ.

D. D. Experire. Propone illa, & si Morinum ut initio dicebas, non oscitanter legisti, non multum in eis proponendis defatigaberis. Quod si non statim occurrunt, dum ea in memoriam revocare curas, solvam quæ contra meam sententiam assert Edmundus Mar-
22 tene. Is ergo par. 2. cap. 6. art. 5. num. 2. sic incipit. *Reconciliationem Pœnitentis, non nisi post multos à confessione peccatorum factâ annos, concessam fuisse, hoc est totâ, & integrâ, quæ imposita fuerat, pœnitentiâ completâ, norunt viri*
eru-

DISPUTATIO XI. 303

eruditi omnes, imo qui vel levem antiquæ disciplinæ Ecclesiasticæ notitiam habent. Igitur ineruditus penitus, ac veteris disciplinæ notitiâ ne leviter quidem tinctus dicendus erit Morinus, qui id ita universaliter, & sine multis exceptionibus dici posse negavit, ut supra ostendi, Morinus inquam, cujus vastissimam hac super re eruditionem, jure mirantur etiam eruditissimi antiquitatis scrutatores.

Et quoniam incipit ab Ecclesia Romana, 23
na, manifestè falsitatis redarguitur ab allegatis decretis Soteri, Julii, & Sylverii. At (inquit) Tertullianus in lib. de pudic. inducit Zephyrinum Pontificem Romanum dicentem. *Ego & machiæ, & fornicationis delicta pœnitentiâ sanctis dimitto, ergo is erat usus Ecclesiæ Romanæ, dimittere solis iis, qui pœnitentiâ perfuncti essent. Respondetur ex dictis supra, Tertullianum loqui de secunda dimissione plenâ & canonica, non solius peccati, sed etiam pœnæ.*

Afferit secundo loco S. Leonem Papam, 24
qui Epist. 82. novæ editionis ad Theodorum Forojulensem Ep. ita scribit. *Mediator enim Dei, & hominis homo Christus Jesus, hanc Præpositis Ecclesiæ tradidit potestatem, ut &*
con-

304 CALUMNIA IX.

confitentibus actionem pœnitentiæ darent, & eosdem salubri satisfactiōe purgatos, ad communionem Sacramentorum, per januam reconciliatiōis admitterent. Resp. 1. hoc tēxtu non probari, quod absolutio non daretur nisi pœnitentiâ completâ, ut ipse asserit, sed ad summum nisi pœnitentiâ saltem ex parte jam peractâ, & per eam purgato Pœnitente. Et certè primum asserere nequit Leo, cum videret in Ecclesia Romana, juxta prædictorum Pontificum Soteri, & Julii decreta, quotannis in Cœnâ Domini Pœnitentes communicare, nempe ea die, quâ certe non omnes persolverant injunctam pœnitentiam. Resp. 2. nec probari eo tēxtu, quod absolutio non daretur nisi peractâ saltem parte pœnitentiæ, nam S. Doct̃or dicit præcise, Communionem dari reconciliatis, & purgatis. Ultro autem concedimus, non consuevisse veterem Ecclesiam dare Communionem publicè Pœnitentibus, imò forte etiam secretò Pœnitentibus, nisi post peractam totam, aut saltem partem pœnitentiæ. Et quidem communio dabatur, ut modo dicebamus ex Sotero, & Julio, etiam iis, qui solam partem pœnitentiæ peregerant. Libera autem facultas

DISPUTATIO XI. 305

cultas communicandi, veluti jure suo, & non ex indulgentia dabatur solum peracta, tota pœnitentia, & penitus cum Ecclesia, reconciliatis. Quare, cum in Conciliis indicitur aliquibus, ne Communicent usque ad exitum, debet intelligi negata illis per totam vitam libera facultas Communicandi, non autem quod nunquam communicarent, cum constet ex dictis Pontificibus, aliquando per annum omnes Pœnitentes ex indulgentia communicasse?

Affert tertio loco Sozomenum, qui lib. 26 7. hist. Eccl. cap. 16. antiquam Ecclesiæ Romanæ consuetudinem in pœnitentiæ administratione describens, ita descriptionem concludit. *Ubi verò præstitutus dies (completæ pœnitentiæ) advenit, tanquam debito quodam persoluto à pœna commissi sceleris liberatur, & reliquo Ecclesiæ populo sociatur.* Sed Sozomenus mihi favet non solum in verbis præcedentibus à me allegatis num. 15. sed etiam in his ipsis modò allatis: non enim dicit, eâ die, fuisse Pœnitentem peccatis absolutum, sed liberatum *pœnâ* commissi sceleris: ultro autem concedo, pœnas non fuisse condonatas nisi persolutâ pœnitentiâ.

306 CALUMNIA XI.

27 Affert quartò loco Ambrosium qui lib. 2. de Pœnit. cap. 3. ait *Quotiescunque peccata donantur, corporis ejus Sacramentum sumimus, ut per sanguinem ejus fiat remissio peccatorum.* At Pœnitens non poterat statim post Confessionem sumere Sacramentum, ergo non statim absolvebatur. Resp. quod si S. Ambr. loquitur de Pœnitentibus publicis, dum dicit eos sumere Sacramentum dum absolvuntur, loquitur de ultima absolutione, quæ à Patribus vocatur absolutè condonatio, & absolutio, quia ea erat plena, & totalis, & post ipsam non agebatur amplius cum pœnitente tanquam cum reo. Si loquitur de Pœnitentibus secretis, hi certè statim post absolutionem secretam communicabant. Addo eam propositionem veram esse, etiam sic absolutè prolatam, & loquendo de quibuslibet Pœnitentibus: non enim dicit absolutos *statim* communicare, sed communicare, quod verum est, quia id faciebant aut statim, si non erant publici Pœnitentes, aut peractà pœnitentiâ, vel saltem inceptâ, si erant publici Pœnitentes.

28 Affert quinto loco S. Pacianum, qui Ep. 1. ad Simpronianum, ita scribit. *Scio frater*

DISPUTATIO XI. 307

frater , hanc ipsam pœnitentiæ veniam non passim omnibus dari , nec antequam , aut interpretatio Divinæ voluntatis , aut forsitan visitatio fuerit , relaxari . Magno pondere , magnoque libramine post multos gemitus effussionemque lacrymarum , post totius Ecclesiæ preces , ita veniam veræ pœnitentiæ non negari . Resp. nos hic agere de venia culpæ , non de veniâ pœnitentiæ impositæ , illam dicimus statim impertitam , non autem hanc ; non enim Pœnitens absolvebatur vinculo pœnitentiæ , nisi post ingentis contritionis indicia : hæc si apparuissent , pœnitentia relaxabatur , si non apparuissent , pœnitentia protrahebatur , ut alibi ego ipse monui . Allegat inde Canonem Concilii Toletani 3. quo redarguuntur aliqui , quod quoties eis peccare libebat , toties à Presbyteris se reconciliari expostulabant ; statuiturque , ut secundum formam antiquorum Canonum detur pœnitentia , quâ expletâ , sicut Sacerdotalis contemplatio probaverit , Pœnitens communioni restitatur . Resp. aliud esse quod non debemus quemlibet absolvere , aliud quod non debemus statim absolvere verè pœnitentem . Primum concedo , non alterum . Et rursus aliud est quodd publicè penitenti de-

308 CALUMNIA XI.

beretur solum post expletam penitentiam, concedi libera sumendæ Eucharistiæ facultas; aliud quod tunc solum ei deberetur impendi absolutio peccatorum. Primum est verum, non autem aliter.

- 29 Affert sexto loco Cyprianum dolentem Ep. 59. ad Fidum, quod Therapius suus Collega pacem cuidam Victori Presbytero dedisset, *antequam pœnitentiam plenam egisset*. Sed nomine *pacis*, ut constat ex aliis multis locis ejusdem Doctoris, non significatur absolutio quævis, sed plena, totalis, & canonica, quâ non solum Deus reconciliabatur cum Pœnitente, sed etiam Ecclesia, & Altare, quam pacem non fuisse statim concessam ultro concedo.

- 30 Affert septimo loco Gennadium, qui lib. de Dogm. Ecclesiasticis cap. 53. sic habet. *Quem mortalia crimina, post Baptismum commissa premunt, hortor, prius publicâ Pœnitentiâ satisfacere, & ita Sacerdotis judicio reconciliatum, Communionem sociari, si vult non ad iudicium, & condemnationem sui Eucharistiam percipere*. Sed is similiter vult præmitti debere satisfactionem ultimæ, & canonicæ reconciliationi, quâ solvebatur Pœnitens præcepto
non

DISPUTATIO XI. 309

non Communicandi : undè accedens ad Communionem ante exhibitam satisfactionem peccabat graviter, utpote gravis præcepti violator, & Eucharistiam ad judicium, & condemnationem sumebat, ut bene Genadius monet. Citat inde homilias S. Eligii, præsertim eam, quæ est de Cena Dom. sed verba non affert. Affert quidem verba Abbonis serm. 3. Spicilegii tom. 9. *Nullus est certè Episcopus, qui possit absolutionem dare, nisi post pœnitentiam factam, & dignam satisfactionem.* Quod verum est de secunda, & canonica absolutione. Inde sic concludit. *Et certè ex Ebbonis Remensis Archiep. Apologetico, Spicilegii tom. 7. patet sæculo aduc nono, quo ille florebat, non nisi post septennis pœnitentiæ spatium, peccatorum in Ecclesia factam fuisse Pœnitentibus remissionem.* Sed nisi fallor, ipse sibi contradicit; nam paulo post, nempe num. 12. affert hoc Decretum Sancti Bonifacii Episcopi Moguntini, qui sæculo octavo florebat, *Curret unusquisque Presbyter, statim post acceptam Confessionem Pœnitentium, singulos datâ oratione reconciliare.* Quis sibi persuadeat, severiorem circa hoc fuisse Ecclesiam sæculi noni, quo florebat Ebbo, quàm sæculi octavi, quo

310 CALUMNIA XI.

floruit Sanctus Bonifacius , aut amantiorem Ecclesiasticæ disciplinæ fuisse Ebbonem , hominem factiosum , & bis è suâ sede dejectum , quàm fuerit Bonifacius Apostolus Germaniæ , idemque Martyr generosus . Tolerabile quidem fuisset , si unius , vel alterius Episcopi praxim eam fuisse diceret , non enim negamus alicubi fuisse adeò dilatam veniam peccatorum , sed illud prorsus intolerabile fuerit , quòd ex unius , aut paucorum facto , vel dicto , statim colligat (ut sæpè rigidi Doctores facitis) eum fuisse morem universæ Ecclesiæ , omnium , aut fere omnium Episcoporum , priorumque novem sæculorum ; confidenterque pronunciet tanquam certam , & exploratam , hanc propositionem negativam , & maximè universalem . *Et certè patet sæculo adhuc nono , nisi post septennis pœnitentiæ spatium , peccatorum in Ecclesia factam fuisse Pœnitentibus remissionem ,*

- 31 Transiit inde ad Ecclesiam Orientalem . Sed ex eâ ante Nestarium nihil validum promittit ; post Nestarium verò , nempe vertente quarto sæculo , fatetur cœpisse eam Ecclesiam *Pœnitentes factâ Confessione ante impletam satisfactionem absolvere , licet Communionem pro ratione*

DISPUTATIO XI. 311

tione criminum plures in annos differret, additque cum Morino id ab ea hætenus mordicus retineri, duplicem Pœnitentibus absolutionem impartiendo, unam factâ statim Confessione, alteram cùm Pœnitens sacrâ Communione donatur, quo iterum ostenditur, eum ritum impertiendi duplicem absolutionem, non esse, vanum capitis nostri figmentum.

D. R. Nec hujusmodi eum esse Morinus asserit, si dicatur ab Ecclesia Occidentali solum post septimum sæculum usurpatus; si verò antiquior esse dicatur, & prioribus quinque, aut sex sæculis receptus, figmentum est.

D. D. Jam video te velle hujus Doctoris argumenta in aciem educere. Fateor, ea, validiora saltem in speciem esse, quam quæ modò proposui, solvique; non tamen de victoriâ despero.

D. R. Ecquid non speratis Doctores benigni, ad id nati, ut homines inani spe lætetur.

D. D. Agedum, & inani spe me deludi, factis ostende. Propone jam argumenta Morini.

D. R. Proponam aliqua. Primum il-

le petit ex ratione , quam autoritate confirmat . An non imprudenter (inquit ille) factum fuisset , si absolutio à peccatis , quæ præcipua est , illico concessa fuisset , altera verò absolutio , nempe canonica , quæ tota nihil erat aliud , quam quædam ceremoniola , non nisi post plurium annorum asperam pœnitentiam ? An pluris habita fuit pax cum Ecclesia , quam cum Deo , itaut hæc statim donaretur , ea verò non nisi multo labore , multis lacrymis , multoque sanguine compararetur ? An non inhumana fuisset Ecclesia , si jam reconciliatum cum Deo , adeoque penitus innocentem , eo tam longo decennalis , quindennalis , & vicennali pœnitentiæ supplicio castigasset ?

- 32 *D. D.* Declamatoriè ista dicuntur , & ex falso Domine mi . Et primò falsum est , asseri à me , quod qui publicam pœnitentiam agebant , de quibus modo loquimur , statim absolverentur à culpis : Absolvebantur quidem statim post impositam pœnitentiam , sed ea non imponebatur statim . Post multas preces , & longum fletum jus agendi solemnem pœnitentiam , quæ erat veluti professio religiosa concedebatur . Falsum est secundò , ultimam

DISPUTATIO XI. 313

nam illam Ecclesiæ reconciliationem quamvis ab absolutione culparum sejunctam, fuisse quandam ceremoniolam, ut hujusmodi non est absolutio excommunicationis, quamvis à sacramentali absolutione culparum disiuncta. Non erat quidem excommunicatus quicunque publicæ pœnitentiæ vinculo astringebatur; unde Sylverius Papa in decreto quod attulimus num. 10. Pœnitentes ab excommunicatis distinguit; adhuc tamen, permultis privabatur bonis, & præsertim jure offerendi cum aliis Fidelibus ad Altare, & postea communicandi, quod utrumque jus per eam absolutionem recuperabat, & in integrum restituebatur. Præterquamquod Pœnitens quamvis sub initium pœnitentiæ culpis absolutus, iterum in fine ab iisdem culpis, aliisque in decursu pœnitentiæ commissis absolvebatur. Ex pluribus ergo capitibus ea ultima reconciliatio simplex cæremonia non erat. Falsum est tertio, quod ea pœnitentia tam aspera esset distincta à Sacramento, ut videris supponere: ea quippe ut imposita à Sacerdote absolvente erat pars integralis Sacramenti. Hinc falsum est quarto, eam fuisse ab Ecclesia imposi-

tam

tam solum, ut Ecclesiam à se offensam, sibi-
 que infensam placaret Pœnitens, inque ejus
 gratiam redire mereretur; cum is quoque fue-
 rit ejus imponendæ finis, ut gravioris culpæ
 reus Divinæ justitiæ satisfaceret, ac pœnam
 temporalem, quam peccando promeruerat,
 averteret; & preterea piis illis exercitationi-
 bus vacans, virtuti assuesceret, à relapsu re-
 moveretur, & *salubri satisfactiōe purgatus*, ut
 inquit S. Leo à te paulo antelaudatus, *ad
 communionem sacramentorum admitteretur*. Ad-
 do, nec dicendam incongruam, eam tam aspe-
 ram, aut longam pœnitentiam, quamvis ut
 soli Ecclesiæ satisficeret, fuisset imposita. No-
 vum quippe, & inusitatum non est, quod in
 hac vitâ severior sit humana vindicta, quam
 Divinâ, & pax cum Deo offenso minoris stet,
 quam cum homine. Id enim Divinam boni-
 tatem commendat, at humanam justitiam
 34 non damnat. Falsum est quidò, inhumanum
 esse punire innocentem; si ita est innocens,
 ut fuerit reus; ita absolutus à culpis, ut non
 fuerit absolutus à pœnis; ita reconciliatus, ut
 non fuerit in integrum restitutus. Sic autem
 plerumque reconciliantur Pœnitentes ab ipso
 Deo, ut non tota simul pœna remittatur cum
 cul-

DISPUTATIO XI. 315

culpâ . Quare citra omnem sævitiam, tam se-
verè post culpam dimissam punitus fuit Da-
vid ; & propter culpam Originis , quamvis
nobis in Baptismo dimissam , punimur om-
nes usque ad mortem, imo per mortem ipsam,
quæ hujus est in hac vita præcipua pœna pec-
cati . Hinc totum hoc Morini argumentum
ferit primò ipsum Deum, qui tot ærumnis, in
hac & in altera vita excoquit animas , quibus
culpas dimisit, adeoque amicas & innocentes.
Ferit. 2. humanos omnes Magistratus, qui reis
utcumque Pœnitentibus eas culpas non con-
donant, quas verè Pœnitentibus illico condo-
nat Deus ; longo siquidem squallore carceris ,
aliisque suppliciis conficiunt eos , quos su-
binde Deus in gratiam recepit , adeoque san-
ctos, & innocentes . Ferit tandem Ecclesiam,
quam post aliquot secula primam culparum
veniam statim dedisse concedit , secundam
vero non nisi post diuturnam pœnitentiam .
Vide cujusmodi sint ea , quæ Morinus ex ra-
tione petit .

D. R. Nihil ille ex sola ratione petit ,
sed argumenta ex ratione petita multis Pa-
trum, & Conciliorum sententiis firmat , quas
produxissem , nisi me parum civiliter inter-
pellasset.

D. D.

316 CALUMNIA XI.

D. D. Inane hoc effugium est . Quæ enim falsa sunt , Patrum sententiis probari haudquaquam possunt .

D. R. Falsa igitur non est sententia Morini, quæ tam validè probatur ex Patribus, 35 ut ostendo. Et 1. Clemens lib. 2. constit. Apostol. monet, reum , antequam absolvatur, esse castigandum jejuniis aliquot hebdomadarum. 2. Angelus apud Hermetem & ipsum Apostolorum discipulum, dicit, à Deo non condonari delicta , nisi peccator diu fleverit , ac pœnitentiam egerit, ergo nec Sacerdos Dei vicarius ea condonabat statim, sed post logam pœnitentiam. Verba Angeli apud Hermetem lib. 3. in fine similitudinis septimæ sunt hec . *Numquid putas , protinus aboleri delicta eorum qui agunt Pœnitentiam ? Non proinde continud, sed oportet , eum qui agit pœnitentiam , affligere animam suam , & humilem animosè præstare se in omni negotio , & vexationes multas variasque perferre . Cumque perpeßus fuerit omnia , quæ illic instituta fuerint , tum forsitan qui creavit eum , & qui formavit universa , commovebitur erga eum clementiâ suâ , & aliquod remedium dabit .* 3. Tertull. lib. de Pœnit. cap. 6. *Quàm porro ineptum, quàm pœnitentiam non adimplere, & ve-*

DISPUTATIO XI. 317

& veniam delictorum suorum sustinere; hoc est
 pretium non exhibere, ad mercedem manum
 mittere? Loquitur autem de venia culpæ,
 quam Deus dat per suum Ministrum, non
 autem de venia canonica, quam præbet Ec-
 clesia, nam subjungit, *Hoc enim pretio Domi-*
nus veniam addicere instituit. 4. Cyprianus 36
 totâ epist. 54. ad Cornelium Pontificem, inve-
 hitur in eos Sacerdotes, qui non actâ pœni-
 tentiâ lapsos absolvebant. Loquitur autem,
 etiam ipse de absolutione culpæ, nam dicit inde
 præberi Novatiano *largiorem materiam decla-*
mandi contra nos, quod videlicet non solum
 concederetur venia cuivis culpæ, sed tam fa-
 cilè. 5. Innocentius I. in epist. ad Exuperium
 Tolosanum Episcopum refert, olim quibus-
 dam concessam fuisse in morte pœnitentiam,
 sed negatam reconciliationem, nempe abso-
 lutionem culparum, nam vetat amplius id
 fieri ex duplici ratione. Prima ea est, ut ani-
 mæ ab exitio liberentur. Secunda, quia is ri-
 gor videbatur proprius Novatiani negantis
 veniam peccatorum, ergo ii quibus dabatur
 pœnitentia, non absolvebantur culpis suis,
 ergo falsum est eis fuisse primam tuam abso-
 lutionem impertitam. 6. Sæpe quæsitum est 37.
 in

318 CALUMNIA XI.

in Conciliis , an deberet in sacrificio fieri eorum Pœnitentium memoria, quâ subitâ morte occubuerant . Id quæritur in Carthaginensi 4. can. 79. Vafensi cap.2. aliisque . Hoc autem certè quæsitum non esset , si Pœnitentes fuissent ante ultimam reconciliationem absoluti. Imò S.Leo Papa de hoc ipso interrogatus à Forojulienfi Episc. epist. 89. vel 91. negat pro iis orandum , eaque addit , quibus se non bene sperare de eorum salute ostendit , quod sane non faceret , si fuissent absoluti .

- 38 7. S.Aug.epist.180.Ministros Ecclesiæ à fuga in persecutione dissuadet hoc argumento, quod eo præsertim tempore non baptizati petunt Baptismum , & Pœnitentes reconciliationem . At quare id petebant in eo mortis periculo , nisi quia se non esse absolutos sciebant ? Et confirmatur eâ historiâ , quam ex Aug. refert Juo part.1. cap.191. & Gratianus de consecr. dist. 4. cap. *Sanctum est* . Historia autem est hujusmodi . Catechumenus & Pœnitens simul erant in navi , cum sæva tempestas ingruit . In eo mortis periculo Catechumenus petiit à Pœnitente Baptismum , & recepit . Inde Pœnitens cum reliqui omnes qui erant in navi essent Infideles , petiit à Catechu.

DISPUTATIO XI. 319

chumeno jam baptizato reconciliationem, & obtinuit. Subdit Aug. *Pœnitens pro peccato, de quo agebat pœnitentiam, amiserat sanctitatem, sed non amiserat sacramentum. Nam si hoc amittunt peccatores, cùm reconciliantur post pœnitentiam, quare non iterum baptizantur? Dedit ergo quod acceperat, & ne periculosè vitam finiret, non reconciliatus petiit ab eo ipso, quem baptizaverat, ut eum reconciliaret, & factum est. Igitur ex Aug. is Pœnitens carebat sanctitate, nempe gratiâ, & si non fuisset reconciliatus periculose vitam finiisset; ergo supponit, eum non fuisse antea absolutum. 8. Patres Conci. 39^{lii} Arausici *1. can. 3.* sic statuunt. *Qui recedunt de corpore pœnitentiâ acceptâ placuit sine recoaciliatoriâ manus impositione eis communicare, quod morientis sufficit consolationi secundum definitionem Patrum, qui hujusmodi Communionem congruenter viaticum nominarunt. Quod si supervixerint, stent in Ordine Pœnitentium, ut ostensis necessariis pœnitentiæ fructibus, legitimam Communionem cum reconciliatoria manus impositione recipiant.* Hic nomine Viatici, & Communionis concessæ moribundo Pœnitenti, non intelligi Eucharistiam patet ex Niceni Concilii *can. 13.* quo cavetur, ne ullus moribun-*

- ribundus fraudetur viatico, postea verò an sit ei danda Eucharistia, ad examen Episcopi remittitur. Nec eo nomine significatur reconciliatio ultima & canonica, quæ erat finis, & veluti fibula penitentia, quia præcipitur, ne ea tribuatur, jubeturque Penitens, si convalescerit, redire tanquam vere non reconciliatus ad curriculum penitentia. Significatur ergo eo nomine absolutio peccatorum, hæc dari præcipitur, ergo supponitur, non fuisse autem Penitentem absolutum, dum penitentiam accepit.
40. 9. Patres sæpissimè comparant ultimam illam Pœnitentis reconciliationem Baptismo, ergo ut Catechumenus non erat baptizatus antequam Baptismo solemni expiaretur, ita reconciliatus solemniter, non erat antea absolutus; & rursus uti Baptismus, ita ea ultima reconciliatio non erat sola pœnarum relaxatio, sed vera absolutio peccatorum, verumque Sacramentum. Alia multa possem afferre, sed hæc utpotè validiora sufficiant.
41. D. D. Sed ego quamvis ea non spernam, non tanti æstimo, ut insolubilia iudicem. Ut autem meæ Doctrinæ quæ proposita argumenta solvantur, fundamenta intelligas, prænotandum est primò, non omnes, qui à Pa-

DISPUTATIO XI. 321

Patribus & Conciliis vocantur Pœnitentes, fuisse in eum Ordinem ipsis petentibus & volentibus cooptatos, nec omnes, qui id peterent, amore pœnitentiæ petiisse. Igitur non pauci, ut ex præcedenti disputatione constat, ex suorum Antistitum, anathemata intentantium metu, Pœnitentiæ jugum subibant: alii eidem se submittebant, Principum auctoritate, vel timore compulsi: alii, ne ab Ecclesiæ foribus, tanquam Ethnici, vel Hæretici in perpetuum arcerentur. Hos haud quaquam fuisse statim absolutos, ultro concedimus, cum non satis constaret, intimo & vero eos dolore moveri. De his autem loquitur Clemens, dum vult eos jejuniis subjici & probari ante quam absolvantur. Hinc patet ad primum. His non absimiles erant non pauci ex 42 illis, qui tempore Cypriani reconciliari petebant, eâ infamiæ notâ, quâ lapsi inurebantur, liberari statim volentes, & liberâ aliorum consuetudine intra & extra Ecclesiam frui: quare non tam petebant humiles veniam, quam superbi procacibus verbis minisque, eam extorquere velle videbantur, quod alibi dolet ac detestatur idem Cyprianus. Non igitur absolvi ullo modo statim merebantur.

X

Adde

322 CALUMNIA XI.

Adde quod utrique de plena & ultima reconciliatione loquuntur, quam certè non fuisse statim concessam fatemur. Hinc patet ad quartum.

43 Prænotandum est secundo, Patres aliquando, nomine Pœnitentiæ & satisfactionis, significare ipsam internam pœnitentiam, vel etiam ipsam externam confessionem, quod utrumque absque dubio prærequiritur ad absolutionem, & hanc prærequirit Tertullianus in loco citato. Præterquamquod is Doctor, in hac materiâ, in qua semper ex nimio rigore aut erravit, aut ad errorem inclinavit, audiendus non est. Hinc patet ad tertium.

44 Prænotandum est tertio, Patres, dum dicunt, non tam faciliè placari Deum, opus esse longo fletu &c. sic loqui ad retundendam nimiam aliquorum securitatem, qui post brevem pœnitentiam tam certò se Deo reconciliatos putabant, ut suorum peccatorum obliviscerentur penitus, nec amplius veniam à Deo peterent, perinde ea non commisissent. Et hos redarguere vult Angelus apud Hermetem in loco citato; alioquin nunquam deberet pœnitens statim absolvi. Hinc patet ad secundum.

Præ-

DISPUTATIO XI. 323

Prænotandum est quartò, peccati iustis- 45
simam pœnam esse privationem auxiliorum
efficacium, eorum præsertim, quorum vi,
usque ad mortem in gratia perseveramus.
Quamvis autem Deus condonet culpam,
hanc pœnam non tam facillè condonat: unde
tam multi, quamvis verè post peccata recon-
ciliantur cum Deo, relabuntur postea, &
damnantur. Id facit, ut Sancti homines, qui
olim peccarunt, semper à Deo veniam pe-
tant, semperque petendam flendumque di-
cant. Dum ergo asserunt, Deum non tam
facillè reconciliari, & prærequiri longos fletus
& labores, non significant eos prærequiri, ut
Deus condonet præcise culpam, sed etiam
pœnam, præsertim prædictam, quâ non con-
donata, non salvamur, nec prærequiri omni-
no, sed ut certiores simus de nostra salute.
Hinc patet iterum ad secundum, & ad plera-
que quæ asseruntur ex Patribus.

Ad quintum, petitum ex textu Inno-
centii I. responsum est disputatione 3.

Ad sextum respondeo, quæsitum in illis 46
Conciliis fuisse, an esset orandum in Ecclesia
præsertim dum fit sacrum, pro iis Pœnitenti-
bus, qui essent mortui ante ultimam reconci-

liationem, quia ante illud tempus excludebantur in Ecclesia à precibus præsertim Eucharisticis. Cum ergo vivi non communicarent in his precibus, jure dubitatum est, an mortui communicare possent. Cæterum responsio Patrum Vasantium confirmat, verè datam fuisse Pœnitentibus duplicem absolutionem: responderunt enim, habendam esse etiam ipsorum memoriam in precibus & sacrificiis, *Quia nefas est eorum commemorationes excludi à salutaribus sacris, qui ad eadem sacra fidei affectu contendentes, dum se diutius reos statuunt, & indignos salutiferis mysteriis judicant, ac dum purgatiores restitui desiderant, absque Sacramentorum Viatico recipiuntur, quibus fortasse nec absolutissimam reconciliationem Sacerdos denegandam putasset.* Quæ ultima verba innuunt, pluries consuevisse Pœnitentes absolvi, sed in fine tantum *absolutissimè*, nempe per eam reconciliationem, quâ non solum omni culpâ, sed etiam omni pœnâ absoluebantur.

- 47 Quod additur de S. Leone, falsum est: non enim est probabile, ipsum negasse, quod plura Concilia tam justè concesserunt, & concedendum dixerunt, itaut nefas esse putarint

DISPUTATIO XI. 325

id negare, ut putarunt patres Vafenses paulo ante laudati, non ergo loquitur de verè prænitentibus, sed de iis, qui mortui erant sine absolutione, ex culpâ & negligentia suâ, sic enim subdit. *Nec necesse est nobis eorum qui sic obierint (nempe irreconciliati) merita actusque discutere, cum Dominus Deus noster, cujus judicia nequeunt compræbendi, quod sacerdotale Ministerium implere non potuit, suæ justitiæ reservaverit; ita potestatem suam timeri volens, ut hic terror omnibus profuit, & quod quibusdam tepidis aut negligentibus accidit, nemo non metuat. Multum enim utile est ac necessarium, ut peccatorum reatus, ante ultimam diem sacerdotali supplicatione solvatur.*

Ad septimum petitum ex Sancto Augu- 48
stino, dehortante Ministros Ecclesiæ à fugâ in persecutione, ut possent reconciliare Pœnitentes, qui id in eo periculo petebant, respondeo, Pœnitentes utcumque absolutos jure optimo petivisse in morte reconciliationem, & Communionem tum ex ratione, quam attulimus in tertia disputatione num. 28. tum quia post absolutionem eo medio tempore forte peccatum aliquod commiserant. Cæterum non deerant, ut supra diximus num. 41.

326 CALUMNIA XI.

ex Pœnitentibus , qui absoluti non erant, utpote qui pœnitentiam non inchoarant ex vero dolore culparum , qui proinde in eo periculo ex ratione speciali absolvi ptebant . Historia illius Catechumeni , & Pœnitentis confirmat quod initio monui , nempe ultimam reconciliationem non fuisse semper sacramentalem ; cum in defectu Sacerdotis, reconciliaret etiam non Sacerdos .

D. R. Quid ergo petiit absolvi ?

- 49 *D. D.* Ut moreretur cum ea consolatione recuperatæ pacis cum Ecclesia , quam putavit posse sibi ab eo Catechumeno tribui . Quod si ex errore putavit, hominem Laicum posse à peccatis absolvere , non abs re petiit ab eo absolvi , vel quia post acceptam pœnitentiam & primam absolutionem peccatum aliquod commiserat ; vel quia erat ex prædictis Pœnitentibus non absolutis sub initium pœnitentiæ , vel demum ad majorem securitatem , ut facimus omnes , quicumque in morte , quamvis antea absoluti , iterum confitemur ; vel ad exercitium humilitatis , unde invaluerat apud Fideles ille mos , qui etiam tempore Divi Thomæ perseverabat , nempe confitendi Laico in morte , si Sacerdos haberi non

DISPUTATIO XI. 327

non posset. Quia verò videtur ita narrari illud factum, perinde possit Laicus sacramentaliter absolvere & remittere peccata; ideo puto, illius historiæ Auctorem Augustinum non esse.

Ad octavum respondetur, jure Arausica-
50 nos Patres præcipere, ut in morte absolvan-
tur Pœnitentes, si nomine Viatici significatur absolutio in morte collata, tum quia, ut modo dicebam, licet antea absoluti, fortè iterum peccarant, tum quia, forte nec erant absoluti ex ratione superiùs allata, num. 41. ex qua nec modò absolvimus statim omnes Pœnitentes, utpote indispositos. Cæterum nego cum Cabassutio in notitia Conciliorũ ad hunc canonem tertium hujus Concilii Arausici, nomine *Viatici* intelligi ibi solam absolutionem, ac dico significari veram Eucharistiæ Communionem, ut omnes intelligimus docti, indoctique, nomine Viatici: cui interpretationi adeo non obstat Concilium Nicænum, ut ei suffragetur ex eodem Cabassutio, qui prædictum canonem decimumtertium, sic ex græco vertit. *Omnimodo autem, de quolibet quomodocumque vita excedente, & Eucharistiæ participationem petente, Episcopus cum exami-*

328 CALUMNIA XI.

natione oblat.onem impertiat. Et quidem miror, à vobis tantum studii impendi in explicandis Patribus contra obviū sensum, nempe ad ostendendum ita nos à majoribus degenerasse ut nec amplius eodem sensu, quo ipsi sunt uli, verba usurpemus.

- 51 Ad nonum respondetur, quod non sola ea ultima actio Pœnitentiæ publicæ, nempe reconciliatio Pœnitentis, habebatur ut alter Baptismus; sed tota complexio actionum, quæ fiebant à Pœnitente, & circa ipsum à Ministro: quare Pœnitentiam publicam vocabant Baptismum, non autem ipsam solam reconciliationem sic vocabant. Addo, necessarium non fuisse, quòd hæc duo in omnibus convenirent, ut communi eo nomine appellerentur.
- 52 Si verò quærat, an ea ultima Reconciliatio esset sacramentalis, ita ut absolveret à peccatis, respondetur ex dictis, eam necessario talem non fuisse, nec potuisse semper esse, cum aliquando reconciliaret non Sacerdos; igitur talis fuit cum reconciliabat Sacerdos, non erat, cum reconciliabat qui Sacerdos non erat. Quia verò plerumque reconciliabat Sacerdos, ideo plerumque sacramentalis erat, aut saltem poterat esse.

Ut

DISPUTATIO XI. 329

Ut autem solvantur reliqua, quæ obijci 53
possunt ex Patribus; notandum est, Patres
hac de re agentes (ut in aliis multis) esse ne-
cessariò benignè explicandos, cùm non distin-
guant Pœnitentem publicum à secreto, nec
unum genus peccati ab alio: non possunt ergo
intelligi, ut eorum verba sonant, alioquin
(quod ipse Morinus negat) nec secretò confi-
tentes statim absolvisset vetus Ecclesia, & à
multis tam seculis erraret præsens Ecclesia,
quæ post impositam pœnitentiam, antequam
ea peragatur, solet absolvere. Hunc autem
morem à vestrum nescio quo improbatum
novimus. Ipse nosti.

D. R. Quem?

D. D. Auctorem illius damnatæ pro-
positionis. *Per illam praxim mox absolvendi
ordo pœnitentiæ est inversus.*

D. R. Novi quidem.

D. D. Damno tuo novisti. Vereor ne
pestem tibi suam affricuerit.

D. R. Pravis Doctõribus adhæsi nun-
quam.

D. D. Cur ergo tantopere niteris osten-
dere, eam fuisse Veteris Ecclesiæ praxim, ut
venia nonnisi Pœnitentiâ perfunctis daretur?

D. R.

330 CALUMNIA XI.

D. R. Ne nimis citò absolvantur Pœn-
tentes .

D. D. Videlicet, ut statim absolvantur
nunquam , vel fere nunquam ; ipsoque opere
damnes, quos verbis non damnas, receptos &
perutiles Ecclesiæ mores .

D. R. Utilis certè non est absolutio pro-
perata .

54 *D. D.* Id quidem verum est, si benè
intelligatur, secus si male. Absolutio prope-
rata dicenda semper non est, quæ non differ-
tur, sed ea, quæ datur pœnitenti gravibus
culpīs onerato, vix confesso, nihil interroga-
to, nihil monito, fortè indisposito. Hæc sane
deproperatio damnanda est, non autem ea,
quæ pœnitens bene confessus, probè monitus,
ac præbens veri doloris signa, nullâ interposi-
tâ morâ, salubri pœnitentiâ mulctatus absol-
vitur. Cur enim Lazarum Divina voce con-
cussus, sua crimina detestantem, surgentem-
que de sepulchro suorum vitiorum non sol-
vam statim, nec obediam Deo jubenti *solvite*
eum, & finite abire? Sed hac de re satis actum
est disput. 5. ageturque iterum disp. 10.
part. 2.

CA-



CALUMNIA XII.

Confessariis fuit olim permissum , aut etiam injunctum , ut pœnitentium peccata , ad eos in officio continendos, revelarent .

DISPUTATIO XII.

Doct. Rig.



ID sanè negare audebit nemo , qui veteris pœnitentię disciplinam non ignorat: ea enim fuit hujusmodi . Qui suarum culparum dolore , commotus reconciliari cum Deo , & Ecclesiâ cupiebat , Pœnitentiarium Presbyterum , publicę pœnitentię præpositum adibat, eique culpas detegebat suas . Ille verò quę audiebat ,

332 CALUMNIA XII.

bat, si graviora essent, adeo non premebat silentio, ut statim perferret ad Episcopum, cuius erat ferre iudicium, an Pœnitens deberet easdem suas culpas publicè confiteri, aut permittere, ut ab alio publicè recitarentur. Ne autem credas, hæc à me sine auctore dici, Tapperum profero, qui art. 5. ubi agit de adjunctione factâ ab Episcopis canonî antiquo, dum constituerunt Presbyterum pœnitentiarium (de quo Socrates cap. 19. lib 5.) hæc habet *continebat autem hæc Episcoporum adjectio, quod ad Episcopum referret hic Pœnitentiarius peccata audita, maxime enormia, quamvis SECRETÂ, & per eum publicè recitarentur in Ecclesia.* Profero Lindanum Panopliæ lib. 4. cap. 69. & Pamelium in adnotationibus ad tractatum Sancti Cypriani de lapsis, & præsertim initio Adnotationum ad librum Tertulliani de pœnitentiâ, ubi agens de prædictis Presbyteris pœnitentiariis dicit, tunc *fuisse minora peccata perpetrata, tum ob verecundiam, tum ob severitatem eorum, qui iudices erant constituti: quippe qui peccata sibi privatim confessa, populo publicare fuerint soliti, & sic*
 2 *cogere ad pœnitentiam publicam?* Ex quibus tria manifestò inferuntur 1. consuevisse Cōfessarios

DISPUTATIO XII. 333

farios saltem post Novatum publicare peccata graviora, quæ per secretam Confessionem audierant. 2. Id factum non solum permittente Ecclesiâ, sed mandante, nam dicunt hanc fuisse adjectionem factam ab Episcopis canon antiquo. 3. Id factum ad continendos in officio fideles, qui ne publicam eam infamiam, sed notam incurrerent, à peccatis abstinebant, adeoque valde fructuosam hanc praxim fuisse, ut expresse notat Sozomenus cap. 16. lib. 7. & satis indicat Socrates loco cit.

Hanc autem Praxim fuisse toti Ecclesiæ 3 communem, & non propriam solius Ecclesiæ Orientalis, colligitur ex prædictis duobus Scriptoribus, & præsertim ex Sozomeno, quin orta videtur in Ecclesia Occidentali in qua fuere Novatiani, quorum ætate, & occasione, ea inuenta dicitur, & ab Orientali etiam Ecclesiâ recepta.

Prædictus mos perferendi ad Episcopum 4 peccata Pœnitentium confirmatur ex eo, quod ad Episcopum solum pertinebat ex jure ordinatio non solum reconciliare Pœnitentem, ut constat ex multis decretis Conciliorum, sed etiam pœnitentiam imponere
pro

pro qualitate delicti ut decernitur in Concilio Carthag. 3. can. 31. *Pœnitentibus secundum peccatorum differentiam Episcopi arbitrio pœnitentiæ tempora decernantur*. Ergo debebat Episcopus certior fieri, & quidem in specie, de commissis Pœnitentium delictis: non ab ipsis Pœnitentibus cum non posset audire, omnium confessiones, ergo à Confessariis ipsorum.

- 4 Certè negari non potest, aliam fuisse olim de obligatione sacri Sigilli doctrinam, aut persuasionem apud Patres, quam modò sit apud Theologos. Nam docent modò Theologi omnes, frangi Sigillum, si Confessarius peccatum grave Pœnitentis prodat, quamvis solum in genere, dicendo ipsum grave peccatum esse confessum. Id autem olim Confessarii impune, & sine timore culpæ fecerunt, ut patet ex historia, quam refert Petrus Damiani Epist. 32. lib. 6. Ep. Narrat enim, quemdam Monachum morti proximum, antequam Sanctum Viaticum quod ei delatum jam fuerat, acciperet, *sibi unum ex fratribus applicuisse, ejusque in aures nescio quod grave peccatum insusurras*. Id autem, sibi relatum ab ipso met Confessario fuisse, ita

DISPUTATIO XII. 335

ita dicit idem Petrus, ut clarè appareat, non consuevisse tunc tribui culpæ, quod eo modo proderent Confessarii Pœnitentium peccata: nihil enim dicit quo Confessarii factum improbare se ullo modo ostendat, totusque est in eo Monacho qui usque ad illud tempus distulerat confiteri, perstringendo; cum longè magis redarguendus esset Confessarius, si eo tempore viguisset hæc, quæ modo viget, Peccatorum, quæ quis ex confitente audit, alto silentio premendorum severissima disciplina.

Iidem Theologi modò docent, resignari 7
sacrum Sigillum, si Pœnitens cogatur facere pro occulto delicto publicam pœnitentiam, ex qua cognoscatur grave aliquod peccatum à Pœnitente fuisse commissum: perinde enim est, quod cogatur Pœnitens id revelare, ac quod ipse Confessarius revelet: eadem enim infamia resultat in Pœnitentem ex utroque casu, eademque sequitur confitendi difficultas. Nec facit quod in primo casu Pœnitens voluntariè subeat illud onus, dum voluntariè & liberè adimplet eam publicam pœnitentiam, nam etiam in altero casu voluntariè subiret illud onus, dum voluntariè & liberè confi-

336 CALUMNIA XII.

contiteretur, sciens suum peccatum à Confessario revelandum. Quod autem olim, etiam pro delictis occultis, imponeretur publica penitentia, testantur innumeri Scriptores antiquitatis studiosi. Est igitur certum, ab Ecclesia veteri non fuisse sacramentum penitentiae ita administratum, ut Penitentis confessio nullo modo proderetur: Hinc nullo veteri Concilio nullo Pontificum antiquorum decreto ante Innocentium III. cautum fuit, ne audita in confessione revelentur, nec ullum hac super re veteres Patres verbum habent. Non igitur à nobis calumniosè dicitur, quod ipse tanquam calumniam initio recitasti.

7 . . . D. D. Satis ex his intelligo, quid sentias de sacro sigillo, nempe ejus custodiendi legem non esse verè ab hujus sacramenti institutore Christo Domino profectam, sed ab Ecclesia per Innocentium III. in capite *omnis utriusque sexus* vel paulo ante, sancitam. Hæc autem ipsissima est Hæreticorum doctrina, qui iisdem argumentis, quibus tu moveris ad dicendum, legem sacri Sigilli non esse Innocentio III. antiquiorem, probare nituntur, non esse eodem antiquiorem confessionem auricularem, vel ejus usurpandæ præceptum.

Nec

DISPUTATIO XII. 337

Nec sanè unum ab altero disiungi facile possit. Unde miror, prædicta argumenta à te proponi, tanquam nihil dubites de veritate sententiæ. Sed hæc est communis rigidiorum Do-
 8
 ctorum, Novatorumque persuasio, id solum ad Religionem à Christo institutam pertinere, quod in Veterum scriptis, monumentisque reperitur dilucidè, expressè, disertissimèque traditum: perinde nulla sit in Ecclesia à Patribus per filios moribus transmissa doctrina, quam verbum traditum appellamus; nec Deus Ecclesiæ suæ clavem scientiæ dederit, quâ sacras scripturas, ipsorumque Veterum Patrum scripta, pro temporum opportunitate referaret, & reconditos inde veritatum, legumque thesauros depromeret. Latuit olim, diuque latuit ipsos Hebræos sacræ paginæ custodes doctoresque Mysterium Trinitatis, quamvis in ipsis Scripturis contentum; multa, quæ continentur in Evangelio, latuere Christi discipulos ante diem Pentecostes, quo facti sunt Scripturarum interpretes, & legis novæ Doctores. Incerta fuere tot alia præteritis sæculis, quæ posterioribus Conciliis definita, tanquam certissima credimus & profite-
 mur. Potuit ergo aliquid ad Sacramenti insti-
 tutio-

338 CALUMNIA XII.

9 tutionem verè pertinens, diù latere, quamvis in scripturis contentum, quod postea fuit traditum & explicatum. Hujusmodi tamen non est lex sacri Sigilli. Fuit illa Patribus non ignota, & quâ decuit severitate custodita.

D. R. Cur ergo de illa tam altum longumque silentium, nempe usque ad decimum tertium seculum?

D. D. Quia de ea agere non fuit opus, utpote omnibus exploratâ, ab omnibus admittâ: ex qua eadem ratione, ut notat Cardinalis de Lugo disp. 23. de pœnitentia sect. 1. num. 1. Concilium Tridentinum, quamvis tam multa de Confessione, aliisque ad eam pertinentibus doceat, nihil circa sacrum Sigillum docet, aut definit: Nullus enim Hæreticus, qui confessionem admiserit, ipsum severissimè custodiendum negavit.

10 Verùm nihil me cogit hoc tibi concedere, nempe nihil apud veteres Scriptores reperiri, unde colligatur consuevisse veteris Ecclesiæ Sacerdotes religioso silentio suppressere, quæ à Confitentibus audivissent; imo non pauca sunt, quæ falsum id esse demonstrant. Seligo duo illustriora. Refert Sozomenus eo cap. 16. lib. 7. consuevisse Episcopos, post hæresim

DISPUTATIO XII. 339

resim Novati eum eligere in Presbyterum Pœnitentiarium, qui secreti esset apprimè tenax, quod sane inutiliter, insipienterque factum esset, si idem Presbyter, ex munere suo, Pœnitentium culpas etiam occultas, publicare debuisset. Est igitur manifestè falsum, quod ex Tappero, Lindano, & Pamelio dicebas, eam nempe fuisse prædicti Presbyteri Pœnitentiarii provinciam, ut audita in Confessione ad Episcopum deferret. Et sane si hoc fuisset hujus Pœnitentiarii munus, Sacerdos ille Pœnitentiarius, qui Constantinopoli, celebris illius matronæ confessionem excepit, Nectarium de Mulieris sacrilegio monuisset, quod ille non fecit, sed ipse, Episcopo penitus inconsulto, sententiam dixit, & pœnitentiam publicam imposuit. Ex quo factò colligitur, non fuisse ubique receptam eam legem, ut Pœnitentiarii Sacerdotes Episcopum consulerent, priusquam imponerent pœnitentiam. Ubi verò ille mos receptus fuit, tunc solum Pœnitentiarii Sacerdotes Episcopum adibant, tanquam arbitrum publicæ Pœnitentiæ, vel ad eum Pœnitentem mittebant, cùm delictum atrox erat & publicum, ut patet ex eo Hincmari Remensis edicto ad suæ diecesis

Parochos, quod recitat Sirmondus in hist. pœnit. publ. cap. 6. Est autem hujusmodi. *Unusquisque Sacerdos maximam providentiam habeat, quatenus si fortè in Parochia sua publicum homicidium aut adulterium, sive perjurium, vel quodcunque criminale peccatum publicè perpetratum fuerit, statim si auctorem facti, vel consentientem adire potuerit, hortetur eum, quatenus ad pœnitentiam veniat coram Decano, & Compresbyteris suis, & quidquid ipsi inde invenerint, vel egerint, hoc comministris nostris, Magistris suis, qui in civitate consistunt, innotescat; ut infra quindecim dies, ad nostram præsentiam, si intra Parochiam nostram fuerimus, veniat; & juxta traditionem Canonum publicam pœnitentiam cum manus impositione accipiat.*

- 12 Alter locus illustrior præcedenti est ea celebris S. Leonis primi epistola ad Episcopos per Campaniam, Samnium, & Picenum constitutos, quam recitavimus disp. 6. num. 18. Ibi enim Sanctissimus Pontifex disertis verbis damnat istam, quam tu dicis fuisse Ecclesiæ veteris consuetudinem, publicandi Pœnitentium occulta delicta; eamque dicit paulo ante sibi innotuisse, quamvis illæ provinciæ parum ab Urbe distarent. Fuit igitur res nova,

DISPUTATIO XII. 341

va, reprobata, ac statim extincta. Rursus cam vocat *improbabilem consuetudinem*, *illicitam usurpationem*, *præsumptionem contrariam regulæ Apostolicæ*, non igitur ea fuit Ecclesiæ consuetudo, sed aliquorum desectentium à regulis Apostolorum, qui hujus sacri sigilli leges à Christo sancitas, Ecclesiam docuerunt, unde ibidem bene colligit idem Pontifex, sufficere confessionem secretam, non enim ea semper sufficeret, si unquã Confessario liceret suo jure Confitētis scelera revelare. Igitur ab ipso tempore Apostolorum usque ad Leonem, inviolatū fuit in Ecclesia Cōfessionis sacramentalis sigillum, ergo etiam postea, tum quia nunquam Ecclesia recessit à Regulis Apostolorum, tum quia si quod habet argumentum vestra sententia, à prioribus seculis petitur. Cum ergo probaverim priorum temporum Ecclesiam à Regulis Apostolicis non deflexisse, nec deflexisse credenda est Ecclesia temporum posteriorum.

Quod ex Petro Damiani narrasti, adeo 13 mihi non obest, ut profit. Non enim æger ille Monachus *applicuisset* sibi Confessarium, *ejusque in aures submissâ voce peccatum suum insusurraisset* sollicitus ne ab adstantibus audiretur,

342 CALUMNIA XII.

tur, si tunc Confessariis licuisset audita à Pœnitentibus prodere, ac publicare. Certe id licere non putavit Petrus Damiani vir doctissimus, quique (ut refert Card. Bellarminus de Pœnit. lib. 3. cap. 10.) in serm. de S. Andrea loquens de Sacerdote Confessario, *Videat* (inquit) *ne unquam de his, quæ sub signaculo Confessionis accepit, aliquam faciat mentionem.*

D. R. Cur ergo Petrus factum narrans, loquacioris Monachi sacrilegium non damnat?

D. D. Quia ille non erat damnandi locus. Erat enim aliud illius epistolæ argumentum.

D. R. At incredibile prorsus est, Monachum illum, ausurum prodere Petro Damiani homini rigidissimo quæ audierat in Confessione, si putasset id esse sacrilegium. Non putavit ergo.

D. D. Quid inde?

D. R. Ergo ea tunc erat Ecclesiæ persuasio, posse sine delicto revelari saltem in genere scelera Pœnitentium.

D. D. Nego consequentiam. Non enim in uno Manacho tota claudebatur Ecclesia. Igitur non fuit ea Ecclesiæ persuasio, sed fortè illius

DISPUTATIO XII. 343

illius Monachi; qui non admodum doctus putavit satis esse species delictorum reticere, quod ille religiosissimè fecit, vel minùs arctare sacri sigilli legem, postquam Pœnitens è vita migravit, æger enim Monachus objerat, cum is ejus cōfessionem prodidit. Nec dubito, multos circa millesimum (ea enim fuere infelicissima Ecclesiæ tempora) in absurdas circa hoc opiniones abjisse. Quare mirum non est, quòd post ea tempora, tam sæpè Pontifices, & Concilia monuerint Confessarios, ut sacrum sigillum custodiant, cùm præsertim jam cepisset frequentius usurpari auricularis, & secreta Confessio, ac proinde frequentius jam esset hujus sacrilegii committendi periculum. Ex qua eadem ratione, ex eo tempore frequentius monent Patres, ne pro delictis occultis imponatur hujusmodi pœnitentia, ex qua delictum ipsum cognosci possit. Quod genus pœnitentiæ nunquam ab Ecclesia impositum fuisse, satis ostendi disp. 7.

D. R. Adhuc tamen eruditi repu- 14
gnant, & repugnaret, ut arbitror, Morinus.
Ut ut enim, multa ejus argumenta solveris,
non videris solvisse præcipuum, quod ille pe-
tit ex ea veteris Ecclesiæ consuetudine su-

344 CALUMNIA XII.

spendendi vel deponendi Clericum pro aliquibus delictis, quamvis clanculum ea perpetrasset. Ea enim tua responsio non semel tradita, quod ea Clerici suspensio vel depositio Censura quædam esset, aut pœna Censuræ similis, non autem pœnitentia sacramentalis, Morino visa est prorsus inutilis primò, quia adhuc verum est, quod præcipuè ipse intendit, nempe Ecclesiam antiquam pro occulto delicto pœnam publicam Clericis irrogasse, & quidem talem, ex qua faciliùs deveniri poterat in cognitionem delicti occulti, quàm ex quavis pœnitentiâ Laico impositâ, cùm esset inusitatum quod Sacerdos sese munere suo, vel gradu sponte abdicaret, ergo si vetus Ecclesia eam pœnam Clericis clam delinquentibus imposuit, potiori jure pœnitentiam publicam Laicis clanculum in quædam crimina lapsis imposuit, nam si delinquentis *honori, & famæ consulendum fuit, id sane potius factum oportuit Clericis, quam Laicis.* Secundò, quia pœnitentia publica fuit quædam Censura, idest verè, & substantialiter excommunicatio, ergo si potuit Ecclesia censuram infligere pro occulto delicto, potuit etiam pro eo pœnitentiam publicam imponere. Tertiò quia
in

DISPUTATIO XII. 345

in veteri Ecclesiâ non fuit ea distinctio fori interni ab esterno, ea igitur pœna depositionis, vel suspensionis fuit Clerico inflicta in foro interno, ergo quandoquidem pœnitentia publica fuit, eaque inflicta pro occulto delicto, colligitur manifestè, veterem Ecclesiam pro delictis etiam occultis pœnitentiam publicam in foro sacramentali imposuisse. In hunc fere modum Morinus toto fere libro 5. & præsertim cap. 11. & cap. 26. & lib. 1. cap. 10.

D. D. Sed, si vera sunt hæc, jam falsum est, quod idem Morinus toto cap. 19. lib. 2. docet, nempe, *Ecclesiam continuâ traditione ab Apostolis accepisse, Confessionis sigillum nunquam esse resignandum.* Et quidem, nisi tot aliis argumentis mihi constaret hujus Doctores sincerissima fides, & singularis pietas, dicerem, voluisse eum Lectoribus illudere, sanæque doctrinæ errores intermiscere. Quâ enim ratione ista duo cohæreant, *Ecclesiam continuâ traditione ab Apostolis accepisse, Confessionis sigillum nunquam esse resignandum;* & simul, *eandem Ecclesiam publicasse, saltem in genere, per prædictas pœnitentias depositionis, & suspensionis, Pœnitentium occulta delicta, quod non uno libri capite probare curavit, ut illud primum,*

346 CALUMNIA XII.

mum, sed toto fere libro 5. ut ipse idem dixisti. Igitur si primum est verum, ut absque dubio est, nequit esse verum etiam alterum.

- 16 Ad argumentum propositum, iterum nego quod negavi disp. 7. fuisse Clericum in foro conscientie mulctatum pœnâ depositionis, seû suspensionis. Igitur deponebatur quidem, vel suspendebatur Clericus pro aliquo occulto delicto, ut modò etiam fit, non tamen per sententiam prolatam à Confessario, & ex notitia delicti habita ex ipsa Clerici Sacramentali Confessione, sed vel per sententiam prolatam à Clerici Superiore in foro externo, ex notitia delicti habita extra Sacramentalem Confessionem, vel facto ipso ut modo incurritur pœna censuræ, quæ proindè duplex est, alia sententiæ ferendæ, quæ incurritur post Judicis sententiam, alia latæ sententiæ, quæ facto ipso incurritur, adeoque ante sententiam Judicis, ex eo quod fiat id quod à lege sub ea pœna prohibetur. Possesse autem in foro eterno puniri publicâ pœnâ occultum delictum, est indubitatum, ut dixi disput. 7.

- 17 Hinc ad primam probationem respondeo, quod si Morinus id præsertim intendit, nempe

DISPUTATIO XII. 347

nempe, Clericorum etiam occulta delicta, fuisse ab Ecclesia pœnâ publicâ castigata, operam perdit; non enim id modò quæritur, an Ecclesia palàm punierit clanculum commissa, sed an id fecerit in foro secreto Pœnitentię. Quod si ex primo colligit, potuisse fieri ab ea etiam hoc alterum, ostendit, sibi non esse satis perspectam naturam, & institutionem Confessionis Sacramentalis, quæ ea est, omnium Theologorum judicio, ut delicta per ipsam solam cognita aliis manifestari, aut indicari nullo prorsus modo, adeoque nullo aut verbo, aut factò possint. Si enim semel admittatur aliquis casus, in quo hæc manifestatio, aut indicatio liceat, facilè multi casus esse hujusmodi putarentur, vel saltem facillimè Fideles suspicarentur, ne suus casus censeretur à Confessario esse ille, in quo revelatio liceat, quæ suspicio redderet plebisque peccantibus præceptum confitendi adeò arduum, & odiosum, ut vix ullus Confessionem rite obiret, quod profectò colligitur ex ingenti difficultate, qua modò Peccatores detegunt Confessori culpas suas, quamvis hæc prodi in nullo unquam casu possint. Ergo si scirent, detegi eas posse, insuperabilem prope-

348 CALUMNIA XII.

propemodum difficultatem præceptum Confessionis haberet, qualem certò continere non debet ullum præceptum, ne sit communis occasio ruinæ, & multò minus illud quod Christus impoiuit dum Sacramentum ex singulari in nos benevolentia, & misericordia instituit. Est igitur asserendum, prædictum Sigillum esse omninò irrefragabile. Quare optimè Navarrus sic ratiocinatur super cap.

18 *Sacerdos de pœnit. dist. 6. num. 118. Nihil mali adeò grave occurrere pòtest, quo non sit gravius & pejus Ecclesiæ Christianæ, Confessionem Christianis exosam fieri, & abominabilem. At simul ac conceßerimus Confessionem contrà confitentis voluntatem revelari posse, exosa fiet illa, & toti Ecclesiæ molesta, ergo obnullam causam id fieri pòtest. Ex quo eodem principio colligit Card. de Lugo de Pœnit. disp. 23. sect. 5. num. 97. non solum non posse Confessarium revelare directè, vel indirectè peccata pœnitentis, sed nec uti notitià habità ex Confessione cum ullo gramine, aut damno Pœnitentis in honore forturis, muneribus, officiis &c. Quare ea cuiusdam vestri Doctoris propositio, Scientià ex Confessione acquisitâ uti licet, modò fiat sine directâ, aut indirectâ revelatione, & gravami-*

DISPUTATIO XII. 349

vamine Pœnitentis , nisi aliud multò gravius ex non usu sequatur , in cujus comparatione prius meritò contemnatur , fuit Romæ ann. 1682. sapientissimè proscripta , quatenus admittit usum dictæ scientiæ cum gravamine pœnitentis .

Ex his patet , nullam vim habere illud Morini argumentum petatum ex eo , quod si Ecclesia potuit non consulere famæ Clerici , ipsum suspendendo propter occultum delictum , unde ille infamabatur , à fortiori potuit non consulere famæ , & honori Laicorum ; adeoque eos damnare , etiam propter occulta delicta ad publicam pœnitentiam , quæ minus Laicum infamabat , quàm ea suspensio Clericum infamaret . Nam vel loquitur de Ecclesiâ puniente in foro interno , & neutrum facere potuit ; vel loquitur de Ecclesia puniente in foro externo , & utrumque facere potuit , facitque aliquando .

At cur Ecclesia potest in foro externo ,¹⁹ propter occultum delictum pœnam infligere , quâ quis infamatur ; non potest id facere in foro interno ?

Quia illud primum nullâ lege prohibetur Ecclesiæ , imò nec ulli legitimo Principi . Hoc autē alterum vetitū fuit à Christo Domino ,

350 CALUMNIA XII.

no, qui sic instituit hoc Sacramentum, ut ex eo nulla infamia, nullumque damnum redundaret in Pœnitentem.

- 20 Ad secundam probationem, quâ dicitur publicam pœnitentiam fuisse veram Censuram, nempe *verè, & substantialiter Excommunicationem*, respondeo, id esse manifestè falsum, nec posse asseri à non ignorante quid publica Pœnitentia fuerit, quidque fuerit, & sit ea Excommunicatio, quæ appellatur Censura; hec enim non est sola privatio Communionis Eucharisticæ (quam pœnam certè continebat publica pœnitentia) alioquin Confessarius ex iusta causa Pœnitenti Communionem Eucharisticam pro certo quodam tempore interdicens, Pœnitentem excommunicare diceretur, sed est etiam privatio civilis Communionis, aliorumque bonorum, quibus certè publicus Pœnitens non privabatur, hinc Sylverius Papa qui anno 535. regebat Ecclesiam, apertè excommunicatos à Pœnitentibus discriminat hoc suo decreto, cujus meminit Burchard. lib. 5. cap. 19. & Ivo decreti part. 2. cap. 29. *Singulis diebus Dominicis in Quadragesima, præter hos qui excommunicati sunt, & præter illos, qui in publica Pœnitentia*

DISPUTATIO XII. 351

tia sunt, Sacramenta Corporis, & Sanguinis Christi sumenda sunt. Rursus Censura, communi Canonistarum, Theologorumque veterum, & recentiorum suffragio, infligitur impenitentibus, seu contumacibus, at publica penitentia imponi debebat Pœnitentibus. Item publica Pœnitentia, ut ex innumeris Patrum & Conciliorum textibus constat, petebatur plerumque, & quidem summis precibus, tanquam beneficium, hinc aliqui dicebantur habere jus ad Pœnitentiam, aliqui non, & ad primam dabatur jus, non autem ad secundam. E contra, nemo unquam petiit excommunicari, suspendi, aut Interdici: nec Censura fuit unquam habita loco beneficii, aut commodi, ad quod jus haberetur. Tandem censuræ finis est Rei penitentia, seu resipiscentia, ut loquuntur, at Pœnitentiæ finis est peccati, seu penæ debitæ pro peccatis remissio, hinc censura tolli statim debet, ac reus resipiscit, ac proinde certam, ac definitam durationem non habet; nec infligitur, ut certo aliquo tempore perseveret, secus penitentia, quæ imponebatur tanto ac certo tempore duratura, ex.gr. toto triennio, quinquennio, septennio duratura, licet

352 CALUMNIA XII.

licet postea pro merito Pœnitentis corripere-
tur. Quis non miretur hæc tam diversa à
viro tam erudito confundi ?

21 Verum quidem est, in aliquibus excom-
municatos cum publicè pœnitentibus conve-
nisse, nam ut illi, ita hi initio præsertim pœ-
nitentiæ mysteriis Divinis cum celebraban-
tur, adesse non poterant, & rursus utrique
jure Oblationis, & Communionis privaban-
tur, & neutri jus dicere poterant. Sed si
quæcunque in aliquibus similia sunt, eadem
essent, jam omnia idem forent.

22 Ad tertiam probationem, peticam ex
eo, quod in veteri Ecclesiâ fuerit unum tan-
tùm forum, respondeo, eam peti ex falso,
ut error manifestus, qui inde infertur, osten-
dit. Si enim unicum fuit in Ecclesia veteri
forum, nullus fuit in ea usus Sacramentalis
Confessionis, quod probo sic. In Ecclesia ve-
teri fuit absque dubio forum externum quod
internum non fuit, ergo si in ea fuit unum
tantum forum, externum solum fuit, ergo
non fuit in ea forum sacramentale, quod in-
ternum est. Quod autem fuerit in Ecclesia
veteri forum externum, quod internum non
fuit, ostenditur primò ex terribili illâ Divi

Pau-

DISPUTATIO XII. 353

Pauli sententiâ, quâ Corinthium, hominem incestuosum tradidit Satanæ. Eam quippe tulit Paulus absens, & in hominem non accusantem se, sed accusatum, adeoque non tanquam Confessarius, ergo non in foro interno, sed in solo foro externo, adeoque in foro externo, quod internum non fuit. Ostenditur secundo, ex tot Conciliorum, Episcoporumque decretis, pœnas statuentibus, quibus afficerentur impœnitentes & contumaces, quæ ad aliquod forum pertinent; non ad internum, ad quod utpote forum pœnitentiæ, pertinere non possunt impœnitentes, ergo ad forum externum quod internum non fuit. Ostenditur tertio ex tot aliis eorundem decretis, seu canonibus, quibus statuitur, ut severius puniantur denunciati & convicti. Quis autem dicat, denunciationem, & punitionem Rei negantis, seu sponte non confitentis, & aliorum testimonio convicti, pertinere ad forum internum, in quo nemo accusatur ab altero, nemo contra alterum testatur, nemo convincitur, ac tandem nemo punitur, nisi sponte confessus? ergo pertinebant ad forum externum, quod internum non erat. Ostenditur quarto illi omnibus ar-

Z

gu.

354 CALUMNIA XII.

gumentis quibus ipse in decimâ disputatione probasti, fuisse aliquando reos coactos subire penitentiam, adeoque per vim fuisse ab Episcopis comprehensos, carceri mancipatos, flagellis cęfos. Quis autem dicat, has actiones violentas, quę certè fiebant ab habente, jurisdictionem & forum, pertinuisse ad forum internum & voluntarium, factasque ab Episcopis fuisse tanquam Confessariis? ergo pertinebant ad forum externum, quod internum non erat, ergo fuit in Ecclesia veteri forum externum quod internum non fuit, ergo si fuit in ea unicum tantum forum, solum externum fuit, ergo si verum est, quod dicit Morinus, non fuit in ea forum sacramentale, quod internum est. Sed hoc salvâ fide, dici non potest, ergo falsum est, quod in Ecclesia veteri fuerit unum tantum forum, sed verè duplex fuit, externum unum, alterum internum.

Nec facit, quod omnia dirigerentur ab
 23 Episcopis ad pœnitentiam & curationem delinquentis; quodque Pœnitens, dum tandem reconciliabatur, absolveretur simul (ut putat Morinus) à peccatis, & à quibuslibet pœnis. Nam etiam modò Censurę infliguntur
 ad

DISPUTATIO XII. 355

ab Episcopo intendente resipiscentiam , & curationem delinquentis , & rursus subinde idem Sacerdos Pœnitentem à censuris , & peccatis in foro sacramentali absoluit , nec tamen unicum modò Ecclesiæ forum est censuras infligens , & pœnitentiam imponens , à censuris , & à peccatis absolvens .

Satis per hæc Morino responsum est , ostensumque , veteris Ecclesiæ Confessarios ,²⁴ nec verbo , nec facto , signoque ullo confessionis sacramentalis sigillum resignasse , adeoque pro delictis occultis nec suspendisse unquam Clericos , nec publicam Laicis pœnitentiam irrogasse , idque esse adeo verum , ut mirer negari ab eo potuisse , qui Sacramenti Pœnitentiæ institutionem & veteris pœnitentiæ disciplinam non ignoravit , quorum neutrum satis perspectum habetis quicunque estis rigidi Doctores . Illud autem primum ignoratis præsertim , hinc reliqui errores . Sacramentum Pœnitentiæ videlicet vobis fingitis aliud ab eo quod Christus instituit , hinc aliam ab eâ quæ viguit , fuisse putatis veteris Ecclesiæ iu administrando hoc sacramento disciplinam ; hinc illæ calumniæ , quas hæte-

356 CALUMNIA XII.

nus difficere curavi, hinc (uno verbo) totus Rigorismus vester, cujus illud unicum seu præcipuum remedium est, ut primum illum errorem ex quo hoc malum oritur, deponatis, ac probè intelligatis, voluisse Christum Dominum, ut Sacramentum penitentiæ sit sacramentum misericordiæ, sacramentum mortuorum, idest peccatorum & rursus sacramentum iisdem necessarium. Ex eo, quod est sacramentum Misericordiæ & condonationis, nõ debet rigide, sed miseticorditer ministrari. Ex eo quod est sacramentum mortuorum idest peccatorum, debet infirmis, & imbecillis accommodari. Ex eo quod est Sacramentum omnibus peccatoribus necessarium, non debet ulli peccatori rite petenti denegari, aut facile differri. Ex eo quoque quod est omnibus necessarium, exosum reddi non debet, ac nimis difficile, ergo nec publica larentium peccatorum confessio, aut penitentia præcipienda est, nec asperior, aut longior plurium ahnorum penitentia injungenda, nec demum peccata ex confitentibus audita prodenda sunt unquam, aut indicanda. Ergo nihil horum fecit vetus Ecclesia, quæ errare non potuit, ac proinde calumniæ sunt illæ, quas pri-

DISPUTATIO XII. 357

primâ hac mei Operis parte disficere curavi .
Ergo (quod probandum mihi erat alterâ parte)
non errat præsens Ecclesia quæ nihil horum
facit , quæque benignior quidem est ve-
teri Ecclesiâ , sed ei nihil contraria ,
ut nihil contraria est institu-
tioni benignissimi
Sacramenti .

F I N I S .

Z 3

I N-



I N D E X

RERUM NOTABILIMUM,

Quæ hoc primo libro continentur.

Prior numerus Disputationem iudicat, posterior numerum marginalem.

A

Absolutio an negata olim Clericis in maiora crimina prolapsis. Disp. 1. per totam. An quibusdam etiam Laicis insigniter criminosis. Disp. 2. per totam. An negata iis qui distulerant in mortem agere pœnitentiam. Disp. 3. per totam. An negata reis damnatis ad mortem. Disp. 4. per totam. An negata Relapsis post solemnem Pœnitentiam. Disp. 5. per totam. Absolutionem in morte nemini denegandam statuunt Cælestinus, & alii Pontifices. Disp. 2. num. 6. & D. 7. n. 17.

Absolutio dilatane fuerit olim ad finem Pœnitentiæ an concessa etiam statim post Confessionem? Disp. 11. per totam.

Absolutionem differre anceps remedium nec facile adhibendum. Disp. 5. num. 41. Regulæ

Z 4

in

- in hoc servanda* . Disp. 5. à num. 31.
- Absolutio properata quæ sit* . Disp. 11. n.54.
- Absolutio peccatorum quanto labore meretur
quæri* . Disp. 5. n.23.
- Absolutio duplex una solius culpæ , altera etiam
pœnarum quarundam , & an utraque simul
concessa ab Ecclesia veteri* . Disp. 3. n.26. D. 5
n.19. D.5. fere per totam .
- Absolvendi formula deprecativa olim usurpata ,
ut dicitur* . Disp. 11. n.16.
- Alexandri Papæ III. discreta sententia in causa
occulti Pœnitentis* . Disp. 7. n.21.
- S. Ambrosius solemnem pœnitentiam semel tan-
tantum fieri docet* . Disp. 5. n. 27. Hortatur
ad pœnitentiam constantem . Disp. 8. nu. 5.
- Theodosium expellit ab Ecclesia , & curat* .
Disp.9. n.51. Pœnitentibus absolutis faculta-
tem accedendi ad Communionem dari dicit .
Disp. 11. n.27.
- Antiqua jura tenenda* . Disp. 5. n.27.
- S. Augustinus docet esse magnam pœnam deferri
impunitum* . Disp. 5. n.13. Verè pœnitentem
de salute certum reddit . *ibid.* Dum agit de
Pœnitentia agit sæpè de Sacramento Pœni-
tentie . Disp. 5. n.22. Reddit rationem , cur
solemnis pœnitentia non iteraretur . Disp. 5.
n.16.

n.16. *Commendat Dei misericordiam in Relapsos . Disp.5. num. 17. Monet peccatorem conversum ne relabatur . Disp.5. n.22. Hortatur ad pœnitentiam, & Confessionem. n.22. & 23. Redarguit inscitiam Paganorum improbantium , quod in nostra Religione Peccatores absolvantur . Disp.5. n.24. Docet absolvendos esse etiam Relapsos . Ibid. Sola manifesta peccata puniri publicè . Disp.7. n.15. Publicam pœnitentiam solitam fieri à solis criminosis . Disp.7. n.22. Et pro delictis publicis, & scandalosis . Disp.8. nu. 16. Correctionem in secreto faciendam docet . Disp.8. n. 17. Pœnitentiam non esse sitam in habitu externo , aliisque hujusmodi , sed in mutatione morum . Disp.9. num.50.*

B

B *Alsamon quid dicat circa observantiam canonum Pœnitentialium . Disp. 9. nu.31. S. Basilii aliorumque Patrum canones Pœnitentiales . Disp.9. n.1. &c. Benignitas adhibenda cum Pœnitentibus . Disp. 2. à n.2. Disp.3. n. 20. Adhibita à S. Chrysost. Disp.5. num.29. Disp.9. num.57.*

Z 5

S.Bo.

S. Bonifacius Mog. Ep. jubet statim absolvi Pœnitentes . [Disp. 9. num. 47.](#)

C

C *Anones Pœnitentiales SS. Basilii , & aliorum .* [Disp. 9. n. 1.](#) *An sint ipsorum .* [n. 17.](#) *An sapienter conditi .* [n. 30.](#) *An recepti .* [n. 30. 31.](#) & [32.](#) *An fuerint purè directivi .* [num. 32. 33.](#) & [34.](#) *An executioni mandati .* [num. 35.](#)

S. Carolus permittit absolvi quandoque qui occasionem non deseruit , sed promittit . [Disp. 5. num. 37.](#)

Catechismus Rom. docet , quando absolvi Pœnitens possit . [Disp. 5. num. 36.](#)

Clericis pœnitentia solemnis negabatur , non verò pœnitentia , & absolutio privata . [Disp. 1. per totam .](#) *Iidem tamen , uti etiam Monachi in graviora prolapsi severè puniebantur .* [Disp. 1. num. 3.](#) [Disp. 10. num. 9.](#)

Climacus carcerem horridum describit , & Pœnitentium ibi detentorum labores . [Disp. 1. n. 5.](#) & [Disp. 9. num. 5.](#)

Cælestinus L. jubet omnes Pœnitentes absolvi in morte , & hortatur ad benignitatem . [Disp. 3. num. 17.](#) [Com-](#)

Communione dandam Reis ad mortem damnatis. Disp. 4. per totam. *Denegatam olim criminosis.* Disp. 3. num. 5. *Nulli negandam in morte.* Disp. 2. 6. & Disp. 11. num. 50. *Nec in vita faciliè negandam.* Disp. 9. num. 25.

Concilium Arelatense 1. an fuerit confirmatum Disp. 3. num. 4.

Concilium Eliberinum quale fuerit. D. 2. n. 8.

Concilii Nicæni decretum de S. Viatico nemini negando. Disp. 2. n. 6. & Disp. 11. n. 50.

Concilium Trident. confirmat decretum antiquum de omnibus Pœnitentibus in morte absolvendis. Disp. 2. n. 6. *Docet non fore prudentem legem obligantem ad publicam delictorum occultorum Confessionem.* Disp. 6. n. 20.

Confessarius disponat Pœnitentem indispositum. Disp. 5. nu. 43. *Intrepide reiiciat indignum.* Disp. 9. num. 11.

Confessio secreta, & auricularis semper usurpata. Disp. 6. num. 18.

Confessio publica peccatorum etiam latentium an olim iuncta Fidelibus. Disp. 6. per totam. *An possit injungi.* Disp. 6. n. 20. & 21. *Facta laudabiliter à Potamio Episc.* Disp. 6. n. 1. *Imprudenter facta à Matrona.* *Constantinopol. num. 1.*

- Confessionem ex pudore omittentes increpantur*
à Tertulliano, aliisque Patribus. [D.6.n.5. & 6](#)
- Correctio facienda in secreto*. [Disp.8. n. 17.](#)
- S. Cyprianus refert ab aliquibus Episc. Africana-*
nis negatam fuisse veniam Mæchis. [Disp. 2.](#)
[n.8.](#) *Ipse eam negat serò penitentibus*. [D. 3.](#)
[nu. 2.](#) *Reliquis dandam docet, & redarguit*
Episcopos quasdam in hoc nimis rigidos. [D.3.n.](#)
[14.](#) *Defendit Cornelii Romani Pontificis be-*
nignitatem in causa Trophimi. [Disp.9. n.28](#)
[& 46.](#) *Refert, multos qui sacriligè communi-*
cabant, à Deo miraculosè punitos fuisse. [Disp.](#)
[9. num.38.](#)

D

- D** *E* [1](#) *misericordia in Peccatores celebratur*
à S. Leone Papa [Disp.3. n. 20.](#) *Eadem in*
Relapsos celebratur à S. Aug. [Disp.5. n.17.](#)
- Deus condonat omnes culpas*. [Disp.2. n.3.](#)
- Dilatio Absolutionis*. v. *Absolutinem differre*.
Absolutio dilata.
- Disponi Pœnitens debet à Confessario* v. *Con-*
fessarius.
- Dispositio Pœnitentis qualiter debeat innotescere*
Confessario v. *Confessarius*.

De.

*Doctrina Fidei successivè explicatur ab Ecclesia,
& Fidelibus credenda proponitur. D. 12. n. 7.
S. Dunstanus gravem pœnitentiam imponit Ed-
garo Reg. Disp. 9. num. 12.*

E

Ecclesia per duo *fere* sæcula ab exortu suo
fuit potius benigna, quam severa. Disp. 9.
n. 18. Postea severior fuit per aliquot sæcula,
& cur? Disp. 9. num. 22.

Edgarus Rex gravi pœnitentia curatur à San-
cto Dunstano. Disp. 9. num. 12. & 53.

Episcopi pro reis intercedebant. Disp. 5. n. 17.
& Disp. 7. num. 16.

Eucharistia virtus ad remittenda peccata à Do-
ctoribus commendata. Disp. 3. num. 27.

Excommunicatio in Renuentes agere publicam
Pœnitentiam. Disp. 10. num. L. 2. & 3.

F

Felix Papa III. solemnem pœnitentiam in sta-
tiones distinctam imponit. Disp. L. n. 4.

Fidei Doctrina magis explicatur in dies ab Ec-
clesia. Disp. 12. num. 7.

Fo.

*Forum duplex fuit semper in Ecclesia . Disp. 12.
num.30.*

G

Gregorius II. *optimè describit , qua ratione
 curentur ab Ecclesia Pœnitentes. Disp. 10.
num.7.*

Gummarus Huighenius *omnino negandam abso-
 lutionem , Relapsis docet . Disp.5. n. 30.*

H

Henrici II. Angliæ Regis Pœnit. *pro eadē
 S. Thomæ . Disp.9. num.16. & 52.*

Henrici III. Imperatoris *satisfactio exhibita
 B.Greg. VII. Disp.9. num.14. & 52.*

S. Hieronymi *judicium circa Canones Pœniten-
 tiales . Disp.9. num. 32.*

I

Impositione *manuum Sacerdotis super Pœni-
 tentes quid significaretur . Disp. 11. n. 20.*

Innocentius **L.** *pœnitentialem' rigorem temperat .
 Disp.3. num.5. Dicit , absolvi consuevisse
 in*

in Cena Domini omnes Penitentes . Disp. 8. num. 8.

Inquisitionis Sacre Tribunal qua ratione se gerat cum Relapsis . Disp. 5. num. 3.

Jo. Aurelianensis Episcop. dolet quod perrari publicam penitentiam peragerent . Disp. 9. 42. & 47.

S. Jo: Chrysostomi benignitas in Peccatores: inde accusatus. Disp. 5. n. 29. Idem penitentiam benigne, & caute imponendam docet. Disp. 9. num. 57.

S. Jo: Evangelista juvenem perditum quaerit, & ad Penitentiam blande adducit . Disp. 2. n. 5.

Julius L docet, omnes in morte esse absolvendos: Disp. 3. num. 7.

Jura antiqua servanda . Disp. 5. num. 27.

L

S Leo dicit Presbiteros & Diaconos non esse ad Penitentiam admittendos. *Disp. 1. n. 1.* Jubet omnes etiam sero penitentes absolvi, & hortatur ad benignitatem. *Disp. 3. n. 20.* Jubet absolvi in aliquo eventu proximos morti qui significare tunc sua vota non possunt. *Ibid.* Redarguit quosdam obligantes ad publicam con-

confessionem . [Disp.6.n.8.](#) *Et alios facile denegantes communionem.* [Disp.9.n.25.](#) *Monachum factum militem, vel uxoratum puniri mandat.* [Disp.9.n.34.](#) *Eos qui differebant publicam pœnitentiam patienter expectari vult.* [Disp.10.n.13.](#) *Potestatem Sacerdoti datam ad remittenda peccata celebrat* [Disp.11.n.24.](#) *Monet non esse differendam pœnitentiam.* [Disput.11.n.47.](#) *Docet sufficere confessionem secretam.* [Disp.6.n.18.](#) & [Disp.12.n.12.](#)
Ludovici Pii Imperatoris pœnitentia apud Compendium. [Disp.9.n.15.](#) & [52.](#)

M

M *Agalonensis Episcopi epistola pro quodam Pœnitente.* [Disp.9.](#) num. 10.
Martyres & Confessores intercedebant pro lapsis. [Disp.9.](#) num. 44.
Monachi, & Monialis in quædam enormia peccata lapsorum pœnitentia. [Disp.1.](#) num. 4.
Monastica Disciplina, & Pœnitentiæ addicebantur olim Clerici in quædam crimina lapsi. [Disp.1.](#) num. 3.
Mortis tempore omnes Pœnitentes absolvendi. [Disp.2.](#) num. 3.

Occul-

O

Occultorum scelerum confessio aut Pœnitentia vid. Confessio.

Occulta delicta pœniri publice possunt in foro externo, secus in interno, reo reluctante. Disp. 7. n. 7. & Disp. 12. n. 19.

P

Peccatores benignè recipi mandant Apostoli ; Disp. 2. n. 2. Benigne eos recipit D. Paulus & Jo: Evang. Disp. 2. num. 5.

Peccata omnia remissibilia sunt. Disp. 2. n. 3.

Petrus Blesensis Abbatem nimis rigidum redarguit - Disp. 9. num. 27.

Petrus Damiani nescio quid ex Confessario sibi proditum refert. . Disp. 12. n. 4. & 13. Ejus doctrina circa sigillum confessionis. Ibid.

Pius V. Reis damnatis ad mortem Eucharistiam ministrari jubet, antequam supplicio afficiantur. Disp. 4. in fine.

Pœnitentia sollemnis qualis esset. Disp. 1. n. 3. & n. 4 Disp. 9. n. 1. Quam longa imponeretur. ib. An iterari posset. Disp. 5. n. 1. 16. & 17. An expe-

expetita ab aliquibus [n.12.& 14.](#) *Erat velut alterum Baptisma.* Ibid. & [Disp.1 L. 51.](#) *Negata Clericis.* [Disp. L. n.1. &c.](#) *Quam pauci illi se submiserint.* [Disp.9. nu. 37.](#) *Quandiu dureverit in Ecclesia.* [Disp.9.à num. 35.](#)

Pœnitentia publica pro delictis occultis an olim injuncta [Disp.7. per totam.](#) *An possit injungi.* [Disp.7.n.6.&c.](#) [Disp.8.n.20.](#) & [Disp.12. n. 16. &c.](#) *An olim injuncta pro quibuslibet delictis.* [Disp. 8. per totam.](#)

Pœnitentiam longam & asperam an verè imposuerit vetus Ecclesia etiam reluctantes, & Fideles eam peregerint. [Disp.9. per totam.](#) *An fuerit in ea sepe dispensatum, & cur?* Ibid. *An per Principes seculares fuerint Rei ad pœnitentiam compulsi.* [Disp. 10.](#) *An acceptata deferri posset.* [Disp.9. num.6.](#)

Pœnitentia infirmis quibus cœremoniis daretur. [Disp.3. num. 5. & 7.](#)

Pœnitentia gravis imposita Principibus. [Disp.9. num. 12. &c.](#)

Pœnitentiam Sacramentalem nomine Pœnitentiæ subinde significat D. Aug. [Disp. 5. num.22.](#)

Pœnitentiæ voluntariæ ingens exemplū. [D.1.n.8.](#)

Pœnitentiam differendam non esse. [Dis.1 1.n.47.](#)

Pœnitentia sit constans. [Dis.8.n.5.D.9.n.1.& 6.](#)

Pœni-

Pœnitentiæ imponendæ regulæ quædam proponuntur. Disp. 9. nu. 56. Potius benignior sit quam rigidior. Disp. 9. num. 61.

Pœnitentes an essent vera censura excommunicationis innodati. D. 11. n. 3. & D. 12. n. 16. &c.

Pœnitentem indispositum Confessarius disponat. Disp. 5. num. 43.

Pœnitentes curabantur diligenter. Disp. 10. n. 7.

Pœnitenti credendum quando sit. Disp. 5. n. 38.

Pœnitentium secessus in cap. Quadragesimæ quis esset. Disp. 10. n. 16. Ad illum Fideles invitabantur. Disp. 9. n. 16.

Pœnitentium præmium & corona. Disp. 5. n. 13.

Pœnitentiarii Sacerdotis institutio, & officium. Disp. 11. n. 15. & Disp. 12. n. 1. & 10.

Pœnitere diu & severè pro culpis gravioribus optimum, & tutissimum. Disp. 8. num. 18.

Disp. 9. n. 1. Disp. 11. n. 45.

Pœnitens solemniter erat irregularis. Disp. 1. n. 2.

Pœnitentem exemplo suo ad acceptandam Pœnitentiam impellebat Confessarius jejunans cum eo. Disp. 9. n. 59.

Pœnitentiales Canones. v. Canones Pœnitentiales.

Q

Quadragesimæ tempore velut in carcere claudebantur Penitentes usque ad Cenam Domini. Disp. 10. n. 16. Aliquot diebus ante Quadragesimam invitabantur Fideles ad Penitentiam. Disp. 10. n. 16. & 17.

R

Relapsi post penitentiam sacramentalē quando sint absolvendi, aliaque ad eos pertinent vide in verbo Absolutio.

Reis damnatis ad mortem an fuerit olim copia Confessarii negata. Disp. 4. per totam. Sunt utroque sacramento ad mortem muniendi. Ibid.

Rigidi cum Peccatoribus qui fuerint tempore D. Aug. Disp. 5. n. 24.

Rigoris nimii exempla afferuntur. D. 9. n. 23. & c.

Rigidi Doctores secum benigni. D. 9. n. 60. & 62.

Romualdus Othoni Imper. gravem penitentiam imponit. Disp. 9. nu. 13.

S

Satisfactio an sit necessaria ad culpæ remissionem. Disp. 11. n. 24. 52. & 44. Qualis debeat imponi v. Pœnitentiæ imponendæ regulæ. Secretum & sigillum Confessionis an servatum in Ecclesia veteri fuerit. Disp. 12. per totam. Violatur obligando Pœnitentem ad publicam occulti delicti confessionem, vel pœnitentiam. Disp. 12. num. 7.

Siricius quid statuatur circa Clericos lapsos, & Laicos pœnitentes. Disp. 1. n. 2. Circa Monachos & Monachas pariter lapsos. Disp. 1. n. 4. Circa Relapsos per solemnem pœnitentiam. Disp. 5. n. 11. Retinentissimus juris antiqui. Disp. 5. num. 27.

Socratis & Sozomeni historia de Institutione Presbiteri Pœnitentarii, & de confessione matronæ cuiusdam. Disp. 6. 4. Disp. 11. nu. 26. Disp. 12. num. 10.

Soteri Papæ decretum de communicando quinque in anno, & Dominicis Quadragesimæ. Disp. 11. num. 10.

Suarius reddit rationem cur non iteraretur solemnis pœnit. Disp. 5. n. 16. Quale iudicium ferre

ferre debeat Confessarius de dispositione Pœnitentis, antequam eum absolvat docet. Disp. 5. n. 35. *Debere eundem credere Fœnitenti &c.* Disp. 5. n. 38. *Non posse præcipi à Confessario confessionem publicam.* Disp. 6. n. 21. *Posse pœnitentiam imponi per modum consilii, vel conditionate.* Disp. 7. n. 6. *Non debere imponi in foro interno pœnitentias publicas pro occultis delictis.* Disp. 7. n. 4. *Posse tamen in foro externo.* D. 7. n. 7. *Canones pœnitentiales fuisse quasdam regulas directivas.* D. 9. n. 33.

T

T *Heodosii pœnitentia celebratur à S. Aug.* Disp. 9. nu. 39. *An cum eo severè egerit S. Ambrosius.* Disp. 9. num. 51.

R O M Æ, MDCCV.

Ex Typographia Cajetani Zenobii.

Superiorum permissu.

ERRATA

CORRIGE

pag. 5	verf. 19	rideuntibus	redeuntibus
6	11	monachosque	monachasque
8	24	millitare	milliare
9	3	minuta	minuta
13	14	moachis	monachis
17	16	recepti	recipi
19	16	factum	factum
35	10	includabilia	includabilia
39	20	marienti	morienti
75	4	ab Eccleba	ab Ecclesia
94	22	bonas	bonus
98	4	Licet & ergo	Licet ergo
190	5	eruentam	cruentam
199	4	antiquitas	antiquitatis
205	5	Si qui	Si quis
263	26	pubelle	perbelle
273	1	catehumena	catechumena
278	24	Crianos	Christianos
299	13	tutiò	tertiò
318	22	temperas	tempeftas
329	10	tam	jam

276

2
4.5.330

005650161



